

This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + Refrain from automated querying Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at http://books.google.com/

THE

ATTHASĀLINĪ

BUDDHAGHOSA'S COMMENTARY

ON THE

DHAMMASANGANI.

EDITED BY

EDWARD MÜLLER, PH.D. _

LONDON

PUBLISHED FOR THE PALI TEXT SOCIETY BY HENRY FROWDE OXFORD UNIVERSITY PRESS WAREHOUSE, AMEN CORNER E.C. 1897.

CORRECTIONS.

9 l. 15 f. b. instead of Sariputthao read Sariputtao. 11 l. 1 f. b. Mahagatimbayaº read Mahagatimbayaº. р. pathamabuddhavacanam read pathamao. р. 18 l. 7 f. t. 4 f. b. Abidhammassa read Abhidhammassa. 19 l. p. 26 l. 8 f. t. " angāņi read angāni. p. 31 l. 15 f. t. Tavatimsānam read Tāvatimsānam. p. 107 l. 5 f. t. ye vā pana ke read yevāpanake. p. 108 l. 9 f. b. pāni read pāni. p. 110 l. 1 f. b. andhāviya read andhā viya. p. 119 l. 17 f. t. ayasmā read āyasmā. sevitabbāsevitābbe read sevitabbāsevip. 123 l. 8 f. t. tabbe. p. 260 l. 13 f. b. adhimmokho read adhimokho.

ADDENDA.

- §§ 8—10 on p. 3, 4 refer to the first chapter of the Kathāvatthuppakaraṇa § 1—69 in Taylor's edition and p. 1—37 in Minayeff's edition of the commentary J.P.T.S. 1889.
- p. 198 Note 1: Besides Visuddh. p. 98 compare also Mahāvyutpatti § 52, Milindap. p. 332 and Hardy Eastern Monachism p. 268.
- p. 298 Note 6: Comp. Abel Rémusat in Journal des Savants 1831 p. 600 seq.

PREFACE.

In preparing the present edition of the Atthasālinī I have made use of the following manuscripts:

- 1. A Sinhalese manuscript bought by Professor Rhys Davids at Galle, Ceylon in 1887 = G.
- 2. Another Sinhalese manuscript bought by Professor Rhys Davids at Colombo in 1887 = C.
- 3. A Burmese Manuscript belonging to the Mandalay Collection in the India Office M.
- 4. A transcript in Roman characters made by the late Mr. Trenckner from a Sinhalese manuscript belonging to the University Library at Copenhagen = T.

None of these manuscripts can be called very good. They all show occasional blunders and in a few cases I was obliged to adopt a foreign reading either from the Dhammasangani itself, or from some other parallel text, sometimes also from the Atthayojana, a secondary commentary to the Atthasālinī, printed in Sinhalese letters at Colombo A.B. 2433.

On the whole, however, the four manuscripts mentioned may be considered sufficient for etablishing the text of the Atthasālinī. Whenever they do not all four agree, the rule is this, that G. and C. have one reading and M. and T. the other, which generally proves to be the better one.

The whole text of the Atthasālinī was copied from the manuscripts G. and C. by Mrs. Mabel Bode during the year 1894 and the beginning of 1895. In the summer of 1895 I compared the Ms. T. and the first half of Ms. M. and

the printing began in August of the same year. Unfortunately a fire broke out in Messrs. Unwin's printing office at Chilworth on Nov. 23, 1895 and destroyed the 5 sheets already printed and about 8 sheets of Mrs. Bode's manuscript (sheet 6—13). In consequence I had to copy this part again and the printing was taken up a second time at Mr. Drugulin's office at Leipzig in April 1896. As I was very busy at that time Mrs. Bode was kind enough to compare the second half of the Ms. M. for me, so that the printing might not be interrupted.

I thought it would be useful to put in the Table of Contents after each chapter the corresponding page of my edition of the Dhammasangani, but as the names of the chapters do not always agree exactly some explanations will be necessary:

Chapters 3 to 8 have got in the Atthasālinī the titles Kāyakammadvārakathā, Vacīkammadvārakathā, Akusalakammapathakathā, Dvārakathā, Dhammuddesavārakathā, Niddesavārakathā respectively. These titles are wanting in the Dhammasangani, where all these chapters are taken together under the heading Padabhājaniyam (p. 17).

Chapter 9 has the title: Sangahavaro nitthito. Kotthasavaro ti pi etassa nāmam (Atthas. p. 155). In the Dhammasangani it has only the second name (p. 25). With the article on Suññatavāra (No 10) the Pathamacittam is closed. Then follow the Dutiyacittam (11) and the Tatiyacittam (No 12) without any further subdivisions in both texts. The fourth, fifth, sixth, seventh and eighth cittas are divided in the Dhammasangani (p. 28, 29, 30) while the commentary treats them together (Atthas. p. 156—162). With the eighth citta the Kāmāvacarakusalaniddesa is finished.

Then follows the pathamam jhānam (Atthas. 162—168) which has no separate title in the Dhammasangani (p. 31).

From here the names correspond regularly down to chapter 33, which contains the Dhammuddesavārakathā of the akusalā dhammā (corresponding to the Dhammuddesavārakathā of the kusalā dhammā in Chapter 7). This

chapter has no special title in the Dhammasangani, nor have the following 10 chapters (34—43) on the twelve cittas (Atthas. p. 252—260), which are taken together as dvādasa akusalacittāni (p. 87).

The 53d chapter is called Atthakathākaṇḍavaṇṇanā in the Atthasālinī (p. 429), while the Dhammasaṅgaṇi has no special name for this chapter and simply concludes with the words: Dhammasaṅgaṇippakaraṇī samattā.

My best thanks are due to Mrs. Bode besides to Professor C. H. Tawney, Librarian of the India Office for the loan of the Mandalay Ms. and to the authorities of the Copenhagen University Library, especially Dr. Andersen, for the loan of Trenckner's transcript.

Berne, New Year 1898.

E. MÜLLER.

CONTENTS.

1.	Introduction												·I
2.	Mātikāya anupabba	av	aņ	ņa	nā								2
	Dhammasangani												1
3.	Kāyakammadvārak												54
	Dhammasangani.												9
4.	Vacīkammadvāraka	ıtl	ıā										86
5.	Akusalakammapath	a	kat	hā	ī								87
6.	Dvārakathā												102
7.	Dhammuddesavāral	ka	th	ā									106
8.	Niddesavārakathā)												136
9.	Sangahavāro												152
	Dhammasangani	>	Pa	th	an	a	cit	tai	ņ				17
10.	Suññatavāro												155
	Dhammasangani												25
11.	Dutiyacittam												155
	Dhammasangani.												26
12.	Tatiyacittam												156
	Dhammasangani.												27
13.													156
	Dhammasangani.												28
14.	Pathamam jhanam												162
	Catukkanayo												168
	Dhammasangani.												31
16.	Pañcakanayo												179
	Dhammasangani.												33
17.													184
	Dhammasangani.												36
18.	Ārammaņacatukkar				-								184
	Dhammasangani .												37

		0	,,,,,	жи											,
19.	Pathavīkasiņam												٠.		184
	Dhammasangani														38
20.	Kasiņakathā														186
	Dhammasangani														42
21.	Abhibhāyatanakathā														187
	Dhammasangani														42
22.	Vimokkhakathā														19 0
	Dhammasangani														52
23.	Brahmavihārakathā									•					192
	Dhammasangani														5 3
24.	Asubhakathā														197
															55
25.	Dhammasangani Rūpāvacarakusalakat	hā	Ţ												200
20.	Dhammasangani														55
26	Dhammasangani Āruppakusalakathā	•	Ĭ		•							•			200
	Dhammasangani			•	_	٠.									55
27	Tebhūmakakusalam														211
2	Dhammasangani														56
98	Pakinnakakathā	•	•	•	•	•	•	•	•	•	•	•	•	•	213
20.	Dhammasangani	•	•	•	•	•	•	•	•	•	•		•	•	60
99	Pathamamaggo	•	•	•	•	•	•	•	•	•	•	•	•		237
20.	Dhammasangani	•	•	•	•	•	•	Ť	•		·	Ĭ	·		73
30	Dutiyamaggo														238
<i>5</i> 0.	Dhammasangani	•	•	•	•	•	•	•	•	•	•	•	•	•	74
21	Tatiyamaggo	•	•	•	•	•	•	•	•	•	•	•	٠		239
31.	Dhammasangani	•	•	•	•	•	•	•	•	•	•	•	•	•	74
20	Catutthamaggo														239
32.	Dhammasangani	•	•	•	•	•	•	•	•	•	•	•	•	•	75
22	Dhammuddesavāraka	th	5	(al	•	• •al	• ฉ	dh.	on	· nm	٠ ١	•	•	•	247
33.	Dhammasangani	,011	a	(ar	Luc	owi	a	un	CULI		a)	•	•	•	75
9.4	Pathamacittam	•	•	•	•	•	٠.	•	•	•	•	•	•	•	252
04.	Dutiyacittam	•	•	•	•	•	•	•	•	•	•	•	•	•	255
															255
36.	Tatiyacittam	•	•	•	•	•	•	•	•	•	•	•	•	•	256 256
37.	Catutthacittam	•	•	•	•	•	•	•	•	•	•	•	•	•	
38.	Pañcamacittam	•	•	•	• 4≅-	•	•	•	•	•	•	•	•	•	256 256
39.	Chatthasattamattham	ıan	1	CIT	ta.	ш	•	•	•	•	•	•	•	•	200
40.	Navamacittam	•	•	•	•	•	٠	•	•	•	•	•	•	•	256
41.	Dasamacittam		•	•	•	•	•	•	•	•	•	•	٠	•	25 8

Contents.

4 2.	Ekādasamacittam			•							•	•	259
43.	Dvādasamacittam												260
44.	Manoviññāṇadhātudvayam	(av	уā	ka	$t\bar{\mathrm{a}}$	\mathbf{d}	ha	mı	nā)		261
	Dhammasangani												87
45.	Pañcaniyāmakathā												265
	Dhammasangani												96
46.	Rūpārūpāvacaravipākakatl												276
	Dhammasangani												97
47.	Lokuttaravipākakathā .												289
	Dhammasangani					٠.							99
48.	Akusalavipākakathā												292
	Dhammasangani												117
49.	Kiriyamanodhātucittam												293
	Dhammasangani												12 0
50.	Cittuppādakaņdavaņņanā												294
	Dhammasangani												123
51.	Rūpakaņdavaņņanā												296
	Dhammasangani												124
52.	Nikkhepakaṇḍavaṇṇanā												343
	Dhammasangani												179
53.	Atthakathākaṇḍavaṇṇanā												409
	Dhammasana												92/

INTRODUCTION.

NAMO TASSA BHAGAVATO ARAHATO SAMMĀSAMBUDDHASSA.

- 1. Karunā viya sattesu paññā yassa mahesino ñeyyadhammesu sabbesu pavattittha yathāruci.
- 2. Dayāya tāya sattesu samussāhitamānaso pāţiherāvasānamhi vasanto tidasalāye
- 3. Pāricchattakamūlamhi Paṇḍukambalanāmake silāsane sannisinno ādicco va yugandhare
- 4. Cakkavāļasahassehi dasah'āgamma sabbaso sannisinnena devānam gaņena parivārito
- 5. Mātaram pamukham katvā tassā paññāya tejasā Abhidhammakathāmaggam devānam sampavattayi.
- 6. Tassa pāde namassitvā sambuddhassa sirīmato saddhammañ c'assa pūjetvā katvā sanghassa c'añjalim
- 7. Nipaccakārass' etassa katassa ratanattaye anubhāvena sosetvā antarāye asesato
- 8. Visuddhācārasīlena nipuņā malabuddhinā bhikkhunā Buddhaghosena sakkaccam abhiyācito.
- Yam devadevo devānam desetvāna yato puna therassa Sāriputtassa samācikkhi vināyako
- 10. Anotattadahe katvā upaţţhānam mahesino yañ ca sutvāna so thero āharitvā mahītalam
- 11. Bhikkhūnam pariyudāhāsi iti bhikkhūhi dhārito sangītikāle sangīto Vedehamuninā puna.
- 12. Tassa gambhīrañāņena ogālhassa abhinhaso nānānayavicittassa Abhidhammassa ādito
- 13. Yā Mahākassapādīhi vasīh'atthakathā purā sangītā anusangītā pacchā pi ca isīhi yā
- 14. Ābhatā pana therena Mahindena tam uttamam yā dīpam dīpavāsīnam bhāsāya abhisankhatā.

- 15. Apanetvā tato bhāsam Tambapanninivāsinam āropayitvā niddosam bhāsan tantinayānugam
- 16. Nikāyantaraladdhīhi asammissam anākulam Mahāvihāravāsīnam dīpayanto vinicchayam
- 17. Attham pakāsayissāmi āgamatthakathāsu pi gahetabbam gahetvāna tosayanto vicikkhaņe.
- 18. Kammaţţhānāni sabbāni cariyābhiññā vipassanā Visuddhimagge pan' idam yasmā sabbam pakāsitam
- 19. Tasmā tam agahetvāna sakalāya pi tantiyā padānukkamato eva karissām'atthavannanam.
- 20. Iti me bhāsamānassa Abhidhammakatham imam avikkhittā nisāmetha dullabhā hi ayam kathā ti.
- 1. Tattha Abhidhammo ti. Ken'atthena Abhidhammo? Dhammātirekadhammavisesatthena. Atirekavisesatthadīpako hi ettha abhisaddo. Bālhā me āvuso dukkhā vedanā abhikkamanti no patikkamanti abhikkantavannā ti ādisu viya. Tasmā vathā samussitesu bahusu chattesu ceva dhajesu ca yam atirekappamāņam visesavaņņasaņţhānañ ca chattam tam aticchattan ti vuccati. Yo atirekappamāņo nānāvirāgavannavisesasampanno ca dhajo so atidhajo ti vuccati. Yathā ca ekato sannipatitesu bahusu rājakumāresu c'eva devesu ca yo jātibhogayasaissariyādisampattīhi atirekataro c'eva visesavantataro ca rājakumāro so atirājakumāro ti vuccati. Yo āyuvannaissariyayasasampattiādīhi atirekataro c'eva visesavantataro ca devo atidevo² ti vuccati tathārūpo brahmā pi atibrahmā ti vuccati. Evam eva ayam pi dhammo dhammātirekadhammavisesatthena abhidhammo ti vuccati. Suttantam hi patvā pañca khandhā ekadesen'eva vibhattā na nippadesena. Abhidhammam patvā pana suttantabhajaniyaabhidhammabhājaniyapañhāpucchakanayānam vasena nippadesato Tathā dvādasāyatanāni atthārasa dhātuyo cattāri saccāni bāvīsatindrivāni dvādasapadiko paccavākāro.

¹ abhirājakumāro, C. G. T.

² abhidevo, M.

Kevalam hi indriyavibhange suttantabhājaniyam n'atthi paccayākāre ca panhapucchakam n'atthi.

- 2. Suttantan ca patvā cattāro satipatthānā ekadesen' eva vibhattā na nippadesena. Abhidhammam patvā pana tiņņam pi nayānam vasena nippadesato vibhattā. Tathā cattāri sammappadhānāni cattāro iddhipādā satta bojjhangā atthangiko maggo cattāri nāṇāni catasso appamannāyo panca sikkhāpādāni catasso patisambhidā tiṇṇam pi nayānam vasena nippadesato va vibhattā. Kevalam hi ettha sikkhāpadavibhange suttantabhājaniyam n'atthi. Suttantam patvā ca nāṇam ekadesen' eva vibhattam na nippadesena. Tathā kilesā.
- 3. Abhidhammam patvā pana ekavidhena ñāṇavatthun ti ādinā nayena mātikam thapetvā nippadesato vibhattam tathā ekato paṭṭhāya anekehi nayehi kilesā.
- 4. Suttantam patvā ca bhummantaraparicchedo ekadeseneva vibhatto na nippadesena. Abhidhammam patvā pana tinnam pi nayānam vasena bhummantaraparicchedo nippadesato ca vibhatto. Evam dhammātirekadhammavisesatthena Abhidhammo veditabbo.
- 5. Pakaraṇaparicchedato pan' esa Dhammasaṅgaṇivibhaṅgadhātukathāpuggalapaññattikathāvatthuyamakapaţthānaṃ sattannaṃ pakaraṇānaṃ vasena thito. Ayam ettha ācariyānaṃ samānakathā.
- 6. Vidaddhavādī panāha: Kathāvatthum kasmā gahitam? nanu sammāsambuddhassa parinibbānato atthārasa vassādhibāni dve vassasatāni atikkamitvā Moggaliputtatissattheren' etam thapitam? tasmā sāvakabhāsitattā chaddetha nan ti.
- 7. Kim pana chappakaraṇāni Abhidhammo ti? Evam na vadāmī ti. Atha kim vadesī ti? Sattappakaraṇānī ti. Kataram gahetvā satta karontī ti? Mahādhammahadayam nāma atthi, eten' eva saha sattā ti. Mahādhammahadaye apubbam n'atthi.
- 8/ Katipayā va panhavārā avasesā Kathāvatthunā va saddhim sattā ti no Kathāvatthunā?

^{&#}x27; Vidandao, M. T.; Vitaddhao, C. G.

Tāya saddhim sattā ti. Mahādhātukathā nām'atthi. Mahādhātukathāyam apubbam n'atthi appamattikā tanti. Avasesā Kathāvatthunā saddhim sattā ti. Sammāsambuddho hi sattappakaraṇāni desento Kathāvatthum patvā yā esā puggalavāde tāva catūsu panhesu dvinnam pancakānam vasena atthamukhā vādayutti tam ādim katvā sabbakathāmaggesu asampuņņabhāņavāramattāya pāliyā mātikam thapesi. Sā pan' esā2: puggalo upalabbhati saccikatthaparamatthenā ti? Āmantā. Yo saccikattho paramattho tato so puggalo upalabbhati saccikatthaparamatthenā ti. Na h'eva vattabbe ājānāhi niggaham. Puggalo na upalabbhati saccikatthaparamatthenā ti? Yo saccikattho paramattho tato so puggalo Āmantā. nūpalabbhati saccikatthaparamatthenā ti. vattabbe ājānāhi niggaham.

- 9. Sabbattha puggalo upalabhati, sabbattha puggalo nūpalabhati, sabbadā puggalo upalabhati, sabbadā puggalo nūpalabhati, sabbesu puggalo upalabhati, sabbesu puggalo nūpalabhati saccikatthaparamatthenā ti evam pathamam vādam nissāya pathamam niggaham, dutiyam nissāya dutiyam pe atthamam nissāya atthamam niggaham dassentena thapitā. Iminā nayena sabbattha mātikāthapanam veditabbam.
- 10. Tam pan' etam mātikam thapento idam disvā thapesi: mama parinibbānato aṭṭhārasa vassādhikānam dvinnam vassasatānam matthake Moggaliputtatissatthero nāma bhikkhu bhikkhusahassamajjhe nisinno sakavāde pañca suttasatāni paravāde pañcā ti suttasahassam samodhānetvā Dīghanikāyappamāṇam Kathāvatthuppakaraṇam bhājessatī ti.

Moggaliputtatissatthero pi imam pakaranam desento na attano ñānena desesi, satthārā pana dinnanayena thapitamātikāya desesi. Iti satthārā dinnanayena thapitamātikāya desitattā sakalam p'etam pakaranam Buddhabhāsitam eva nāma jātam. Yathā kim? Yathā Madhu-

r Cf. Kathāvatthuppakaraṇa Aṭṭhakathā, ed. Minay eff,
 p. 15.
 2 Kathāvatthuppakaraṇa Aṭṭhakathā, p. 8.

pindikasuttantādīni. Madhupindikasuttantasmim hi bhagavā: Yatonidānam bhikkhu purisam papancasannāsankhā samudācaranti ettha ce n'atthi abhinanditabbam abhivaditabbam ajjhositabbam es'ev' anto rāgānusayānan ti mātikam thapetvā utthāyāsanā vihāram pāvisi. Dhammapatiggāhakā bhikkhū Mahākaccānattheram upasamkamitvā dasabalena thapitamātikāya attham pucchimsu. Thero pucchitamatten' eva akathetvā dasabalassa apacitidassanattham: seyyathā pi āvuso puriso sāratthiko sāragavesī tisāropamam āharitvā sārarukkho viya bhagavā sākhāpalāsasadisā sāvakā.

So² h'āvuso bhagavā jānam jānāti passam passati dhammabhūto brahmabhūto cakkhubhūto ñānabhūto vattā pavattā atthassa ninnetā amatassa dātā dhammassāmi Tathāgato ti Satthāram thometvā punappuna therehi yacito Satthara thapitamatikaya attham vibhajitvā ākankhamānā va pana tumhe āyasmanto bhagavantam yeva upasankamitvā etam attham paţipuccheyyātha: sa ce sabbañnutanāņena saddhim samsandiyamānam sameti ganheyyātha, no ce mā ganhathā ti iminā adhippāyena yathā no bhagavā vyākaroti tathā nam dhāreyyāthā ti vatvā uyyojesi. Te Satthāram upasamkamitvā pucchimsu. Satthā dukkathitam Kaccānenā ti avatvā suvannalingam ussāpento viya gīvam unnāmetvā supupphitasatapattasassirīkam mahāmukham brahmassaram nicchāretvā sādhu sādhū ti therassa sādhukāram datvā: Pandito 3 bhikkhaye Mahākaccāno, mahāpañño bhikkhave Mahākaccāno, mañ ce tumhe bhikkhave etam attham patipuccheyyatha aham pi tam evam eva vyākareyyam yathā tam Mahākaccānena vyākatan ti āha. Evam Satthārā anumoditakālato patthāya pana sakalam suttantam Buddhabhāsitam nāma iātam.

11. Ānandattherādīhi vitthāritasuttesu pi es'eva nayo. Evam evam sammāsambuddho satta pakaraṇāni desento Kathāvatthum patvā vuttanayena mātikam thapesi.

¹ Majjh. I. 109. ² Majjh. I. 111. ³ Majjh. I. 114.

Thapento ca pana idam addasa: mama parinibbānato atthārasa vassādhikānam dvinnam vassasatānam matthake Moggaliputtatissatthero nāma bhikkhu bhikkhusahassamajjhe nisinno sakavāde pañca suttasatāni paravāde pañcā ti suttasahassam samodhānetvā Dīghanikāyappamāṇam Kathāvatthuppakaraṇam bhājessatī ti. Moggaliputtatissatthero pi imam pakaraṇam desento na attano ñāṇena desesi, satthārā pana dinnanayena thapitamātikāya desesi. Iti satthārā dinnanayena thapitamātikāya desitattā sakalam p'etam pakaraṇam buddhabhāsitam eva nāma jatam. Evam Kathāvatthunā va saddhim sattappakaraṇāni Abhidhammo nāma.

- 12. Tattha Dhammasanganippakarane catasso vibhattiyo cittavibhatti rūpavibhatti nikkheparāsi atthuddhāro ti. Tattha kāmāvacarakusalato attha, akusalato dvādasa, kusalavipākato soļasa, akusalavipākato satta, kiriyato ekādasa, rūpāvacarakusalato pañca, vipākato pañca, kiriyato pañca, arūpāvacarakusalato cattāri, vipākato cattāri, kiriyato cattāri, lokuttarakusalato cattāri, vipākato cattārī ti ekūnanavuti cittāni cittavibhatti nāma.
- 13. Cittuppādakandan ti pi etass'eva nāmam. Tam vācanāmaggato atirekachabhāṇavārā vitthāriyamānam pana anantam aparimāṇam ca hoti tadanantaram ekavidhena duvidhenā ti ādinā nayena mātikam thapetvā vitthārena vibhajitvā desitā rūpavibhatti nāma. Rūpakandan ti tass' eva nāmam.
- 14. Tam vācanāmaggato atirekadvibhāņavāram vitthāriyamānam pana anantam aparimāņam hoti. Tadanantaram mūlato khandhato dvārato bhūmito atthato dhammato nāmato lingato ti evam mūlādīni nikkhipitvā desito nikkheparāsi nāma—pe— so mūlato khandhato cāpi ca dvārato cāpi bhūmito atthato dhammato cāpi nāmato cāpi lingato nikkhipitvā desitattā nikkhepo ti pavuccatī ti.

Nikkhepakandan ti pi tass'eva nāmam.

15. Tam vācanāmaggato timattā bhāṇavārā vitthāriyamānam pana anantam aparimāṇam hoti. Tadanantaram pana tepiṭakassa buddhavacanassa atthuddhārabhūtam yāva saraṇadukānikkhittam aṭṭhakathākaṇḍaṃ nāma.

Yato mahāpakaraṇīyā bhikkhū mahāpakaraṇe gaṇanācāraṃ asallakkhentā gaṇanaṃ samānenti taṃ vācanāmaggato dvimattā bhāṇavārā vitthāriyamānaṃ pana anantam aparimāṇaṃ hoti.

16. Iti sakalam pi Dhammasanganippakaranam vācanāmaggato atirekaterasamattā bhānavārā vitthāriyamānam pana anantam aparimānam hoti. Evam etam:

Cittavibhatti rūpañ ca nikkhepo atthajotanā gambhīram nipuṇam thānam tam pi buddhena desitam.

- 17. Tadanantaram Vibhangappakaranam nāma. Tam khandhavibhango āyatanavibhango dhātuvibhango saccavibhango indriyavibhango paccayākāravibhango satipatṭhānavibhango sammappadhānavibhango iddhipādavibhango bojjhangavibhango maggangavibhango jhānavibhango appamañnāvibhango sikkhāpadavibhango paṭisambhidāvibhango ñāṇavatthuvibhango khuddakavatthuvibhango dhammahadayavibhango ti aṭṭhārasavidhena vibhattam. Tattha khandhavibhango suttantabhājaniya-abhidhammabhājaniyapañhapucchakānam vasena tidhā vibhatto. Vācanāmaggato pañcamattā bhāṇavārā, vitthāriyamāno pana ananto aparimāṇo hoti.
- 18. Tato param āyatanavibhaṅgādayo pi eteh'eva tīhi nayehi vibhattā. Tesu āyatanavibhaṅgo vācanāmaggato atirekabhāṇavāro.
- 19. Dhātuvibhango dvimattabhānavāro. Tathā saccavibhango.

Indriyavibhange suttantabhājaniyam natthi. Vācanāmaggato pan'esa atirekabhāṇavāramatto.

Paccayākāravibhango chamattabhānavāro. Panhapucchakam pan'ettha n'atthi.

Satipatthānavibhango atirekabhānavāramatto.

Tathā sammappadhāna-iddhipāda-bojjhangamagganga-vibhangā.

Jhānavibhango dvibhāṇavāramatto. Appamaññāvibhango atirekabhāṇavāramatto.

Sikkhāpadavibhaṅge pi suttantabhājaniyaṃ n'atthi. Vācanāmaggato pan'esa atirekabhāṇavāramatto. Tathā paţisambhidāvibhango naṇavatthuvibhango dasavidhena vibhatto. Vācanāmaggato timattabhāṇavāro.

Khuddakavatthuvibhango pi dasavidhena vibhatto. Vācanāmaggato timattabhāṇavāro.

Dhammahadayavibhango tividhena vibhatto. Vācanāmaggato pan'esa atirekadvibhāṇavāramatto. Sabbe pi vitthāriyamāṇā anantā aparimāṇā honti. Evam etam vibhangappakaraṇam nāma vācanāmaggato pañcatimsamattabhāṇavāram vitthārato pana anantam aparimāṇam hoti.

- 20. Tadanantaram Dhātukathāpakaraṇam nāma. Tam saṅgaho asaṅgaho asaṅgahītena asaṅgahītam asaṅgahītena saṅgahītena saṅgahītena asaṅgahītam.
- 21. Sampayogo vippayogo sampayuttena vippayuttena sampayuttam vippayuttena sampayuttam vippayuttena vippayuttena vippayuttena sampayuttena sampayuttena sampayuttena sampayuttena sampayuttena sampayuttena sampayuttam vippayuttena sampayuttam vippayuttena sampayuttena sampayuttam vippayuttena sampayuttena sampayuttam vippayuttena sampayuttena sampayuttena vippayuttena vippayuttena sampayuttena sampayuttena vippayuttena vippayuttena sampayuttena sampayuttena vippayuttena vippayuttena vippayuttena sampayuttena vippayuttena vippayuttena

Tam vācanāmaggato atirekachabhāņavārā.

Vitthāriyamānam pana anantam aparimānam hoti.

- 22. Tadanantaram Puggalapaññatti nāma. Sā khandhapaññatti āyatanapaññatti dhātupaññatti saccapaññatti indriyapaññatti puggalapaññattī ti chabbidhena vibhattā. Sā vācanāmaggato atirekapañcabhāṇavārā vitthāriyamānā pana anantāparimāṇā va hoti.
- 23. Tadanantaram Kathāvatthupakaraṇam nāma. Tam sakavāde pañcasuttasatāni paravāde pañcasatāni suttasahassam samodhānetvā vibhattam.

Tam vācanāmaggato idāni potthake likhitam agahetvā sangīti-āropitanayena Dīghanikāyappamānam vitthāriyamānam pana anantam aparimānam hoti.

24. Tadanantaram Yamakam nāma. Tam mūlayamakam khandhayamakam āyatanayamakam dhātuyamakam saccayamakam sankhārayamakam anusayayamakam cittayamakam dhammayamakam indriyayamakan ti dasavidhena vibhattam.

Tam vācanāmaggato vīsam bhānavārasatam vitthārato anantam aparimānam hoti.

25. Tadanantaram Mahāpakaraṇam nāma. Paṭṭhānan ti pi tass' eva nāmam.

Tam hetupaccayo ārammanapaccayo adhipatipaccayo anantarapaccayo samanantarapaccayo sahajātapaccayo aññamaññapaccayo nissayapaccayo upanissayapaccayo purejātapaccayo āsevanapaccayo pachhājātapaccayo kammapaccayo vipākapaccayo indriyapaccayo maggapaccayo sampayuttapaccayo napaccayo yuttapaccayo atthipaccayo n'atthipaccayo vigatapaccayo avigatapaccayo ti paccayavasena nāma catuvīsatividhena vibhattam.

Imasmim pana thane na Patthanam samanetabbam.

26. Kusalattikādayo hi dvāvīsati tikā.

Hetū dhammā na hetū dhammā.... pe ... saraņā dhammā asaraņā dhammā ime satam dukā apare pi vijjābhāgino dhammā ... pe ... khaye nāņam anuppāde nāṇan ti dvācattālīsa suttantikadukā nāma.

Tesu dvāvīsati tikā satam dukā ti ayam āhacca bhāsitā jinavacanabhūtā sabbaññubuddhadesitā sattannam pakaranānam mātikā nāma.

- 27. Athāpare dvācattālīsa dukā kuto pabhavā kena thapitā kena desitā ti? Dhammasenāpati-Sāriputthattherappabhavā. Tena thapitā tena desitā. Ime thapento pana thero sāmukkamsikena attano ñānena thapesi.
- 28. Ekuttariyam pana ekanipātasangītidasuttarasuttantehi samodhānetvā Abhidhammikattherānam suttantam patvā akilamanattham thapitā. Te pan'ete ekasmim nikkhepakande yeva matthakam pāpetvā vibhattā sesatthānesu yāva saranā dukā Abhidhammo vibhatto. Sammāsambuddhena hi anulomapatthāne dvāvīsati tike nissāya tikapatthānam nāma niddittham, satam duke nissāya dukapatthānam nāma niddittham. Tato param dvāvīsati tike gahetvā dukasate pakkhipitvā dukatikapatthānam nāma dassitam.

Tato dukasatam gahetvā dvāvīsatiyā tikesu pakkhipitvā tikadukapatthānam nāma dassitam.

- 29. Tike pana tikesu yeva pakkhipitvā tikatikapaţţhānam nāma dassitam.
- 30. Duke ca dukesu yeva pakkhipitvā dukadukapatthānam nāma dassitam evam. Tikañ ca patthānavaram dukuttamam dukan tikañ c'eva tikam dukañ ca tikam tikañ c'eva dukam dukañ ca cha anulomamhi nayā sugambhīrā. Paccanīkapatthāne pi dvāvīsati tike nissāya tikapatthānam nāma.
- 31. Dukasatam nissāya dukapaţţhānam nāma dvāvīsati tike dukasate pakkhipitvā dukatikapaţţhānam nāma.

Dukasatam dvāvīsatiyā tikesu pakkhipitvā tikatikapaţţhānam nāma. Dukesu pakkhipitvā dukadukapaţţhānam nāmā ti paccanīke pi chahi nayehi paţţhānam niddiţtham. Tena vuttam: Tikañ ca paţţhānavaram dukuttamam dukam tikam c'eva tikam dukañ ca tikam tikañ c'eva dukam dukañ ca cha paccanīkamhi nayā sugambhīrā ti.

Tato param anulomapaccanīke pi eten' eva upāyena cha nayā dassitā.

Ten'āha: Tikañ ca patthānavaram dukuttamam dukam tikañ c'eva tikam dukañ ca tikam tikam c'eva dukam dukañ ca cha anulomapaccanīkamhi nayā sugambhīrā ti.

32. Tadanantaram paccanīkānulomamhi eten' eva chahi nayehi niddiţţham.

Ten'āha: Tikañ ca paṭṭhānavaraṃ dukuttamaṃ dukan tikañ c'eva tikaṃ dukañ ca tikan tikañ c'eva dukaṃ dukañ ca cha paccanīkānulomamhi nayā sugambhīrā ti.

Evam anulome cha patthānāni patilomi cha anulomapaccanīye cha paccanīyaanulome cha patthānānī ti idam catuvīsatisamantapatthānam samodhānam Mahāpakaranam nāma.

- 33. Idāni imassa Abhidhammassa gambhīrabhāvavijānanattham cattāro sāgarā veditabbā: Samsārasāgaro jalasāgaro nayasāgaro nāṇasāgaro ti.
 - 34. Tattha saṃsārasāgaro nāma:

Khandhānam patipāti dhātuāyatanāni ca abbocchinnam vattamānam samsāro ti pavuccatī ti evam vuttam samsāravattam. Svāyam yasmā imesam sattānam uppattiyā purimā koti na paññāyati ettakānam hi vassasatānam vā

vassasahassānam vā vassasatasahassānam vā kappasatānam vā kappasahassānam vā kappasatasahassānam vā matthake sattā uppannā tato pubbe nāhesun ti vā asukassa nāma rañno kāle uppannā asukassa buddhassa kāle uppannā tato pubbe nāhesun ti vā ayam paricchedo n'atthi. Purimā bhikkhave koţi na pañnāyati avijjāya ito pubbe avijjā nāhosi atha pacchā sambhavī ti iminā pana nayena ayam samsārasāgaro anamataggo va.

35. Mahāsamuddo pana jalasāgaro nāmā ti veditabbo.

So caturāsītiyojanasahassāni gambhīro. Tattha udakassa āļhakasatehi vā āļhakasahassehi va āļhakadasasahassehi vā āļhakasatasahassehi vā pamāṇaṃ nāma natthi.

Atha kho asankheyyo appameyyo mahāudakakkhandho tveva sankhyam gacchati. Ayam jalasāgaro nāma. 36. Katamo nayasāgaro? Tepitakam buddhavacanam.

- 36. Katamo nayasāgaro? Tepitakam buddhavacanam. Dve hi tantiyo paccavekkhantānam saddhāsampannānam pasādabahulānam ñānuttarānam kulaputtānam anantam pītisomanassam uppajjati. Katarā dve? Vinayañ ca Abhidhammañ ca. Vinayadharabhikkhūnam hi vinayatantim paccavekkhantānam dosānurūpam sikkhāpadapaññāpanam nāma imasmim dose imasmim vītikkame idam nāma hotī ti paññāpanam aññesam avisayo buddhānam eva visayo ti.
- 37. Uttarimanussadhammapeyyālam paccavekkhantanam nīlapeyyālam paccavekkhantānam sañcarittapeyyālam paccavekkhantānam anantam pītisomanassam uppajjati. Abhidhammikabhikkhūnam pi khandhantaram āyatanantaram dhātvantaram indriyantaram balabojjhangakammavipākantaram rūpārūpaparicchedam sanhasukhumam dhammam gaganatale tārakarūpāni ganthanto viya rūpārūpadhamme pabbapabbam koṭṭhāsakoṭṭhāsam katvā vibhajento dassesi vata no satthā ti.
- 38. Abhidhammatantipaccavekkhantānam anantam pītisomanassam uppajjati. Evam uppattiyā pan'assa idam vatthum pi veditabbam. Mahagatimbayatissadattatthero i

¹ Mahāgatiddhayat^o, T; Mahāgatigamiyatissatthero, M.

kira nāma mahābodhim vandissāmī ti paratīram gacchanto nāvāya upari tīre nisinno mahāsamuddam olokesi. Ath' assa tasmim samaye n'eva paratīram paññāyittha na orimatīram, ūmippabhedasamuggatajalacuṇṇaparikiṇṇo pana pasāritarajatapaṭṭasumanapupphasantharasadiso mahāsamuddo va paññāyittha. So 'kin nu kho mahāsamuddassa ūmivego balavā udāhu catuvīsatibhede samantapaṭṭhāne nayamukham balavan ti 'cintesi. Ath' assa mahāsamuddassa paricchedo paññāyati. Ayam hi heṭṭhā paṭhaviyā paricchinno upari ākāse na, ekato cakkavāļapabbatena ekato velantena paricchinno. Samantapaṭṭhānassa pana paricchedo na paññāyatī ti.

39. Sanhasukhumam dhammam paccavekkhantassa balavappīti uppannā. So pītim vikkhambhetvā vipassanam vaḍḍhetvā yathā nisinno va sabbe kilese khepetvā aggaphale arahatte patiṭṭhāya udānam udānesi:

Atthena gambhīragatam sudubbuddham Sayam abhiññāya sahetusambhavam Yathānupubbam nikhilena desitam Mahesinā rūpagatam va passatī ti. Ayam nayasāgaro nāma.

40. Katamo ñāņasāgaro? Sabbañnutanāņam nāņasāgaro nāma. Ayam samsārasāgaro nāma. Ayam jalasāgaro nāma. Ayam nayasāgaro nāma ti hi aññena na sakkā jānitum. Sabbañnutananen' eva sakka janitun ti sabbañnutanāņam nāņasāgaro nāma. Imesu catūsu sāgaresu imasmim thane nayasagaro adhippeto. Imam hi sabbaññubuddhā eva paţivijjhanti. Ayam pi bhagavā bodhimūle nisinno 'imam pativijihitvā imam vata me dhammam esantassa gavesantassa kappasatasahassādhikāni cattāri asankheyyāni vītivattāni, atha me imasmim pallanke nisinnena diyaddham kilesasahassam khepetvā ayam dhammo paţividdho ti ' patividdhadhammam paccavekkhanto sattāham ekapallankena nisīdi. Tato tasmā pallankā vutthāya ' imasmim vata me pallanke sabbañnutañanam patividdhan ti 'animisehi cakkhūhi sattāham pallankam olokento atthāsi. Tato devatānam 'ajjhā pi nūna Siddatthassa kattabbakiccam atthi, pallankasmim hi ālayam na vijahatī ti ' parivitakko udapādi. ¹

Satthā devatānam vitakkam natvā tāsam vitakkam vūpasamanatthāya vehāsam abbhuggantvā yamakapātihāriyam Mahābodhipallankasmim hi katapāţihāriyañ ca nātisamāgame katapātihāriyan ca Pātikaputtasamāgame katapātihāriyañ ca sabbam Gaņdambarukkhamūle yamakapāţihāriyasadisam eva ahosi. Evam yamakapāţihāriyam katvā pallankassa ca thitatthānassa ca antare ākāsato oruyha sattāham cankami. Imesu ekavīsatiyā divasesu ekadivase pi satthu sarīrato rasmiyo na nikkhantā. Catutthe pana sattāhe pacchimuttarāya disāya ratanaghare nisīdi. Ratanagharam nāma sattaratanamayam geham sattannam pana pakarananam sammasitatthanam ratanagharan ti veditabbam.2 Tattha Dhammasanganim sammasantassā pi sarīrato rasmiyo na nikkhantā, Vibhangappakaranam Dhātukatham Puggalapañnattim Kathāvatthupakaranam Yamakappakaranam sammasantassā pi sarīrato rasmiyo na nikkhantā.

Yadā pana Mahāpakaraṇam oruyha hetupaccayo ārammaṇapaccayo . . . pe . . . avigatapaccayo ti sammasanam ārabhi ath' assa catuvīsatisamantapatthānam sammasantassa ekantato sabbaññutañānam Mahāpakaraṇe yeva okāsam labhi. Yathā hi timiratimingalamahāmaccho caturāsītiyojanasahassagambhīre mahāsamudde yeva okāsam labhati evameva sabbaññutañāṇam ekantato Mahāpakaraṇe yeva okāsam labhi.

41. Satthu evam laddhokāsena sabbañnutanāņena yathā sukham saņhasukhumadhammam sammasantassa sarīrato nīlapītalohitodātamanjetthapabhassaravasena chabbaṇṇarasmiyo nikkhamimsu. Kesamassūhi c'eva akkhīnan ca nīlatthānehi nīlarasmiyo nikkhamimsu. Yāsam vasena gagaṇatalam anjanacuṇṇasamokiṇṇam viya ummāpupphanīluppaladalasanchannam viya vītipatantam maṇitālavaṇṭam viya sampasāritamecakapaṭam viya ca ahosi. Chavito c'eva akkhīnan ca pītakaṭṭhānehi

¹ Jāt. I. 77.

² Jāt. I. 78.

pītakarasmiyo nikkhamimsu. Yāsam vasena disābhāgā suvanņarasanisincamānā viya suvanņapaţaparivāritā viya kunkumacunnakanikārapupphasamparikinnā 1 virocimsu. Mamsalohite c'eva akkhīnañ ca rattatthānehi lohitarasmivo nikkhamimsu. Yāsam vasena disābhāgā cīnapitthacuņņaranjitā viya supakkalākhārasanisincamānā viya rattakambalaparikhittā viya jayasumaņapālibhaddakabandhujīvakakusumasamparikinnā vi**y**a ca Atthīhi c'eva dantehi ca akkhīnañ ca setaţţhānehi odātarasmiyo nikkhamimsu. Yāsam vasena disābhāgā rajatakūtehi āsincamānā khīradhārāsamparikiņņā viya pasāritarajatapatavitānā viya vītipatantarajatatālavaņtā kundakumudasindhuvarasumanamallikadikusumasanchanna viya virocimsu Manjetthapabhassara pana tamhā sarīrappadesā nikkhamimsu. Iti tā chabbaņņarasmiyo nikkhamitvā ghanamahāpathavim ganhimsu. Catunahutādhikadviyojanasatasahassabahalā mahāpathavī niddhantasuvannapindī viva ahosi. Pathavim bhinditvā hetthā udakam ganhimsu. Pathavīsanthārakam atthanahutādhikacatuyojanasatasahassahabalam udakam suvannakalasehi āsincamānam viva vilīnasuvanņam viva ahosi.

42. Udakam pi vinivijjhitvā vātam aggahesum. Channahutādhikanavayojanasatasahassabahalo vāto samussitasuvannakkhandho viya ahosi. Vātam vinivijjhitvā hetthā ajatākāsam pakkhandimsu. Uparibhāgena uggantvā pi cātummahārājike ganhimsu. Te vinivijjhitvā Tāvatimse tato Yāme tato Tusite tato Nimmānaratī tato Paranimmitavasavattī tato nava Brahmaloke tato Vehapphale tato pañca suddhāvāse vinivijjhitvā cattāro āruppe ganhimsu. Cattāro ca āruppe vinivijjhitvā ajatākāsam pakkhandimsu, tiriyabhāgehi anantalokadhātuyo pakkhandimsu. Ettakesu thānesu candamhi candappabhā natthi, suriye suriyappabhā natthi, tārakarūpesu tārakarūpapphabhā natthi, devatānam uyyānavimānakapparukkhesu sarīresu ābharanesū ti sabbattha pabhā natthī ti sahassī mahāsahassī lokadhātuyo ālokam pharanasamattho Mahābrahmā pi

¹ Kukutthacunnakao, T.; kankutthacunnakanikārao, M.

suriyuggamane khajjopanako viya ahosi. Candasuriyatārakarūpadevatuyyānavimānakapparukkhānam paricchedakamatthakam eva paññāyittha, ettakaņ thānam buddharasmīhi yeva ajjhotthatam ahosi ayañ ca neva buddhānam adhitthānaiddhi bhāvanāmayā iddhi. Saņhasukhumadhammam pana sammasato Lokanāthassa lohitam pasīdi, vatthurūpam pasīdi, chavivaņņo pasīdi, cittasamutthānā vaṇṇadhātu samantā asītihatthamatte padese niccalā atthāsi.

Iminā nīhārena sattāham satta rattindivāni sammasitadhammo kittako ahosī ti? Aparimāno ahosi. Ayam tāva manasā desanā nāma. Satthā pana evam sattāham manasā cintitadhammam vacībhedam katvā desento vassasatena pi vassasahassena pi matthakam pāpetvā desetum na sakkotī ti na vattabbam. Aparabhāgasmim hi Tathāgato Tāvatimsabhavane pāricchattakamūle pandukambalasilāyam dasasahassacakkavāļadevatānam majjhe nisinno mātaram kāvasakkhim katvā desento satabhāgena sahassabhāgena satasahassabhāgena dhammantarāya samkamitvā samkamitvā desesi. Tayo māse nirantaram pavattā desanā vegena pavatta-ākāsa-Gangā viya adhomukham thapitaudakaghatā nikkhamantā udakadhārā viya ca hutvā anantā aparimāņā ahosi. Buddhānam hi sattānumodanakāle pi thokam vaddhetvā anumodantānam desanā dīghamajjhimappamānā hoti. Pacchābhattam pana sammattaparisāva dhammam desento desanā samyuttaekuttarikadvemahānikāyappamānā va hoti. Kasmā? Buddhānam hi bhavangaparivāso lahuko, dantāvaraņam suphassitam, mukhādhānam silittham, jivhā mudukā, saro madhuro, vacanam lahu parivattam, tasmā tam muhuttam desitadhammo pi ettako hoti temāsam desitadhammo pana aparimāno yeva.

43. Ānandatthero hi bahussuto tipiṭakadharo pañcadasa gāthāsahassāni saṭṭhi padasahassāni latāpupphāni ākaḍḍhanto viya ṭhitapaden' eva ṭhatvā ganhāti vāceti deseti. Ettako therassa eko uddesamaggo nāma hoti. Therassa hi anupadam uddesam dadamāno añño dātum na sakkoti na sampāpunāti, Sammāsambuddho va sampāpuneyya. Evam adhimattasatimā adhimattagatimā adhimattagatimā adhimattagatimā

mattadhitimā tathāvidhasāvako. Satthārā temāsam iminā nīhārena desitadesanam vassasahassam uggaņhanto pi matthakam pāpetum na sakkoti. Evam temāsam nirantaram desentassa pana Tathāgatassa kabaļinkārāhārapaṭibaddham upādinnakasarīram katham yāpesī ti? Paṭijagganen' eva.

44. Buddhānam hi so so kālo suvavatthito suparicchinno supaccakkho. Tasmā Bhagavā dhammam desento va manussaloke kālam oloketi. So bhikkhācāravelam sallakkhetvā nimmitabuddham māpetvā 'Imassa cīvaragahaņam pattagahanam sarakutti ākappo ca evarūpo nāma hotu, ettakam nāma dhammam desetū ti 'adhiţthāya pattacīvaram ādāya Anotattadaham gacchati. Devatā nāgalatādantakattham denti. Tam khāditvā Anotattadahe sarīram patijaggitvā maņosilātale thito surattadupattam nivāsetvā cīvaram pārupitvā catumahārājadattiyam selamayapattam ādāya Uttarakurum gacchati. Tato pindapātam āharitvā Anotattadahatīre nisinno paribhunjitvā divāvihārāya candanavanam gacchati. Dhammasenāpati-Sāriputtatthero pi tattha gantvā Sammāsambuddhassa vattam katvā ekamantam nisīdi. Ath' assa satthā nayam deti. 'Sāriputta ettha ko dhammo desito ti ' ācikkhati. Evam Sammāsambuddhena nayam dente paţisambhidāpattassa aggasāvakassa velante thitvā hattham pasāretvā dassitasamuddasadisam nayadanam hoti. Therassa pi nayasatena nayasahassena Bhagavatā desitadhammo upatthāti yeva. ' Satthā divāvihāram nisīditvā dammam desetvā pattacīvaram ādāya kāya velāya gacchatī ti?' Sāvatthivāsīnam sampattānam kulaputtānam dhammadesanavelā nāma atthi. Tāya velāya gacchati. Dhammam desetvā gacchantam vā āgacchantam vā koci jānātī ti? Mahesakkhā devatā jānanti. Appesakkhā devatā na jānanti. Kasmā na jānantī ti? Sammāsambuddhassa vā nimmitabuddhassa vā rasmiyādisu nānattābhāvā ubhinnam pi tesam rasmīsu vā saresu vā vacanesu vā nānattam natthi. Sāriputtatthero pi Satthārā desitam dhammam āharitvā attano saddhivihārikānam pancannam bhikkhusatānam desesi. Tesam ayam pubbayogo.

45. Te kira Kassapadasabalassa kāle Khuddakavagguliyoniyam nibbattā pabbhāre olambantā dvinnam Ābhidhammikabhikkhūnam Abhidhammam sajjhāyantānam nimittam gahetvā kanhapakkham vā sukkapakkham vā ajānitvā pi sare nimittagāhamattaken' eva kālam katvā devaloke nibbattimsu. Ekam buddhantaram vasitvā tasmim kāle manussaloke nibbattā yamakapāţihāriye pasīditvā therassa santike pabbajimsu. Satthārā desitam dhammam āharitvā tesam desesi. māsambuddhassa Abhidhammadesanā pariyosānañ tesam bhikkhūnam sattappakaraņauggahanan ca ekappahāren' eva ahosi. Abhidhammo vācanāmaggo nāma Sāriputtattherappabhavo Mahāpakaranagananacāro pi theren' eva thapito. Thero pi iminā nīhārena dhammantaram amakkhetvā va sukham gahetum dhāretum pariyāpuņitum vācetum ca hotī ti gaņanacāram thapesi. Evam sante thero va pathamataram Ābhidhammiko hotī ti? Na hoti. Sammāsambuddho va pathamataram Ābhidhammiko. So hi nam Mahābodhipallanke nisīditvā pativijihi buddho hutvā ca pana sattāham ekapallanke nisinno Udānam udānesi:

Yadā have pātubhavanti dhammā ātāpino jhāyato brāhmaņassa Ath' assa kankhā vapayanti sabbā yato pajānāti sa hetudhammam. Yadā have pātubhavanti dhammā ātāpino jhāyato brāhmaṇassa ath' assa kankhā vapayanti sabbā yato khayam paccayānam avedi. Yadā have pātubhavanti dhammā ātāpino jhāyato brāhmaṇassa vidhūpayam titthati Mārasenam suriyo va obhāsayam antalikkhan ti. **

Idam pathamabuddhavacanam nāma.

¹ Mahāvagga I. 1. 3.

46. Dhammapadabhāṇakā pana

Anekajātisamsāram sandhāvissam anibbisam gahakārakam gavesanto. Dukkhā jāti punappunam. Gahakāraka dittho 'si puna geham na kāhasi, Sabbā te phāsukā bhaggā gahakūtam visankhitam, visankhāragatam cittam tanhānam khayam ajjhagā ti z

Idam pathamabuddhavacanam nāmā ti vadanti.

Yamakasālānam antare nipannena parinibbānasamaye: Handa dāni bhikkhave āmantayāmi vo 'vayadhammā sankhārā, appamādena sampādethā' ti vuttavacanam pacchimabuddhavacanam nāma.²

Ubhinnam antare pañcacattālīsa vassāni pupphadāmam ganthentena viya kathito amatappakāsano saddhammo majjhimabuddhavacanam nāma. Tam sabbesam pi sangayhamānam piṭakato tīni piṭakāni honti, nikāyato pañca nikāyā, aṅgato nav'aṅgāni, dhammakkhandhato caturāsīti dhammakkhandhasahassāni. Katham? Sabbam pi h'etam piṭakato Vinayapiṭakam Suttantapiṭakam Abhidhammapiṭakan ti tippabhedam eva hoti.

47. Tattha ubhayāni Pātimokkhāni dve Vibhangāni dvāvīsati Khandhakā soļasa Parivārā ti idam Vinayapiţakam nāma.

Brahmajālādicatuttimsasuttasangaho Dīgha-nikāyo, mūlapariyāyasuttādidiyaddhasatadvesuttasangaho Majjhima-nikāyo, Oghataranasuttādisattasuttasahassasattasatadvāsatthisuttasangaho Samyutta-nikāyo, Cittapariyādānasuttādinavasuttasahassapancasatasuttapannāsasuttasangaho Anguttara-nikāyo Khuddakapātha-Dhammanada-

gaho Anguttara-nikāyo, Khuddakapātha-Dhammapada-Udāna-Itivuttaka-Sutta-nipāta-Vimānavatthu-Petavatthu-Theratherīgāthā-Jātaka-Niddesa-Paṭisambhidā-Apadāna-Buddhavaṃsa-Cariyāpiṭakappabhedo Khuddaka-nikāyo ti idam Suttantapiṭakam nāma.

Dhammasanganiādīni satta pakaranāni Abhidhammapiṭakam nāma.

¹ Dhp. vs. 153, 154. ² Mahâparinibbānas. VI. 10.

48. Tattha

Vividhavisesanayattā vinayanato c'eva kāyavācānam vinayatthavidūhi ayam vinayo Vinayo ti akkhāto.

Vividhā hi ettha pañcavidha-Pātimokkhuddesa-Pārā-jikādi-satta-āpattikkhandha-mātikā vibhangādippabhedanāya visesabhūtā va daļhikammasithilīkaraṇappayojanā anuppaññattinayā, kāyikavācasika - ajjhācāranisedhanato c'esa kāyam vācañ ca vineti. Tasmā vividhanayattā visesanayattā kāyavācānañ ca vinayanato Vinayo ti akkhāto.

Ten' etam etassa vacanatthakosallattham vuttam.

Vividhavisesanayattā vinayanato c'eva kāyavācānam vinayatthavidūhi ayam vinayo Vinayo ti akkhāto ti.

49. Itaram pana:

Atthānam sūcanato suvuttato savanato 'tha sūdanato suttānāsuttasabhāgato ca suttam Suttan ti akkhātam.

Tam hi attatthaparatthādibhede atthe sūceti. Suvuttā c'ettha atthā veneyyajjhāsayānulomena vuttattā. 'Pasavati c'etam atthe sassam iva phalam pasavatī ti 'vuttam hoti. 'Sūdati c'etam te dhenu viya khīram paggharatī ti' vuttam hoti. 'Sutthu ca ne tāyati rakkhatī ti 'vuttam hoti. Suttasabhāgañ c'etam yathā hi tacchakānam suttam pamānam hoti evam etam pi viñnūnam, yathā ca suttena sangahītāni pupphāni na vikirīyanti na viddhamsiyanti evam etena sangahītā atthā. Ten' etam etassa vacanatthakosallattham vuttam.

Atthānam sūcanato suvuttato savanato' tha sūdanato suttānāsuttasabhāgato on suttam Suttan ti akkhātan ti.

50. Abidhammassa vacanattho vutto yeva aparo pana nayo.

Yam ettha vuddhimato salakkhanā pūjitā parichinnā vuttā adhikā ca dhammā Abhidhammo tena akkhāto.

Ayam hi abhisaddo vuddhisalakkhaṇapūjitaparicchinnādhikesu dissati. Tathā h'esa 'bāļhā me āvuso dukkhā vedanā abhikkamantī 'ti ādisu vuddhiyam āgato. 'Yā tā rattiyo abhiñātā abhilakkhitā' ti ādisu salakkhaṇo. 'Rājābhirājā manujindo' ti ādisu pūjite. 'Paṭibalo vinetum Abhidhamme Abhivinaye'ti ādisu paricchinne. 'Aññamaññasaṅkaravirahite dhamme ca vinaye cā ti' vuttam hoti. 'Abhikkantena vaṇṇenā ti' ādisu adhike. Ettha ca 'rūpūpapattiyā maggam bhāveti, mettā-sahagatena cetasā ekaṃ disaṃ pharitvā viharatī ti' ādinā nayenā vuddhimanto pi dhammā vuttā. 'Rūpārammaṇaṃ vā saddārammaṇaṃ vā'ti ādinā nayena ārammaṇādīhi lakkhaṇīyattā salakkhaṇā pi. 'Sekkhā dhammā asekkhā dhammā lokuttarā dhammā' ti ādinā nayena pūjitā pi pūjārahā ti adhippāyo.

'Phasso hoti vedanā hotī ti' ādinā nayena sabhāvaparichinnattā parichinnā pi. 'Mahaggatā dhammā, appamānā dhammā, anuttarā dhammā ' ti ādinā nayena adhikā pi dhammā vuttā. Ten' etam etassa vacanassa kosallattham vuttam:

Yam ettha vuddhimanto salakkhanā pūjitā parichinnā vuttādhikā ca dhammā Abhidhammo tena akkhāto ti.

51. Yam pan' ettha avasittham tam

Piţakam piţakatthavidū pariyattibhājanatthato āhu tena samodhānetvā tayo pi Vinayādayo ñeyyā.

Pariyatti pi hi 'mā piţakasampadānenā' ti ādisu piţakan ti vuccati.

Atha 'puriso \bar{a} gaccheyya kudd \bar{a} lapiṭakam \bar{a} d \bar{a} y \bar{a} ti ' \bar{a} disu yam kiñci bh \bar{a} janam pi. Tasm \bar{a} :

'Pitakam pitakatthavidū pafiyattibhājanatthato āhu.' Idāni 'tena samodhānetvā tayo pi Vinayādayo ñeyyā' ti.

Tena evam duvidhatthena piţakasaddena saha samāsam katvā Vinayo ca so piţakañ ca pariyattibhāvato tassa atthassa bhājanato cā ti Vinayapiţakam. Yathā vutten' eva nayena suttañ ca tam piţakañ cā ti Suttapiţakam. Abhi-

dhammo ca so piţakañ cā ti Abhidhammapiţakan ti. Evam ete tayo pi Vinayādayo ñeyyā.

Evam natvā ca pana pi tesu yeva piţakesu nanappakara-kosallattham.

Desanāsāsanakathābhedam tesu yathāraham sikkhāppahānagambhīrabhāvañ ca paridīpaye. Pariyattibhedam sampattim vipattim cā ti yam yahim pāpunāti yathā bhikkhu tam pi sabbam vibhāvaye.

52. Tatthāyam paridīpanā vibhāvanā ca. Etāni hi tīni piṭakādīni yathākkamam āṇāvohāraparamatthadesanā yathāparādhayathānulomayathādhammasāsanāni samvarāsamvaradiṭṭhiviniveṭhananāmarūpaparicchedakathā ti vuccanti. Ettha hi Vinayapiṭakam āṇāraheṇa Bhagavatā āṇābāhullato desitattā āṇādesanā, Suttantapiṭakam vohārakusalena Bhagavatā vohārabāhullato desitattā vohāradesanā, Abhidhammapiṭakam paramatthakusalena Bhagavatā paramatthabāhullato desitattā paramatthadesanā ti vuccati.

Tathā pathamam ye te pacurāparādhā sattā te yathāparādham ettha sāsitā ti yathāparādhasāsanam, dutiyam anekajjhāsayānusayacaritādhimuttikā sattā yathānulomam ettha sāsitā ti yathānulomasāsanam, tatiyam dhammapunjamatte aham mamā ti sannino sattā yathādhammam ettha sāsitā ti yathādhammasāsanan ti vuccati.

Tathā pathamam ajjhācārapatipakkhabhūto samvarāsamvaro ettha kathito ti samvarāsamvarakathā. Samvarāsamvaro ti khuddako c'eva mahanto ca samvaro kammākammam viya phalāphalam viya ca.

Dutiyam dvāsatthi-ditthi-patipakkhabūtā ditthivinivethanā ettha kathitā ti ditthivinivethanakathā.

Tatiyam rāgādi-paṭipakkhabhūto nāmarūpaparicchedo ettha kathito ti nāmarūpaparicchedakathā ti vuccati.

53. Tīsu pi ca etesu tisso sikkhā tīņi pahānāni catubbidho gambhīrabhāvo veditabbo. Tathā hi Vinayapiţake visesena adhisīlasikkhā vuttā, Suttantapiţake adhicittasikkhā, Abhidhammapiţake adhipaññāsikkhā. Vinayapiţake ca

vītikkamappahānam kilesānam vītikkamapaṭipakkhattā sīlassa, Suttantapiṭake pariyuṭṭhānappahānam pariyuṭṭhānapaṭipakkhattā samādhissa, Abhidhammapiṭake anusayappahānam anusayapaṭipakkhattā paññāya.

Paṭhame ca tadaṅgappahānam kilesānam itaresu vikkhambhanasamucchedappahānāni, paṭhame duccaritasaṅkilesassa pahānam itaresu taṇhādiṭṭhisaṅkilesānam. Ekamekasmim c'ettha catubbidho pi dhammatthadesanāpaṭivedhagambhīrabhāvo veditabbo.

Tattha dhammo ti tanti, attho ti tassā yev' attho, desanā ti tassā manasā vavatthāpitāya tantiyā desanā, paṭivedho ti tantiyā tantiatthassa ca yathābhūtāvabodho. Tīsu pi c'etesu piṭakesu ete dhammatthadesanā paṭivedhā yasmā sasādīhi viya mahāsamuddo mandabuddhīhi dukkhogāļhā alabbhaṇeyyapatiṭṭhā ca tasmā gambhīrā. Evaṃ ekamekasmiṃ ettha catubbidho pi gambhīrabhāvo veditabho.

54. Aparo nayo. Dhammo ti hetu. Vuttam h'etam: hetumhi ñāṇam dhammapaṭisambhidā. Attho ti hetuphalam. Vuttam h'etam: hetuphale ñāṇam atthapaṭisambhidā ti. Desanā ti paññatti. Yathādhammam dhammābhilāpo ti adhippāyo, anulomapaṭilomasankhepavitthārādivasena vā kathanam.

Paţivedho ti abhisamayo, so ca lokiyalokuttaro visayato ca asammohato ca atthānurūpam dhammesu dhammānurūpam atthesu paññatti yathānurūpam paññattīsu avabodho. Tesam tesam vā tattha tattha vuttadhammānam paṭivijjhitabbo salakkhaṇasankhāto aviparītasabhāvo. Idāni yasmā etesu piṭakesu yam yam dhammajātam atthajātam vā yo cāyam yathā yathā ñāpetabbo attho sotūnam ñāṇassa abhimukho hoti, tathā tathā tadatthajotikā desanā, yo c'ettha aviparītāvabodhasankhāto paṭivedho tesam tesam vā dhammānam paṭivijjhitabbo salakkhaṇasankhāto aviparītasabhāvo, sabbam c'etam anupacitakusalasambhārehi duppaññehi sasādīhi viya mahāsamuddo dukkhogāļham alabbhaneyyappatiṭṭhañ ca, tasmā evam pi ekamekasmim ettha catubbidho pi gambhīrabhāvo veditabbo. Ettāvatā ca:

Desanāsāsanākathābhedan tesu yathāraham sikkhāppahānagambhīrabhāvañ ca paridīpaye.¹ Iti ayam gāthā vuttatthā hoti.

55. Pariyattibhedam sampattim vipattim cā pi yam yahim

pāpuņāti yathā bhikkhu tam pi sabbam vibhāvaye ti.

pana tīsu piţakesu tividho pariyattibhedo Ettha Tisso hi pariyattiyo alagaddūpamā nissaradatthabbo. ņatthā bhandāgārikapariyattī ti. Tattha yā duggahītā upārambhādihetu pariyāputā alagaddūpamā. Yam sandhāya vuttam: Seyvathā pi nāma bhikkhave puriso alagaddatthiko . . . pe . . . so passeyya mahantam alagaddam. Tam enam bhoge vā nangutthe vā ganheyya. Tassa so alagaddo paţiparivattitvā hatthe vā bāhāya vā aññatarasmim vā angapaccange daseyva. So tatonidānam maranam vā nigaccheyya maranamattam vā dukkham. kissa hetu? duggahītattā bhikkhave alagaddassa. Evam eva kho bhikkhave idh'ekacce moghapurisā dhammam pariyāpuņanti Suttam . . . pe . . . Vedallam. Te tam dhammam pariyāpuņitvā tesam dhammānam paññāya attham na upaparikkhanti. Tesam te dhammā paññāya attham anupaparikkhatam na nijjhanam khamanti. upārambhānisamsā c'eva dhammam pariyāpuņanti itivādappamokkhānisamsā ca. Yassa c'atthāya dhammam pariyāpuņanti tañ c'assa attham nānubhonti, tesan te dhammā duggahītā dīgharattam ahitāya dukkhāya samvattanti. Tam kissa hetu? Duggahītattā bhikkhave dhammānan ti.

Yā pana sugahītā sīlakkhandhādipāripūrim yeva ākankhamānena pariyāputā na upārambhādi-hetu ayam nissaranatthā. Yam sandhāya vuttam: Tesam te dhammā suggahītā dīgharattam hitāya sukhāya samvattanti. Tam kissa hetu? Sugahītattā bhikkhave dhammānan ti.

56. Yam pana pariññātakhandho pahīnakileso bhāvitamaggo

¹ Sumangalavilāsinī p. 20. seq.

patividdhākuppo sacchikatanirodho khīṇāsavo kevalam pateṇipālanatthāya vaṃsānurakkhanatthāya pariyāpuṇāti, ayam bhaṇḍāgārikapariyattī ti. Vinaye pane suppaṭipanno bhikkhu sīlasampadam nissāya tisso vijjā pāpuṇāti, tāsam yeva ca tattha pabhedavacanato. Sutte suppaṭipanno samādhisampadam nissāya cha abhiññā pāpuṇāti, tāsam yeva ca tattha pabhedavacanato. Abhidhamme suppaṭipanno paññāsampadam nissāya catasso paṭisambhidā pāpuṇāti, tāsam yeva tattha pabhedavacanato.

Evam etesu suppaţipanno yathākkamena imam vijjāttaya-cha-abhiññā-catupaţisambhidāpabhedam sampattim pāpuṇāti.

57. Vinaye pana duppatipanno ananuññātasukhasamphassa-attharaṇapāpuraṇādiphassasāmaññato paṭikkhittesu upādiṇṇakaphassādisu anavajjasaññī hoti. Vuttam pi h'etam: tathāham Bhagavatā dhammam desitam ājānāmi yathā ye 'me antarāyikā dhammā vuttā Bhagavatā te paṭisevato nālam antarāyāyā ti. Tato dussīlābhāvam pāpuṇāti.

Sutte duppaţipanno cattāro 'me bhikkhave puggalā santo saṃvijjamānā lokasmim ti ādisu adhippāyam ajānanto duggahītam gaṇhāti. Yam sandhāya vuttam: 'attanā duggahītena amhe ceva abbhācikkhati attānañ ca khaṇati bahuñ ca apuññam pasavatī ti.' Tato micchādiţṭhitam pāpuṇāti.

Abhidhamme duppaţipanno dhammacittam atidhāvanto acinteyyāni pi cinteti. Tato cittavikkhepam pāpuṇāti. Vuttam h'etam: 'Cattār' imāni bhikkhave acinteyyāni na cintetabbāni, yāni cintento ummādassa vighātassa bhāgī assā ti. Evam etesu duppatipanno yathākkamena imam dussīlabhāva-micchādiţṭhitā-cittakkhepabhedam vipattim pāpuṇātī ti. Ettāvatā

Pariyattibhedam sampattim vipattim cāpi yam yahim pāpuņāti yathā bhikkhu tam pi sabbam vibhāvaye ti.

Ayam pi gāthā vuttatthā hoti. Evam nānappakārato piṭakāni ñatvā tesam vasena sabbam p'etam sangayhamānam tīṇi piṭakāni honti.

58. Katham nikāyato pañca nikāyā ti? Sabbam eva h'etam Dīghanikāyo Majjhimanikāyo Samyuttanikāyo Anguttaranikāyo Khuddakanikāyo ti pañcappabhedam hoti.

Tattha katamo Dīghanikāyo? Tivaggasangahāni Brahmajālādīni catuttimsa suttāni.

Catuttims'eva suttantā tivaggo yassa sangaho essa Dīghanikāyo ti pathamo anulomiko ti.

Kasmā pan' esa Dīghanikāyo ti vuccati? Dīghappamānānam suttānam samūhato nivāsato ca, samūhanivāsā hi nikāyo ti vuccanti. 'Nāham bhikkhave aññam ekanikāyam pi samanupassāmi evamcittam yathayidam bhikkhave tiracchānagatapānāponikanikāyo cikkhallikanikāyo' ti evamādīni c'ettha sādhakāni sāsanato lokato ca. Evam sesānam pi nikāyabhāve vacanattho veditabbo.

Katamo Majjhimanikāyo? Majjhimappamāṇāni pañcadasa vaggasangahāni Mūlapariyāyasuttādīni diyaḍḍhasatam dve ca suttāni.

Diyaddhasatasuttantā dve ca suttāni yattha so nikāyo majjhimo pañcadasavaggapariggaho ti.

Katamo Samyuttanikāyo? Devatāsamyuttādivasena kathitāni Oghataraṇasuttādīni satta suttasahassāni satta ca suttasatāni dvāsatthi ca suttāni.

Satta suttasahassāni satta suttasatāni ca dvāsatthi c'eva suttantā eso Saṃyuttasaṅgaho ti.

Katamo Anguttaranikāyo? Ekeka-angātirekavasena kathitāni Cittapariyādānādīni nava suttasahassāni panca suttasatāni sattapannāsan ca suttāni.

Navasuttasahassāni pañca suttasatāni ca Sattapaññāsa suttāni saṅkhyā Aṅguttare ayam. Katamo Khuddakanikāyo? Sakalam Vinayapiṭakam Abhidhammapiṭakam Khuddakapāṭha-Dhammapadādayo ca pubbe dassita-cuddasappabhedā, ṭhapetvā cattāro nikāye avasesabuddhavacanan ti.

Thapetvā caturo p'ete nikāye Dīgha-ādike tadaññaṃ buddhavacanaṃ nikāyo Khuddako mato ti. Evaṃ nikāyato pañca nikāyā honti.

59. Katham nava angānī ti? Sabbam eva h'idam Suttam Geyyam Veyyākaranam Gāthā Udānam Itivuttakam Jātakam Abbhutadhammam Vedallan ti navappabhedam hoti.

Tattha Ubhato - vibhanga - niddesakhandhakaparivārā Suttanipāte Mangalasutta-Ratanasutta-Nālakasutta-Tuva-takasuttāni añnam pi ca suttanāmakam Tathāgatavacanam Suttan ti veditabbam. Sabbam pi sagāthakam Suttam Geyyan ti veditabbam. Visesena Samyuttake sakalo pi sagāthāvaggo. Sakalam pi Abhidhammapiṭakam niggāthakam suttan ca yan ca annam pi aṭṭhahi angehi asangahītam buddhavacanam tam Veyyākaranan ti veditabbam.

Dhammapada - Theragāthā - Therīgāthā - Suttanipāte no suttanāmikā suddhikagāthā ca Gāthā ti veditabbā. Somanassañāṇamayika-gāthā-paṭisaṃyuttā dve asīti suttantā Udānan ti veditabbam.

'Vuttam h'etam Bhagavatā' ti ādinayappavattā dasuttarasatam suttantā Iti-vuttakan ti veditabbam.

Apaṇṇaka-jātakādīni paññāsādhikāni pañca jātakasatāni Jātakan ti veditabbam.

'Cattāro ime bhikkhave acchariyā abbhutadhammā Ānande' ti ādinayappavattā sabbe pi acchariyabbhutadhammapatisaṃyuttā suttantā Abbhutadhamman ti veditabbam.

Cullavedalla - Mahāvedalla - Sammādiţţhi - Sakkapañha-Sańkhārabhājanīya-Mahāpuṇṇamasuttādayo sabbe pi vedañ ca tuţţhiñ ca laddhāladdhā pucchitasuttantā Vedallan ti veditabbam.

Evam etam angato nava angani.

60. Katham dhammakhandhato caturāsīti dhammak-khandhasahassānī ti? Sabbam eva hi Buddhavacanam

Dvāsītim buddhato gaņhim dve sahassāni bhikkhuto caturāsīti sahassāni ye 'me dhammā pavattino ti.

Evam paridīpitadhammakkhandhavasena caturāsītisahassappabhedam hoti.

Tattha ekānusandhikam suttam eko dhammakkhandho. Yam anekānusandhikam tattha anusandhivasena dhammakkhandhagaṇanā.

Gāthābandhesu pañhapucchanam eko dhammakkhandho, vissajjanam eko. Abhidhamme ekamekam tikadukabhājanam ekamekañ ca cittavārabhājanam eko dhammakkhandho.

Vinaye atthi vatthu, atthi mātikā, atthi padabhājaniyam, atthi āpatti, atthi anāpatti, atthi tikacchedo, tattha ekameko koţţhāso ekameko dhammakkhandho ti veditabbo.

Evam dhammakkhandhato caturāsīti dhammakkhandha-sahassāni.

- 61. Evam etam sabbam pi Buddhavacanam pañcasatikasangītikāle sangāyantena Mahākassapapamukhena vasīga-'idam pathamabuddhavacanam, idam majjhimabuddhavacanam, idam pacchimabuddhavacanam, idam Vinayapitakam, idam Suttantapitakam, idam Abhidhammapitakam, ayam Dīghanikāyo . . . pe . . . ayam Khuddakanikāyo, imāni suttādīni nav' angāni, imāni caturāsīti dhammakkhandhasahassānī ti' imam pabhedam vavatthapetvā va sangītam. Na kevalan ca imam eva. Annam pi uddānasangaha-vaggasangaha-peyyālasangaha-ekanipātadukanipātādinipātasangahasamyuttasangahapannāsasanga hādim anekavidham tīsu piţakesu sandissamānasangahappabhedam vavatthapetvā va sattahi māsehi sangītam. Sangītipariyosāne c'assa: 'Idam Mahākassapattherena Dasabalassa sāsanam pañcavassasahassaparimānakālam pavattanasamattham katam' ti sanjātappamodā, sādhukāram dadamānā, ayam mahāpathavī udakapariyantam katvā anekappakāram sankampi sampakampi sampavedhi. Anekāni ca acchariyāni pāturahesum.
- 62. Evam sangīte pan' ettha ayam Abhidhammo piţakato Abhidhammapiţakam, nikāyato Khuddakanikāyo,

angato Veyyākaranangam dhammakkhandhato katipayāni Tam dhāravantesu dhammakkhandhasahassāni hoti. bhikkhūsu pubbe eko bhikkhu sabbasāmayikaparisāya nisīditvā Abhidhammato suttam āharitvā dhammam kathento 'rūpakkhandho avyākato cattāro khandhā siyā kusalā siyā akusalā siyā avyākatā dasāyatanā avyākatā dve āyatanā siyā kusalā siyā akusalā siyā avyākatā soļasa dhātuyo avyākatā dve dhātuyo siyā kusalā siyā akusalā siyā avyākatā samudayasaccam akusalam maggasaccam kusalam nirodhasaccam avyākatam dukkhasaccam siyā kusalam siyā akusalam siyā avyākatam dasindriyā avyākatā domanassindriyam aññātamñassāmītindriyam kusalam indriyāni siyā akusalā siyā avyākatā cha indriyāni siyā kusalā siyā akusalā siyā avyākatā ti' dhammakatham ka-Tasmim thane eko bhikkhu nisinno dhammakathikatvam Sinerum parikkhipanto viya dīghasuttam āharāsi. Kim suttam nām'etan ti āha? Abhidhammasuttam nāma āvuso ti. Abhidhammasuttam kasmā āharāsi? aññam buddhabhāsitam suttam āharitum na vattatī ti. Abhidhammo kena bhāsito ti? Na eso buddhabhāsito ti. Kim pana te āvuso Vinayapiţakam uggahitan ti. uggahitam āvuso ti. Avinayadhāritāya maññe ajānanto evam vadesī ti. Vinayamattam eva āvuso uggahitan ti. Tam pi te duggahitam parisapariyante nisīditvā niddayantena uggahitam bhavissati. Tumhadise hi pabbājento vā upasampādento vā sātisāro hoti. Kinkāraņā? Vinayamattassa pi duggahītattā. Vuttam h'etam: Tattha anāpatti na vivaņņetukāmo ingha tāva Suttantam vā gāthāyo vā Abhidhammam vā pariyāpunassu pacchā pi Vinayam pariyāpuņissasi. Suttante okāsam kārāpetvā Abhidhammam vā Vinayam vā pucchati. Abhidhamme okāsam kārāpetvā Suttantam vā Vinayam vā pucchati. Vinaye okāsam kārāpetvā Suttantam vā Abhidhammam vā pucchati. Tvam pana ettakam pi na jānāsī ti. Ettakenāpi paravādī niggahito hoti. Mahāgosingasuttam pana ito pi balavataram. Tatra hi Dhammasenāpati Sāriputtatthero aññamaññam pucchitam pañhañ ca vissajjanañ ca aropetum Satthu santikam gantvā Mahāmoggallānattherassa vissajjanam ārocento:

idhāvuso Sāriputta dve bhikkhū Abhidhammakatham kathenti, te aññamaññam pañham pucchanti, aññamaññassa pañham putthā vissajjenti no ca saṃsādenti dhammī ca tesam kathā pavattanī hoti. Evarūpena kho āvuso Sāriputta bhikkhunā Gosingasālavanam sobheyyā ti āha.

63. Satthā abhidhammikā nāma mama sāsane paribāhirā ti avatvā suvaņņālingasadisam gīvam uņņāmetvā punņacandasassirīkam mukham pūretvā brahmaghosam nicchārento 'sādhu sādhu Sāriputtā' ti Mahāmoggallānattherassa sādhukāram datvā 'yathā tam Moggallāno ca sammāvyākaramāno vyākareyya, Moggallāno hi Sāriputtadhammakathiko' ti āha. Abhidhammikabhikkhū yeva kira dhammakathikā nāma, avasesā dhammam kathentā pi na dhammakathikā. Kasmā? Te hi dhammam kathentā kammantaram vipākantaram rūpārūpaparicchedam dhammantaram āloletvā kathenti. Abhidhammikā dhammantaram na ālolenti, tasmā abhidhammiko bhikkhu dhammam kathetu vā no vā pucchitakāle pana panham kathessatī ti. Avam eva kira ekantadhammakathiko nāmā ti. Idam sandhāya Satthā sādhukāram datvā 'sukathitam Moggallānenā ti' āha. Abhidhammam patibāhanto imasmim jinacakke pahāram deti, sabbaññūtañānam patibāhati, Satthu vesārajjanānam ativatteti, sotukāmam parisam visamvādeti, ariyamagge āvaraņam bandhati, atthārasasu bhedakaravatthūsu ekasmim sandissati, ukkhepaniyakammanissayakammatajjaniyakammāraho hoti, kammam katvā uyyojetabbo vighāsādo hutvā jīvissatī ti. Athā pi evam vadeyya: sace Abhidhammo buddhabhāsito yathā anekesu suttasahassesu 'ekam samayam Bhagavā Rājagahe viharatī ti' ādinā nayena nidānam sajjitam evam assāpi nidānam sajjitam bhaveyyā ti. So 'Jātaka Suttanipāta-Dhammapadādīnam evarūpam nidānam n'atthi na ca tāni buddhabhāsitānī ti' patikkhipitvā uttarim pi evam vattabbo: Pandita Abhidhammo nām 'esa buddhānam yeva visayo na aññesam visayo, buddhānam okkanti pākaţā, abhijāti pākaţā, abhisambodhi pākatā, dhammacakkappavattanam pākatam,

¹ na dhammantaram āloļo M. ² patinivatteti M.

yamakapatihīram pākatam, vikkamo pākato, devaloke desitabhāvo pākato, devorohanam pākatam. Yathā nāma cakkavattirañño hatthiratanam vā assaratanam vā thenetvā yānake yojetvā vicaraṇam nāma atthānam akāraṇam, cakkaratanam vā pana thenetvā palālasakate olambetvā vicaraṇam nāma atthānam akāraṇam, yojanappamānam obhāsanasamattham maṇiratanam vā pana kappāsapacchiyam pakkhipitvā valañjanam nāma atthānam akāraṇam. Kasmā? Rājārahabhaṇḍatāya. Evam evam Abhidhammo nāma añīesam avisayo sabbañīubuddhānam yeva visayo. Tesam vasena desetabbā desanā buddhānam hi okkanti pākatā . . . pe . . . devorohanam pākatam. Abhidhammassa nidānakiccam nāma n'atthi paṇḍitā ti, na hi sakkā evam vutte paravādinā sahadhammikam udāhāram udāharitum.

64. Maṇḍalārāmavāsī Tissabhūtithero pana mahābodhinidāne 'esa Abhidhammo nāmā ti dassetum yena svāham bhikkhave vihārena paṭhamābhisambuddho viharāmi tassa padese na vihāsin ti' imam padesavihārasuttantam āharitvā kathesi. Dasavidho hi padeso nāma khandhapadeso āyatanapadeso dhātu-sacca-indriya-paccayākārasatipaṭṭhānajjhānapadeso nāma padeso dhammapadeso ti. Tesu Satthā Mahābodhimaṇḍe pañcakkhandhe nippadesato paṭivijjhi, imam temāsam vedanākkhandhavasen' eva vihāsi.

Dvādasāyatanāni atthārasa dhātuyo nippadesena pativijjhi, imam temāsam dhammāyatane vedanāvasena dhammadhātuyañ ca vedanāvasen' eva vihāsi.

Cattāri saccāni nippadesena paţivijjhi, imam temāsam dukkhasaccavedanāvasen' eva vihāsi.

Bāvīsatindriyāni nippadesena paţtivijjhi, imam temāsam vedanāpañcake indriyavasena vihāsi.

Dvādasapadikam paccayākāravattanim inippadesena pativijjhi, imam temāsam phassapaccayavedanāvasen' eva vihāsi.

Cattāro satipatthāne nippadesena pativijjhi, imam temāsam vedanāsatipatthānavasen' eva vihāsi.

¹ paccayavaddham C.G. T.

Cattāri jhānāni nippadesena paṭivijjhi, imam temāsam jhānangesu vedanāvasen' eva vihāsi.

Nāmam nippadesena paţivijjhi, imam temāsam tattha vedanāvasen' eva vihāsi.

Dhamme nippadesena paţivijjhi, imam temāsam vedanātikavasen' eva vihāsi.

- 65. Evam thero padesavihārasuttantavasena Abhidhammassa nidānam kathesi: Gāmavāsi Sumanadevathero pana hetthā lohapāsāde dhammam pavattento 'ayam paravādī bāhā paggayha araññe kandanto viya asakkhikam attham karonto viya ca Abhidhamme nidānassa atthibhāvam pi na jānāti ti' vatvā nidānam kathento evam āha: Ekam samayam Bhagavā devesu viharati Tāvatimse pāricchattakamūle paṇḍukambalasilāyam. Tatra kho Bhagavā devānam Tavatimsānam Abhidhammakatham kathesi.
- 66. Kusalā dhammā akusalā dhammā avyākatā dhammā ti. Aññesu pana suttesu ekam eva nidānam, Abhidhamme dve nidānāni adhigamanidānam desanānidānañ ca. Tattha adhigamanidānam Dīpankaradasabalato paṭṭhāya yāva Mahābodhipallankā veditabbam, desanānidānam yāva dhammacakkappavattanā. Evam ubhayanidānasampannassa pan' assa Abhidhammassa nidānakosallattham idam tāva pañhakammam veditabbam.
- 67. Ayam Abhidhammo nāma kena pabhāvito, kattha paripācito, kattha adhigato, kena adhigato, kattha vicito, kadā vicito, kena vicito, kattha desito, kass' atthāya desito, kehi patiggahīto, ke sikkhanti, ke sikkhitasikkhā, ke dhārenti, kassa vacanam, kenābhatan ti?

Tatr' idam vissajjanam:

Kena pabhāvito ti? Bodhiabhinīhārasaddhāya pabhāvito.

Kattha paripācito ti? Addhacchatthesu Jātakasatesu. Kattha adhigato ti? Bodhimūle.

Kadā adhigato ti? Visākhapuņņamāsiyam.

Kena adhigato ti? Sabbaññubuddhena.

Kattha vicito ti? Bodhimande.

Kadā vicito ti? Ratanagharasattāhe.

Kena vicito ti? Sabbaññūbuddhena.

Kattha desito ti? Devesu Tāvatimsesu.

Kass' atthaya desito ti? Devatanam.

Kim attham desito ti? Caturoghanittharanattham.

Kehi paţigahīto ti? Devehi.

Ke sikkhantī ti? Sekhā ca puthujjanā kalyānakā ca.

Ke sikkhitasikkhā ti? Arahanto khīņāsavā.

Ke dhārentī ti? Yesam vattati te dhārenti.

Kassa vacanan ti? Bhagavato vacanam arahato Sammāsambuddhassa.

Kenābhatan ti? Ācariyaparamparāya. Ayam hi Sāriputtatthero Bhaddaji Sobhito Piyajāli Piyapālo Piyadassī Kosiyaputto Siggavo Sandeho Moggaliputto Visudatto Dhammiyo Dāsako Sonako Revato ti evam ādīhi yāva sangītikālā ābhato, tato uddham tesam yeva sissānusissehī ti. Evam tāva Jambudīpatale ācariyaparamparāya ābhato imam pana dīpam.

Tato Mahindo Iddhiyo Uttiyo Bhaddanāmo ca Sambalo ete nāgā mahāpaññā Jambudīpā idhāgatā ti.

Imehi mahānāgehi ābhato tato uddham tesam yeva sissānusissasankhātāya ācariyaparamparāya yāvajjakālā ābhato. Evam ābhatassa pan' assa yan tam Dīpankaradasabalato paṭṭhāya yāva mahābodhipallankā adhigamanidānam.

68. Yāva Dhammacakkappavattanā desanānidānañ ca vuttam.

[Here the Dūrenidāna Chapter of the Jātaka Commentary (Fausböll's Jātaka, I. pp. 2-47) follows.]

69. Tattha aññe deve dasahi thānehi adhiganhitvā yāvatāyukam dibbasampattim anubhavanto manussagana-

¹ Sandevo C.

nāya i idāni sattahi divasehi āyukkhayam pāpuņissatī ti vatvā nikilissanti, mālā milāyanti, kacchehi sedā muccanti, kāye vevaņņiyam okkamati, devo devāsanena saņṭhahatī ti imesu pubbanimittesu uppannesu tāni disvā suñnā vata no saggā bhavissantī ti samvegajātāhi devatāhi Mahāsattassa pūritapāramībhāvam natvā imasmim idāni añnam devalokam anupagantvā manussaloke uppajjitvā buddhabhāvam patte punnāni katvā cutācutā manussā devalokam paripūressantī ti cintetvā

Yato ham Tusite kāye Santusito nām' aham tadā dasasahassī samāgantvā yācanti pañjalī mamam, Kālo te Mahāvīra! uppajja mātu kucchiyam sadevakan tārayanto bujjhassu amatam padan ti.4

Evam Buddhabhāvatthāya āyācito kālam dīpam desam kulam janettiyā āyuparimāņan ti imāni pañca mahāvilokanāni viloketvā katasanniṭṭhāno tato cuto Sakyarājakule paṭisandhim gahetvā tattha mahāsampattiyā parihariyamāno anukkamena bhadrayobbanam anupāpuṇi.

70. Imasmim antare sato sampajāno Ānandabodhisatto Tusitakāyā cavitvā mātu kucchim okkamatī ti ādinam suttapādānam c'eva tesam Aṭṭhakathāya ca vasena vitthāro veditabbo.

So tinnam utūnam anucchavikesu tīsu pāsādesu devalokasirim viya rajjasirim anubhavamāno uyyānakīlāya gamanasamaye anukkamena jinnavyādhimatasankhyāte tayo devadūte disvā sanjātasamvego nivattitvā catutthavāre pabbajitam disvā sādhu pabbajjā ti pabbajjāya rucim uppādetvā uyyānam gantvā tattha divasam khepetvā Mangalapokkharanītīre nisinno kappakavesam gahetvā āgatena Vissakammena devaputtena alamkatapatiyatto

¹ manussagaņhanāya saţţhivassasahassādhikāni sattapaññāsa vassakoţiyo idāni M.

² pāpuņissasī M. ³ kāye dubbannam okkamati M.

⁴ Dhp p. 117.

Rāhulabhaddassa jātasāsanam sutvā puttasinehassa balavabhāvam ñatvā yāva idam bandhanam na vaḍḍhati tāvad eva nam chindissāmī ti cintetvā sāyam nagaram pavisanto:

> Nibbutā nūna sā mātā Nibbuto nūna so pitā Nibbutā nūna sā nārī Yassāyam īdiso patī ti.

71. Kisāgotamiyā nāma pitucchādhītāya bhāsitam imam gātham sutvā aham imāya nibbutapadam sāvito ti gīvato satasahassagghanakam muttāhāram muncitvā tassā pesetvā attano bhavanam pavisitvā sirisayane nisinno niddāvasena nātakānam vippakāram disvā nibbinnahadayo Channam uţţhāpetvā Kanthakam āharāpetvā Kanthakam āruyha Channasahāyo dasasahassīlokadhātudevatāhi kataparivāro mahābhinikkhamanam nikkhamitvā, ten' eva rattāvasesena tīni mahārajjāni atikkamma, Anomānadītīre pabbajitvā, anukkamena Rājagaham gantvā, tattha piņdāya caritvā Pandavapabbatapabbhāre nisinno Magadharājena rajjena nimantiyamāno tam patikkhipitvā sabbannūtam patvā tassa vijitam āgamanatthāva tena gahitapatinno Ālāran ca Kālāmam Uddakañ ca upasankamityā tesam adhigatavisesena aparituttho chabbassani mahapadhanam padahitvā Visākhāpunnamadivase pāto va Senāninigame Sujātāya dinnapāyāsam paribhunjitvā Neranjarāya nadiyā suvannapātim pavāhetvā Neranjarāya tīre Mahāvanasande nānāsamāpattīhi divasabhāgam vītināmetvā samaye sotthivena dinnam atthatinamutthim gahetvā Kālena nāgarājena abhitthutaguņo bodhimaņdam āruyha tiņāni santharitvā 'na tāv' imam pallankam bhindissāmi yāva me na anupādāva āsavehi cittam vimuccissatī ti' katvā pācīnadisābhimukho nisīditvā patiññam anatthamite yeva Mārabalam vidhamitvā pathamayāme pubbenivāsanāņam, majjhimayāme cutūpapātanānam patvā pacchimayāmāvasāne dasabalacatuvesārajjādisabbabud-

¹ Jāt. I., 60; Mahāvastu, II., 157.

dhaganapatimanditam sabbaññutañānam pativijjhanto yeva imam Abhidhammanayasamuddam adhigañchi.

Evam assa adhigamanidanam veditabbam.

72. Evam adhigatābhidhammo ekapallankena nisinnasattāham animisasattāham cankamanasattāhan ca atikkamitvā catutthe sattāhe sayambhūñānādhigamena adhigatam Abhidhammam vicinitvā aparāni pi Ajapāla-Mucalindarājāvatanesu tīni sattāhāni vītināmetvā sattāhe Ajapālanigrodharukkhamüle nisinno gambhīratāpaccavekkhaņena appossukkatam āpajjamāno dasasahassīmahābrahmaparivārena Sahampatibrāhmuņā āyācitadhammadesano buddhacakkhunā lokam oloketvā brāhmaņo ajjhesanam ādāya 'kassa nu kho aham pathamam dhammam deseyyan' ti olokento Āļār-Uddakānam kālakatabhāvam natvā pancavaggiyānam bhikkhūnam bahūpakārakatam anussaritvā utthāyāsanā Kāsipuram gacchanto antarāmagge Upakena saddhim mantetvā Āsāļhipunnamadivase Isipatane migadāye pancavaggiyānam bhikkhūnam vasanatthāņam patvā te ananucchavikena samudācārena saññāpetvā dhammacakkam pavattento Aññākoṇḍaññatherapamukhā atthārasa brahmakotiyo amatapānam pāyesi. Evam yāva Dhammacakkappavattadesanānidānam veditabbam.

Ayam ettha sankhepo, vitthāro pana sātthakathānam ariyapariyesanapabbajjāsuttādīnam vasena veditabbo.

73. Evam adhigamanidānadesanānidānasampannassa pan'assa Abhidhammassa aparāni pi Dūrenidānam Avidūrenidānam Santikenidānan ti tīni nidānāni. Tattha Dīpankarapādamūlato patthāya yāva Tusitapurā Dūrenidānam veditabbam.

Tusitapurato patthāya yāva Bodhimanḍā Avidūrenidānam.

Ekam samayam Bhagavā devesu Tāvatimsesu viharati pāricchattakamūle Paṇdukambalasilāyam. Tatra Bhagavā devānam Tāvatimsānam Abhidhammakatham kathesī ti idam assa Santikenidānam.

Ayam tāva Nidānakathā. Idāni:

Iti me bhāsamānassa Abhidhammakatham imam, Avikkhittā nisāmetha, dullabhā hi ayam kathā ti.

Evam patiññātāya Abhidhammakathāya kathanokāso sampatto.

74. Tatthāyasmā Abhidhammo nāma Dhammasangaņiādīni sattappakaraņāni.

Dhammasangani cittuppādakandādīnam vasena cattāri kandāni cittuppādakandam pi mātikāpadabhājaniyavasena duvidham, tattha mātikā ādi sā pi tikamātikā dukamātikā ti duvidhā.

Tattha tikamātikā ādi tikamātikāya pi kusalattikam.

75. Kusalattike pi kusalā dhammā ti idam padam. Tasmā:

Ito patthāya gambhīram Abhidhammakatham imam vuccamānam nisāmetha ekaggā sādhu sādhavo ti.

Kusalā dhammā akusalā dhammā avyākatā dhammā ti.

Ayam tāva ādipadena laddhanāmo kusalattiko nāma.

76. Sukhāya vedanāya sampayuttā dhammā, dukkhāya vedanāya sampayuttā dhammā, adukkham-asukhāya vedanāya sampayuttā dhammā ti ayam sabbapadehi laddhanāmo vedanattiko nāma.

Evam ādipadavasena vā sabbapadavasena vā sabbesam pi tikadukānam nāmam veditabbam.

Sabbe va c'ete pañcadasahi paricchedehi vavatthitā. Tikānam hi eko paricchedo dukānam catuddasa.

77. Hetū dhammā na hetū dhammā ti ādayo cha dukā. Ganthato ca atthato ca aññamaññasambandhena kaṇṇikā viya ghaṭā viya hutvā thitattā hetugocchako ti vuccati.

Tato 'pare sappaccayā dhammā appaccayā dhammā ti ādayo satta dukā aññamaññe asambandhā

^z Dhs. p. 1-8.

kevalam dukam sāmañnena uccinitvā gocchakantare ţhapitattā añnehi ca mahantaradukehi cullakattā cullantaradukā veditabbā.

- 78. Tato param āsavadukādīnam channam dukānam vasena āsavagocchako.
- 79. Samyojanadukādīnam vasena samyojanagocchako.
- 80. Tathā gantha ogha yoga nīvaraṇadukādīnam vasena gantha ogha yoga nīvaraṇa goc-chakā.
- 81. Parāmāsadukādīnam pancannam vasena parāmāsagoccako ti.

Sabbe pi satta gocchakā veditabbā.

82. Tato param:

Sārammaņā dhammā ti ādayo catuddasa mahantaradukā nāma.

- 83. Tato upādānadukādayo cha dukā upādānagoc-chako nāma.
- 84. Tato kilesadukādayo aṭṭha dukā kilesadukā nāma.
- 85. Tato param dassanena pahātabbadukādayo aṭṭhārasa dukā Abhidhammamātikāya pariyosāne ṭhapitattā piṭṭhidukā nāma.
- 86. Vijjābhāgino dhammā avijjābhāgino dhammā ti ādayo pana dvācattālīsa dukā suttantikadukā nāma. Evam sabbe p'ete pancadasahi paricchedehi vavatthitā ti veditabbā.

Evam vavatthitā pan'ete sappadesanippadesavasena dve ca kotthāsā honti.

Etesu hi nava tikā ekasattati ca dukā sappadesānam rūpārūpadhammānam pariggahītattā sappadesā nāma.

- 87. Avasesā terasa tikā ekasattati ca dukā nippadesā nāma.
- 88. Tattha tikesu tāva vedanattiko vitakkattiko pītittiko uppannattiko atītattiko cattāro ārammaņattikā ti ime nava tikā sappadesā nāma. Dukesu hetugocchakādīnam upādānagocchakapariyosānānam navannam gocchakānam pariyosāne tayo tayo dukā.

89. Kilesagocchakapariyosāne cattāro dukā:

Cittasampayuttā dhammā, cittavippayuttā dhammā, cittasamsaṭṭhā dhammā, cittavisamsaṭṭhā dhammā ti dve mahantaradukā.

- 90. Suttantikadukesu adhivacanadukam² paññattidukam niruttidukam nāmarūpadukan ti ime cattāro duke thapetvā avasesā aṭṭhatimsa dukā cā ti ete sappadesā nāma vuttā. Avasesā tikadukā sabbe pi nippadesā ti veditabbā.
- 91. Idāni kusalā dhammā ti ādīnam mātikāpadānam ayam anupubbavannanā. Kusalasaddo tāva ārogyānavajjacchekasukhavipākesu dissati. Ayam hi kacci nu bhoto kusalam kacci nu bhoto anāmayan ti ādisu ārogye dissati. Katamo pana bhante kāyasamācāro kusalo? Yo kho mahārāja kāyasamācāro anavajjo ti ca puna ca param bhante ekadānuttariyam yathā Bhagavā dhammam deseti. Kusalesu dhammesū ti ca evam ādisu anavajje.

Kusalo tvam rathassa angapaccangānam, kusalā naccagītassa sikkhitā caturitthiyo ti ādisu cheke.

Kusalānam bhikkhave dhammānam samādānahetu, kusalassa kammassa katattā upacitattā ti ādisu sukhavipāke. Svāyam idha ārogye pi anavajje pi sukhavipāke pi vattatī ti.

92. Dhammasaddo panāyam pariyattihetuguṇanissattanijjīvatādīsu dissati. Ayam hi dhammam pariyāpuṇāti suttam geyyan ti ādisu pariyattiyam dissati.

Hetumhi ñānam dhammapatisambhidā ti ādisu hetumhi.

Na hi dhammo adhammo ca ubho samavipākino Adhammo nirayam neti, dhammo pāpeti suggatin ti

âdisu gune dissati.

93. Tasmim kho pana samaye dhammā honti dhammesu dhammānupassī viharatī ti ādisu nissattanijjīvatāyam. Svāyam idhāpi nissattanijjīvatāyam eva vattati.



¹ Dhs. p. 5.

² Dhs. p. 7.

Vacanattho pan' ettha kucchite pāpadhamme salayanti calayanti kappenti viddhamsentī ti kusalā.

Kucchitena vā ākārena sayantī ti kusā. Te akusalasankhāte kuse lunanti chindantī ti kusalā.

Kucchitānam vā sānato tanukaraņato osānakaraņato ñāṇam kusam nāma. Tena kusena lātabbā ti kusalā gahetabbā pavattetabbā ti attho. Yathā vā kusā ubhayabhāgagatam hatthappadesam lunanti evam ime ti pi uppannānuppannabhāvena ubhayabhāgagatam sankilesapakkham lunanti tasmā kusā viya lunantī ti pi kusalā.

94. Attano pana sabhāvan dhārentī ti dhammā. Dhāriyanti vā paccayehi dhāriyanti vā yathā sabhāvato ti dhammā.

Na kusalā akusalā mittapatipakkhā amittā viya lobhādipatipakkhā alobhādayo viya kusalapatipakkhā ti attho.

95. Na vyākatā ti avyākatā. Kusalākusalabhāvena akathitā ti attho.

Tesu anavajjasukhavipākalakkhaņā kusalā, sāvajjadukkhavipākalakkhaņā akusalā, avipākalakkhaņā avyākatā.

96. Kim pan' etāni kusalā ti vā dhammā ti vā ādīni ekatthāni udāhu nānatthānī ti? kim c'ettha yadi tāva ekatthāni kusalā dhammā ti idam kusalākusalā ti vuttasadisam hoti? Atha nānatthāni. Tikadukānam chakkacatukkabhāvo āpajjati padānañ ca asambandho. Yathā hi 'kusalā rūpam cakkhumā' ti vutte atthavasena aññamaññam anolokentānam padānam na koci sambandho, evam idhāpi padānam asambandho āpajjati.

Pubbāparasambandharahitāni ca padāni nippayojanāni nāma honti. Yā pi c'esā parato katame dhammā kusalā ti pucchā tāya pi saddhim virodho āpajjati. Neva hi dhammā kusalā atha ca pan' idam vuccati katame dhammā kusalā ti.

97. Aparo nayo: Yadi etani ekatthani tinnam dhammanam ekatta kusaladinam pi ekattam apajjati. Kusaladipadanam hi tinnam dhammanam dhammabhavena ekattam, tasma dhammattayena saddhim atthato ninnatattanam kusaladinam pi ekattam apajjati. Yad eva kusalan tam akusalan tam avyakatan ti. Atha pi tinnam dhammanam ekattam na sampaticchatha 'añño kusalaparo dhammo

añño akusalaparo añño avyākataparo ' ti vadatha. Evam sante dhammo nāma bhāvo bhāvato ca añño abhāvo ti kusalaparā bhāvasankhātā dhammā, añño akusalaparo dhammo abhāvo siyā. Tathā avyākataparo. Tehi ca añño kusalaparo pi. Etam abhāvattam āpannehi dhammehi na aññe kusalādayo pi abhāvā yeva siyun ti.

Sabbam etam akāraṇam kasmā yathānumati? Vohāraviddhito. Vohāro hi yathā yathā atthesu anumato sampaţicchito tathā tath' eva siddho na cāyam kusalā dhammā ti ādisu kusalapubbo dhammābhilāpo dhammaparo ca kusalābhilāpo yathā kusalākusalā ti evam atthavisesabhāvena paṇḍitehi sampaṭicchito na ca kusalā rūpam cakkhumā saddo viya aññamaññam anolokitatthabhāvena. Kusalasaddo pan' ettha anavajjasukhavipākasaṅkhātassa atthassa jotanabhāvena sampaṭicchito akusalasaddo sāvajjadukhavipākatthajotakattena, avyākatasaddo avipākatthajotakattena, dhammasaddo sabhāvadhāraṇādiatthajotakattena.

98. So etesam aññatarānantare vuccamāno attano atthasāmaññam dīpeti, sabbe va hi ete sabhāvadhāranādinā lakkhaņena dhammā kusalādisaddā cāpi dhammasaddassa purato vuccamānā attano atthavisesam tassa dīpenti. Dhammo hi kusalo vā hoti akusalo vā avyākato vā evam etehi visum visum vuccamānā attano attano atthamattadīpakattena saha vuccamānā attano atthasāmaññam atthavisesam dīpakattena loke panditehi sampaticchitā. Tasmā yad evam ettha ekatthanānatthatam vikappetvā dosāropanakāraņam vuttam sabbam etam akāranam.

Ayan tāva kusalattikassa anupadavaṇṇanā, iminā vuttanayena sesatikadukānaṃ nayo pi veditabbo, ito param pana visesamattam eva vakkhāma.

99. Sukhāya vedanāya sampayuttā ti ādisu sukhasaddo tāva sukhavedanā sukhamūlasukhārammaņasukhahetusukhapaccayatthāna-avyāpajjhanibbānādisu dissati.

Ayam hi sukhassa ca pahānā ti ādisu sukhavedanāya dissati. Sukho buddhānam uppādo, sukhā virāgatā loke ti ādisu sukhamūle.

Yasmā ca kho Mahāli rūpam sukham sukhānupatitam sukhāvakkantan ti ādisu sukhārammaņe.

Sukhass' etam bhikkhave adhivacanam yad idam puññanī ti ādisu sukhahetumhi.

Yāvañ c'idam bhikkhave na sukaram akkhānena pāpuņitum yāva sukhā saggā na te sukham pajānanti ye na passanti nandanan ti ādisu sukhapaccayaţţhāne.

Diţţhadhammasukhavihārā ete dhammā ti ādisu avyāpajjhe.

Nibbānam paramam sukhan ti ādisu nibbāne.

Idha panāyam sukhavedanāyam eva daṭṭhabbo.¹

100. Vedanāsaddo viditā vedanā me uppajjantī ti ādisu vedayitasmim yeva vattati.

Dukkhasaddo dukkhavedanādukkhavatthudukkhārammaṇadukkhapaccayatthānādisu dissati. Ayam hi dukkhassa ca pahānā ti ādisu dukkhavedanāya dissati.

Jāti pi dukkhā ti ādisu dukkhavatthusmim. Yasmā ca kho Mahāli rūpam dukkham dukkhānupatitam dukkhāvakkantan ti ādisu dukkhārammaņe.

Dukkho pāpassa uccayo ti ādisu dukkhapaccaye.

Yāvañ c'idam bhikkhave na sukaram akkhānena pāpuṇitum yāva dukkhā nirayā ti ādisu dukkhapaccayaṭṭhāṇe.

Idha panāyam dukkhavedanāyam eva datthabbo.

Vacanattho pan'ettha sukhayatī ti sukhā, dukkhayatī ti dukkhā.

Na dukkhā na sukhā ti adukkhamasukhā. Makāro padasandhivasena vutto. Sabbā pi ārammaņarasam vediyanti anubhavantī ti vedanā.

101. Tā su iţţhānubhavanalakkhaṇā sukhā aniţţhānubhavanalakkhaṇā dukkhā ubbayaviparītānubhavanalakkhaṇā adukkhamasukhā.

Yo panāyam tīsu pi padesu sampayuttasaddo tass' attho. Samam pakārehi yuttā ti sampayuttā.

Katarehi pakārehī ti? Ekuppādādīhi.

¹ Dhs. p. 1, sukhāya vedanāya, etc.

N'atthi keci dhammā kehici dhammehi sampayuttā ti? Āmantā. Iti hi imassa paūhassa paṭikkhepena nu atthi keci dhammā kehici dhammehi sahagatā sahajātā samsaṭṭhā ekuppādā ekanirodhā ekavatthukā ekārammanā ti.

Evam ekuppādādīnam vasena sampayogattho vutto.

Iti imehi ekuppādādīhi samam pakārehi yuttā ti sampayuttā.

102. Vipākattike aññamaññam visiţţhānam kusalākusalānam pākā ti vipākā.

Vipakkabhāvam āpannānam arūpadhammānam etam adhivacanam.

Vipākadhammadhammā ti vipākasabhāvadhammā.

Yathā jātijarāsabhāvā jātijarāpakatikā sattā jātidhammā ti jarādhammā ti vuccanti, evam vipākajanakattena vipākasabhāvā vipākapakatikā dhammā ti attho.

Tatiyapadam ubhayasabhāvapaţikkhepavasena vuttam.

103. Upādinnupādāniyattike ārammaņakaraņavasena taņhādīhi upetena kammunā āciņņā phalabhāvena gahitā ti upādinnā.

Ārammaņabhāvam upagantvā upādānasambandhanena upādānānam hitā ti upādāniyā. Upādānassa ārammaņapaccayabhūtānam etam adhivacanam.

Upādinnā ca te upādāniyā ca upādinnupādāniyā. Sāsavakammanibbattānam rūpārūpadhammānam etam adhivacanam.

Iminā nayena sesapadadvayena patisedhasahito attho veditabbo.

104. Sankilitthasankilesattike sankilesetī ti sankileso. Vibādhati upatāpeti cā ti attho.

Sankilesena samannāgatā sankilitthā.

Attānam ārammaṇam katvā pavattanena sankilesam arahanti sankilese vā niyuttā tassa ārammaṇabhāvam anatikkamanato ti sankilesikā sankilesassa ārammaṇapaccayabhūtānam etam adhivacanam.

Sankilitthā ca te sankilesikā cā ti sankilitthasankilesikā. Sesapadadvayam pi purimattike vuttanayen'eva veditabbam. 105. Vitakkattike sampayogavasena vattamānena saha vitakkena savitakkā, saha vicārena savicārā.

Savitakkā ca te savicārā ti savitakkasavicārā, ubhayarahitā avitakkaavicārā. Vitakkavicāresu vicāro va mattā param pamāṇam etesan ti vicāramattā. Vicārato uttarim vitakkena saddhim sampayogam na gacchantī ti attho. Avitakkā ca te vicāramattā cā ti avitakkavicāramattā.

106. Pītittike pītiyā saha ekuppādādibhāvam gatā ti pītisahagatā pītisampayuttā ti attho.

Sesapadadvaye pi es'eva nayo.

107. Upekhā ti c'ettha adukkhamasukhā vedanā vuttā. Sā hi sukhadukkhā kārappavattim upekkhati majjhattākārasanthitattā tenākārena ca pavattatī ti upekhā.

Iti vedanāttikato padadvayam eva gahetvā nippītikasukhassa sappītikasukhato visesadassanavasena ayan tiko vutto.

- 108. Dassanattike dassanenā ti sotāpattimaggena. So hi pathamam nibbānam dassanato dassanan ti vutto.
- 109. Gotrabhū pana kim cāpi pathamataram nibbānam passati? Yathā pana rañño santikam kenacid eva karanīyena āgato puriso dūrato va rathikāya carantam hatthikkhandhagatam rājānam disvā pi 'dittho te rājā ti ' puttho disvā kattabbakiccassa akatattā 'na passāmī ti 'āha, evameva nibbānam disvā kattabbassa kiccassa kilesappahānassābhāvā na dassanan ti vuccati. Tam hi ñāṇam maggassa āvajjanatthāne titthati.
- 110. Bhāvanāyā ti sesamaggattayena. Sesamaggattayam hi pathamamaggena ditthasmiñ ñeva dhamme bhāvanāvasena uppajjati adhitthapubbam kinci na passati tasmā bhāvanā ti vuccati.

Tatiyapadam ubhayapatikkhepavasena vuttam.

Tadanantarattike dassanena pahātabbo hetu etesan ti dassanena pahātabbahetukā. Dutiyapade pi es'eva nayo.

111. Tatiyapade neva dassanena na bhāvanāya pahātabbo hetu etesan ti evam attham agahetvā neva dassanena na bhāvanāya pahātabbo hetu etesam atthī ti evam attho

gahetabbo. Itarathā hi ahetukānam agahaņam bhaveyya. Hetu yeva hi tesam natthi yo dassanabhāvanāhi pahātabbo siyā. Sahetukesu pi hetuvajjānam gahaņam āpajjati na hetunam. Hetu yeva hi etesam neva dessanena na bhāvanāya pahātabbo ti vutto. Na te dhammā ubhayam pi etam anadhippetam, tasmā n'eva dassanena na bhāvanāya pahātabbo hetu etesam atthī ti neva dassanena na bhāvanāya pahātabbahetukā ti ayam attho gahetabbo.

112. Ācayagāmittike kammakilesehi āciyyatī ti ācayo. Paţisandhicutigatipavattānam etam nāmam.

Tassa kāraṇam hutvā nipphādanabhāvena tam ācayam gacchanti yassa vā pavattanti tam puggalam yathāvuttam eva ācayam gamentī ti pi ācayagāmino.

Sāsavakusalākusalānam etam adhivacanam.

Tato eva ācayasakkhātā cayā apetattā nibbānam apetacayā ti apacayo. Tam ārammaṇam katvā pavattanato apacayam gacchantī ti apacayagāmino. Ariyamaggānam etam adhivacanam.

Api ca pākāram iţţhakavaḍḍhakī viya pavattam ācinantā gacchantī ti ācayagāmino. Tena citam citam viddhamsa-yamāno puriso viya tad eva pavattam apacinantā gacchanti ti apacayagāmino.

Tatiyapadam ubhayapatikkhepena vuttam.

- 113. Sekhattike tīsu sikkhāsu jātā ti pi sekhā. Sattannam sekhānam ete ti pi sekhā. Apariyositasikkhattā sayam eva sikkhantī ti pi sekhā. Uparisikkhitabbābhāvato na sekkhā ti asekkhā. Vuḍḍhippattā vā sekkhā ti pi asekkhā. Arahattaphaladhammānam etam adhivacanam. Tatiyapadam ubhayapaṭikkhepena vuttam.
- 114. Parittattike samantato khanditattā appamattakam parittan ti vuccati parittam gomayapindan ti ādisu viya. Ime pi appānubhāvatāya parittā viyā ti parittā kāmāvacaradhammānam etam adhivacanam. Kilesavikkhambhanasamatthatāya vipulaphalatāya dīghasantānatāya ca mahantabhāvamgatā mahantehi vā uļāracchandaviriyacittapaññehi gatā patipannā ti pi mahaggatā.

¹ Dhs. p. 2.

Pamāṇakarā dhammarāgādayo pamāṇam ṇāma. Ārammaṇato vā sampayogato vā natthi etesam pamāṇam pamāṇassa ca paṭipakkhā ti appamāṇā.

Parittārammaņattike parittam ārammaņam etesan ti parittārammaņā. Sesapadadvaye pi es'eva nayo.

- 115. Hīnattike hīnā ti lāmakā akusalā dhammā, hīnapaņītānam majjhe bhāvā ti majjhimā, avasesā tebhūmakā dhammā. Uttamatthena anappakatthena ca paṇītā lokuttarā dhammā.
- 116. Micchattattike hitasukhāvahā me bhavissantī ti evam āsimsitā pi tathā abhāvato asubhādīsu yeva subhan ti ādi viparītapavattito za micchāsabhāvā ti micchattā, vipākadāne sati khandhabhedānantaram eva vipākadānato niyatā. Micchattā ca te niyatā cā ti micchattaniyatā vuttaviparītena atthena sammāsabhāvā ti. Sammattā sampattā ca te niyatā ca anantaram eva phaladānenā ti sampattaniyatā. Ubhayato pi na niyatā ti aniyatā.
- 117. Maggārammanattike nibbānam maggati gavesati kilese vā mārento gacchatī ti maggo. Maggo ārammaṇam etesan ti maggārammaṇā.

Atthangiko pi maggo paccayatthena etesam hetü ti maggahetukā. Maggasampayuttā vā hetū ti maggahetu maggo vā hetū ti maggahetu. Te etesam hetū ti maggahetukā. Sammāditthi sayam maggo ceva hetu ca iti maggo hetu etesan ti pi maggahetukā, adhibhavitvā pavattanatthena maggo adhipati etesan ti maggādhipatino.

- 118. Uppannattike uppādato patthāya yāva bhavangā uddham pannāgatā pavattā ti uppannā, na uppannā ti anuppannā. Parinitthitakāraņekadesattā avassam uppajjissantī ti uppādino.
- 119. Atītattike attano sabhāvam uppādādilakkhaņam vā patvā atikkantā ti atītā, tadubhayam pi na āgatā ti anāgatā. Tam kāraņam paţicca uppannā ti paccuppannā.
- 120. Anantarattike atītam ārammaņam etesan ti atītārammaņā. Sesapadadvaye pi es'eva nayo.

¹ subhādiviparīta^o Atthayoj.

121. Ajjhattattike evam pavattamānā 'mayam attā ti gahaņam gamissāmā ti 'iminā viya adhippāyena attānam adhikāram katvā pavattā ti ajjhattā.

Ajjhattasaddo panāyam gocarajjhatte niyakajjhatte ajjhattajjhatte visayajjhatte ti catūsu atthesu dissati.

Ten' Ānanda bhikkhunā tasmim yeva purimasmim samādhinimitte ajjhattam eva cittam santhapetabbam. Ajjhattarato samāhito ti ādisu hi ayam gocarajjhatte dissati.

Ajjhattam sampasādanam ajjhattam vā dhammesu dhammānupassī viharatī ti ādisu niyakajjhatte.

. Cha ajjhattikāni āyatanānī ti ādisu ajjhattajjhatte.

Ayam kho pan' Ānanda vihāro Tathāgatena abhisambuddho yad idam sabbanimittānam amanasikārā ajjhattam sunnatam upasampajja viharatī ti visayajjhatte issariyatthāne ti attho.

Phalasamāpattīhi buddhānam issariyatthānam nāma.

Idha pana niyakajjhatte adhippeto tasmā attano santāne pavattā pāṭipuggalikā dhammā ajjhattā ti veditabbā.

122. Tato bahibhūtā pana indriyabaddhā vā anindriyabaddhā vā bahiddhā nāma.

Tatiyapadam tadubhayavasena vuttam.

123. Anantarattiko te yeva tippakāre pi dhamme ārammaņam katvā pavattanavasena vutto.

124. Sanidassanattike datthabbabhāvasankhātena saha nidassanenā ti sanidassanā, patihananabhāvasankhātena saha patighenā ti sappatighā, sanidassanā ca te sappatighā cā ti sanidassanasappatighā, natthi etesam datthabbabhāvasankhātam nidassanan ti anidassanā, anidassanā ca te vuttanayen'eva sappatighā cā ti anidassanasappatighā.

Tatiyapadam ubhayapatikkhepena vuttam.

Ayam tāva tikamātikāya anupubbavaņņanā.

125. Dukamātikāya pana tikesu anāgatapadavannanam yeva karissāma.

Hetugocchake¹ tāva hetudhammā ti mūlatthena hetusankhātā dhammā. Hetu dhammā ti pi pātho.

¹ Dhs. p. 2., Hetū dhammā, etc.

Na hetū ti tesam yeva patikkhepavacanam į sampayogato pavattena saha hetunā ti sahetukā.

Tath'eva pavatto natthi etesam hetū ti ahetukā.

Ekuppādādinā i hetunā sampayuttā ti hetusampayuttā. Hetunā vippayuttā ti hetuvippayuttā i mesañ ca dvinnam pi dukānam kiñcāpi atthato nānattam natthi desanāvilāsena pana tathā bujjhantānam vā puggalānam ajjhāsayavasena vuttā.

126. Tato param pathamadukam dutiyatatiyehi saddhim yojetvā tesam hetunahetuādīnam padānam vasena yathā sambhavato apare pi tayo dukā vuttā, tattha yath'eva hetū c'eva dhammā sahetukā cā ti etam sambhavati tathā hetū c'eva dhammā ahetukā cā ti. Idam pi yathā sahetukā c'eva dhammā na ca hetū ti etam sambhavati tathā ahetukā c'eva dhammā na ca hetū ti. Idam pi hetusampayuttā dukena saddhim yojanāya pi es'eva nayo.

Tatra yad etam na hetukā dhammā sahetukā pi ahetukā pī ti siddhe. Na hetu kho pana dhammā ti atirittam. Kho panā ti padam vuttam. Tassa vasena ayam atirekattho sangahito ti veditabbo.

Katham na kevalam na hetudhammā Sahetu-ahetukā icc'eva. Atha kho aññe pi aññathā pī ti idam vuttam hoti. Yath'eva hi na hetudhammā sahetukā pi ahetukā pi evam hetudhammā sahetukā pi ahetukā pi. Evam na hetudhammā hetusampayuttā pi hetuvippayuttā pī ti.

127. Cullantaradukesu attano nipphādakena saha paccayenā ti sappaccayā, natthi etesam uppāde vā thitiyam vā paccayo ti appaccayā.

Paccayehi samāgantvā katā ti sankhatā, na sankhatā ti asankhatā.

Avinibbhogavasena rūpam etesam atthī ti rūpino, tathāvidham natthi etesam rūpan ti arūpino. Rūpalakkhanam vā rūpam tam etesam atthī ti rūpino, na rūpino arūpino.

Lokiyā dhammā ti loko vuccati lujjanapalujjanatthena vattam. Tasmim pariyāpannabhāvena loke niyuttā ti lokiyā.

¹ Ekuppādāditāya T. M. ² Dhs. p. 3.

Tato uttiņņā ti uttarā. Loke apariyāpannabhāvena lokato uttarā ti lokuttarā.

Kenaci viññeyyā ti cakkhuviññāṇādīsu kenaci etena cakkhuviññāṇena vā sotaviññāṇena vā vijānitabbā.

Kenaci na viñneyyā ti ten' eva cakkhuviñnāņena vā sotaviñnāņena vā vijānitabbā.

Evam sante dvinnam pi padānam atthanānattato duko hoti.

128. Āsavagocchake āsavantī ti āsavā. Cakkhuno pi ... pe... manato pi sandanti pavattantī ti vuttam hoti, dhammato yāva gotrabhū, okāsato yāva bhavaggam savantī ti vā āsavā. Ete dhamme etañ ca okāsam anto karitvā pavattantī ti attho. Anto karanattho hi ayam ākāro. Cirapārivāsiyatthena madirādayo āsavā viyā ti pi āsavā. Lokasmim hi cirapārivāsikā madirādayo āsavā ti vuccanti.

Yadi ca cirapārivāsikatthena āsavā ete yeva bhavitum arahanti. Vuttam h'etam:

Purimā bhikkhave koți na paññāyati avijjāya ito pubbe avijjā nāhosī ti ādi.

Äyatam vā samsāradukkham savanti pasavantī ti āsavā tato anne no āsavā nāma.

Attānam ārammaņam katvā pavattehi saha āsavehī ti sāsavā evam pavattamānā, natthi etesam āsavā ti anāsavā.

Sesam hetugocchake vuttanayen'eva veditabbam.

Ayam pana viseso: yatha tattha na hetu kho pana dhamma sahetuka pi ahetuka pi ti ayam osanaduko pathamadukassa dutiyapadam adimhi thapetva vutto. Evam idha no asava kho pana dhamma sasava pi anasava pi ti na vutta.

Kiñcāpi na vutto atha kho ayañ ca añño ca bhedo tattha vuttanayen'eva veditabbo.

129. Samyojanagocchake yassa samvijjanti tam puggalam vattasmim samyojenti bandhantī ti samyojanā.

Tato aññe no samyojanā nāma.

Ārammaṇabhāvam upagantvā samyojanasamvaddhanena samyojanānam hitā ti samyojanīyā ; samyojanassa ārammaṇapaccayabhūtānam etam adhivacanam. Na

saṃyojanīyā asaṃyojanīyā. Sesaṃ hetugocchake vuttanayen'eva veditabbaṃ.

130. Ganthagocchake yassa samvijjanti tam cutipaţisandhivasena vaṭṭasmim ganthenti ghaţentī ti ganthā. Tato aññe no ganthā 'arammaṇakaraṇavasena ganthehi ganthitabbā ti ganthaniyā. Sesam hetugocchake vuttanayen'eva yojetabbam.

Yathā ca idha evam ito paresu pi vuttāvasesam tattha tattha vuttanayen'eva veditabbam.

131. Oghagocchake yassa samvijjanti tam vattasmim ohananti osīdāpentī ti oghā.

Ārammaņam katvā atikkamaniyato oghehi atikkamitabbā ti oghaniyā oghānam ārammaṇadhammā evam veditabbā.

- 132. Yogagocchake yassa samvijjanti tam vattasmim yojentī ti yogā. Yoganīyā oghanīyā viya veditabbā.
- 133. Nīvaraņagocchake cittam nīvaraņan ti pariyonandhantī ti nīvaraņam. Nīvaraņīyā samyojanīyā viya veditabbā.
- 134. Parāmāsagocchake dhammānam yathābhūtam aniccādiākāram atikkamitvā niccan ti ādivasena pavattamānā parato āmasantī ti parāmāsā. Parāmāsehi ārammaṇakaraṇavasena parāmaṭṭhattā parāmaṭṭhā. Mahantaradukesu ārammaṇam agahetvā appavattito saha ārammaṇenā ti sārammaṇā, natthi etesam ārammaṇan ti anārammaṇā.

Cintanațțhena cittam vicittațthena vā cittam.

Avippayogavasena cetasmim niyuttā ti cetasikā.

Nirantarabhāvūpagamanatāya uppādato yāva bhaṅgā cittena saṃsaṭṭhā ti cittasaṃsaṭṭhā.

Ekato pavattamānā pi nirantarabhāvam anupagamanatāya cittena visamsaṭṭhā ti cittavisamsaṭṭhā.

Samutthahanti etenā ti samutthānam. Cittam samutthānam etesan ti cittasamutthānā.

Saha bhavantī ti sahabhuno.

Cittena sahabhuno cittasahabhuno.

Anuparivattantī ti anuparivattino. Kim anuparivattanti? Cittam. Cittassa anuparivattino cittānuparivattino.

Cittasamsaṭṭhā va te cittasamuṭṭhānā yeva cā ti cittasamsatthasamutthānā.

Cittasamsaṭṭhā ca te cittasamuṭṭhānā ca cittasahabhuno evam cā ti cittasamsaṭṭhasamuṭṭhānasahabhuno.

Cittasamsatthā ca te cittasamutthānā ca cittānuparivattino eva cā ti cittasamsatthasamutthānānuparivattino. Sesāni sabbapadāni vuttapadānam patikkhepavasena veditabbāni.

Ajjhattajjhattam sandhāya ajjhattattike vuttavasena ajjhattā va ajjhattikā. Tato bahibhūtā ti bāhirā.

Upādiyant'eva bhūtāni na bhūtā viya Upādiyantī ti upādānā, na upādiyant'evā ti nūpādā.

135. Upādānagocchake bhusam ādiyantī ti upādānā. Daļhagāham gaņhantī ti attho. Tato aññe no upādānā.

136. Kilesagocchake sankilitthattike vuttanayen'eva attho veditabbo.

137. Piţţhidukesu kāme avacarantī ti kāmāvacarā, rūpe avacarantī ti rūpāvacarā, arūpe avacarantī ti arūpāvacarā.

Ayam ettha sankhepo, vitthāro pana parato āvibhavissati.

Tebhūmakavatte pariyāpanna antogadhā ti pariyāpannā, tasmim na pariyāpannā ti apariyāpannā.

Vattamūlam chindantā nibbānam ārammaņam katvā vattato niyyantī ti niyyānikā. Iminā lakkhaņena na niyyantī ti aniyyānikā.

Cutiyā vā attano vā pavattiyā anantaram phaladāne niyatattā niyatā. Tathā aniyatattā aniyatā.

Aññe dhamme uttaranti pajahantī ti uttarā, attānam uttaritum samatthehi saha uttarehī ti sauttarā, natthi etesam uttarā ti anuttarā, raṇanti etehī ti raṇā. Yehi abhibhūtā sattā nānappakārena kandanti paridevanti tesam rāgādīnam etam adhivacanam. Sampayogavasena pahānekaṭṭhatāvasena ca saha raṇehī ti saraṇā. Tena kāranena natthi etesam raṇā ti araṇā.

138. Suttantikadukesu sampayogavasena vijjam bhajantī ti pi vijjābhāgino, vijjābhāge vijjākotthāse vattantī ti pi vijjābhāgino.

Tattha vipassanā ñāṇam manomayiddhi cha abhinnā ti attha vijjā purimena atthena tāhi sampayuttā dhammā pi vijjābhāgino.

Pacchimena atthena tāsu yā kāci ekā vijjā vijjā, sesā vijjābhāgino ti. Evam vijjā pi vijjāya sampayuttā dhammā pi vijjābhāgino tveva veditabbā.

Idha pana sampayuttā dhammā va adhippetā.

139. Sampayogavasen'eva avijjam bhajantī ti pi avijjābhāgino, avijjābhāge avijjākotthāse vattantī ti pi avijjābhāgino. Tattha dukkhapaticchādakam tamosamudayādipaticchādakan ti catasso avijjā.

Purimanayen'eva tā pi sampayuttadhammā pi avijjābhāgino. Pacchimena atthena tāsu yā kāci ekā avijjā avijjā, sesā avijjābhāgino ti.

Evam avijjā pi avijjāsampayuttā dhammā pi avijjābhāgino tveva veditabbā.

Idha pana sampayuttā dhammā va adhippetā.

- 140. Puna anajjhottharanabhāvena kilesandhakāram viddhamsetum asamatthatāya vijju upamā etesan ti vijjūpamā, nissesaviddhamsanasamatthatāya vajiram upamā etesan ti vajirūpamā.
- 141. Bālesu thitattā bālā, yattha thitā tadupacāreņa bālā, paņditesu thitattā paņditā.

Bālakarattā vā bālā, paņditakarattā vā paņditā.

142. Kaṇhā ti kālakā cittassa apabhassarabhāvakaraṇā. Sukkā ti odātā tathā cittassa pabhassarabhāvakaraṇā.

Kaņhābhijātihetuto vā kaņhā. Sukkābhijātihetuto vā sukkā.

- 143. Idha c'eva samparāye va tapantī ti tapanīyā. Na tapanīyā atapanīyā.
- 144. Adhivacanadukādayo tayo atthato ninnakaranā. Vyanjanam ev'ettha nānam. Sirivaddhako dhanavaddhako ti ādayo hi vacanamattam eva adhikāram katvā pavattā adhivacanā nāma.

Adhivacanānam pathā adhivacanapathā.

- 145. Abhisankharontī ti kho bhikkhave, tasmā sankhārā ti. Evam nidhāretvā sahetukam katvā vuccamānā abhilāpā. Niruttīnam pathā niruttipathā.
- 146. Takko vitakko sankappo ti evam tena tena pakārena nāpanato pannatti nāma. Pannattīnam pathā pannattipathā

Ettha ca ekam dukam vatvā pi itare samvacane payojanam hetugocchake vuttanayen'eva veditabbam.

147. Nāmarūpaduke nāmakaraņaţţhena nāmaţţhena namanaţţhena ca nāmam, ruppanaţţhena rūpam.

Ayam ettha sankhepo, vitthāro pana nikkhepakande āvibhavissati.

- 148. Avijjā ti dukkhādisu aññāṇaṃ. Bhavataṇhā ti bhavapatthanā.
- 149. Bhavadiţţhī ti bhāvo vuccati, sassatam sassatavasena uppajjanadiţţhi. Vibhavadiţţhī ti vibhavo vuccati.
- 150. Ucchedam ucchedavasena uppajjanadiţţhi, sassato attā ca loko cā ti pavattā diţţhi sassatadiţţhi.

Ucchijjissatī ti pavattā ucchedadiţţhi.

151. Antavā ti pavattā diţţhi antavādiţţhi. Anantavā ti pavattā diţţhi anantavādiţţhi.

Pubbantam anugatā diţţhi pubbantānudiţţhi, aparantam anugatā diţţhi aparantānudiţţhi.

- 152. Ahirikan ti yam na hirīyati hiriyitabbenā ti evam vitthāritā nillajjatā. Anottappan ti yam na ottapati ottapitabbenā ti evam vitthārito abhāyanakaākāro.
 - 153. Hirīyanā hiri, ottapanā ottappam.
- 154. Dovacassatādisu dukkham vaco. Etasmim vippaţikulabhāgimhi¹ vipaccanīkasāte anādare puggale ti dubbaco.

Tassa kammam dovacassam, tassa bhāvo dovacassatā. Pāpā assaddhādayo puggalā. Etassa mitto ti pāpamitto, tassa bhāvo pāpamittatā.

- 155. Sovacassatā ca kalyāṇamittatā ca vuttapaṭipak-khanayena veditabbā.
- 156. Pañca pi āpattikkhandhā āpattiyo satta pi āpattikkhandhā āpattiyo ti. Evam vuttāsu āpattīsu kusalabhāvo āpattikusalatā. Tāhi āpattīhi vuţţhāne kusalabhāvo āpattivutthānakusalatā.
 - 157. Samāpattīsu kusalabhāvo samāpattikusalatā.

Samāpattīnam appanā paricchedapaññāy'etam adhivacanam.

¹ vippaţikulavāhimhi (?) M.

Samāpattīhi vuţţhāne kusalabhāvo samāpattivuţţhāna-kusalatā.

158. Atthārasasu dhātūsu kusalabhāvo dhātukusalatā. Tāsam yeva dhātūnam manasikāre kusalabhāvo manasikārakusalatā.

159. Cakkhāyatanādisu kusalabhāvo āyatanakusalatā.

Dvādasange paticca samuppāde kusalabhāvo paticca-samuppādakusalatā.

- 160. Tasmim tasmim thāne kusalabhāvo thānakusalatā. Ţhānan ti kāraņam vuccati. Tasmim hi tadāyattavuttitāya phalam tithati nāma, tasmā thānan ti vuttam. Atthāne kusalabhāvo atthānakusalatā.
 - 161. Ujubhāvo ajjavo, mudubhāvo maddavo.
- 162. Adhivāsanasankhāto khamanabhāvo khanti. Suratabhāvo soraccam.
- 163. Sammodakamudubhāvasankhāto sakhilabhāvo sā-khalyam.

Yathā parehi saddhim attano chiddam na hoti evam dhammāmisehi paţisantharanam paţisanthāro.

164. Indriyasamvarabhedasankhāto manacchatthesu indriyesu aguttadvārabhāvo indriyesu aguttadvāratā. Patiggahaņaparibhogavasena bhojane mattam ajānanabhāvo bhojane amattaññutā.

Anantaraduko vuttapațipakkhanayena veditabbo.

165. Sativippavāsasankhāto muţthassatibhāvo muţthasaccam.

Asampajaññabhāvo asampajaññam.

- 166. Saratī ti sati, sampajānātī ti sampajañnam.
- 167. Appaţisankhāne akampanaţţhena paţisankhātam balam paţisankhānabalam, viriyasīsena satta bojjhange bhāventassa uppannabalam bhāvanābalam.
- 168. Paccanīkadhamme sametī ti samatho, aniccādivasena vividhena ākāreņa passatī ti vipassanāsamatho, tam ākāram gahetvā puna pavattetabbassa samathassa nimittavasena samathanimittam.

Paggahanimitte pi es' eva nayo.

¹ Asampajānanabhāvo M. C.G.

- 169. Sampayuttadhamme pagganhātī ti paggaho, na vikkhipatī ti avikkhepo.
- 170. Sīlavināsakaasamvarasankhātā sīlassa vipatti sīlavipatti. Sammādiţţhivināsakamicchādiţţhisankhātā diţţhiyā vipatti diţţhivipatti.
- 171. Soraccam eva sīlass' upasampādanato sīlaparipūraņato sīlassa sampadā ti sīlasampadā.

Diţţhipāripūrībhūtam ñāṇam diţthiyā sampadā ti diţţhisampadā.

172. Visuddhabhāvam pattā sīlasankhātā sīlassa visuddhi sīlavisuddhi, nibbānasankhātam visuddhim pāpetum samatthā dassanasankhātā ditthiyā visuddhi ditthivisuddhi.

Diţţhivisuddhi kho pana yathā diţţhissa ca padhānan ti kammassa katañāṇādisankhātā diţţhivisuddhi c'eva yathā diţţhissa ca anurūpadiţţhissa kalyāṇadiţţhissa taṃ sampayuttam eva padhānam.

173. Samvego ti jātiādīni paţicca samuppannabhaya-sankhātam samvijjanam.

Samvejanīyam thānan ti samvejanakam jātiādikāraņam samviggassa ca yoniso padhānan ti evam samvegajātassa upadhānapadhānam.

- 174. Asantutthitā ca kusalesu dhammesū ti kusala-dhammapūraņe asantutthibhāvo.
- 175. Appaţivānitā ca padhānasmin ti arahattam appatvā padhānasmim anivattanatā anosakkanatā vijānanato vijjāvimuccanato vimutti.
- 176. Khaye ñāṇan ti kilesakkhayakare ariyamagge ñāṇaṇ. Anuppāde ñāṇan ti paṭisandhivasena anuppādabhūte taṃ taṃ maggavajjhakilesānaṃ anuppādapariyosāne uppanne ariyaphale ñānam.

Ayam mātikāya anupubbavannanā.

177. Idāni yathā nikkhittāya mātikāya saṅgahite dhamme pabhedato dassetum katame dhammā kusalā ti idam padabhājanīyam āraddham. Tad etam: 'Yasmim samaye kāmāvacaram kusalam cittam uppannam hotī' ti paṭhamam kāmāvacarakusalam dassitam, tassa tāva niddese dhamma-

vavatthānavāro sangahavāro sunnatavāro ti tayo mahāvārā honti. Tesu dhammavavatthānavāro uddesaniddesavasena dvidhā thito.

Tesu uddesavārassa pucchā samayaniddeso dhammuddeso appanā ti cattāro paricchedā. Tesu katame dhammā kusalā ti ayam pucchā nāma. Yasmim samaye kāmāvacaram...pe...tasmim samaye ti ayam samayaniddeso nāma.

178. Phasso hoti...pe...avikkhepo hotī ti ayam dhammuddeso nāma.

Ye vā pana tasmim samaye aññe pi atthi patic casamuppannā arūpino dhammā ime dhammā kusalā ti ayam appanā nāma.

179. Evam catūhi paricchedehi thitassa uddesavārassa yvāyam pathamo pucchāparicchedo tattha katame dhammā kusalā ti ayam kathetukamyatā pucchā. Pañcavidhā hi pucchā: Aditthajotanā pucchā, ditthasamsandanā pucchā, vimaticchedanā pucchā, anumatipucchā, kathetukamyatā pucchā ti.

Tāsam idam nānattam: Katamā adiţthajotanā pucchā? Pakatiyā lakkhaṇam aññātam hoti adiţtham atulitam atīritam avibhūtam avibhāvitam. Tassa ñāṇāya dassanāya tulanāya tīraṇāya vibhūtatthāya vibhāvanatthāya pañham pucchati. Ayam adiţţhajotanā pucchā.

Katamā diţţhasamsandanā pucchā? Pakatiyā lakkhaṇam nātam hoti diţţham tulitam tīritam vibhūtam vibhāvitam. So tam añnehi paṇḍitehi saddhim samsandanatthāya panham pucchati. Ayam diţţhasamsandanā pucchā.

Katamā vimaticchedanā pucchā? Pakatiyā saṃsaya-pakkhanto hoti vimatipakkhanto dvelhakajāto. Evan nu kho na nu kho kin nu kho kathan nu kho ti so vimatic-chedanatthāya pañham pucchati. Ayam vimaticchedanā pucchā.

Katamā anumatipucchā? Bhagavā bhikkhūnam anumatipanham pucchati: Tam kim mannatha bhikkhave rūpam niccam vā aniccam vā ti? Aniccam bhante. Yam panāniccam dukkham vā tam sukham vā ti? Dukkham

bhante. Yam panāniccam dukkham vipariņāmadhammam kallan nu tam samanupassitum? Etam mama, eso'ham asmi, eso me attā ti? No h'etam bhante. Ayam anumatipucchā.

Katamā kathetukamyatā pucchā? Bhagavā bhikkhūnam kathetukamyatāpañham pucchati: Cattāro' me bhikkhave satipaṭṭhānā, katame cattāro? Ayam kathetukamyatā pucchā ti.

180. Tattha Buddhānam purimā tisso pucchā natthi. Kasmā? Buddhānam hi tīsu addhāsu kiñci sankhatam addhāvimuttam vā asankhatam adittham ajotitam atulitam atīritam avibhūtam avibhāvitam nāma natthi. Tena tesam aditthajotanā pucchā natthi. Yam pana Bhagavatā attano nāņena patividdham tassa añnena samaņena vā brāhmaņena vā devena vā Mārena vā Brahmunā vā saddhim samsandanakiccam natthi, ten' assa ditthasamsandanā pucchā natthi. Yasmā pan' esa akathamkathī tiṇṇavicikiccho sabbadhammesu vigatasamsayo ten' assa vimaticchedanā pucchā natthi.

Itarā pana dve pucchā Bhagavato atthi.

Tāsu ayam kathetukamyatā pucchā ti veditabbā.

181. Tattha katame ti padena niddisitabbadhamme pucchati. Dhammā kusalā ti vacanamattena kim katā kim vā karontī ti na sakkā ñātum.

Katame ti vutte pana tesam putthabhāvo paññāyati. Tena vuttam katame ti padena niddisitabbadhamme puchatī ti. Dhammā kusalā ti padadvayena pucchāya putthadhamme dasseti, tesam attho hetthā pakāsito eva.

182. Kasmā pan' ettha mātikāyam viya kusalā dhammā ti avatvā dhammā kusalā ti padānukkamo kato ti? Pabhedato dhammānam desanam dīpetvā pabhedavantadassanatham. Imasmim hi Abhidhamme dhammā va desetabbā te ca kusalādīhi bhedehi anekappabhedā. Tasmā dhammā yeva idha desetabbā nāyam vohāradesanā te ca anekappabhedato desetabbā na dhammamattato. Pabhedato hi desanā ghaṇavinibbhogapatisambhidāñāṇāvahā hotī ti.

Kusalā dhammā ti evam pabhedato dhammānam desanam dīpetvā idāni ye tena pabhedena desetabbā dhammā te dassetum ayam katame dhammā kusalā ti padānukkamo kato ti veditabbo.

Pabhedavantesu hi dassitesu pabhedo dassiyamāno yujjati suviñneyyo ca hotī ti.

183. Idāni yasmim samaye kāmāvacaram kusalam cittan ti ettha samaye niddisi cittam, cittena samayam muni niyametvāna dīpetum dhamme tatthappabhedato. Yasmim samaye kāmāvacarakusalam cittan ti hi niddisanto Bhagavā samaye cittam niddisi. Kimkāranā? Tena samayaniyamitena cittena pariyosāne. Tasmim samaye ti evam samayam niyametvāna attham vijjamāne pi samayanānatte yasmim samaye cittam hoti tasmim yeva samaye phasso hoti vedanā hotī ti. Evam tasmim cittaniyamite samaye etesan tī ti samūhakiccārammanaghanavasena duranubodhappabhede phassavedanādayo dhamme bodhetun ti attho.

Idāni yasmim samaye ti ādisu ayam anupubbavannanā. Yasmim ti aniyamato bhummaniddeso samayo ti aniyamena nidditthaparidīpanam ettāvatā aniyamato samayo niddittho hoti.

Tattha samayasaddo:

Samavāye khaņe kāle samūhe hetudiţţhisu paţilābhe pahāne ca paţivedhe ca dissati.

184. Tathā hi'ssa appeva nāma sve pi upasankameyyāma kālan ca samayan ca upādāyā ti evamādisu samavāye attho.

Eko va kho bhikkhave khano ca samayo ca brahmacariyavāsāyā ti ādisu khane.

Uņhasamayo pariļāhasamayo ti ādisu kāle.

Mahāsamayo pavanasmin ti ādisu samūhe.

Samayo pi kho te Bhaddāli appatividdho ahosi. Bhagavā pi kho Sāvatthiyam viharati, Bhagavā pi mam jānissati Bhaddāli nāma bhikkhu Satthu sāsane sikkhāya aparipūrakārī ti. Ayam pi kho te Bhaddāli samayo appatividdho ahosī ti ādisu hetu.

Tena kho pana samayena uggahamāno paribbājako sa-

maņa-Muņdikaputto samayappavādake tindukācīre ekasālake Mallikāya ārāme paţivasatī ti ādisu diţţhi.

Ditthe dhamme ca yo attho yo c'attho samparāyiko atthābhisamayā dhīro paṇḍito ti pavuccatī ti.

ādisu paţilābho. Sammā mānābhisamayā antam akāsi dukkhassā ti ādisu pahānam.

Dukkhassa pīļanattho sankhatattho santāpattho vipariņāmattho abhisamayattho ti ādisu pativedho.

Evam anekesu samayesu

Samavāyo khaņo kālo samūho hetu yeva ca ete pañca pi viñneyyā samayā idha viñnunā.

185. Yasmim samaye kāmāvacaram kusalan ti imasmim hi kusalādhikāre tesu navasu samayesu ete samavāyādayo pañca samayā paṇḍitena veditabbā.

Tesu paccayasāmaggī samavāyo khaņo pana eko va navamo ñeyyo cakkāni caturo pi vā.

Yā hi esā sādhāranaphalanipphādakattena santhitā paccayānam sāmaggī sā idha samavāyo ti nātabbā.

Eko ca kho bhikkhave khano ca samavāyo ca brahmacariyavāsāyā ti evam vutto pana navamo ca eko khano ti veditabbo.

186. Yāni vā pan'etāni cattār'imāni bhikkhave cakkāni yehi samannāgatānam devamanussānam catucakkam vattatī ti ettha paṭirūpadesavāso sappurisūpassayo attasammāpanidhi apubbe ca katapuñňatā ti cattāri cakkāni vuttāni tāni vā ekajjham katvā okāsaṭṭhena khaņo ti veditabbo ti.

Tāni ti kusaluppattiyā okāsabhūtāni. Evam samavāyam khaṇañ ca ñatvā itaresu tam tam upādāya paññatto kālo vohāramattako puñjo phassādidhammānam samūho ti vibhāvito.

187. Cittakālo rūpakālo ti ādinā hi nayena dhammena vā atīto anāgato ti ādinā nayena dhammavuttim vā bījakalo ankurakālo ti ādinā nayena dhammapaṭipāṭim vā uppādakālo jarākālo ti ādinā nayena dhammalakkhaņam vā vediyanakālo sanjananakālo ti ādinā nayena dhammakiccam vā nahānakālo pānakālo ti ādinā nayena sattakiccam vā gamanakālo thānakālo ti ādinā nayena iriyāpatham vā pubbanhasāyanhadivārattī ti ādinā nayena candimasuriyādiparivattanam vā aḍḍhamāso māso ti ādinā nayena ahorattādisankhātam kālasamayam vā ti evam tam upādāya pannātto kālo nāma. So pan'esa sabhāvato avijjamānattā pannāttimattako evā ti veditabbo.

188. Yo pan'esa phassavedanādīnam dhammānam puñjo so idha samūho ti vibhāvito. Evam kālasamūhe pi ñatvā itaro pana. Hetū ti paccayo v'ettha tassa dvāravasena vā anekabhāvo viññeyyo paccayānam vasena vā.

Ettha hi paccayo va hetu nāma tassa dvārānam vā paccayānam vā vasena anekabhāvo veditabbo.

189. Katham cakkhudvārādisu uppajjamānānam cakkhuviññāṇādīnam cakkhurūpaālokamanasikārādayo paccayā mahāpakaraņe ca hetupaccayo ārammaṇapaccayo ti ādinā nayena catuvīsati paccayā vuttā? Te thapetvā vipākapaccayañ ca pacchājātapaccayañ ca sesā kusaladhammānam paccayā honti yeva. Te sabbe pi idha hetū ti adhippetā. Evam assa iminā dvāravasena vā paccayavasena vā anekabhāvo veditabbo.

Evam ete samavāyādayo pañca atthā idha samayasaddena pariggahītā ti veditabbā.

190. Kasmā pana etesu pañcasu yam kiñci ekam apariggahetvā sabbesam pariggaho kato ti?

Te tena tassa tassa atthavisesassa dīpanato. Etesu hi samavāyasankhāto samayo anekahetuto vuttim dīpeti tena ekakāranavādo patisedhito hoti. Samavāyo ca nāma sādhāranaphalanipphādane añnamannāpekkho hoti. Tasmā eko kattā nāma natthī ti imam pi attham dīpeti.

Sabhāvena hi kārake asati kāraņantarāpekkhā ayuttā ti. Evam ekassa kassaci kārakassa abhāvadīpanena sayamkatam sukham dukkhan ti ādi paṭisedhitam hoti.

Tattha siyā yam vuttam: anekahetuto vuttim dīpetī ti tan na yuttam.

Kimkāraņā? Asāmaggiyam ahetūnam sāmaggiyam pi ahetubhāvāpattito. Na hi ekasmim andhe daṭṭhum asakkonte andhasatam passatī ti no na yuttam. Sādhāraṇaphalanipphādakattena hi ṭhitabhāvo sāmaggi na anekesam samodhānamattam na ca andhānam dassanam nāma sādhāraṇaphalam. Kasmā? Andhasate pi tassa abhāvato cakkhādīnam pana tam sādhāraṇaphalam. Tesam bhāve bhāvato asāmaggiyam ahetūnam pi ca sāmaggiyam hetubhāvo siddho svāyam asāmaggiyam phalābhāvena sāmaggiyam c'assa bhāvena bhāvo veditabbo.

191. Cakkhādīnam hi vekalle cakkhuviññāṇādīnam abhāvo avekalle ca bhāvo paccakkhasiddho lokassā ti, ayam tāva samavāyasankhātena samayena attho dīpito.

Yo pan'esa atthahi akkhanehi parivattito navamo khano patirupadesavasadiko ca catucakkasankhato okasatthena khano vutto so manussattabuddhuppadasammaditthiadikam khanasamaggim vina natthi. Manussattadinan ca kanakacchopamadihi dullabhabhavo iti khanassa dullabhatta sutthutaram khanayattam lokuttaradhammanam upakarabhutam kusalam dullabham eva. Evam etesu khanasankhato samayo kusaluppattiya dullabhabhavam dipeti.

Evam dīpentena vā'nena adhigatakhaṇānam khaṇāyattass'eva tassa kusalassa ananuṭṭhānena mogham khaṇam kurumānānam pamādavihāro paṭisedhito hoti. Ayam khaṇasaṅkhātena samayena attho dīpito.

Yo pan'etassa kusalacittassa pavattikālo nāma so atiparitto sā c'assa atiparittatā. Yathā ca bhikkhave tassa purisassa javo yathā ca candimasuriyānam javo yathā ca Yāmadevatā candimasuriyānam purato dhāvanti tāsam devatānam javo tato sīghataram āyusankhārā khīyantī ti imassa suttassa atthakathāvasena veditabbā.

192. Tatra hi rūpajīvitindriyassa tāva parittako kālo vutto. Yāva pan'uppannam rūpam tiṭṭhati tāva soļassa cittāni uppajjitvā bhijjanti. Iti tesam kālaparittatāya

¹ andhasate satam pi tassa dassanābhāvato M.

upamā pi natthi. Ten' evāha; yāvañ c'idam bhikkhave upamā pi na sukarā tāva lahuparivattam cittan ti. Evam etesu kālasankhāto samayo kusalacittappavattikālassa atiparittatam dīpeti. Evam dīpentena cānena atiparittakālatāya vijjutobhāsena muttāvutānam viya duppaţivijjham idam cittam. Tasmā etassa paţivedhe mahāussāho ca ādaro ca kattabbo ti ovādo dinno hoti. Ayam kālasankhātena samayena attho dīpito.

193. Samūhasankhāto pana samayo anekesam sahuppattim dīpeti. Phassādīnam hi dhammānam punjo samūho ti vutto, tasmin ca uppajjamānam cittam saha tehi dhammehi uppajjatī ti anekesam sahuppatti dīpitā. Evam dīpentena cānena ekass'eva dhammassa uppatti paţisedhitā hoti. Ayam samūhasankhātena samayena attho dīpito hoti.

Hetusankhāto pana samayo parāyattavuttitam dīpeti. Yasmim samaye ti hi padasā yasmā yamhi hetumhi sati uppannam hotī ti ayam attho, tasmā hetumhi sati pavattito parāyattavuttitā dīpitā. Evam dīpentena cānena dhammānam savasavattitābhimāno paţisedhito hoti, ayam hetusankhātena samayena attho dīpito hoti.

194. Tattha yasmim samaye ti kālasankhātassa samayassa vasena yasmim kāle ti attho. Samūhasankhātassa yasmim samūhe ti. Khanasamavāyahetu sankhātānam yasmim khane sati yāya sāmaggiyā sati yamhi hetumhi sati kāmāvacaram kusalam cittam uppannam hoti tasmim yeva sati phassādayo pi ayam attho veditabbo. Adhikāranam hi kālasankhāto samūhasankhāto samayo tattha vuttadhammānan ti adhikaranavasen' ettha bhummam.

Khaṇasamavāyahetusaṅkhātassa ca samayassa bhāvena tesaṃ bhāvo lakkhīyatī ti bhāvena bhāvalakkhaṇavasen' ettha bhummaṃ.

Kāmāvacaran ti katame dhammā kāmāvacarā hetthato Avīcinirayam uparito parinimmitavasavattipariyantam katvā ti ādinā nayena vuttesu kāmāvacaradhammesu pariyāpannam tatr'āyam vacanattho.

¹ vijjunobhāsena C.G.; vijjulatobhāsena M.

195. Uddānato dve kāmā vatthukāmo ca kilesakāmo ca. Tattha kilesakāmo atthato chandarāgo va, vatthukāmo tebhūmakavatṭam, kilesakāmo c'ettha kāmetī ti kāmo, itaro kāmiyyatī ti kāmo. Yasmim pana padese duvidho p'eso kāmo sampattapavattivasena avacarati yo catunnam apāyānam manussānam channañ ca devalokānam vasena ekādasavidho padeso, kāmo ettha avacaratī ti kāmāvacaro.

Sasatthāvacaro viya. Yathā hi yasmim padese sasatthā purisā avacaranti so vijjamānesu pi aññesu dipadacatuppadesu avacarantesu tesam abhilakkhitattā sasatthāvacaro tveva vuccati, evam vijjamānesu pi aññesu rūpāvacarādīsu tattha avacarantesu tesam abhilakkhitattā ayam padeso kāmāvacaro tveva vuccati.

196. Svāyam yathārūpam bhavo rūpam evam uttarapadalopam katvā kāmo tveva vuccati.

Evam idam cittam imasmim ekādasapadesasankhāte kāme avacaratī ti kāmāvacaram. Kincā pi hi etam rūpam rūpabhavesu pi avacarati yathā pana sangāme avacaranato sangāmāvacaro ti laddhanāmo nāgo nagare caranto pi sangāmāvacaro tveva vuccati.

197. Thalajalacarā ca pāṇino athale ajale thitā pi thalacarā jalacarā tveva vuccanti. Evam idam aññattha avacarantam pi kāmāvacaram evā ti veditabbam.

Ārammaņakaraņavasena vā ettha kāmo avacaratī ti pi kāmāvacaram, kāmam c'esa rūpārūpāvacaresu pi avacaratī. Yathā pana vadatī ti² vaccho, mahiyam setī ti mahiso ti vuttena. Yattakā vadanti³ mahiyam vā senti sabbesam tam nāmam hoti. Evamsampadam idam veditabbam.

Api ca kāmā bhavasankhāte kāme patisandhim avacāretī ti kāmāvacaram.

198. Kusalan ti kucchitānam salanādīhi atthehi kusalam. Api ca ārogyatthena anavajjatthena kosallasambhūtatthena ca kusalam.

Yath' eva hi kacci nu bhoto kusalan ti rūpakāye anāturatāya agelaññena nivyādhitāya ārogyatthena kusalam vuttam evam arūpadhamme pi kilesāturatāya kilesagelaññassa

¹ Sampatta, om. M. ² ravatī ti M. ³ ravanti M.

kilesavyādhino abhāvena ārogyatthena kusalam ti veditabbam.

Kilesavajjassa pana kilesadosassa kilesadarathassa ca abhāvā anavajjaţthena kusalam.

199. Kosallam vuccati paññā kosallato sambhūtattā kosallasambhūtatthena kusalam. Ñāṇasampayuttam tāva evam hotu ñāṇavippayuttam. Kathan ti tam pi rūlhisaddena kusalam eva? Yathā hi tālapaṇṇehi akatvā kilañjādīhi katam tam sarikkhattā rūlhisaddena tālavaṇṭan tveva vuccati. Evam ñāṇavippayuttam pi kusalan tveva veditabbam.

Nippariyāyena pana ñāṇasampayuttam ārogyaṭṭhena anavajjaṭṭhena kosallasambhūtaṭṭhenā ti tividhenā pi kusalam ti nāmam labhati ñāṇavippayuttam duṭṭhen'eva.

200. Iti yan ca jātakapariyāyena yan ca Bāhitikasuttapariyāyena yan ca Abhidhammapariyāyena kusalam kathitam sayantam tīhi pi atthehi imasmim citte labbhatī ti.

Tad etam lakkhaṇādivasena anavajjasukhavipālakkhaṇam akusalaviddhamsanarasam vodānapaccupatthānam yoniso manasikārapadatthānam sāvajjapatipakkhattā vā anavajjalakkhaṇam eva kusalam vodānabhāvarasam itthavipākapaccupatthānam yathāvuttapadatthānam eva lakkhaṇādīsu hi.

Tesam tesam dhammānam sabhāvo vā sāmaññam vā lakkhanam nāma.

201 Kiccam vā sampatti vā raso nāma, upaṭṭhānākāro vā phalam vā paccupaṭṭhānam nāma, āsannakāraṇam padaṭṭhānam nāma. Iti yattha lakkhaṇādīni vakkhāma tattha tattha iminā va nayena tesam nānattam veditabbam.

Cittan ti ārammaṇam. Cintetī ti cittam vijānātī ti attho. Yasmā vā cittan ti sabbacittasādhāraņo esa saddo tasmā yad ettha lokiyakusalākusalamahākiriyacittam tam javanavīthivasena attano santānam cinotī ti cittam.

Vipākam kammakilesehi cittan ti cittam.

Api ca sabbam pi yathānurūpato cittatāya cittam cittakaraņatāya cittan ti evam p' ettha attho veditabbo.

202. Tattha yasmā añnad eva sarāgam cittam añnam

sadosam aññam samoham aññam kāmāvacaram aññam rūpāvacarādibhedam aññam rūpārammaṇam aññam saddādiārammaṇam rūpārammaṇesu pi aññam nīlārammaṇam saddārammaṇādīsu es'eva nayo.

Sabbesu cā pi tesu aññam hīnam aññam majjhimam aññam panītam. Hīnādisu pi aññam chandādhipatheyyam aññam viriyacittavīmamsādhipateyyam. Tasmā 'ssa imesam payuttabhümiārammaṇahīnamajjhimapaṇītādhipatīnam vasena cittatā veditabbā.

203. Kāman c'ettha ekam evam cittam na hoti cittānam pana antogadhattā etesu yam kiñci ekam pi cittatāya cittam pi vattum vattati. Evam tāva cittatāya cittam. Katham? Cittakaranatāyā ti. Lokasmim hi cittakammato uttarim aññam cittam nāma natthi. Kasmim pi caranam nāma cittam aticittam eva hoti? Tam karontānam cittakārānam evamvidhāni ettha rūpāni kātabbānī ti cittasaññā uppajjati. Cittāya saññāya lekhāya gahaņarañjaņaujjotanavattanādinipphādikā cittakiriyā uppajjanti caranasankhāte citte annataram vicittarūpam nippajjati tato imassa rūpassa upari idam hotu hetthā idam hotu ubhayapasse idan ti cintetvā yathācintitena kamena sesacittarūpanipphādanam hoti. Evam yam kiñci loke vicittam sippajātam sabban tam citten' eva kayirati, evam imāya karaņavicittatāya tassa tassa cittassa nipphādakam cittam pi tath' eva cittam hoti. Yathā cintitassa vā anavasesassa anippajjanato tato pi cittam eva cittataram.

204. Tenāha Bhagavā: diṭṭhaṃ vo bhikkhave caraṇaṃ nāma cittan ti? Evam bhante. Tam pi kho bhikhave caraṇaṃ cittaṃ citten' eva cintitaṃ. Tena pi kho bhikhave caraṇena cittena cittaṃ yeva cittataran ti. Tathā yad etaṃ devamanussanirayatiracchānabhedāsu gatīsu kammalingasaññāvohārādibhedaṃ ajjhattikaṃ cittaṃ tam pi cittakatam eva kāyakammādibhedaṃ dānasīlahiṃsātheyyādinayappavattaṃ ² kusalākusalakammaṃ cittanipphāditaṃ kammanānattaṃ kammanānattena ca tāsu tāsu



¹ M. inserts aññam pi ādirammaṇam.

² hiṃsāsādheyyādīnam nayaº M.

gatīsu hatthapādaudaragīvāmukhādisanthānabhinnam linganānattam linganānattato yathā gahitasanthānavasena ayam itthi ayam puriso ti uppajjamānāya saññāya saññānānattam sañnānanattato sañnānurūpena itthī ti vā puriso ti vā ti voharantānam vohāranānattam. Vohāranānattavasena pana yasmā itthī bhavissāmi puriso bhavissāmi khattiyo bhavissāmi brāhmaņo bhavissāmī ti evam tassa tassa attabhāvassa janakam kammam karīyati, tasmā vohāranānattato ca pan' etam kammanānattam. Yathā patthitam bhavam nibbattentam yasmā gativasena nibbatteti tasmā kammanānattato gatinānattam kammanānatten' eva ca tesam tesam sattānam tassā tassā gativā uccanīcāditā tasmim tasmim attabhāve suvannadubbannāditā lābhālābhāditā ca paññāyati. Tasmā sabbam etam devamanussaniravatiracchānabhedāsu gatīsu duggatīsu kammalingasaññāvohārādibhedam ajjhattikam cittam tan ti veditabbam.

Svāyam attho imassa sangītim anārūlhassa suttassa vasena veditabbo.

205. Vuttam h' etam: kammanānattaputhuttapabhedavavatthānavasena linganānattaputhuttapabhedavavatthānam bhavati, linganānattaputhuttapabhedavavatthānam bhavati, sañnānattaputhuttapabhedavavatthānavasena vohāranānattaputhuttapabhedavavatthānavasena vohāranānattaputhuttapabhedavavatthānam bhavati, vohāranānattaputhuttapabhedavavatthānavasena kammanānattaputhuttapabhedavavatthānam bhavati.

Kammanānākaraņam paţicca sattānam gatiyā nānākaranam paññāyati, apadā dipadā catuppadā bahuppadā rūpino arūpino saññino asaññino nevasaññīnāsaññino kammanānākaraṇam paţicca sattānam uppattiyā nānākaraṇam paññāyati, uccanīcatā hīnapaṇītatā sugataduggatatā kammanānākaraṇam paţicca sattānam attabhāve nānākaraṇam paññāyati, suvaṇṇadubbaṇṇatā sujātadujjātatā susaṇṭhitadussaṇṭhitatā kammanānākaraṇam paṭicca sattānam lokadhamme nānākaraṇam paññāyati lābhālābhe yasāyase nindāpasamse sukhadukkhe ti.

206. Aparam pi vuttam:

Kammato lingato c'eva lingasaññā pavattare saññāto bhedam gacchanti itthāyam puriso ti vā.

Kammanā vattatī loko kammanā vattatī pajā kammanibandhanā sattā rathassāņīva yāyato.

Kammena kittim labhati pasamsam kammena jānin ca vadhan ca bandhanam kammassa nānākaraṇam viditvā tasmā vade natthi kamman ti loke.

Kammassakā ² mānava sattā kammadāyādā kammayonī kammabandhū kammapaţisaraṇā kammam satte vibhajati yad imam hīnappanītatāyā ti, evam imāya karaṇacittatāya pi cittassa cittatā veditabbā. Sabbāni pi hi etāni vicittāni citten' eva katāni.

207. Aladdhokāsassa pana cittassa yam vā pana avasesapaccayavikalam tassa ekaccam cittam karanabhāvato yad etam cittena katam ajjhattikam cittam vuttam tato pi cittam eva cittataram. Tenāha Bhagavā: nāham bhikkhave añnām ekanikāyam pi samanupassāmi evamcittam yathayidam bhikkhave tiracchānagatā pāṇā, tehi pi kho bhikkhave tiracchānagatehi pāṇehi cittam yeva cittataran ti.

208. Uppannam hotī ti ettha vattamāņam bhūtāpagatokāsakatabhūmiladdhavasena uppannam nāma anekappabhedam, tattha sabbam pi uppādajarābhaṅgasamaṅgīsaṅkhātam vattamānuppannam nāma.

Ārammaņarasam anubhavitvā niruddham anubhūtāpagatasankhātam kusalākusalam uppādādittayam anuppatvā niruddham bhutvāpagatasankhātam sesasankhātam ca bhūtāpagatuppannan nāma. Yāni'ssa tāni pubbekatāni kammānī ti evam ādinā nayena vuttam kammam atītam pi samānam añnām vipākam paṭibāhitvā attano vipākass' okāsam katvā thitattā tathā katokāsan ca vipākam anuppannam pi samānam evam kate okāse ekantena uppajjanato okāsakatuppannan nāma.

¹ Suttanipāta 654. ² Milindapañha p. 65.

Tāsu tāsu bhūmīsu asamūhatam akusalam bhūmilad-dhuppannan nāma.

Ettha ca bhūmiyā bhūmiladdhassa ca nānattam veditabbam.

209. Bhūmī ti vipassanāya ārammaņabhūtā tebhūmakā pañca khandhā, bhūmiladdhan nāma tesu khandhesu uppatti raham kilesajātam, tena hi sā bhūmi laddhā nāma hoti, tasmā bhūmiladdhan ti vuccati. Evam etesu catusu uppannesu idha vattamānuppannam adhippetam.

Tatrāyam vacanattho pubbantato uddham uppādā ti abhimukham pannan ti uppannam. Uppannasaddo pan'esa atīte paṭiladdhasamuṭṭhite avikkhambhite asamucchinne khaṇattayagate ti anekesu atthesu dissati. Ayam hi tena kho pana bhikkhave samayena Kakusandho Bhagavā araham sammāsambuddho loke uppanno ti ettha atīte āgato.

Āyasmato Ānandassa atirekacīvaram uppannam hotī ti ettha paţiladdhe.

Seyyathā pi bhikkhave uppannam mahāmegham tamena mahāvāto antarā yeva antaradhāpetī ti ettha samuţţhite.

Uppannam gamiyacittam duppativinodaniyam uppannuppanne pāpake akusale dhamme thānaso antaradhāpetī ti ettha avikkhambate.

Ariyam atthangikam maggam bhāvento bahulīkaronto uppannuppanne pāpake akusale dhamme thānaso antarā yeva antaradhāpetī ti ettha asamucchinne.

210. Uppajjamānam uppannan ti? āmantā ti ettha khaņattayagate. Svāyam idhā pi khaņattayagate va daṭṭhabbo.

Kasmā uppannam hotī ti? ettha khanattayagatam hoti, vattamānam hoti, paccuppannam hotī ti ayam sankhepattho. Cittam uppannam hotī ti c'etam desanāsīsam eva na pana cittam ekakam eva uppajjati. Tasmā yathā rājā āgato ti vutte na parisam pahāya ekako va āgato rājā parisāya pana saddhim yeva āgato ti paññāyati. Evam idam pi paro pannāsakusaladhammehi saddhim yeva uppannam ti veditabbam. Pubbangamatthena pana cittam uppannam hotī ti. Evam vuttam lokiyadhammam hi patvā cittam jetthakam cittam dhuram cittam pubbangamam hoti.

211. Lokuttaram dhammam patvā paññā jeṭṭhikā paññā dhurā paññā pubbaṅgamā. Ten' eva Bhagavā vinayapariyāyam patvā pañham pucchanto kimphasso si kimvedano kimsañňo kimcetano sī ti apucchitvā 'kimcitto tvam bhikkhū ti' cittam eva dhuram katvā pucchati. 'Atheyyacitto aham Bhagavā ti' ca vutte 'anāpatti, bhikkhave, atheyyaphassassā ti' ādīni avatvā 'anāpatti bhikkhu atheyyacittassā ti' vadati. Na kevalañ ca vinayapariyāyam aññam pi lokiyadesanam desento cittam eva dhuram katvā deseti.

Yathāha: ye keci bhikkhave dhammā akusalā akusalabhāgiyā akusalapakkhiyā sabbe te manopubbangamā, mano tesam dhammānam pathamam uppajjati.

Manopubbangamā dhammā manosetthā manomayā.
Manasā ce padutthena bhāsati vā karoti vā
Tato nam dukkham anveti cakkam va vahato padam.
Manopubbangamā dhammā manosetthā manomayā.
Manasā ce pasannena bhāsati vā karoti vā.
Tato nam sukham anveti chāyā va anapāyinī.¹
Cittena nīyati loko cittena parikassati
Cittassa ekadhammassa sabbe'va ca samanvagū.

212. Cittasankilesā bhikkhave sattā sankilissanti, cittavodānā visujjhanti, pabhassaram idam bhikkhave cittam tan ca kho āgantukehi upakkilesehi upakkiliţtham.

Citte gahapati arakkhite kāyakammam pi arakkhitam hoti, vacīkammam pi arakkhitam hoti, manokammam pi arakkhitam hoti.

Citte gahapati rakkhite . . . pe . . . citte gahapati vyāpanne . . . pe . . . citte gahapati avyāpanne . . . pe . . . citte gahapati avassute . . . pe . . . citte gahapati anavassute kāyakammam pi anavassutam hoti, vacīkammam pi anavassutam hotī, manokammam pi anavassutam hotī ti. Evam lokiyadhammam patvā cittam jetthakam hoti, cittam dhuram hoti, cittam pubbangamam hotī ti veditabbam.

¹ Dhammapada, 1. 2.

213. Imesu pana suttesu ekam vā dve vā agahetvā suttānurakkhanatthāya sabbāni pi gahitānī ti veditabbāni.

Lokuttaradhammam pucchanto pana kataram phassam adhigato 'si kataram vedanam kataram saññam kataram cetanam kataram cittan ti apucchitvā kataram paññam tvam bhikkhu adhigato si kim paṭhamamaggapaññam udāhu dutiyam tatiyam catuttham maggapaññam adhigato sī ti paññam jeṭṭhakam paññam dhuram katvā pucchati.

Pañnuttarā sabbe kusalā dhammā na parihāyanti.

214. Paññā pana kimatthiyā? paññāvato bhikkhave ariyasāvakassa tadanvayā saddhā saṇṭhāti, tadanvayam viriyam saṇṭhāti, tadanvayā sati saṇṭhāti, tadanvayo samādhi saṇṭhātī ti.

Evam ādīni pan' ettha suttāni datthabbānī ti. Iti lokuttaradhammam patvā paññā jetthikā hoti, paññā dhurā, paññā pubbangamā ti veditabbā.

Ayam pana lokiyadesanā.

Tasmā cittam dhuram katvā desento cittam uppannam hotī ti āha.

215. Somanassasahagatan ti satamadhuravedayitasan-khatena somanassena saha ekuppadadibhavangatam. Ayam pana sahagatasaddo tabbhave vokinne nissaye arammane samsatthe ti imesu atthesu dissati.

Tattha 'yāyam tanhā ponobhavikā nandirāgasahagatā' ti tabbhāve veditabbā nandirāgabhūtā ti attho.

'Yāyam bhikkhave vimamsā kosajjasahagatā kosajjasampayuttā' ti vokiņņe veditabbā. Antarantarā uppajjamānena kosajjena vokiņņā ti ayam ettha attho.

'Aţţhikasaññāsahagatam satisambojjhangam bhāvetī' ti nissaye veditabbo. Aţţhikasaññam nissāya aţţhikasaññam bhāvetvā paţiladdhan ti attho.

'Lābhī hotī ti rūpasahagatānam vā samāpattīnam arūpasahagatānam va' ti ārammaņe. Rūpārūparammaņan ti attho.

216. Idam sukham imāya pītiyā sahagatam hoti saha-

jātam sampayuttan ti. Samsatthe imasmim pi pade ayam eva attho adhippeto, somanassasamsattham hi idha somanassasahagatan ti vuttam, samsatthasaddo c'esa sadise avassute cittasanthave sahajātesu bahusu atthesu dissati.

Ayam hi 'kise thule vivajjetva samsattha yojita haya ti' ettha sadise agato.

'Samsatthā ca ayye tumhe viharathā ti' avassute.

'Gihīhi saṃsaṭṭho viharatī ti' cittasanthave. Idaṃ sukhaṃ imāya pītiyā sahagataṃ hoti sahajātam saṃsaṭṭhasampayuttan ti sahajāte idhā pi sahajāte adhippeto.

Tattha sahagatam sahajātam asesa-asampayuttam nāma natthi. Sahajātam pana samsatthasampayuttam hoti pi na hoti pi, rūpārūpadhammesu hi ekato jātesu rūpam arūpena sahajātam hoti na samsattham na sampayuttam tathā arūpam rūpena rūpam ca rūpena arūpam pana arūpena saddhim niyamato sahagatam sahajātam samsattham sampayuttam eva hotī ti tam sandhāya vuttam somanassasahagatan ti.

Ñāṇasampayuttan ti ñāṇena sampayuttam samam ekuppādādipakārehi yuttan ti attho.

Yam pan' ettha vattabbam siyā tam mātikāvannanāya vedanattike vuttanayam eva.

Tasmā ekuppādā ekanirodhā ekavatthukā ekārammaņā ti iminā lakkhaņena tam sampayuttam ti veditabbam.

217. Ukkatthaniddeso c'esa āruppe pana vinā pi ekavatthukabhāvam sampayogo labbhati. Ettāvatā kim kathitam? Kāmāvacarakusalesu somanassasahagatan tihetukam ñāṇasampayuttam asankhārikasampayuttam asankhārikamahācittam kathitam. Katame dhammā kusalā ti hi aniyāmitapucchāya catubhūmakam kusalam gahitam kāmāvacaram kusalam cittam uppannam hotī ti vacanena tebhūmakakusalam pariccattam atthavidham kāmāvacarakusalam eva gahitam. Somanassasahagatan ti vacanena tato catubbidham upekhāsahagatam pariccajitvā catubbidham somanassasahagatam eva gahitam, ñāṇasampayuttan ti vacanena tato duvidham ñāṇavippayuttam

pariccajitvā dve fāṇasampayuttān' eva gahitāni, asankhāriyabhāvo pana pāliyam anābhatthatāya yeva na gahito, kiñcāpi na gahito parato pana sasankhārenā ti vacanato idha asankhārenā ti avutte pi asankhārabhāvo veditabbo.

Sammāsambuddho hi ādito vā idam mahācittam bhāvetvā dassetum niyametvā ca imam desanam ārabhī ti evam ettha sannitthānam katan ti veditabbam.

- 218. Idāni tam eva cittam ārammaņato dassetum rūpārammaņam vā ti ādim āha. Bhagavā hi arūpadhammam dassento vatthunā vā dasseti ārammaņena vā vatthārammaņehi vā sarasabhāvena vā.
- 219. Cakkhusamphasso . . . pe . . . manosamphasso ca cakkhusamphassajā vedanā . . . pe . . . manosamphassajā vedanā cakkhuviññāṇam . . . pe . . . manoviññāṇan ti ādisu hi vatthunā arūpadhammā dassitā. Rūpassaññā . . . pe . . . dhammasaññā rūpasañcetanā . . . pe . . . dhammasañcetanā ti ādīsu ārammaṇena cakkhum ca paṭicca rūpe ca uppajjati cakkhuviññāṇam, tiṇṇam saṅgati phasso . . . pe . . . manañ ca paṭicca dhamme ca uppajjati manoviññāṇam, tiṇṇam saṅgati phasso ti ādisu vatthārammaṇehi avijjāpaccayā bhikkhave saṅkhārā saṅkhārapaccayā viññāṇan ti ādisu sarasabhāvena arūpadhammā dassitā. Imasmim pana thāne ārammaṇena dassento rūpārammaṇam vā ti ādim āha.
- 220. Tattha catusamutthānam atītānāgatapaccuppannam rūpam eva rūpārammaṇam, dvisamutthāno atītānāgatapaccuppanno saddo va saddārammaṇam, catusamutthāno atītānāgatapaccuppanno gandho va gandhārammaṇam, catusamutthāno atītānāgatapaccuppanno raso va rasārammaṇam, catusamutthānam atītānāgatapaccuppannam photthabbam eva photthabbārammaṇam.

Ekasamuţţhānā tisamuţţhānā catusamuţţhānā kutoci samuţţhitā atītānāgatapaccuppannā c'eva tathā na vattabbā ca vuttāvasesā cittagocarasankhātā dhammā yeva dhammārammaṇam.

Ye pana anāpāthagatā rūpādayo pi dhammārammanam icceva vadanti te iminā suttena patikkhipitabbā.

- 221. Vuttam h'etam: imesam kho āvuso pañcannam indriyānam nānāvisayānam nānāgocarānam na aññamaññassa gocaravisayam paccanubhontānam manopatisaraṇam mano ca tesam gocaravisayam paccanubhotī ti. Etesam hi rūpārammaṇādīni gocaravisayo nāma tāni manena paccanubhaviyamānāni pi rūpārammaṇādīni yevā ti ayam attho siddho hoti. Dibbacakkhuñāṇādīnañ ca rūpādiārammaṇattā pi ayam attho siddho yeva hoti.
- 222. Anāpāthagatān' eva hi rūpārammaṇādīni dibbacak-khuādīnam ārammaṇāni na ca tāni dhammārammaṇāni bhavantī ti vuttanayen' eva ārammaṇavavatthānam veditabbam.

Tattha ekekam ārammaṇam dvīsu dvīsu dvāresu āpātham āgacchati. Rūpārammaṇam hi dibbacakkhuppasādam ghattetvā tam khaṇam yeva manodvāre āpātham āgacchati bhavaṅgacalanassa paccayo hotī ti attho.

Saddagandharasaphotthabbārammaņesu pi es' eva nayo. Yathā hi sakuņo ākāsena āgantvā rukkhagge nilīyamāno va rukkhasākham ghatteti chāyā c'assa pathaviyam patihaññati sākhāghattanacchāyāpharaṇāni apubbam acarimam ekakkhaņe yeva bhavanti evam paccuppannarūpādīhi cakkhupasādādighattanañ ca bhavangacalanasamatthatāya manodvāre āpāthagamanañ ca apubbam acarimam ekakkhaņe yeva hoti. Tato bhavangam vicchinditvā cakkhudvārādīsu uppannānam āvajjanādīnam votthapanapariyosānānam anantarā tesam ārammaṇānam aññatarasmim idam mahācittam uppajjati suddhamanodvāre pana pasādaghattanakiccam natthi.

Pakatiyā ditthasutaghāyitasāyitaputthavasen' eva etāni ārammaņāni āpātham āgacchanti.

223. Katham idh'ekacco katasudhākammam haritālamanosilādivannavicittam paggahitanānappakāram dhajapatākam mālādāmavinaddham dīpamālāparikkhittam atimanoramāya siriyā virocamānam alamkatapatiyattam mahācetiyam padakkhinam katvā solasasu pādapīthikāsu pañcapatitthitena vanditvā añjalim paggayha olokento buddhāram-

maņam pītim gahetvā titthati? Tassa evam cetiyam passitvā buddhārammaņam pītim nibbattetvā aparabhāge yattha katthaci gatassa rattitthanadivatthanesu nisinnassa āvajjamānassa alamkatapaţiyattam mahācetiyam cakkhudvāre āpātham āgatasadisam eva hoti, padakkhiņam katvā cetivam vandanakālo viya hoti. Evam tāva diţthavasena rūpārammaņam āpātham āgacchati, madhurena sarena dhammakathikassa vā dhammam kathentassa sarabhānakassa vā sarena bhanantassa saddam sutvā aparabhāge yattha katthaci nisīditvā āvajjamānassa dhammakathā vā sarabhañnam vā sotadvāre āpātham āgatam viya hoti sādhukāram datvā sumanakālo viya hoti, evam sutavasena saddārammanam āpātham āgacchati. Sugandham pana gandham vā mālam vā labhitvā āsane vā cetiye vā gandhārammaņena cittena pūjam katvā aparabhāge vattha katthaci nisīditvā āvajjamānassa tam gandhārammanam ghāṇadvāre āpāthagatam viya hoti pūjākaraṇakālo viya hoti, evam ghāyitavasena gandhārammanam āpātham gacchati. Paņītam pana khādanīyam bhojanīyam vā sabrahmacārīhi saddhim samvibhajitvā paribhuñjitvā aparabhāge yattha katthaci kudrūsakādibhojanam labhitvā asukakāle paņītabhojanīyam sabrahmacārīhi saddhim samvibhajitvā paribhuttan ti āvajjamānassa tam rasārammaņam jivhādvāre āpāthagatam viya hoti, paribhunjanakālo viya hoti. Evam sāvitavasena rasārammaņam āpātham āgacchati, mudukam pana sukhasamphassam mancapitham va attharanapapuranam vā paribhunjitvā aparabhāge yattha katthaci dukkhaseyyam kappetvā 'asukakāle me mudukam mancapītham paribhuttan' ti āvajjamānassa tam photthabhārammanam kāyadvāre āpāthagatam viya hoti, sukhasamphassam vediyanakālo viya hoti. Evam puţthavasena phoţthabbārammaṇam pāpuraṇam āpātham āgacchati, evam suddhamanodvāre pasādaghattanakiccam natthi.

Pakatiyā ditthasutaghāyitasāyitaputthavasen'eva etāni ārammaṇāni āpātham āgacchantī ti veditabbāni.

224. Idāni pakatiyā ditthādīnam vasena āpāthagamane

¹ pasīditvā, M.

ayam aparo pi atthakathāvuttako nayo hoti. Dittham sutam ubhayasambandhan ti ime tāva ditthādayo veditabbā.

Tattha ditthan nāma pañcadvāravasena gahitapubbam, sutan ti paccakkhato adisvā anussavavasena gahitā rūpādayo va tehi dvīhi pi sambandhanam ubhayasambandham nāma.

Iti imesam pi diţţhādīnam vasena etāni manodvāre āpātham āgacchantī ti veditabbāni. Tattha diţţhavasena tāva āgamanam heţṭhā pañcahi nayehi vuttam eva. Ekacco pana suṇāti Bhagavato puññātisayanibbattam evarūpam nāma rūpam atimadhuro saddo kismiñci padese kesañci pupphānam atimanuñño gandho kesañci phalānam atimadhuro raso kesañci pāpuraṇādīnam atisukho samphasso ti tassa cakkhuppasādādighaṭṭanam vinā sutattā vā tāni rūpādīni manodvāre āpātham āgacchanti. Ath' assa tam cittam tasmim rūpe vā sadde vā pasādavasena gandhādīsu ariyānam dātukāmatāvasena aññena dinnesu anumodanāvasena vā pavattati. Evam sutavasena etāni manodvāre āpātham āgacchanti.

Aparena pana yathāvuttāni rupādīni diţţhāni vā sutāni vā honti. Tassa īdisam rūpam āyatim uppajjamānakabuddhassā pi bhavissatī ti ādinā nayena cakkhuppasādādighattanam vinā diţţhasutasambandhen' eva tāni manodvāre āpātham āgacchanti. Ath' assa hetthā vuttanayen' eva tesu aññatarārammaṇam idam cittam pavattati. Evam ubhayasambandhavasena etāni manodvāre āpātham āgacchanti.

Idam pi ca mukhamattam eva.

225. Saddhāruciākāraparivitakkadiţţhinijjhānakhantiādīnam pana vasena vitthārato etesam manodvāre āpāthagamanam veditabbam eva. Yasmā pan' eva āpātham āgacchantāni bhutāni pi honti abhūtāni pi, tasmā ayam nayo aṭṭhakathāya na gahito. Evam ekekārammaṇam javanam dvīsu dvīsu dvāresu uppajjatī ti veditabbam. Rupārammaṇam hi javanam cakkhudvāre pi uppajjati manodvāre pi saddādiārammaṇesu pi es'eva nayo.

Tattha manodvāre uppajjamānam rūpārammaņam javanam dānamayam sīlamayam bhāvanāmayam ti tividham hoti. Tesu ekesam kāyakammam vacıkammam manokamman ti tividham eva hoti. Saddagandharasaphotthabbadhammārammanesu es'eva nayo.

Tattha rūpam tāva ārammaņam katvā uppajjamānam etam mahākusalacittam nīlapītalohitaodātavannesu pupaññatarassa subhanimittasankhātam phavatthadhātusu ittham kantam manāpam rajanīyam vaņņam ārammaņam katvā uppajjati. Na nu c'etam itthārammaņam lobhassa vatthukatam etam cittam kusalam nāma jātam nivamitavasena parinatavasena 1 samudāvatavasena 2 ābhuñjitavasenā ti. Yassa hi kusalam eva mayā kattabban ti kusalakarane cittam nivamitam hoti, akusalapavattito nivattetvā kusalakarane yeva parinatam, abhinhakarane kusalasamudācāren'eva samudāvaţam.3 Paţirūpadesavāsasappurisupanissayasaddhammasavanapubbakatapuññatādīhi ca upanissayehi voniso ca ābhogo pavattati. Tassa iminā niyamitavasena parinatavasena samudāvatavasena ābhunjitavasena ca kusalam nāma hoti.

Ārammaņavasena pan'ettha somanassasahagatabhāvo veditabbo.

226. Iţţhārammaṇasmim hi uppannattā etam somanassa-sahagatam jātam saddhābahulatādīni pan'ettha kāraṇāni yeva. Asaddhādīnam hi micchādiṭṭhīnañ ca ekantam iṭṭhā-rammaṇabhūtam Tathāgatarūpam hi disvā somanassam na uppajjati ye ca kusalapavattiyam ānisamsam na passanti tesam parehi ussāhitānam kusalam karontānam pi somanassam n'uppajjati. Tasmā saddhābahulatā visuddhadiṭṭhitā ānisamsadassāvitā ti. Evam p'ettha somanassasahagatabhāvo veditabho.

227. Api ca ekādasa dhammā pītisambojjhangassa uppādāya pavattanti buddhānussati dhammānussati sanghānussati sīlacāgadevatānussati upamānussati lūkhapuggalaparivajjanatā siniddhapuggalasevanatā pasādanīyasuttantapaccavekkhanatā tadadhimuttatā ti.

¹ parināmitavasena, M. ² samudācāraciņņavasena, M. ³ samudācāram, M.

Imehi pi kāraņeh'ettha somanassasahagatabhāvo veditabbo.

Imesam pana vitthāro bojjhangavibhange āvibhavissati. 228. Kammato uppattito indriyaparipākato kilesadūribhāvato ti imehi pan'ettha kāraņehi ñāṇasampayuttatā veditabbā.

Yo hi paresam dhammam deseti anavajjāni sippāyatanakammāyatanavijjāthānāni sikkhāpeti dhammakathikam sakkāram katvā dhammam kathāpeti āyatim paññāvā bhavissāmī ti patthanam thapetvā nānappakāram dānam deti tassa evarūpam kammam upanissāya kusalam uppajjamānam ñāṇasampayuttam uppajjati.

229. Avyāpajjhe loke uppannassa vā pi tassa tattha sukhino dhammapadā pilavanti dandho bhikkhave satuppādo atha so satto khippam eva visesabhāgī hotī ti iminā nayena uppattim nissāya pi uppajjamānam kusalam ñāṇasampayuttam uppajjati.

Tathā indriyaparipākam upagatānam paññādasakappattānam indriyaparipākam nissāya pi kusalam uppajjamānam ñāṇasampayuttam uppajjati.

Yehi pana kilesā vikkhambhitā tesam kilesam dūrībhāvam nissāya pi kusalam ñāṇasampayuttam uppajjati. Vuttam pi c'etam:

Yogā ve jāyatī bhūrī ayogā bhūrisankhayo z

ti evam kammato uppattito indriyaparipākato kilesadūrībhāvato ti imehi kāraņehi ñāṇasampayuttatā veditabbā.

230. Api ca satta dhammā dhammavicayasambojjhangassa uppādāya samvattanti paripucchakatā vatthuvisadakiriyā indriyasamattapaṭipādanā duppaññapuggalaparivajjanā paññāvantapuggalasevanā gambhīrañāṇācariyapaccavekkhaṇā tadadhimuttatā ti. Imehi pi kāraṇeh'ettha ñāṇasampayuttatā veditabbā va.

Imesam pana vitthāro bojjhangavibhange āvibhavissati. Evam nānasampayuttam hutvā uppannam c'etam asan-

¹ Dhammap. 282.

khārena appayogena anupādāya cintanāya uppannattā asankhāram nāma jātam.

231. Tayidam rajanīyam vaņņārammaņam hutvā uppajjamānam eva tividhena niyamena uppajjati dānamayam vā hoti sīlamayam vā bhāvanāmayam vā.

.Katham? Nīlapītalohitodātesu pupphavatthādisu aññavannavasena ābhunjitvā vannadānam labhitvā mayhan ti Buddharatanādīni pūjeti tadā dānamayam hoti. Tatr'idam vatthum: Bhandagarika-Sanghamitto kira ekam suvannakhacitam vattham labhitvā idam pi vattham suvannavannam Sammāsambuddho pi suvannavanno suvannavannam vattham suvannavannass'eva anucchavikam amhākañ ca vannadānam bhavissatī ti mahācetive āropesi. Evarūpe kāle dānamayam hotī ti veditabbam. Yadā pana tathārūpam eva deyyadhammam labhitvā mayham kulavamso kulatanti kulapaveni esā vattam etan ti Buddharatanādīni pūjeti tadā sīlamayam hoti. Yadā pana tādisena vatthunā ratanattayapūjam katvā ayam vanno khayam gacchissati vayam gacchissatī ti khayavayam patthapeti tadā bhāvanāmayam hoti.

Dānamayam puna hutvā vattamānam pi yadā tīni ratanāni sahatthena pūjentassa pavattati tadā kāyakammam hoti, yadā tīni ratanāni pūjento puttadāradāsakammakaraporisādayo pi āṇāpetvā pūjāpeti tadā vacīkammam hoti, yadā pana tad eva vuttappakāram vijjamānakavatthum ārabbha vaṇṇadānam dassāmī ti cinteti tadā manokammam hoti.

Vinayapariyāyam patvā hi dassāmi karissāmī ti vācā bhinnā hotī ti iminā lakkhaņena dānamayam nāma hoti. Abhidhammapariyāyam patvā pana vijjamānakavatthum ārabbha dassāmī ti manasā cintitakālato paṭṭhāya kusalam hoti aparabhāge kāyena vā vācāya vā kattabbam karissatī ti vuttam.

Evam dānamayam kāyavacīmanokammavasena tividham hoti.

232. Yadā pana tam vuttappakāram vatthum labhitvā kulavamsādivasena sahatthā ratanattayam pūjeti tadā sīlamayam kāyakammam. Yadā kulavamsādivasen'eva puttadārādayo āṇāpetvā pūjāpeti tadā vacīkammam hoti.

Yadā mayham kulavamso kulatanti kulappaveņi vattam etan ti vijjamānakavatthum vaņņadānam dassāmī ti cinteti tadā manokammam hoti. Evam sīlamayam kāyavacīmanokammavasena tividham hoti. Yadā pana tam vuttappakāram vatthum labhitvā tīņi ratanāni pūjetvā cankamanto khayavayam paṭṭhapeti tadā bhāvanāmayam kāyakammam hoti.

Vācāya sammasanam patthapentassa vacīkammam hoti. Kāyangavācangāni acopetvā manasā va sammasanam patthapentassa manokammam hoti. Evam bhāvanāmayam kāyavacīmanokammavasena tividham hoti. Evam ettha rūpārammanam kusalam tividhapuñāakiriyavatthuvasena navahi kammadvārehi bhājetvā dassesi Dhammarājā.

Saddārammaņādisu pi es'eva nayo.

233. Bherisaddādisu hi rajanīyasaddam ārammanam katvā hetthā vuttanayen'eva tīhi niyameh' etam kusalam uppajjati. Tattha saddam kandamūlam uppāţetvā nīluppalahatthakam viya ca hatthe thapetvā dātum nāma na sakkā. Savatthukam pana katvā dento saddadānam deti Tasmā yadā saddadānam dassāmī ti bherimutinnāma. gādisu aññataraturiyena tiņņam ratanānam upahāram karoti saddadānam hoti. Bheriādīni thapāpeti dhammakatikabhikkhūnam katasarabhesajjam telaphānitādīni deti, dhammasavanam ghoseti, sarabhaññam bhanati, dhammakatham katheti, upanisinnakakatham anumodanakatham karoti tadā dānamayam hoti. Yadā etad eva vidhānam kulavamsādivasena vattavasena karoti tadā sīlamayam hoti. Yadā sabbam p'etam katvā ayam ettako saddo brahmalokappamāņo pi hutvā khayam gamissati vayam gamissatī ti sammasanam patthapeti tadā bhāvanāmayam hoti. Tattha danamayam tada bheriadini gahetva sahatthā upahāram karoti niccūpahāratthāya thapento pi sahatthā thapeti. Saddadānam kho ti dhammasavanam ghosetum gacchati dhammakatham sarabhaññam kātum gacchati tadā kāyakammam hoti.

Yadā 'gacchatha tātā amhākam saddadānam tinnam

¹ uppādetvā M.

ratanānam upahāram karothā' ti āṇāpeti 'saddadānam me ti cetiyaṅgato imam bherim imam mutiṅgam thapethā' ti āṇāpeti sayam eva dhammasavanam ghoseti dhammakatham katheti sarabhañām bhaṇati tadā vacīkammam hoti. Yadā kāyavācaṅgāni acopetvā saddadānam dassāmī ti vijjamānakavatthum manasā pariccajati tadā manokammam hoti. Sīlamayam pi saddadānam nāma mayhaṃ kulavaṃso kulatanti kulappaveṇī ti. Bheriādīni sahatthā cetiyaṅganādisu thapentassa dhammakathikānam sarabhesajjam sahatthā dentassa vattasīsena dhammasavanaghosanadhammakathākathanasarabhaññam bhaṇanatthāya ca gacchantassa kāyakammam hoti.

Saddadānam nāma amhākam kulavamso kulatanti kulappaveņi. 'Gacchatha tātā buddharatanādīnam upahāram karothā ti' acopentassa kulavamsavasen'eva attanā dhammakatham vā sarabhaññam vā karontassa vacīkammam hoti. Saddadānam nāma mayham kulavamso. 'Saddadānam dassāmī ti' kāyavācangāni acopetvā manasā va vijjamānakavatthum pariccajantassa manokammam hoti.

Bhāvanāmayam pi yadā cankamanto cankamanto sadde khayavayam patthapeti tadā kāyakammam hoti. Kāyangam pana acopetvā vācāya sammasantassa vacīkammam hoti. Kāyavācangam acopetvā manasā ca saddāyatanam sammasantassa manokammam hoti. Evam saddārammanam pi kusalam tividhapunīnakiriyavatthuvasena navahi kammadvārehi bhājetvā dassesi Dhammarājā.

234. Mālagandhādisu pi rajanīyam gandham ārammaṇam katvā heṭṭhāvuttanayen'eva tīhi niyameh' etam kusalam uppajjati. Tattha yadā mūlagandhādisu yam kiñci gandham labhitvā gandhavasena ābhujitvā 'gandhadānam mayhan ti' buddharatanādīni pūjeti tadā dānamayam hotī ti sabbam vaṇṇadāne vuttanayen'eva vitthārato veditabbam.

Evam gandhārammanam pi kusalam tividhapuññakiriyavatthuvasena navahi kammadvārehi bhājetvā dassesi Dhammarājā.

Mūlarasādisu pana rajanīyam rasam ārammaṇam katvā heṭṭhāvuttanayen'eva tīhi niyameh' etam kusalam uppajjati. Tattha yadā mūlarasādisu yam kiñci rajanīyam rasavatthum labhitvā rasavasena ābhujitvā 'rasadānam mayhan ti' deti pariccajati tadā dānamayam hotī ti sabbam vannadāne vuttanayen'eva vitthārato veditabbam.

235. Sīlamaye pan'ettha sanghassa adatvā paribhuñjanam nāma amhākam na āciņņam ti dvādasannam bhikkhusahassānam dāpetvā sādurasam paribhuñjantassa Duṭṭha-Gāmanī-Abhayarañño vatthu ādi katvā Mahā-aṭṭhakathā-yam vatthūni āgatāni. Ayam eva viseso. Evam rasārammaṇam pi kusalam tividhapuññakiriyavatthuvasena navahi kammadvārehi bhājetvā dassesi Dhammarājā.

236. Photthabbārammaņe pathavīdhātu tejodhātu vāyodhātu tīni mahābhūtāni photthabbārammanam nāma. Imasmim thāne etesam vasena yojanam akatvā mañcapīthādivasena kātabbā. Yadā hi mañcapīthādisu yam kiñci rajanīyam photthabbavatthum labhitvā photthabbavasena ābhunjitvā 'photthabbadānam mayhan ti' deti pariccajati tadā dānamayam hotī ti sabbam vannadāne vuttanayen' eva vitthārato veditabbam. Evam photthabbārammanam pi kusalam tividhapuññakiriyavatthuvasena navahi kammadvārehi bhājetvā dassesi Dhammarājā.

237. Dhammārammaņe cha ajjhattikāyatanāni tīni lakkhanāni tayo arūpino khandhā pannarasa sukhumarūpāni nibbānam pañnattī ti ime dhammāyatane pariyāpannā ca apariyapanna ca dhamma dhammarammanan nama. Imasmim thāne etesam vasena vojanam akatvā ojāpāņajīvitapāņavasena kātabbā. Ojādīsu hi rajanīyam dhammārammaņam katvā hețțhāvuttanayen'eva tīhi niyameh' etam kusalam uppajjati. Tattha yadā 'ojādānam mayhan ti' sappinavanītādīni deti 'pāṇadānan ti' aṭṭha pāṇāni deti 'jīvitadānan ti' salākabhattapakkhiyabhattasangabhattadīni deti aphāsukabhikkhūnam bhesajjam deti vejjam paccupatthapeti jālam phālāpeti kuminam viddhamsāpeti sakunapanjaram viddhamsāpeti bandhanamokkham kāreti māghātabherin carāpeti annāni pi jīvitaparittāņattham evarūpāni kammāni karoti tadā dānamayam hoti. Yadā pana ojādānapānadānajīvitadānāni mayham kulavamso kulatanti kulappaveņī ti vattasīsena ojādānādīni pavatteti tadā sīlamavam hoti.

Yadā dhammārammaņasmim khayavayam patthapeti

tadā bhāvanāmayam hoti. Dānamayam pana hutvā vattamānam pi yadā ojādānapāṇadānajīvitadānāni sahatthā deti tadā kāyakammam hoti. Yadā puttadārādayo āṇāpetvā dāpeti tadā vacīkammam hoti, yadā kāyavācangāni acopetvā ojādānapāṇadānajīvitadānavasena vijjamānakavatthu dassāmī ti manasā cinteti tadā manokammam hoti.

Yadā pana vuttappakāram vijjamānakavatthu kulavamsādivasena sahatthā deti tadā sīlamayam kāyakammam hoti. Yadā-kulavamsādivasen' eva puttadārādayo āņāpetvā dāpeti tadā vacīkammam hoti. Ŷadā kulavamsādivasena vuttappakāram vijjamānakavatthu dassāmī ti manasā cinteti tadā manokammam hoti. Cankamitvā cankamitvā dhammārammaņe khayavayam paţţhapentassa pana bhavanamayam kayakammam hoti. Kayangam acopetvā vācāya khayavayam paţţhapentassa vacīkammam hoti. Kāyavācangāni acopetvā manasā va dhammārammane khayavayam patthapentassa manokammam hoti. Evam bhāvanāmayam kāyavacīmanokammavasena tividham hoti. Evam ettha dhammārammanam kusalam tividhapuññakiriyavatthuvasena navahi kammadvarehi bhajetva dassesi Dhammarājā. Evam idam cittam nānāvatthusu nānārammanavasena dipitam. Idam pana Kathavatthusmim pi nānārammaņavasena labbhati yeva.

Katham? catūsu hi paccayesu cīvare cha ārammaṇāni labbhanti. Navarattassa hi cīvarassa vaṇṇo manāpo hoti dasṣanīyo, idam vaṇṇārammaṇam. Paribhogakāle paṭapaṭasaddam karoti, idam saddārammaṇam. Yo tattha kāļakacchakādigandho, idam gandhārammaṇam. Rasārammaṇam pana paribhogavasena kathitam. Yā tattha sukhasamphassatā idam phoṭṭabbārammaṇam. Cīvaram paṭicca uppannā sukhā vedanā dhammārammaṇam. Piṇḍapāte rasārammaṇam nippariyāyen' eva labbhati. Evam catūsu paccayesu nānārammaṇavasena yojanam katvā dānamayādibhedo veditabbo.

Imassa pana cittassa ārammaṇam nibaddham. Vinā ārammaṇena anuppajjanato dvāram pana anibaddham. Kasmā? Kammassa anibaddhattā. Kammasmim hi anibaddhe dvāram anibaddham eva hoti. Imassa pan' atth-

assa pakāsanattham imasmim thāne Mahā-atthakathāyam dvārakathā kathitā ti.

239. Tattha tīṇī kammāni, tīṇi kammadvārāni, pañca viñnāṇāni, pañca viñnāṇadvārāni, cha phassā, cha phassadvārāni, aṭṭha asamvaradvārāni, dasa akusalakammapathā, dasa kusalakammapathā ti.

Idam ettakam dvārakathāya mātikā-thapanam nāma. Tattha kiñcāpi tīņi kammāni pathamam vuttāni tāni pana thapetvā ādito tāva tīņi kammadvārāni bhājetvā dassitāni. Katamāni tīņi? Kāyakammadvāram vacīkammadvāram manokammadvāran ti. Tattha catubbidho kāyo: upādiņnako, āhārasamuṭṭhāno, utusamuṭṭhāno, cittasamuṭthāno ti.

240. Tattha cakkhāyatanādīni jīvitindriya-pariyantāni atthakamma-samutthana-rupani pi kamma-samutthanan' eva. Catasso dhātuyo vā vaņņo gandho raso ojā ti atthaupādinnaka-kāyo nāma. Tān' eva attha āhārajāniāhārasamuţţhānika-kāyo nāma. Aţţha utujāni utu-samuţţhānikakāyo nāma. Attha cittajāni citta-samutthānika-kāyo nāma. Tesu kāya-kammadvāran ti n' eva upādinnaka-kāyassa nāmam na itaresam. Citta-samuţţhānesu pana aţţhasu rūpesu ekā viññatti atthi. Idam kāya-kammadvāram nāma yam sandhāya vuttam: Katamam tam rūpam kāya-viñnatti? Yā kusala-cittassa vā akusala-cittassa vā avyākata-cittassa vā abhikammantassa vā patikkammantassa vā ālokentassa vā vilokentassa vā samminjentassa vā pasārentassa vā kāyassa thambhanā santhambhanā santhambhitattam viñnatti vinnāpanā vinnāpitattam idam tam rūpam kāyaviñnattī ti. Abhikkamissāmi paţikkamissāmī ti hi cittam uppajjamānam rūpam samutthāpeti.

241. Tattha yā paṭhavīdhātu āpodhātu tējodhātu vāyodhātu tam nissito vaṇṇo gandho raso ojā ti. Imesam aṭṭhannam rūpānam abbhantare cittasamuṭṭhānā vāyodhātu, sā attanā sahajātam rūpakāyam santhambheti, sandhāreti, cāleti, abhikkamāpeti, paṭikkamāpeti. Tattha ekāvajjanavīthiyam sattasu javanesu paṭhamacittasamuṭṭḥitā

¹ Dhs. § 718.

vāyodhātu santhambhetum sandhāretum sakkoti, aparāparam pana cāletum na sakkoti. Dutiyādisu pi es'eva nayo.

Sattamacittena pana samutthitā hetthā chahi cittehi samutthitā vāyodhātu upatthambha-paccayam labhitvā attanā sahajātam rūpa-kāyam santhambhetum sandhāretum cāletum abhikkamāpetum patikkamāpetum ālokāpetum vilokāpetum samminjāpetum pasārāpetum sakkoti. Tena gamanam nāma jāyati, āgamanam nāma jāyati, 'yojanam gato, dasayojanam gato ti 'vattabbatam āpajjāpeti. Yathā hi sattahi yugehi akaddhitabbe sakate pathama-yuge yuttagoņāyugam tāva sandhāretum sakkonti, cakkam pana na pavattenti: dutiyādisu pi es'eva nayo. Sattamayuge pana gone vojetvā, vadā cheko sārathi dhure nisīditvā vottāni ādāya sabbapurimato patthāya patodalatthiyā goņe ākoteti, tadā sabbe'va ekabalā hutvā dhurañ ca sandhārenti cakkāni ca pavattenti, sakatam gahetvā 'dasa-vojanam vīsatiyojanam gato ti' vattabbatam āpādenti, evamsampadam idam veditabbam.

242. Tattha yo citta-samuţţḥānika-kāyo na sā viññatti, citta-samuţṭḥānāya pana vāyodhātuyā sahajātamrūpa-kā-yam santhambhetum sandhāretum cāletum paccayobhāvitum samattho eko ākāra-vikāro atthi. Ayam viññatti nāma.

Sā atṭha rūpāni viya na citta-samuṭṭhānā. Yathā pana 'aniccādi-bhedānam dhammānam jarā-maraṇattā jarā-maranam, bhikkhave, aniccam saṅkhatan tī 'ādi vuttam, evam citta-samuṭṭhānānam rūpānam viñňattitāya sā pi 'citta-samuṭṭhānā 'nāma hotī ti. Viñňāpanattā pan' esā viñnāttī ti vuccati. Kim viñňapetī ti? Ekam kāyika-karaṇam: cakkhupathasmim hi ṭhito hattham vā pādam vā ukkhipati, sīsam vā bhamukham vā cāleti. Ayam hatthādīnam ākāro cakkhu-viñňeyyo hoti. Viňňatti pana na cakkhu-viňňeyyā, manoviňňeyyā eva. Cakkhunā hi hatthākārādi-vasena vipphandamānam vaṇṇārammaṇam eva passati. Viňňatti pana mano-dvārika-cittena cintetvā 'idañ c'idañ ca esa kāreti maňňe' iti jānāti. Yathā hi arañňe nidāghasamaye udakaṭṭhāne va 'manussā imāya sañňāya idha udakassa atthibhāvam jānissantī ti 'rukkhagge tālapaṇṇādīni bandhāpenti surāpānadvāre dhajam ussāpenti uddham

pana rukkham vāto paharetvā cāleti, anto udake macche calante upari bubbulakāni utthahanti, mahoghassa gata-maggapariyante tinapannakasatam ussaditam hoti tattha tala-pannadhajasakhacalanabubbulaka-tina-pannakasate disvā yathā cakkhumā adittham pi ettha vipphandamānam vannārammanam eva passati. Vinnatti pana mano-dvārika-cittena cintetvā 'idañ c'idañ ca esa kāreti mañne' iti jānāti. Na kevalan c'esā vinnāpanato vinnatti nāma. Viñneyyato pi pana viñnatti yeva nāma. Ayam hi paresam antamaso tiracchānagatānam pi pākatā hoti. Tattha tattha sannipatitā hi sonasingāla-kāka-yonādayo dandam vā leddum vā gahetvā paharanākāre dassite 'ayam no paharitukāmo ti ' natvā vena vā tena vā palāyanti, pākāra-kuddādi-antaritassa pana parassa apākata-kālo pi atthi, kiñcāpi tasmim khaņe apākatā sammukhībhūtānam pana pākatattā viñnatti yeva nāma hoti.

243. Citta-samuţţhānike pana kāye calante te samuţţhāniko calati na calatī ti so pi tatth' eva calati, tam-gatiko tad-anuvattako va hoti. Yathā hi udake gacchante udake patitāni sukkha-daṇḍaka-tiṇādīni pi udaka-gatikān' eva bhavanti, tasmim gacchante gacchanti, tiţţhante tiţţhanti, evamsampadam idam veditabbam. Evam esā citta-samuţthānesu rūpesu viññatti kāya-kamma-dvāram nāmā ti veditabbā.

Yā pana tasmim dvāre siddhā cetanā yāya pāṇam hanti adiṇṇam ādiyati micchā carati pāṇātipātādīhi viramati, idam kāya-kammam nāma.

Evam paravādimhi sati kāyadvāram, tamhi dvāre siddhā cetanā kāya-kammam kusalam vā akusalam vā ti thapetabbam. Paravādimhi pana asati avyākatan cātitikam pūretvā va thapetabbam.

244. Tattha yathā nagara-dvārakatatthāne yeva titthati angula-mattam pi aparāparam na sankamati tena tena pana dvārena mahājano sancarati evam eva dvāre dvāram na carati, kammam pana tasmim tasmim dvāre uppajjanato carati. Ten' āhu Porānā:—

Dvāre caranti kammāni na dvārādvāra-cārino Tasmā dvārehi kammāni añnam añnam vavatthitā ti. Tattha kammenā pi dvāram nāmam labhati dvārenā pi kammam. Yathā hi viñnānādīnam uppajjanatthānāni viñnāna-dvāram phassa-dvāram asamvara-dvāram samvara-dvāran ti nāmam labhanti, evam kāya-kammassa uppajjanatthānam kāya-kamma-dvāran ti nāmam labhati. Vacīmano-kamma-dvāresu pi es'eva nayo.

Yathā pana tasmim tasmim rukkhe adhivatthā devatā simbali-devatā palāsa-devatā pucimanda-devatā phandana-devatā ti tena tena rukkhena nāmam labhati evam eva kāya-dvārena katam kammam kāya-kammam ti dvārena nāmam labhati. Vacīkamma-manokammesu pi es'eva nayo.

245. Tattha añño kāyo aññam kammam. Kāyena pana katattā tam kāyakamman ti vuccati. Ten' āhu Atthakathācariyā: —

Sūciyā ce katam kammam sūcikamman ti vuccati Sūci ca sūcikamman ca annamannam vavatthitā. Vāsiyā...pe.....

Purisena ce katam kammam purisakamman ti vuccati Purise ca purisakamman ca annamannam vavatthita.

Evam eva

Kāyena ce katam kammam kāyakamman ti vuccati Kāyo ca kāyakamman ca annamannam vavatthitā ti.

Evam sante n'eva dvāra-vavatthānam yujjati na ca kamma-vavatthānam. Katham? Kāya-viñnattiyam hi 'dvāre caranti kammānī ti 'vacanato vacīkammam pi pavattati, ten' assa kāyakammadvāran ti vavatthānam na yuttam, kāyakamman ca vacī-viñnattiyam pi pavattati, ten' assa kāyakamman ti vavatthānam yujjatī ti no na yujjatī.

Kasmā? Yebhuyya-vuttitāya c'eva tabbahula-vuttitāya ca. Kāyakammam eva hi yebhuyyena kāyaviññattiyam pavattati na itarānī ti tasmā kāyakammassa yebhuyyena pavattito assā kāyakamma-dvāra-bhāvo siddho.

Brāhmaṇagāma-ambavana-nāgavanādīnam brāhmaṇa-gāmādi-bhāvo viyā ti dvāra-vavatthānam yujjati. Kāya-kammam pana kāya-dvāramhi yeva bahulam pavattati, appam vacī-dvāre. Tasmā kāyadvāre bahulam pavattito

¹ Mss. nāṅga-.

etassa kāyakamma-bhāvo siddho, vanacaraka-thullakumārikādi-gocarānam vanacarakādi-bhāvo viyā ti, evam kamma-vavatthānam pi yujjati.

Kāyakamma-dvāra-kathā niţţhitā.

246. Vacīkamma-dvāra-kathāyam cetanā-virati-sadda-vasena tividhā vācā nāma.

Tattha 'catūhi, bhikkhave, angehi samannāgatā vācā subhāsitā hoti na dubbhāsitā anavajjā ca ananuvajjā ca viñnūnan² ti 'ayam cetanā-vācā nāma.

'Yā catūhi vā vacī-duccaritehi ārati virati... pe... ayam vuccati sammāvācā ti' ayam virati-vācā nāma.

Vācā girā vyappatho udīranam ghoso ghosakammam vācā vacībhedo ti ayam sadda-vācā nāma.

Tāsu vacīkamma-dvāran ti neva cetanāya nāmam na viratiyā, sahasaddā pana ekā viññatti atthi, idam vacīkamma-dvāram nāma. Yam sandhāya vuttam: 'Katamam tam rūpam vacī-viññatti? Yā kusala-cittassa vā ... pe ... avyākata-cittassa vā vācā girā vyappatho udīranam ghoso ghosakammam vācā vacī-bhedo ayam vuccati vācā. Yā tāya vācāya viñnatti vinnāpanā vinnāpitattam idam tam rūpam vacī-viññattī ti '.3 Idam vakkhāmi etam vakkhāmī ti hi vitakkayato vitakka-vipphāra-saddo nāma uppajjati. Ayam na sota-viññeyyo ti Mahā-atthakathāyam āgato. Āgamanaṭṭhakathāsu pana 'vitakka-vipphāra-saddan ti vitakka-vipphāra-vasena uppannam vippalapantānam suttappamattādīnam saddam sutvā ti tam sutvā vitakkayato tassa so saddo uppanno, tassa vasena evam pi te mano ittham pi te mano ti ādiyatī ti' vatvā vatthūni pi kathitāni.

247. Patthāne pi: 'citta-samutthānam saddāyatanam sotaviññāṇassa ārammaṇa-paccayena paccayo ti' āgatam. Tasmā vinā viññattighattanāya uppajjamāno asota-viññeyyo vitakka-vipphāra-saddo nāma n'atthi. Idam vakkhāmi, etam vakkhāmī ti uppajjamānam pana cittam pathavīdhātu

Mss. yuñjati.
 Suttanipāta p. 78, Saṃyutta Nikāya
 I, p. 188.
 3 Dhs. § 637, 720.

āpodhātu tejodhātu vāyodhātu vaṇṇo gandho raso ojā ti aṭṭha rūpāni samuṭṭhāpeti. Tesam abbhantare cittasamuṭṭhānā paṭhavīdhātu upādiṇṇakam saṅghaṭṭiyamānā va uppajjati. Tena dhātu-saṅghaṭṭanena saddo uppajjati. Ayaṃ citta-samuṭṭhāna-saddo nāma.

Ayam na viñnatti. Tassā pana citta-samuţţhānāya paṭhavī-dhātuyā upādinnaka-ghaţţhanassa paccaya-bhūto eko ākāravikāro atthi. Ayam vacī-viñnatti nāma. Ito param sā aṭṭha rūpāni viya na citta-samuţṭhānā ti ādi sabbam heṭṭhā vutta-nayen' eva veditabbam.

248. Idhā pi hi Tissadattamittā ti pakkosantassa saddam sutvā viñnattim mano-dvārika-cittena cintetvā 'idan c'idan ca esa kāreti manne' iti jānāti, kāya-vinnatti viya ca ayam pi tiracchāna-gatānam pi pākatā hoti 'ehi yāhī ti' saddam sutvā tiracchāna-gatā pi idam nām' esa kāreti manne ti natvā āgacchanti c'eva gacchanti ca. Te samutthānika-kāyam cāleti na cāletī ti ayam pana vāro idha na labbhati. Purima-citta-samutthānāya upatthambhana-kiccam pi n'atthi. Yā pana tasmim vacī-dvāre siddhā cetanā yāya musā katheti, pesunnam katheti, pharusam katheti samphappalapati mūsā-vādādīhi viramati idam vacī-kammam nāma. Ito param sabbam kamma-vavatthānam dvāra-vavatthānan ca heṭṭhā vuttanayen' eva veditabban ti.

Vacīkamma-dvāra-kathā niţţhitā.

249. Manokamma-dvāra-kathāyam kāmāvacarādivasena catubbidho mano nāma.

Tattha kāmāvacaro catupaṇṇāsa-vidho hoti, rūpāvacaro paṇṇarasa-vidho, arūpāvacaro dvādasavidho, lokuttaro aṭṭhavidho, sabbo pi ekūna-navutividho hoti.

Tattha ayam nāma mano mano-dvāram na hotī ti na vattabbo. Yathā hi ayam nāma cetanā kammam na hotī ti na vattabbā. Antamaso pañca viñnāna-sampayuttā pi hi cetanā Mahāpakarane kammante va niddiṭṭhā, evam eva ayam nāma mano mano-dvāram na hotī ti na vattabbo. Etthāha: kammam nām'etam kim karotī ti? Āyūhati abhisankharoti pinḍam karoti ceteti kappeti pakappeti. Evam sante pañca-viñnāna-cetanā kim āyūhati abhisankharoti

piṇḍaṃ karotī ti? Sahajāta-dhamme. Sā pi hi sahajāta-sampayattukhandhe āyūhati abhisankharoti piṇḍaṃ karoti ceteti kappeti pakappeti. Kiṃ vā iminā vādena sabba-saṅgāhika-vasena h'etaṃ vuttaṃ? Idaṃ pan' ettha san-niṭṭhānaṃ tebhūmakakusalākusalaṃ ekūnatiṃsavidho mano mano-kamma-dvāraṃ nāma. Yā pana tasmiṃ mano-dvāre siddhā cetanā yāyaṃ abhijjhā-vyāpāda-micchā-dassanāni c'eva anabhijjhā-avyāpāda-sammādassanāni va gaṇhāti idaṃ mano-kammaṃ nāma. Ito paraṃ sabbaṃ-kamma-vavatthānaṃ dvāravavatthānañ ca heṭṭhā vutta-nayen' eva veditabbam ti. Manokamma-dvāra-kathā niṭṭhitā.

250. Imāni tīņi kamma-dvārāni nāma. Idāni yāni tīņi kammāni thapetvā imāni kamma-dvārāni dassitāni tāni ādi katvā avasesassa dvāra-kathāya mātikāya thapanassa vitthāra-kathā hoti. Tīņi hi kammāni: kāyakammam vacīkammam manokamman ti. Kim pan' etam kammam nāma? Cetanā c'eva ekacce va cetanā-sampayuttakā dhammā. Tattha cetanāva kammabhāve imāni suttāni: cetanā 'ham, bhikkhave, kammam vadāmi cetayitvā kammam karoti kāyena vācāya manasā. Kāye vā hi, Ānanda, sati kāyasañcetanā hetu uppajjati ajjhattam sukhadukkham, vācāya vā, Ānanda, sati vacīsancetanā hetu uppajjati ajjhattam sukhadukkham, mane vā, Ānanda, sati mano-sancetanā hetu uppajjati ajjhattam sukhadukkham. Tividhā, bhikkhave, kāya-sancetanā akusalam kāyakammam dukkhindriyam dukkha-vipākam, catubbidhā, bikkhave, vacī-sañcetanā... pe..., tividhā, bhikkhave, mano-sancetanā akusalam manokammam sukhindriyam sukha-vipākam. Sacāyam, Ānanda, Samiddhi moghapuriso Pātaliputtassa paribbājakassa evam puttho evam vyākareyya 'sancetaniyam, āvuso Pātaliputta, kammam katvā kāyena vācāya manasā sukha-vedanīyam sukham so vediyati ... pe ... adukhamasukham, vedanīyam adukkhhamasukham so vediyati'. Evam vyākaramano kho, Ananda, Samiddhi moghapuriso Pataliputtassa paribbājakassa sammā vyākaramāno vyākareyyā ti imāni tāva cetanāya kammabhāve suttāni.

251. Cetanā-sampayuttakadhammānam pana kammabhāvo kammacatukkena dīpito. Vuttam h'etam: — 'Cattār'

imāni, bhikkhave, kammāni mayā sayam abhinnā sacchikatvā veditāni. Katamāni cattāri? Atthi, bhikkhave, kammam kanham kanha-vipākam, atthi, bhikkhave, kammam sukkam sukka-vipākam, atthi, bhikkhave, kammam kanhasukkam kanha-sukka-vipākam, atthi, bhikkhave, kammam akanhamasukkam akanhasukka-vipakam kammam kammakkhayāya samvattati. 1 Katamañ ca, bhikkhave, kammam akanham asukkam akanhāsukka-vipākam kammam kammakkhayāya samvattati? Yad idam satta sambojjhangā satisambojjhango ... pe ... upekhāsambojjhango. vuccati, bhikkhave, kammam akanhamasukkam akanhāsukka - vipākam [kammam] kammakkhayāya samvattati. 2 Katamañ ca, bhikkhave, kammam akanhamasukkam akanhāsukka-vipākam kammam kammakkhayāya samvattati? Ayam eva ariyo atthangiko maggo seyyathīdam sammāditthi ... pe ... sammāsamādhi. Idam vuccati, bhikkhave, kammam akanhamasukkam akanhāsukka-vipākam kammam kammakkhayāya samvattatī ti. Evam ime kho bojjhanga-magganga-bhedato pannarasa dhammā kamma-catukkena dīpitā.

252. Abhijjhā vyāpādo micchādiţţhi anabhijjhā avyāpādo sammādiţţhī ti imehi pana chahi saddhim ekavīsati cetanā-sampayuttakā dhammā veditabbā.

Tattha lokuttaramaggo bhajāpiyamāno kāyakammādīni tīņi kammāni bhuñjati. Yam hi kāyena dussīlyam ajjhācarati tamhā samvaro kāyiko veditabbo, yam vācāya dussīlyam ajjhācarati tamhā samvaro vācasiko veditabbo. Iti sammākammanto kāyakammam, sammāvācā vacīkammam. Etasmim dvaye gahite sammā-ājīvo tappakkhikattā gahito va hoti. Yam pana manena dussīlyam ajjhācarati tamhā samvaro mānasiko ti veditabbo.

So ditthi-sankappa-vāyāma-sati-samādhi-vasena panca-vidho hoti. Ayam panca-vidho pi manokammam nāma. Evam lokuttara-maggo bhajāpiyamāno tīņi kammāni bhajati. Imasmim thāne dvāra-samsandanam nāma hoti. Kāya-vacī-dvāresu hi copanam patvā kammapatham appattam pi atthi, mano-dvāre samudācāram patvā kammapatham

Anguttara vol. II, p. 230. 2 ib. vol. II, p. 237.

appattam atthi. Tam gahetvā tam tam dvāra-pakkhikam eva akamsu. Tatrāyam nayo.

253. Yoʻmigavam gamissāmī ti'dhanum sajjeti, jiyam vaddheti, sattim niseti, bhattam bhuñjati, vattham paridahati ettāvatā kāyadvāre copanam pattam hoti. So araññe divasam caritvā antamaso sasa-bilāla-mattam pi na labhati. Idam akusala-kāya-kammam hoti na hotī ti? Na hoti. Kasmā? Kamma-patham appattatāya. Kevalam pana kāya-duccaritam nāma hotī ti veditabbam. Macchaganhanādipayogesu pi es' eva nayo.

Vacī-dvāresu 'migavam gamissāma, vegena dhanu-ādīni sajjethā ti' āṇāpetvā purima-nayen' eva araññe kiñci alabhantassa kiñcāpi vacī-dvāre copanam pattam, kammapatham appattatāya pana vacīkammam na hotī ti veditabbam.

254. Mano-dvāre pana vadhaka-cetanāya uppanna-mattāya eva kamma-pathabhedo hoti, so va kho vyāpāda-vasena na pāṇātipāta-vasena.

Akusalam hi kāyakammam kāya-vacī-dvāresu samutthāti no mano-dvāre. Tathā akusalam vacīkammam akusalam manokammam pana tīsu pi dvāresu samutthāti. Tathā akusalāni kāya-vacī-manokammāni.

Katham? Sahatthā pi pāṇam hanantassa adinnam ādiyantassa micchā carantassa kammam kāyakammam eva hoti dvāram pi kāyadvāram eva. Evam tāva akusalam kāyakammam kāyadvāre samutthāti. Tehi pana cittehi sahajātā abhjjhā-vyāpādamicchādiṭṭhiyo cetanā pakkhikā va bhavanti abbohārikā vā.

255. Gaccha ittham nāma jīvitā voropehi, ittham nāma bhaṇḍam avaharā ti aṇāpentassa pana kammam kāyakammam hoti dvāram vacī-dvāram.

Evam akusalam kāyakammam vacīdvāre samuţthāti. Tehi pana cittehi sahajātā abhijjhāvyāpādamicchādiţthiyo cetanā pakkhikā vā bhavanti abbohārikā vā. Ettikā ācariyānam samānatthakathā nāma.

Vidaddhavādī panāha: Akusalam kāyakammam manodvāre pi samutthātī ti. So 'tayo sangahe ārūļham suttam āharāhī ti 'vutto idam Kuļumbasuttam nāma āhari. Puna ca

param bhikkhave idh' ekacco samano vā brāhmano vā iddhimā cetovasippatto aññissā vā kucchigatam gabbham pāpakena manasānupekkhako hoti: 'Aho vatāyam kucchigato gabbho na sotthinā abhinikkhameyyā ti.' Evam hikkhave Kulumbassa upaghāto hotī ti. Idam suttam āharitvā evam cintitamatte yeva parassa kucchigato gabbho phenapindo viya vilīyati. Ettha kuto kāyangacopanam vā vācangacopanam vā? Manodvārasmim yeva pana idam akusalam kāyakammam samuṭṭhātī ti, tam tava suttassa attham tulayissāmā ti vatvā evam tulayimsu. Tvam iddhiyā parūpaghātam vadesi.

256. Iddhi nām' esā adhitthānā iddhi, vikubbanā iddhi, manomayā iddhi, ñanavipphārā iddhi, ariyā iddhi, kammavipākajā iddhi, punnavato iddhi, vijjāmayā iddhi, bhavanāmayā iddhi, tattha tattha sammāpayogapaccayā ijjhanatthena iddhī ti dasavidhā. Tattha kataram iddhim vadesī it? Bhāvanāmayan ti. Kim pana bhāvanāmayāya iddhiyā parūpaghātakammam hotī ti? Āmā ti. Ekacce ācariyā 'ekavāram hotī ti' vadanti. Yathā hi param paharitukāmena udakaharite ghate khitte ghato pi bhijjati udakam pi nassati evam eva bhāvanāmayāya iddhiyā ekavāram parupaghātakammam hoti. Tato patthāya panassatī ti. Atha nam bhāvanāmayāya iddhiyā neva ekavāram na dve vāre parūpaghātakammam hotī ti vatvā saññattim āgacchantam pucchimsu: 'Bhāvanāmayā iddhi kim kusalā akusalā avyākatā sukhāya vedanāya sampayuttā dukkhāya vedanāya sampayuttā adukkhamasukhāya vedanāya sampayuttā savitakkasavicārā avitakkavicāramattā avitakkāvicārā kāmāvacarā rūpāvacarā arūpāvacarā ti?' Imam pana panham yo jānāti so evam vakkhati: 'Bhāvanāmayā iddhi kusalā vā hoti avvākatā vā adukkhamasukhavedanīvā eva avitakkāvicārā eva rūpāvacarā evā ti' so vattabbo.

257. Pāṇātipātacetanākusalādisu kataram kotthāsam bhajatī ti jānanto vakkhati: pāṇātipātacetanā akusalā va dukkhavedaniyā va savitakka-savicārā va kāmāvacarā ti. Evam sante tava pañho neva kusalattikena sameti na ve-

¹ Visuddhimagga J. P. T. S. p. 111 f.

danattikena na vitakkattikena na bhummantarenā ti. Kim pana evam mahantam suttam niratthakan ti no niratthakam? Tvam pan' assa attham na jānāsi. Iddhimā cetovasippatto ti. Ettha hi na bhāvanāmayā iddhi adhippetā. Athabbaniddhi pana adhippetā. Sā hi ettha labbhamānā labbhati. Sā pana kāyavacīdvārāni muñcitvā kātum na sakkā ti.

Athabbaniddhikā hi sattāham alonakam bhuñjitvā dabbhe attharitvā paṭhaviyam sayamānā tapam caritvā sattame divase susānabhūmim sajjetvā sattame pade ṭhatvā hattham vaḍḍhetvā vaḍḍhetvā mukhena vijjam parijapanti. Atha tesam kammam samijjhati. Evam ayam pi iddhi kāyavacīdvārāni muñcitvā kātum na sakkā ti na kāyakammam manodvāre samuṭṭhātī ti niṭṭham ettha gantabbam.

258. Hatthamuddāya pana musāvādādīni kathentassa kammam vacīkammadvāram na kāyadvāram hotī ti evam akusalam vacīkammam kāyadvāre samutthāti. Tehi pana cittehi sahajātā abhijjhāvyāpādamicchāditthiyo cetanāpakkhikā vā bhavanti abbohārikā vā. Vacībhedam pana katvā musāvādādīni kathentassa kammam pi vacīkammam dvāram pi vacīdvāram eva. Evam akusalam vacīkammam vacīdvāre samutthāti. Tehi pana cittehi sahajātā abhijjhāvyāpādamicchāditthiyo cetanāpakkhikā vā bhavanti abbohārikā vā. Ettakā ācariyānam samānatthakathā nāma.

Viddhavādī panāha: Akusalam vacīkammam manodvāre pi samutthātī ti. So tayo saṅgahe ārūlham suttam āharāhī ti vutto idam uposathakkhandhato suttam āhari. Yo pana bhikkhu yāvatatiyam anusāviyamāne saramāno santim āpattim nāvikareyya sampajānamusāvādassa hotī ti. Idam suttam āharitvā āha: Evam āpattim anāvikaronto tuņhībhūto va añāam āpattim āpajjati. Ettha kuto kāyaṅgacopanam vācaṅgacopanam vā? Manodvārasmim yeva pana idam akusalam vacīkammam samutthātī ti so vattabbo. Kim pan' etam suttam neyyattham udāhu nītattham ti? Nītattham eva mayham suttan ti. So 'mā evam avaca, tulayissām' assa attham ti' vatvā idam pucchitabbo. 'Sampajānamusāvāde kim hotī ti' jānanto 'sampajānamusāvāde dukkaṭam hotī ti' vakkhati. Tato vattabbo: vinayassa

dve mūlāni kāyo ca vācā ca. Sammāsambuddhena hi sabbāpattiyo imesu yeva dvīsu dvāresu pañnattā. Manodvāre āpattipañnāpanam nāma natthi. Tvam ativiya vinaye pakatañnū yo satthārā apañnatte thāne apannattam āpattim pañnāpesi, sammāsambuddham abbhācikkhasi, jinacakkam paharasī ti ādivacanehi niggaņhitvā uttarim pañham pucchitabbo.

'Sampajānamusāvādo kim kiriyato samutthāti udāhu akiriyato ti' jānanto 'kiriyato ti' vakkhati. Tato vattabbo: Anāvikaronto kataram kiriyam karotī ti? Addhā kiriyam apassanto vighātam āpajjissati. Tato imassa suttassa atthena saññāpetabbo. Ayam h'ettha attho. Yvāyam sampajānamusāvādo hotī ti vutto so āpattito kim hotī ti katarāpatti hotī ti attho. Dukkatāpatti hotī sā ca kho na musāvādalakkhaņena. Bhagavato pana vacanena vacīdvāre akiriyasamutthānā āpatti hotī ti veditabbo.

259. Vuttam pi c'etam: Anālapanto manujena kenaci vācā giram ca pare bhaņeyya āpajjeyya vācasikam na kāyikam pañham pañnā me sā kusalehi cintitā ti. Evam akusalam vacīkammam na manodvāre samutthātī ti nittham ettha gantabbam.

Yadā pana abhijjhāsahagatena cetasā kāyaṅgaṃ copento hatthagāhādīni karoti, vyāpādasahagatena daṇḍaparāmāsādīni, micchādiṭṭhisahagatena khandhasivādayo seṭṭhā ti tesaṃ abhivādana-añjalikammabhūtapiṭṭhikaparibhaṇḍādīni karoti tadā kammaṃ manokammaṃ hoti dvāram pana kāyadvāraṃ. Evam akusalam manokammaṃ kāyadvāre samuṭṭhāti, cetanā pan' ettha abbohārikā.

Yadā abhijjhāsahagatena cetasā vācangam copento 'aho vatāyam parassa tam mama assā' ti paravittūpakaranam abhijjhāyati, vyāpādasahagatena 'ime sattā haññantu vā vajjantu vā upacchijjantu vā mā vā ahesum' ti vadati, micchādiṭṭhisahagatena 'natthi dinnam natthi yiṭṭham' ti ādīni vadati tadā kammam manokammam hoti dvāram pana vacīdvāram.

Evam akusalam manokammam vacīdvāre samutthāti cetanā pan' ettha abbohārikā. Yadā pana kāyangavācangāni acopetvā raho nisinno abhijjhāvyāpādamicchāditthisaha-

gatāni cittāni uppādeti tadā kammam manokammam dvāram pi manodvāram eva. Evam akusalam manokammam manodvāre samutthāti.

260. Imasmim pana ṭhāne cetanā pi cetanāsampayuttakā dhammā pi manodvāre yeva samuṭṭhahanti. Evam akusalam manokammam tīsu pi dvāresu samuṭṭhātī ti veditabbam.

Yam pana vuttam: Tathā kusalāni kāyavacīmanokammānī ti tatrāyam nayo. Yadā hi kenaci kāraņena na vattum asakkonto pāṇātipātā adinnādānā kāmesu micchācārā pativiramāmī ti imāni sikkhāpadāni hatthamuddāya gaṇhāti tadā kammam kāyakammam dvāram pi kāyadvāram eva. Evam kusalam kāyakammam kāyadvāre samutthāti. Tehi cittehi sahagatā anabhijjhādayo cetanāpakkhikā vā honti abhohārikā vā.

Yadā pana tān' eva sikkhāpadāni vacībhedam katvā gaņhāti tadā kammam kāyakammam dvāram pi vacīdvāram hoti. Evam kusalam kāyakammam vacīdvāre samuṭṭhāti. Tehi cittehi sahagatā anabhijjhādayo cetanāpakkhikā vā honti abbohārikā vā.

Yadā pana tesu sikkhāpadesu diyyamānesu kāyangavācangāni acopetvā manasā ca 'pāṇātipātā adinnādānā kāmesu micchācārā paṭiviramāmī ti' gaṇhāti tadā kammam kāyakammam dvāram pi manodvāram hoti. Evam kusalam kāyakammam manodvāre samuṭṭhāti. Tehi cittehi sahagatā anabhijjhādayo cetanāpakkhikā vā honti abbohārikā vā.

261. Musāvādā veramaņī-ādīni pana cattāri sikkhāpadāni vuttanayān' eva. Kāyādīhi gaņhantassa kusalam vacī-kammam tīsu dvāresu sammutṭhātī ti veditabbam. Idhāpi anabhijjhādayo cetanāpakkhikā va honti abbohārikā va.

Anabhijjhādisahagatehi pana cittehi kāyangam copetvā cetiyangana-sammajjana-gandhamālāpūjana-cetiyavandanādīni karontassa kammam manokammam hoti dvāram pana kāyadvāram. Evam kusalam manokammam kāyadvāre samutthāti, cetanā pan' ettha abbohārikā.

Anabhijjhāsahagatena cittena vācangam copetvā 'aho vatāyam parassa paravittūpakaranam, na tam mam' assā ti' anabhijjhāyato avyāpādasahagatena cittena 'sabbe

sattā averā avyāpajjā anīghā sukhī attānam pariharantū ti vadantassa sammāditthisahagatena atthi dinnan ti ādīni udāharantassa kammam manokammam hoti dvāram pana vacīdvāram. Evam kusalam manokammam vacīdvare samutthāti cetanā pan' ettha abbohārikā.

262. Yadā kāyangavācangāni pana acopetvā raho nisinnassa manasā va anabhijjhādisahagatāni cittāni uppādentassa kammam manokammam dvāram pi manodvāram eva evam kusalam manokammam manodvāre samutthāti.

Imasmim pana thäne cetanā pi cetanāsampayuttā dhammā pi manodvāren' eva samutthahanti. Tattha āṇattisamutthitesu pāṇātipātādinnādānesu kammam pi kāyakammam dvāram pi kammavasena kāyadvāran ti vadanto kammam rakkhati dvāram bhindati nāma.

Hatthamuddāya samutthitesu musāvādādisu dvāram kāyadvāram kammam pi dvāravasena kāyakamman ti vadanto dvāram rakkhati kammam bhindati. Tasmā kammam rakkhāmī ti dvāram na bhinditabbam, dvāram rakkhāmī ti kammam na bhinditabbam. Yathāvutten' eva pana nayena kammañ ca dvārañ ca veditabbam. Evam kathento hi neva kammam na dvāram bhindatī ti kammakathā nitthitā.

- 263. Idāni pañca viñnāṇāni pañca viñnāṇadvārānī ti ādisu cakkhuviñnāṇam sotaghānajivhākāyaviñnāṇan ti imāni pañca viñnāṇāni nāma. Cakkhuviñnāṇadvāram sotaghānajivhākāyaviñnāṇadvāran ti imāni pañca viñnāṇadvārāni nāma. Imesam pañcannam dvārānam vasena uppannā cetanā n'eva kāyakammam hoti na vacīkammam, manokammam hotī ti veditabbā.
- 264. Cakkhusamphasso sotaghānajivhākāyamanosamphasso ti ime pana cha phassā nāma.

Cakkhusamphassadvāram sotaghānajivhākāyamanosamphassadvāran ti imāni cha phassadvārāni nāma.

265. Cakkhu-asamvaro sotaghānajivhāpasādakāyacopanakāya-asamvaro vācā-asamvaro mano-asamvaro ti ime aṭṭha asamvarā nāma.

Te atthato dussīlyam mutthasaccam aññāṇam akkhanti kosajjan ti ime pañca dhammā honti. Tesu ekadhammo pi

pañca dvāre votthapanapariyosānesu cittesu n'uppajjati, javanakkhaņe yeva uppajjati. Javane uppanne pi pañca dvāre asamvaro vuccati. Cakkhuviñāṇasahajāto hi phasso nāma cetanā manokammam nāma. Tam cittam manokammadvāram nāma. Ettha pañcavidho asamvaro natthi. Sampaticchanasahajāto phasso manosamphasso nāma cetanā ca manokammam nāma. Tam cittam manokammadvāram nāma. Etthāpi pañcavidho asamvaro nām' atthi. Santīraṇavotthapanesu pi es' eva nayo.

Javanasahajāto pana phasso manosamphasso nāma, cetanā manokammam nāma, tam cittam manokammadvāram nāma. Ettha asamvaro cakkhu-asamvaro nāma hoti. Sotaghānajivhāpasādakāya-dvāresu pi es' eva nayo.

Yadā pana rūpādisu añnatarārammanam manodvārikajavanam vinā vacīdvārena suddham kāyadvārasankhātam copanam pāpayamānam uppajjati tadā tena cittena sahajāto phasso manosamphasso nāma.

266. Cetanā kāyakammam nāma. Tam pana cittam abbohārikam copanassa uppannattā manodvāran ti sankham gacchati. Ettha asamvaro copanakāya-asamvaro nāma.

Yadā tādisam yeva javanam vinā kāyadvārena suddham vacīdvārasankhātam copanam pāpayamānam uppajjati tadā tena cittena sahajāto phasso manosamphasso nāma.

Cetanāvacīkammam nāma. Tam pana cittam abbohārikam copanassa uppannattā manodvāran ti sankham na gacchati. Ettha asamvaro vācā-asamvaro nāma.

Yadā pana javanacittam vinā kāyavacīdvārehi suddham manodvāram eva hutvā uppajjati tadā tena cittena sahajāto phasso manosamphasso nāma.

Cetanā manokammam nāma, cittam manokammadvāram nāma. Ettha asamvaro mano-asamvaro nāma.

Imesam atthannam asamvaranam vasena cakkhu-asamvaradvāram sotaghānajivhāpasādakāya-copanakāya-vācāmano-asamvaradvāran ti imāni attha asamvaradvārāni veditabbāni.

267. Cakkhusamvaro sotaghānajivhāpasādakāyacopanakāya-vācā-manosamvaro ti ime pana aṭṭha samvarā nāma. Te atthato sīlam satim ñāṇam khantim viriyan ti ime pañca dhammā honti. Tesu pi ekadhammo pi pañcadvāre votthapanapariyosānesu cittesu n'uppajjati, javanakkhane eva uppajjati, javane uppanno pi pañcadvāre samvaro ti vuccati. Tassa sabbassā pi cakkhuviññāṇasahagato hi phasso cakkhusamphasso ti ādinā asamvare vutten'eva nayena uppatti veditabbā. Iti imesam aṭṭhannam samvarānam vasena cakkhusamvaradvāram — pe — manosamvaradvāran ti imāni aṭṭha samvaradvārāni veditabbāni.

268. Pāṇātipāto, adinnādānam, kāmesu micchācāro, musāvādo, pisuṇā vācā, pharusā vācā, samphappalāpo, abhijjhāvyāpādo, micchādiṭṭhī ti ime pana dasa akusalakammapathā nāma.

Tattha pāṇassa atipāto pāṇātipāto nāma. Pāṇavadho pāņaghāto ti vuttam hoti. Pāņo ti c'ettha vohārato satto paramatthato jīvitindriyam. Tasmim pana pāņe pāņasaññino jīvitindriy - upacchedaka - upakkamasamuţthāpikā kāyavacīdvārānam añnataradvārappavattā vadhakacetanā pāṇātipāto. So guṇavirahitesu tiracchānagatādisu pāṇesu khuddake pāņe appasāvajjo mahante mahāsavajjo. Kasmā? Payogamahantatāya payogasamatte pi vatthumahantatāya. Guņavantesu manussādisu appaguņe pāņe appasāvajjo, mahāguņe mahāsāvajjo, savīraguņānam pana samabhāve sati kilesānam upakkamānañ ca mudutāya appasāvajjo, tibbatāya mahāsāvajjo ti veditabbo. Tassa pañca sambhārā honti: Pāņo, pāņasañnitā, vadhakacittam, upakkamo, tena maranan ti. Cha payogā: Sāhatthiko, ānattiko, nissaggiko, thavaro, vijjamayo, iddhimayo ti. Imasmim pan'atthe vitthariyamāne atipapanco hoti. Tasmā tam na vitthārayāma aññañ ca evarupam. Atthikehi pana Samantapāsādikam Vinayatthakatham oloketvā gahetabbo.

269. Adinnassa ² ādānam adinnādānam parassa haranam theyyam corikā ti vuttam hoti. Tattha adinnan ti parapariggahītam. Yattha paro yathākāmakārī tam āpajjanto adaņdāraho anupavajjo ca hoti. Tasmim pana parapariggahīte

² Papañcasūdanī in Trenckner's transcript p. 235 ff. Sumangalavil. p. 69. Hardy Manual of Buddhism p. 478. ² Sumangalavil. p. 71.

saññino tadādāyaka-upakkamasamutthāpikā theyyacetanā adinnādānam, tam hīne parasantake appasāvajjam, panīte mahāsāvajjam. Kasmā? Vatthupanītatāya. Vatthusamatte sati guņādhikānam santake vatthusmim mahāsāvajjam, tam tam guņādhikam upādāya tato tato hīnaguņassa santake vatthusmim appasāvajjam. Tassa pañca sambhārā honti: Parapariggahītam parapariggahīta-sañnitā, theyyacittam, upakkamo, tena haraṇan ti i. Cha payogā sāhatthikādayo va. Te ca kho yathānurūpam theyyāvahāro, pasayhāvahāro, paticchannāvahāro, parikappāvahāro, kusāvahāro ti. Imesam avahārānam vasena pavattā ti ayam ettha sankhepo. Vitthāro pana Samantapāsādikāyam.

270. Kāmesu micchācāro ti ettha pana kāmesū ti methunāsamācāresu micchācāro ekantanindito lāmakācāro. Lakkhaṇato pana asaddhammādhippāyena kāyadvārapavattā agamanīyaṭṭhānavītikkamacetanā kāmesu micchācāro. Tattha agamanīyaṭṭhānaṃ nāma purisānaṃ tāva māturakkhitā, piturakkhitā, mātirakkhitā, bhāturakkhitā, bhaginīrakkhitā, ñātirakkhitā, gottarakkhitā, dhammarakkhitā, sārakkhā, saparidaṇḍā ti māturakkhitādayo dasa, dhanakkītā, chandavāsinī, bhagavāsinī, paṭavāsinī, odapattakinī, ohatacumbaṭā, dāsī ca bhariyā, kammakārī ca bhariyā, dhajāhaṭā, muhuttikā ti etā dhanakītādayo dasā ti vīsati itthiyo².

Itthīsu pana dvinnam sārakkhāsaparidaņdānam dasannan ca dhanakkītādīnan ti dvādasannam itthīnam añnesu purisā idam agamanīyaṭṭhānam nāma. So pan'esa micchācāro sīlādiguņarakkhite agamanīyaṭṭhāne appasāvajjo, sīlādiguṇasampanne mahāsāvajjo. Tassa cattāro sambhārā: Agamanīyam vatthusmim sevanācittam, sevanāpayogo, maggena maggapaṭipatti, adhivāsanan ti. Eko payogo sāhatthiko eva 3.

271. Musā ti4 visamvādanapurekkhārassa atthabhañjanako vacīppayogo kāyappayogo ca. Visamvādanādhippāyena pan'assa paravisamvādakā kāyavacīppayogasamuţṭhāpikā

Hardy Manual of Buddhism p. 483. 2 Suttavibhanga I p. 139.

³ Hardy Manual of Buddhism p. 484. 4 Sumangalavil. p. 72.

cetanā musāvādo. Aparo nayo: Musā ti abhūtam ataccham Vādo ti tassa bhūtato taccháto viññāpanam. Lakkhanato pana atatham vatthu tathato param viññāpetukāmassa tathā viñnattisamutthāpikā cetanā musāvādo. So yam attham bhanjati tassa appatāya appasāvajjo, mahantatāya mahāsāvajjo. Api ca gahatthānam attano santakam adātukāmatāya 'natthī ti' ādinayappavatto appasāvajjo, sakkhinā hutvā atthabhanjanattham vutto mahāsāvajjo. Pabbajitānam appakam pi telam vā sappim vā labhitvā hassādhippāyena 'ajja gāme telanadī mañne sandatī ti' purānakathānayena pavatto appasāvajjo. Adiţţham yeva pana ditthan ti ādinā nayena vadantānam mahāsāvajjo. Tassa cattāro sambhārā honti: Atatham vatthu, visamvādanacittam, tajjo vāyāmo, parassa tadatthavijānanan ti. Eko payogo sāhatthiko va. So kāyena vā kāyapatibaddhena vā vācāya vā paravisamvādakakiriyāya karaņe datthabbo.

Tāya ce kiriyāya paro tam attham jānāti, ayam kiriyāsamutthāpikā cetanā khaņe yeva musāvādakammunā bajjhati². Yasmā pana yathā kāyapatibaddha-vācāya param visamvādeti tathā 'imassa bhaṇāhī ti' āṇāpento pi paṇṇam likhitvā purato nissajanto pi 'ayam attho evam veditabbo' kuddādisu likhitvā thapento pi tasmā ettha āṇattikā nissaggikā thāvarā pi payogā yujjanti. Aṭṭhakathāsu pana anāgatattā vīmamsitvā gahetabbam.

272. Pisuņā³ vācā ti ādisu yāya vācāya yassa tam vācam bhāsati tassa hadaye attano piyabhāvam parassa ca pesuññabhāvam karoti sā pisuņā vācā.

Yāya pana attānam pi param pi pharusam karoti, yā vācā sayam pi pharusā n'eva kannasukhā na hadayasukhā vācā ayam pharusā vācā.

273. Yena sampham palapati niratthakam so samphappalāpo. Yā tesam mūlabhūtā cetanā pi pisunāvācādināmam eva labhati sā evañ ca idha adhippetā ti. Tattha sankilitthassa cittassa paresam vā bhedāya attapiyakamyatāya vā kāyavacīpayogasamutthāpikā cetanā pisunā vācā. Sā

¹ Hardy Manual p. 486. ² not in Ps. ³ Sumangalavil. p. 73.

yassa bhedam karoti tassa appagunatāya appasāvajjā, mahāgunatāya mahāsāvajjā. Tassā cattāro sambhārā: Bhinditabbo paro, 'iti ime nānābhavissantī ti vinābhavissantī ti' bhedapurekkhāratā ca, 'iti aham piyo bhavissāmi vissāsiko ti' piyakamyatā vā, tajjo vāyāmo, tassa tad atthavijānanan ti. Pare pana abhinne kammapathabhedo natthi, bhinne eva hoti.

Parassa i mammacchedakakāyavacīpayogasamuţţhāpikā ekantapharusacetanā pharusavācā. Tassā āvibhāvattham idam vatthu: Eko kira gāmadārako mātu vacanam anādiyitvā araññam gacchati. Tam mātā nivattetum asakkontī 'caṇḍā tam mahisī anubandhatū ti' akkosi. Ath'assa tath'eva araññe mahisī utṭthāsi. Dārako 'yam mama mātā mukhena kathesi tam mā hotu, yam cittena cintesi tam hotū ti saccakiriyam akāsi. Mahisī tatth'eva maṇḍā 'viya aṭṭhāsi. Evam mammacchedako pi payogo cittasaṇhatāya pharusavācā na hoti.

Mātāpitaro hi kadāci puttake evam pi vadanti 'corā vo khaņdākhaņdikam karontū ti' uppalapattam pi nesam upari patantam na icchanti. Ācariyupajjhāyā ca kadāci nissitake evam vadanti 'kim ime ahirikā anottāpino pi vadanti, niddhamatha ne ti', atha ca nesam āgamādhigamasampattim icchanti.

Yathā ca cittasanhatāya pharusavācā na hoti evam vacanasanhatāya apharusavācā pi na hoti. Na hi mārāpetukāmassa 'imam sukham sayāpethā ti' vacanam apharusavācā hoti, cittapharusatāya pana sā pharusā vācā va. Sā yam sandhāya sandhāya pavattitā tassa appagunatāya appasāvajjā, mahāgunatāya mahāsāvajjā. Tassā tayo sambhārā: Akkositabbo paro, kupitacittam, akkosanan ti.

274. Anatthaviññāpakakāyavacīpayogasamutthāpikā akusalā cetanā samphappalāpo. So āsevanamandatāya appasāvajjo, āsevanamahantatāya mahāsāvajjo. Tassa dve sambhārā: Bhāratayuddha-Sītāharaṇādi-niratthakakathā-purekkhāratā, tathā rūpī kathā kathanañ ca. Pare pana

³ Sumangalavil. p. 76.

¹ Sumangalavil. p. 75. ² baddhā Ps. Sum.

tam katham aganhento kammapathabhedo natthi, parena samphappalāpe gahite yeva hoti.

275. Abhijjhāyatī ti abhijjhā. Parabhandābhimukhī hutvā ninnatāya pavattatī ti attho. Sā 'aho vata idam mam'assā ti' evam parabhandābhijhāyanalakkhanā adinnadānam viya appasāvajjā mahāsāvajjā ca. Tassā dve sambhārā: Parabhandam attano parināmanan ca. Parabhandavatthuke hi lobhe uppanne pi na tāva kammapathabhedo hoti yāva' aho vata idam mam'assā ti' attano na parināmeti.

Hitam sukham vyāpādayatī ti vyāpādo. So paravināsāya manopadosalakkhano pharusavācā viya appasāvajjo mahāsāvajjo ca. Tassa dve sambhārā: Parasatto ca tassa ca vināsacintā. Parasattavatthuke hi kodhe uppanne pi na tāva kammapathabhedo hoti yāva 'aho vatāyam ucchijjeyya vinasseyyā ti' vināsam na cinteti.

Yathā bhuccagahaṇābhāvena micchā passatī ti micchādiṭṭhi. Sā natthi dinnan ti ādinā nayena viparītadassanalakkhaṇā samphappalāpo viya appasāvajjā mahāsāvajjā ca. Api ca aniyatā appasāvajjā niyatā mahāsāvajjā. Tassā dve sambhārā: Vatthuno ca gahitā kāraviparītatā ca. Yathā tam gaṇhāti tathā bhāvena tassūpaṭṭhānan ti. Tattha natthikāhetu-akiriyadiṭṭhīhi eva kammapathabhedo hoti na añāadiṭṭhīhi.

276. Imesam pana dasannam akusalakammapathānam dhammato koṭṭhāsato ārammaṇato vedanāto mūlato ti pañcah'ākārehi vinicchayo veditabbo.

Tattha dhammato ti. Etesu hi paṭipāṭiyā satta cetanā dhammā va honti abhijjhādayo, tayo cetanāsampayuttā.

Kotthāsato ti patipātiyā satta micchāditthi cā ti ime attha kammapathā eva honti no mūlāni, abhijjhāvyāpādo kammapathā c'eva mūlāni ca. Abhijjhā hi mūlam patvā lobho akusalamūlam hoti, vyāpādo doso akusalamūlam.

Ārammaņato ti pāṇātipāto jīvitindriyārammaņo sankhārārammaņo hoti adinnādānam sattārammaņam vā sankhārārammaņam vā. Micchācāro photthabbavasena sankhārārammaņo sattārammaņo ti pi eko. Musāvādo sattārammaņo vā sankhārārammaņo vā. Tathā pisuņā vācā, pharusā

vācā sattārammaņā va, samphappalāpo diṭṭhasutamutaviñnātavasena sattārammaņo vā sankhārārammaņo vā, tathā abhijjhāvyāpādo sattārammaņo va, micchādiṭṭhi tebhūmakadhammavasena sankhārārammaṇā.

Vedanāto ti pāņātipāto dukkhavedano hoti kiñ cāpi hi rājāno coram disvā hasamānā pi 'gacchatha nam ghāttetā ti' vadanti. Sannitthāpakacetanā pana tesam dukkhasampavuttā va hoti. Adinnādānan tivedanam: Tam hi parabhandam disvā hatthatutthassa ganhato sukhavedanam hoti, bhītabhītassa ganhato dukkhavedanam, tathā vipākanissandaphalāni paccavekkhantassa gahanakāle majjhattabhāve thitassa pana ganhato adukkham asukhavedanam hoti. Micchācāro sukhamajjhattavasena dvivedano, sannitthāpakacitte pana majjhattavedano na hoti. Musāvādo adinnādāne vuttanayen'eva tivedano, tathā pisuņā vācā, pharusā dukkhavedanā, samphappalāpo tivedano. Paresu hi sādhukāram dentesu celādīni khipantesu hatthatutthassa Sītāharana-Bhāratavuddhādīni kathanakāle so sukhavedano hoti. Pathamam dinnavedanena ekena pacchā āgantvā ādito paţţhāya kathehī ti vutte ananusandhikam pakiņņakakatham kathessāmi nu kho ti domanassītassa kathanakāle dukkhā vedanā hoti, majjhattassa kathayato adukkhamasukhavedanā hoti. Abhijihā sukhamajihattavasena dvivedanā, tathā micchādiţţhi. Vyāpādo dukkhavedano.

Mūlato ti pāṇātipāto dosamohavasena dvimūlako hoti, adinnādānam dosamohavasena vā lobhamohavasena vā, micchācāro lobhamohavasena, musāvādo dosamohavasena vā lobhamohavasena vā, tathā pisuṇā vācā samphappalāpo ca, pharusā vācā dosamohavasena, abhijjhā mohavasena ekamūlā, tathā vyāpādo micchādiţţhi lobhamohavasena dvimūlā ti.

Akusalakammapathakathā niţţhitā.

277. Pāṇātipātādīhi pana viratiyo anabhijjhā-avyāpāda-sammādiṭṭhiyo cā ti ime dasa kusalakammapathā nāma.

Tattha pāṇātipātādayo vuttā eva. Pāṇātipātādīhi etāya viramantī ti viramanamattam eva vā etan ti virati pāṇātipātā viramantassa. Yā tasmim samaye pāṇātipātā ārati viratī ti evam vuttā kusalacittasampayuttā virati, sā bhe-

dato tividhā hoti: Sampattavirati samādānavirati samucche-daviratī ti.

278. Tattha asamādinnasikkhāpadānam attano jātivayabāhusaccādīni paccavekkhitvā ayuttam. Amhākam evarūpam kātun ti sampattavatthum avitikkamantānam uppaijamānā virati sampattā viratī ti veditabbā Sīhaladīpe Cakkana-upāsakassa viya. Tassa kira daharakāle yeva mātuyā rogo uppajji vejjena ca allasasamamsam laddhum vattatī ti vuttam. Tato Cakkaņassa bhātā 'gaccha tāta, khettam āhindā ti' Cakkanam pesesi. So tattha gato. Tasmiñ ca samaye eko saso taruṇasassam khāditum āgato hoti. So tam disvā vegena dhāvanto valliyā baddho kiri kirī ti saddam akāsi. Cakkaņo tena saddena gantvā tam gahetvā cintesi 'mātu bhesajjam karomī ti'. Puna cintesi 'na me tam paţirūpam mātu jīvitakāraņena param jīvitā voropeyyan ti'. Atha nam 'gaccha arañne sasehi saddhim tiņodakam paribhunjā ti' munci bhātarā ca 'kim tāta saso laddho tī' pucchito tam pavattim ācikkhi. Tato nam bhātā paribhāsi. So mātuyā santikam gantvā 'yato 'ham jāto nābhijānāmi sancicca pāņam jīvitā voropetā ti' saccam vatvā atthāsi. Tāvad ev'assa mātā arogā ahosi 1.

279. Samādiņnā sikkhāpadānam pana sikkhāpadasamādāne tad uttariň ca attano jīvitam pi pariccajitvā vatthum avitikkamantānam uppajjamānā virati samādānaviratī ti veditabbā Uttaravaḍḍhamānavāsī-upāsakassa viya. So kira Ambariyavihāravāsī-Pingalabuddharakkhitattherassa santike sikkhāpadāni gahetvā khettam kasati. Tassa goņo naṭṭho. So tam gavesanto Uttaravaḍḍhamānapabbatam āruhi. Tattha nam mahāsappo aggahesi. So cintesi 'imāy' assa tikhiṇavāsiyā sīsam chindāmī ti. Puna cintesi 'na me tam patirūpam yvāham bhāvaniyassa garuno santike sikhāpadāni gahetvā bhindeyyan ti' evam yāvatatiyam cintetvā 'jīvitam pariccajāmi na sikkhāpadam ti' amse ṭhapitam tikhiṇam daṇḍavāsim araññe chaḍḍesi. Tāvad eva nam mahāvālo muncitvā agamāsī ti².

² Hardy Manual of Buddhism p. 480. ² Hardy Eastern Monachism p. 273.

Ariyamaggasampayuttā pana virati samucchedaviratī ti veditabbā. Tassā uppattito pabhuti pāṇaṃ ghātessāmā ti ariyapuggalānam cittam pi na uppajjatī ti.

280. Idāni yathā akusalānam evam imesam pi kusalakammapathānam dhammato koţţhāsato ārammaṇato vedanāto mūlato ti pāncah'ākārehi vinicchayo veditabbo.

Dhammato ti: Etesu hi paţipāţiya satta cetanā pi vaţţanti viratiyo pi, ante tayo cetanāsampayuttā va.

Kotthāsato ti: Patipātiyā satta kammapathā yeva no mūlāni, ante tayo kammapathā ceva mūlāni ca. Anabhijjhāmūlam patvā alobho kusalamūlam hoti avyāpādo, adoso kusalamūlam sammāditthi, amoho kusalamūlam.

Ārammaņato ti: Paņātipātādīnam ārammaṇān'eva etesam ārammaṇāni. Vītikkamitabbato yeva hi veramaṇī nāma hoti. Yathā nibbānārammaṇe ariyamaggo kilese pajahati evaṃ jīvitindriyādi-ārammaṇā p'ete kammapathā pāṇātipātādīni dussīlyāni pajahantī ti veditabbā.

Vedanāto ti sabbe sukhavedanā vā honti majjhattavedanā vā. Kusalam patvā hi dukkhā vedanā nāma natthi.

Mūlato ti: Paṭipāṭiyā satta ñāṇasampayuttacittena viramantassa alobha-adosa-amohavasena timūlā honti, ñāṇa-vippayuttacittena viramantassa dvimūlā, anabhijjhāñāna-sampayuttacittena viramantassa dvimūlā hoti, ñānavippayuttacittena ekamūlā. Alobho pana attanā va attano mūlaṃ na hoti. Avyāpādo pi es'eva nayo. Sammādiṭṭhi alobhādosavasena dvimūlā ca hoti. Ime dasa kusalakammapathā nāma.

281. Idāni imasmim thāne kammapathasamsandanam nāma veditabbam. Pañca-phassadvāravasena hi uppanno asamvaro akusalamano kammam eva hoti manophassadvāravasena uppanno tīni pi kammāni hoti. So hi kāyadvāre copanam patto akusalam kāyakammam hoti, vacīdvāre akusalam vacīkammam. Ubhayattha copanam appattoakusalam manokammam hoti.

282. Pañca-asamvaradvāravasena uppanno pi akusalakāyakammam eva hoti, vācā-asamvaradvāravasena uppanno akusalavacīkammam eva, mano-asamvaradvāravasena uppanno akusalavacīkammam eva, mano-asamvaradvāravasena uppanno akusalamanokammam eva hoti.

Tividham kāyaduccaritam akusalakāyakammam eva hoti, catubbidham vacīduccaritam akusalavacīduccaritam. Kammam eva tividham manoduccaritam akusalamanokammam eva hoti.

Pañca-phassadvāravasena uppanno kusalamanokammam eva hoti, manophassadvāravasena uppanno nayam pi asamvaro viya tīņi pi kammāni hoti, pañca-samvaradvāravasena uppanno pi kusalamanokammam eva hoti, copanakāyasamvaradvāravasena uppanno kusalakāyakammam eva hoti, vācāsamvaradvāravasena uppanno kusalavacīkammam eva manodvāravasena uppanno kusalamanokammam eva hoti.

Tividham kāyasucaritam kusalakammam eva hoti, catubbidham vacīsucaritam kusalam vacīkammam eva, tividham manosucaritam kusalamanokammam eva.

Akusalakāyakammam pañcaphassadvāravasena uppajjati. Manophassadvāravasena uppajjati tathā akusalavacīkammam. Akusalamanokammam pana cha-phassadvāravasena uppajjati. Tam kāyavacīdvāresu copanam pattam akusalam kāyakammavacīkammam hoti, copanam appattam akusalamanokammam eva. Yathā ca eva phassadvāravasena evam pañca-asamvaravasena pi akusalam kāyakammam n'uppajjati. Copanakāya-asamvaradvāravasena pana vācā asamvaradvāravasena'eva uppajjati, mano-asamvaradvāravasena n'uppajjati.

Akusalamanokammam attha asamvaradvāravasena pi uppajjati n'eva kusalakāyakammādisu pi es'eva nayo. Ayam pana viseso: Yathā akusalakāyavacīkammāni mano-asamvaradvāravasena n'uppajjanti na tathā etāni pana kāyangavācangam acopetvā sikkhāpadāni ganhantassa manosamvaradvāre pi uppajjanti eva.

283. Tattha kāmāvacarakusalacittam tividham kammadvāravasena uppajjati,pañca-viññānadvāravasena n'uppajjati. Yam p'idam cakkhusamphassapaccayā uppatti vedayitam sukham vā dukkham vā adukkham asukham vā ti iminā pana nayena cha-phassadvāravasena uppajjati, attha-asamvaradvāravasena n'uppajjati, attha-samvaradvāravasena n'uppajjati, dasaravasena n'uppajjat

akusalakammapathavasena n'uppajjati, dasa-kusalakammapathavasena uppajjati. Tasmā idam cittam tividhakammadvāravasena vā uppannam hotu cha-phassadvāravasena vā dasakusalakammapathavasena vā kāmāvacaram kusalam cittam uppannam hoti — pe — dhammārammanam vā ti vutte sabbam vuttam eva hotī ti.

Dvārakathā niţţhitā.

284. Yam yam vā pan'ārabbhā ti ettha ayam yojanā heṭṭhā vuttesu rupārammaṇādisu rūpārammaṇam vā ārabbha ārammanam katvā ti attho.

Saddārammaṇam vā dhammārammaṇam vā ārabbha uppannam hoti. Ettāvatā ekassa cittassa etesu ārammaṇesu yam kiñci ekam eva ārammaṇam anuññātasadisam hoti, idañ ca ekasmim samaye ekassa vā puggalassa rūparammaṇam ārabbha uppannam. Puna aññasmim samaye aññassa vā puggalassa saddādisu pi aññataram ārammaṇam ārabbha uppajjati.

Evam eva uppajjamānassa c'assa ekasmim bhave paṭhamam rūpārammaṇam ārabbha pavatti hoti, pacchā saddārammaṇam hoti, ayam kamo natthi. Rūpādisu vā pi paṭhamam nīlārammaṇam pacchā pītārammaṇam ti ayam pi niyamo natthi. Iti imam sabbārammaṇam tam c'eva kamābhāvañ ca. Kamābhāve ca nīlapītādisu niyamābhāvam dassetum yam yam vā panārabbhā ti āha idam vuttam hoti. Imesu rūpādisu na yam kiñci ekam eva atha kho yam yam vā panārabbha uppannam hoti evam uppajjamānam pi paṭhamam rūpārammaṇam pacchā saddārammaṇam ārabbhā ti evam anuppajjitvā yam yam vā panārabbha uppannam hoti. Paṭilomato vā anulomato vā ekantarika-dvantarikādinayena rūpārammaṇādisu yam vā tam vā ārammaṇam katvā uppannam hotī ti attho.

Rūpārammaņe pi ca paţhamam nīlārammaṇam pacchā pītārammaṇam ti iminā pi niyamena anuppajjitvā yam yam vā panārabbha nīlapītakādisu rūpārammaṇesu yam vā tam vā rūpārammaṇam ārabbha uppannam hotī ti attho. Saddārammaṇādisu pi es'eva nayo. Ayam tāva ekā yojanā. Ayam pana aparā: Rūpam ārammaṇam etassā ti rūpā-

Ayam pana aparā: Rūpam ārammaņam etassā ti rūpārammaņam — pe —, dhammam ārammaņam etassā ti dhammārammaņam. Iti rūpārammaņam vā — pe — dhammārammaņam vā cittam uppannam hotī ti vatvā puna yam yam vā panārabbhā ti āha. Tass' attho: etesu rūpādisu heṭṭhā vuttanayen'eva yam vā panārabbha uppannam hotī ti. Mahā-Aṭṭhakathāyam ye vā pana ke abhinavam natthi heṭṭhā gahitam eva gahitan ti vatvā rūpam vā ārabbha — pe — dhammam vā ārabbha idam vā idam vā ārabbhā ti kathetum idam vuttan ti, ettakam eva āgatam.

285. Tasmim samaye ti idam aniyamanidditthassa samayassa niyamato patiniddesavacanam. Tasmā yasmim samaye kāmāvacaram kusalam cittam uppannam hoti tasmim yeva samaye phasso hoti — pe — avikkhepo hotī ti ayam attho veditabbo.

Tattha yath'eva cittam evam phassādisu pi phasso hoti. Kim hoti? Kāmāvacaro hoti, kusalo hoti, uppanno hoti, somanassasahagato hotī ti ādinā nayena labbhamānapadavasena yojanā kātabbā. Vedanāyam hi somanassasahagatā ti pañnindriye ca ñāṇasampayuttan ti na labbhati. Tasmā labbhamānapadavasenā ti vuttam. Idam Aṭṭhakathāvuttakam ācariyānam matam, na pan'etam sārato daṭṭhabbam.

286. Kasmā pan'ettha phasso ca pathamam vutto ti? Cittassa pathamābhinipātattā. Ārammanasmim hi cittassa pathamābhinipāto hutvā phasso ārammanam phusamāno uppajjati, tasmā pathamam vutto phasso na pana phusitvā vedanāya vediyati, sañāya sañjānāti, cetanāya ceteti. Tena vuttam: Phuttho bhikkhave vediyati, phuttho sañjānāti, phuttho cetetī ti. Api ca: Ayam phasso nāma yathā pāsādam patvā thambho nāma, sesadabbasambhārānam balavapaccayo tulāsamghātabhittipādakutagopānasipakhapāsamukhavattiyo thambhe baddhā thambhe patitthitā evam eva sahajātasampayuttadhammānam balavapaccayo hoti. Thambhasadiso hi esa, avasesā dabbasambhārasadisā ti.

287. Kasmā pi pathamam vutto idam pana akāraṇam? Ekacittasmim hi uppannadhammā 'ayam pathamam uppanno, ayam pacchā ti' idam vattum na labbhā. Balavapaccayabhāve pi phassassa kāraṇam na dissati, desanāvāren'eva

pana phasso pathamam vutto vedanā hoti phasso hoti, saññā hoti phasso hoti, cetanā hoti phasso hoti, cittam hoti phasso hoti, vedanā hoti sāññā hoti cetanā hoti vitakko hotī ti.

288. Āharitum pi vaţţeyya desanāvārena pana phasso va paţhamam vutto ti veditabbo. Yathā c'ettha evam sesadhammesu pi pubbāparakkamo nāma pariyesitabbo. Seyyath'īdam phusatī ti phasso, svāyam phusanalakkhano, sanghaţţanaraso, sannipātapaccupaţţhāno āpāthavisayapadaţṭhāno. Ayam hi arūpadhammo pi samāno ārammanesu phusanākāren' eva pavattatī ti phusanalakkhano.

Ekadesen'eva analliyamano pi rupam viya cakkhum saddo viya sotam cittam arammanam ca sanghattetī ti sanghattanaraso. So vattharammana-sanghattanato va uppannatta sampatti-atthena pi rasena sanghattanaraso ti veditabbo.

Vuttam h'etam Atthakathāyam: Catubhūmakaphasso no phusanalakkhano nāma, natthi sanghaṭṭanaraso, pana pañcadvāriko va hoti. Pañcadvārikassa hi phusanalakkhano ti pi sanghaṭṭanaraso ti pi nāmam, manodvārikassa phusanalakkhano na sanghaṭṭanaraso ti. Idam vatvā idam suttam āhatam. Yathā, Mahārāja, dve meṇḍā yujjheyyum, yathā eko meṇḍo evam cakkhum daṭṭhabbam, yathā dutiyo meṇḍo evam rūpam daṭṭhabbam, yathā tesam sannipāto evam phasso daṭṭhabbo.

Yathā ca Mahārāja dve sammā vajjeyum dve pāņi vajjeyyum, yathā eko pāni evam cakkhum daṭṭhabbam, yathā dutiyo pāṇi evam rūpam daṭṭhabbam, yathā tesam sannipāto evam phasso daṭṭhabbo r. Evam phusanalakkhaņo ca phasso saṅghaṭṭanaraso ca ti vitthāro.

289. Yathā vā cakkhunā rūpam disvā ti ādisu cakkhuviñnānādīni cakkhuādināmena vuttāni evam idhāpi tāni cakkhuādināmen'eva vuttānī ti veditabbāni. Tasmā evam cakkhum daṭṭhabbam ti ādisu evam cakkhuviñnāṇam daṭṭhabban ti iminā nayena attho veditabbo. Evam sante

¹ Milindapañha p. 60.

cittārammaņa-sanghatṭanato imasmim sutte kiccatthen'eva rasena sanghaṭṭanaraso ti siddho hoti.

Tikasannipātasankhātassa pana attano kāraņassa vasena paveditattā sannipātapaccupatthāno. Ayam hi tattha tattha tinnam sangati phasso ti evam kāranass'eva vasena pavedito ti imassa ca suttapadassa ca tinnam sangati phasso ti ayam attho. Na sangatimattam eva phasso ti evam paveditatta pana ten' evakarena paccupatthati ti sannipāta-paccupatthāno ti vutto. Phalatthena pana paccupaţţhānen'esa vedanāpaccupaţţhāno nāma hoti. Vedanam h'esa paccupatthāpeti uppādetī ti attho. Uppādiyamāno ca yathā bahiddhā unhapaccayā hi lākhā sankhātadhātu nissitā usmā attano nissaye mudubhāvakārī hoti na attano paccayabhūte pi bahiddhā vitacchikangārasankhāte unhabhāve evam vatthārammaṇasankhāto. Aññappaccayo pi samāno cittanissitattā attano nissayabhūte citte eva esa vedanuppādako hoti na attano paccayabhūte pi vatthumhi ārammaņo vā ti veditabbo. Tajjāsamannāhārena pana indriyena cā ti parikkhite visaye anantarāyena uppajjanato esa āpāthāvisayapadaţţhāno ti vuccati.

290. Vediyatī ti vedanā. Sā vedayitalakkhaņā anubhavanarasā iţṭhākārasambhogarasā vā cetasika-assādapaccupaṭṭhānā passaddhipadaṭṭhānā.

Catubhūmakavedanā hi no vedayitalakkhaņā nāma natthi, anubhavanarasatāpanasukhavedanāyam eva labbhatī ti vatvā puna tam vādam paṭikkhipitvā sukhavedanā vā hotu dukkhavedanā vā adukhhamasukhavedanā vā sabbā anubhavanarasā ti vatvā ayam attho dīpito.

Ārammaņarasānubhavanatthānam patvā sesasampayuttadhammā ekadesamattakam eva anubhavanti. Phassassa hi phusanamattakam eva hoti, saññāya sañjānanamattakam eva, cetanāya cetanāmattakam eva, viññāṇassa vijānamattakam eva. Ekantato pana issaravatāya visavitāya sāmibhāvena vedanā va ārammaṇarasam anubhavati. Rājā viya hi vedanā, sūdo viya sesā dhammā.

Yathā sūdo nānārasam bhojanam sampādetvā peļāya pakkhipitvā lanchanam datvā ranno santike otāretva lanchanam bhinditvā peļam vivaritvā sabbasūpavyanjanehi aggaggam ādāya bhājane pakkhipitvā sadosaniddosabhāvam vīmamsanattham ajjhoharati, tato rañño nānaggarasabhojanam upaneti, rājā issaravatāya visavitāya sāmī hutvā icchiticchitam bhuñjati, tattha sūdassa bhattam vīmamsanamattam iva sesadhammānam ārammanarasassa ekadesānubhavanam. Yathā hi sūdo bhattekadesam eva vīmamsati evam sesadhammā pi ārammanarasekadesam eva anubhavanti. Yathā pana rājā issaravatāya visavitāya sāmī hutvā yadicchakam bhuñjati evam vedanā pi issaravatāya visavitāya sāmībhāvena ārammanarasam anubhavati, tasmā anubhavanarasā ti vuccati.

Dutiye atthavikappe ayam idha adhippetavedanā. Yathā tathā vā ārammaṇassa iṭṭhākāram eva sambhuñjatī ti iṭṭhākārasambhogarasā ti vuttā.

Cetasikam assādato pan'esā attano sabhāven'eva upaṭṭhānaṃ sandhāya cetasika-assādapaccupaṭṭhānā ti vuttā. Yasmā pana passaddhikāyo sukhaṃ vedeti tasmā passaddhipadaṭṭhānā ti veditabbā.

291. Nīlādibhedam ārammaņam sanjānātī ti sannā. Sā sanjānanalakkhaņā paccabhinnāņarasā. Catubhūmakasannā hi no sanjānanalakkhaņā nāma natthi. Sanjānanalakkhanā va yā pan' ettha abhinnāņena sanjānāti sā paccabhinnāņarasā nāma hotī ti. Tasmā vaḍḍhakissa dārumhi abhinnāņam katvā puna tena abhinnāņena tam paccabhijānanakāle purisassa kālatilakādi - abhinnāņam sallakkhetvā puna tena abhinnāņam sallakkhetvā puna tena abhinnāņam asuko nāma eso ti tassa paccabhijānanakāle ranno pilandhanagopālaka-bhaņdāgārikassa tasmim tasmim pilandhane nāma paṇṇakam bandhitvā asukapilandhanam nāma āharā ti vutte dīpam pajjāletvā ratanagabbham pavisitvā paṇṇam vācetvā tassa tass'eva pilandhanassa āharaṇakāle ca pavatti veditabbā.

Aparo nayo: sabbasangāhikavasena hi sanjānanalakkhanā sannā puna sanjānananimittakāranarasā dāru-ādisu tacchakādayo viya.

Yathā gahitanimittavasena abhinivesakaranapaccupatthānā hatthi-dassaka-andhāviya ārammane anogāļha-

¹ Dhs. § 4.

vuttitāya aciratthānapaccupatthānā vā vijjū viya yathā upatthitavisayapadatthānā tina-purisakesu migapotakānam purisānam ti uppannasaññā viya yā pan' ettha ñānasampayuttā hoti sā ñāṇam eva anuvattati.

Sasambhārapaṭhavī-ādisu sesadhammānam paṭhavī-ādīni viyā ti veditabbā.

292. Cetayatī ti cetanā. Saddhim attanā sampayuttadhamme ārammaņe atisandahatī ti attho. Sā cetayitalakkhaņā cetanā-bhāva-lakkhaņā ti attho.

Āyūhana-rasā catu-bhūmaka-cetanā hi no cetavita-Sabbā cetavita-lakkhanā va lakkhanā nāma n'atthi. āvūhana-rasatā pana kusalākusalesu eva hoti, kusalākusalakammāyūhanatthānam hi patvā sesa-sampayutta-dhammānam eka-desaka-mattakam eva kiccam hoti. Cetanā pana atireka-vāyāmā ti diguņa-ussāhādiguņavāyāmā. Ten' āhu porānā vācāriyā: 'Sabhāva-santhitā va pan' esā cetanā' ti vācāriyo ti khetta-sāmī ti vuccati. Yathā khetta-sāmipuriso pancapannāsa balīpurise gahetvā 'lāyissāmī ti' ekato khettam otari tassa atireko ussāho atireko vāvāmo diguno ussāho diguno vāvāmo hoti 'tīram gaņhathā ti' ādīni vadati sīmam ācikkhati tesam surā-bhatta-gandha-mālādīni jānāti maggam samakam harati evam-sampadam idam veditabbam. Khetta-sāmī-puriso viya hi cetanā; pañcapannāsa balīpurisā viva cittanga-vasena uppannā pancapannāsa kusala-dhammā, khetta-sāmī-purisassa digunussāhādiguna-vāyāma-karaņa-kālo viya kusalākusala-kammāyūhanatthānam patvā cetanāya diguņussāho diguņa-vāyāmo hoti. Evam assa āvūhana-rasatā veditabbā. Sā pan' esā pi samvidahana-paccupatthānā. Samvidahamānā hi ayam upatthāti sakicca-parakicca-sādhikā jettha-sissa-mahāvaddhakī-ādayo viya. Yathā hi jettha-sisso upajjhāyam dūrato āgacchantam disvā sayam adhīyamāno itare pi darake attano attano ajjhesane pavattayati, tasmim hi adhīvitum āraddhe te pi adhīvanti tad-anuvattitāya. Yathā ca mahāvaddhakī sayam tacchanto itare pi tacchake attano

¹ Dhs. § 5. ² Spence Hardy Manual of Buddhism p. 420.

āttano tacchana-kamme pavattayati, tasmim hi tacchitum āraddhe te pi tacchanti tad-anuvattitāya, yathā ca yodhanāyako sayam yujjhamāno itare pi yodhe sampahāravuttiyā pavattayati, tasmim hi yujjhitum āraddhe te pi anivattamānā yujjhanti tad-anuvattitāya, evam esā pi attano kiccena ārammaņe vattamānā aññe pi sampayuttadhamme attano attano kiriyāya pavatteti. Tassā hi attano kiccam āraddhāya sampayuttā pi ārabhanti. Tena vuttam:
— Sakicca-parakicca-sādhikā jettha-sissa-mahāvaddhakīādayo viyā ti. Accāyika-kammānussaraṇādisu ca panāyam sampayuttadhammānam ussāhana-bhāvena pavattamānā pākaṭā hotī ti veditabbā ti.

293. Ārammaṇam cintetī ti cittan¹ ti cittassa vacanattho vutto eva. Lakkhaṇādito pana vijānana-lakkhaṇam cittam pubbaṅgama-rasam sandhāna-paccupaṭṭhānam nāma-rūpa-padaṭṭhānam. Catu-bhūmaka-cittam hi no vijānana-lakkhaṇam nāma n'atthi sabbam vijānana-lakkhaṇam eva. Dvāram pana patvā ārammaṇa-vibhāvanaṭṭhāne cittam pubbaṅgamam purecārikam hoti. Cakkhunā hi diṭṭham rūpārammaṇam citten' eva vijānāti...pe... manena dhammārammaṇam citten' eva vijānāti.

Yathā hi nagara-guttiko nagara-majjhe singhāṭake nisīditvā 'ayam nevāsiko ayam āgantuko' ti āgatāgatam janam upadhāreti vavatthapeti, evam-sampadam idam veditabbam. Vuttam pi c'etam therena:—

'Yathā, Mahārāja, nagaraguttiko nāma majjhe nagarassa singhātake nisinno puratthimato disato purisam āgacchantam passeyya, pacchimato dakkhinato uttarato disato purisam āgacchantam passeyya, evam eva kho Mahārāja, yam cakkhunā rūpam passati tam viñnānena vijānāti, yam sotena saddam suṇāti, ghānena gandham ghāyati, jivhāya rasam sāyati, kāyena phoṭṭhabbam phusati, manasā dhammam vijānāti, tam viñnāṇena vijānātī ti.'2

294. Evam dvāram patvā ārammaṇa-vibhāvanatthāne cittam eva pubbangamam citta-purecārikam hoti. Tasmā

¹ Dhs. § 6.

² Milindapañha p. 62.

pubbangama-rasan ti vuccati. Tad etam pacchimam pacchimam uppajjamānam purimam nirantaram katvā sandahamānam eva upatthātī ti sandhāna - paccuppatthānam, pañca-vokāra-bhave panassati yamato nāmarūpam catuvokāra-bhāve nāmam eva padatthānam. Tasmā nāma-rūpapadatthanan ti vuttam. Kim pan' etam cittam purimacittena saddhim ekam eva udāhu añnan ti? Ekam eva. Atha kasmā purimam niddittham puna-vuttan ti? Avicāritam etam Atthakathāyam. Ayam pan' ettha yutti. Yathā hi rūpādīni upādāya paññattā suriyādayo na atthato rūpādīhi añne honti ten' eva yasmim samaye suriyo udeti tasmim samaye tassa tejā-sankhātam rūpam pīti evam vuccamāne pi na rūpādīhi añno suriyo nāma atthi. Tathā cittam phassādayo dhamme upādāya paññāpiyati. Atthato pan' ettha tehi aññam eva. Tena yasmim samaye cittam uppannam hoti ekamsen' eva tasmim samaye phassādīhi atthato aññad eva hotī ti. Imass' atthassa dipanatthaya purimam niddittham pi etam punavuttan ti veditabbam.

294. Yathā yasmim samaye rūpūpapattiyā maggam bhāveti... pe... paṭhavī-kasinam tasmim samaye phasso hotī ti ādisu bhāventena vavatthāpite samaye yo bhāveti na so atthato uppajjati nāma. Ten' eva tattha yathā phasso hoti vedanā hotī ti vuttam. Evam yo bhāveti. so hotī ti vuttam. Yasmim samaye kāmāvacaram kusalam cittam uppannam hotī ti ādisu pana cittena vavatthāpite samaye samaya-vavatthāpakam cittam na tathā atthato n'uppajjati. Yath' eva pana tadā phasso hoti vedanā hoti, tathā cittam pi hotī ti imassā pi atthassa dīpanattham idam puna-vuttan ti veditabbam.

Idam pan' ettha sanniţţhānam uddesa-vāre saṅganha-nattham² niddesa-vāre ca vibhajanattham. Purimena hi citta-saddena kevalam samayo vavatthāpito. Tasmim pana cittena vavatthāpite samaye ye dhammā honti tesam tesam dassanattham phasso hotī ti ādi āraddham cittañ cāpi tasmim samaye hotī ti yeva. Tasmā tassā pi saṅganha-

¹ Dhs. § 160.

² sampindanattham M.

nattham etam puna-vuttam. Imasmim ca thāne etasmim avuccamāne katamam tasmim samaye cittan ti na sakkā bhaveyya niddesa-vāre vibhajitum. Evam assa vibhajanam yeva parihāyetha. Tasmā niddesa-vāre vibhajanattham pi etam vuttan ti veditabbam.

295. Yasmā vā uppannam hotī ti ettha cittam uppannan ti etam desanā-sīsam eva na pana cittam ekakam eva uppajjattī ti Atthakathāyam vicāritam, tasmā uppannan ti ettha cittamattam eva agahetvā paro-paṇṇāsakusala-dhammehi saddhim yeva cittam gahitam. Evam tattha saṅkhepato sabbe pi citta-cetasika-dhamme gahetvā idha sarūpena pabhedato dassetum phasso hotī ti ādi āraddham. Iti phassādayo viya cittam pi vattabbam evā ti pi veditabbam.

296. Vitakketī ti vitakko.¹. Vitakkanam vā vitakko, ūhanan ti vuttam hoti. Svāyam ārammaņe cittassa abhiniropana-lakkhaņo, so hi ārammaņo cittam āropeti. Yathā hi koci rājā vallabham ñātim vā mittam vā nissāya rājageham ārohati evam vitakkam nissāya cittam ārammaņam ārohati. Tasmā so ārammaņe cittassa abhiniropanalakkhaņo ti vutto. Nāgasenatthero pan'āha 'ākoṭanalakkhaņo vitakko. Yathā Mahārāja bheri ākoṭitā atha pacchā anuravati anusaddāyati evam eva kho Mahārāja yathā ākoṭanā vitakko daṭṭhabbo, yathā pacchā anuravanā anusaddāyanā evam vicāro daṭṭhabbo.' ti² Svāyam āhanana-pariyāhanana-raso³. Tathā hi tena yogāvacaro ārammaṇam vitakkāhatam vitakka-pariyāhatam karotī ti vuccati ārammaņe cittassa ānayana-paccupaṭṭhāno.

297. Vicaratī ti vicāro. Vicaranam vā vicāro, anusancaranan ti vuttam hoti. Svāyam ārammanānumajjanalakkhano, tattha sahajātānuyojana-raso cittassa anuppabandha-paccupaṭṭhāno. Sante pi ca etesam katthaci aviyoge olārikaṭṭhena pubbangamaṭṭhena ca ghanṭābhi-ghāto viya abhiniropanaṭṭhena cetaso paṭhamābhinipāto

² Dhs. § 7. ² Milinda 62, 63. slightly different. ³ paţihananaraso M. ⁴ Dhs. § 8.

vitakko, sukhumatthena anumajjana-sabhāvatthena ca ghantānuravo viya anuppabandho vicāro.

Vipphāravā c'ettha vitakko pathamuppatti-kāle paripphandanabhūto cittassa ākāse uppatitu-kāmassa pakkhino pakkha-vikkhepo viya padumābhimukha-pāto viya ca gandhānubandhana-cetaso bhamarassa. Santavutti-vicāro nātiparipphandana-bhāvo cittassa ākāse uppatitassa pakkhino pakkha-pasāranam viya paribbhamanam viya ca padumābhimukha-patitassa bhamarassa padumassa uparibhage. Atthakathāyam pana ākāse gacchato mahā-sakunassa ubhohi pakkhehi vātam gahetvā pakkhe sannisīdāpetvā gamanam viya ārammaņe cetaso abhiniropanabhāvena pavatto vitakko. So hi ekaggo hutvā appeti. Vāta-gahanattham pakkhe phandāpayamānassa gamanam viya anumajjanabhāvena pavatto vicāro. So hi ārammaņam anumajjatī ti vuttam. Tam anuppabandhana-pavattiyam ativiya yujjati. So pana tesam viseso pathama-dutiyajjhānesu pākato hoti. Api ca yathā malaggahitam kamsa-bhājanam ekena hatthena daļham gahetvā itarena hatthena cuņņam vā telam vā leddupakena 2 parimajjantassa dalha-gahana-hattho viya vitakko, parimajjana-hattho viya vicāro. Tathā kumbhakārassa daņdappahārena cakkam bhamayitvā bhājanam karontassa uppīļanahattho viya vitakko, ito c'ito ca sancaranahattho viya vicāro. Tathā mandalam karontassa majihe sannirumbhitvā thita-kanthako viya abhiniropano vitakko, bahi paribbhamana-kanthako viya anumajjano vicāro.

298. Pīṇayatī ti pīti. 3 Sā sampiyāyana-lakkhaṇā kāyacitta-pīṇana-rasā pharaṇa-rasā vā odagya-paccupaṭṭhānā. Sā pan' esā khuddakā pīti, khaṇikā pīti, okkantikā pīti, pharaṇā pīti, ubbegā pītī ti pañca-vidhā hoti. 4 Tattha khuddakā pīti sarīre lomahaṃsa-mattam eva kātuṃ sakkoti, khaṇikā pīti khaṇe khaṇe vijjuppāda-sadisā hoti, okkantikā

Hardy Manual of Buddhism p. 424.
 kena T, lendūpakena M, landupakena C. G.
 Visuddhimagga in Journal of the Pāli Text Society 1891—93 p. 94.

pīti samudda-tīram vīci viya kāyam okkamitvā okkamitvā bhijjati, ubbegā pīti balavatī hoti kāyam uddhaggam katvā ākāse langhāpanapamānam pattā.

299. Tathā hi Punnavallika-vāsī Mahātissatthero punņama-divase sāyam cetiyangaņam gantvā candālokam disvā mahācetiyābhimukho hutvā 'imāya vata velāya catasso parisā mahā-cetiyam vandantī ti' pakatiyā diţţhārammaņavasena buddhārammanam ubbega-pītim uppādetvā sudhātale pahattha-citta-bhenduko viya akase uppatitva mahacetiyangane yeva patitthāsi. Tathā Girikandaka-vihārassa upanissaye Vattakālaka-gāme ekā kuladhītā pi balavabuddhārammanāya ubbega-pītiyā ākāse langhesi. Tassā mātāpitaro sāyam dhammasavaņatthāya vihāram gacchantā 'amma, tvam garubhārā, akāle vicaritum na sakkosi, mayam tuyham pattim katvā dhammam sossāmā ti agamamsu. Sā gantukāmā pi tesam vacanam patibāhitum asakkontī ghare ohīvitvā gharadvāre thatvā candālokena Girikandake ākāse cetiyanganam olokentī cetiyassa dīpa-pūjam addasa catasso ca parisā mālā-gandhādīhi cetiya-pūjam katvā padakkhiņam karontiyo bhikkhusanghassa ca ganasajjhāya-saddam assosi. Ath' assā 'dhāññā vat' ime ye vihāram gantvā evarūpe cetiyangaņe anusañcaritum evarūpañ ca madhura-dhamma-katham sotum labhantī ti' muttārāsi-sadisam cetiyam passantiyā eva ubbegā pīti udapādi. Sā ākāse langhayitvā mātāpitunnam purimataram yeva ākāse cetiyangane oruyha cetiyam vanditvā dhammam suņamānā atthāsi. Atha nam mātāpitaro āgantvā 'amma, tvam katamena maggena āgatā ti, pucchimsu. Sā ākāsena āgat'amhi na maggenā ti' vatvā, 'amma, ākāsena nāma khīnāsavā sancaranti, tvam katham āgatā ti' putthā āha: 'mayham candālokena cetiyam olokentiyā thitāya Buddhārammanāya balava-pīti uppajji, athāham neva attano thita-bhāvam na nisinna-bhāvam aññāsi, gahita-nimitten' eva pana ākāsam langhitvā cetiyangane patițțhit' amhī ti.' Evam ubbega-pīti ākāse langhāpanappamāņā hoti.

¹ Hardy l. l. p. 426. Eastern Monachism p. 272.

300. Pharaṇa-pītiyā pana uppannāya sakalasarīram dhamitvā pūrita-vatthi viya mahatā udakoghena pakkhantā pabbatakucchi viya ca anuparipphuṭam hoti. Sā pan' esā pañca-vidhā pīti gabbham gaṇhantī paripākam gachantī duvidham passaddhim paripūreti kāya-passaddhim ca citta-passaddhim ca, gabbham gaṇhantī paripākam gachantī duvidham pi sukham paripūreti kāyikam cetasikan ca sukham, gabbham gaṇhantam paripākam gachantam tividham samādhim paripūreti khaṇika-samādhim upacāra-samādhim appanā-samādhin ti. Tāsu ṭhapetvā appanā-samādhi-pūrikam itarā dve pi idha yujjanti.

301. Sukhayatī ti² sukham. Yass' uppajjati tam sukhitam karotī ti attho. Suṭṭhu vā khādati khaṇati ca kāya-cittābādhan ti sukham. Somanassa-vedanāy' etan nāma. Tassā lakhaṇādīni vedanā-pade vutta-nayen' eva veditabbāni.

Aparo nayo. Sāta-lakkhaṇam sukham sampayuttānam upabrūhaņa-rasam anuggahanapaccupatthānam. Sati pi ca tesam pīti-sukhānam katthaci avippayoge itthārammaņapaţilābha-tuţţhi pīti, paţiladdha-rasānubhavanam sukham. Yattha pīti tattha sukham, yattha sukham tattha niyamato pīti, sankhārakkhandha-sangahitā pīti, vedanā-khandhasangahitam sukham. Kantāra-khinnassa vanantodakantadassana-savanesu viya pīti, vanacchāyā-pavesa-udaka-paribhogesu viya sukham. Yathā hi puriso mahākantāramaggam paţipanno ghammapareto tassito pipāsito paţipathe purisam disvā 'kattha pāṇīyam atthī ti' puccheyya, so 'atavim uttaritvā jātassara-vanasaņdo atthi, tattha gantvā labhissasī ti' vadeyya, so tassa katham sutvā va hatthapahattho bhaveyya, tato gacchanto bhūmiyam patitāni uppala-pattādīni disvā suţţhutaram haţţha-pahaţţho hutvā gacchanto allavatthe allakese purise passeyya vana-kukkutavana-morādīnam saddam suņeyya jātassara-pariyante jātam manijāla-sadisam nīlavanņasandam passeyya sare jātāni uppala-paduma-kumudādīni passeyya accham vippasannam udakam passeyya, so bhiyyo bhiyyo hattha-pahattho hutvā

¹ pharitvā M.

² Dhs. § 10.

jātassaram otaritvā yathā-rucim nahātvā ca pivitvā ca passaddha-daratho bhisa-mulāla-pokkharādīni khāditvā nī-luppalādīni pilandhitvā mandālaka-mūlāni khandhe khipitvā uttaritvā sāṭakam nivāsetvā udaka-sāṭakam ātape katvā sītacchāyāya manda-mande vāte paharante nipanno 'aho sukham aho sukhan ti' vadeyya, evam-sampadam idam veditabbam. Tassa hi purisassa jātassara-vanasaṇḍa-vasanato paṭṭhāya yāva udaka-dassanā haṭṭha-pahaṭṭha-kālo viya pubbabhāgārammaṇo haṭṭha-pahaṭṭhākāro pīti. Nahātvā ca pivitvā ca sītacchāyāya manda-mande vāte paharante 'aho sukham aho sukhan ti' vadato nipanna-kālo viya balappattam ārammaṇa-rasānubhāvanākārasaṇṭhitam sukham. Tasmim tasmim samaye pākaṭa-bhāvato c'etam vuttan ti veditabbam. Yattha pana pīti sukham pi tattha atthī ti vuttam etam.

302. Cittassa ekagga-bhāvo cittekaggatā,² samādhiss' etam nāma. Lakkhanādisu pan' assa Aṭṭhakathāyam tāva vuttam: Pāmokkha-lakkhano va samādhi avikkhepalakkhano ca. Yathā hi kūṭāgāra-kannikā sesadabbasambhārānam ābandhanato pamukhā hoti evam eva sabbakusala-dhammānam samādhi citte ijjhanato sabbesam pi tesam dhammānam samādhi pāmokkho hoti. Tena vuttam:
— Seyyathā pi Mahārāja kūṭāgārassa yā kāci gopānasiyo sabbā tā kūṭangamā honti kūṭa-ninnā kūṭasamosaranā, kūṭam tāsam aggam akkhāyati evam eva kho Mahārāja ye keci kusalā dhammā sabbe te samādhi-ninnā honti samādhi-ponā samādhi-pabbhārā, samādhi tesam aggam akkhāyatī ti.³

Yathā ca senangam patvā rājā nāma yattha yattha senā osīdati tam tam thānam gacchati tassa gata-gataṭṭhāne senā paripūrati parasenā bhijjitvā rājānam eva anuvattati, evam eva sahajāta-dhammānam vikkhipitum vippakiritum appadānato samādhi avikkhepa-lakkhaņo nāma hotī ti.

303. Aparo pana nayo. Ayam cittassa ekaggatā-sankhāto samādhi nāma avisāra-lakkhaņo avikkhepa-lakkhaņo vā, sahajātānam dhammānam sampiņḍana-raso nahāniya-cuņ-nānam udakam viya upasama-paccupaṭṭhāno ñāṇapaccu-

¹ phalappattam M. ² Dhs. § 11. ³ Mil. p. 38.

patthāno vā, samāhito yathā-bhūtam pajānāti passatī ti hi vuttam. Visesato sukha-padatthāno nivāte dīpaccīnam thiti viya cetaso thitī ti datthabbo.

304. Saddahanti etāya sayam vā saddahati saddahanamattam eva vā esā ti saddhā. Sā assaddhiyassa abhibhavanato adhipatiyatthena indriyam adhimokkha-lakkhane vā indattham kāretī ti indriyam. Saddhā va indriyam saddhindriyam. Sā pan' esā sampasādana-lakkhaņā va saddhā sampakkhandhana-lakkhanā ca. Yathā hi rañno cakkavattissa udakappasadako mani udake pakkhitto pankasevāla-paņaka-kaddamam sannisīdāpeti udakam accham karoti vippasannam anāvilam, evam eva pajjamānā nīvarane vikkhambheti, kilese sannisīdāpeti, cittam pasadeti anavilam karoti, pasannena cittena yogavacaro kulaputto dānam deti, sīlam samādhiyati, uposathakammam karoti, bhāvanam ārabhati, evam tāva saddhā sampasādana-lakkhaņā ti veditabbā. Ten' āha avasmā Nāgaseno²: Yathā, Mahārāja, rājā cakkavattī caturanginiyā senāya parittam udakam tareyya, tam udakam hatthīhi ca assehi ca rathehi ca pattīhi ca khubhitam bhaveyya. āvilam, lulitam, kalalī-bhūtam, uttiņņo rājā manusse āņāpeyya: pānīyam bhane āharatha, pivissāmī ti, rañño ca udakappasādako mani bhaveyya evam devā ti kho te manussā ranno patisutvā tam udakappasādakam maņim udake pakkhippeyyum, saha udake pakkhitta-matte panka-sevalapanaka-kaddamo ca sannisīdeyya accham bhaveyya udakam vippasannam anāvilam, tato rañño pānīyam upanāmeyyum 'pivatu devo pānīyan ti,' yathā, Mahārāja, udakam evam cittam daţţhabbam, yathā te manussā evam yojāvacaro datthabbo, yathā panka-sevāla-panaka-kaddamo evam kilesā datthabbā, yathā udakappasādako mani evam datthabbā, yathā udakappasādakamhi manimhi pakkhittamatte panka-sevāla-panaka-kaddamo ca sannisīdati, accham bhavati udakam vippasannam anāvilam evam eva kho Mahārāja saddhā uppajjamānā nīvaraņe vikkhambheti

¹ Dhs. § 12. ² Mil. p. 33.

vinīvaraņam cittam hoti accham vippasannam anāvilan ti. 1

Yathā ca pana kumbhīla-makaragāharakkhasādi-sankiņnam pūram mahānadim āgamma bhīruka-jano ubhosu tīresu tiṭṭhati, saṅgāma-sūro pana mahāyodho āgantvā: 'Kasmā tiṭṭhathā ti' pucchitvā, 'sappaṭi-bhaya-bhāvena otaritum na visahāmā ti' vutte, nisitam asim gahetvā 'mama pacchato etha mā bhayitthā ti' vatvā, nadim otaritvā āgatāgate kumbhīlādayo paṭibāhitvā, orima-tīrato manussānam sotthi-bhāvam karonto pārima-tīram neti, pārimatīrato pi sotthinā orima-tīram āneti, evam eva dānam dadato sīlam rakkhato uposatha-kammam karoto bhāvanam ārabhato saddhā pubbaṅgamā purecārikā hoti. Tena vuttam: sampasādana-lakkhaṇā sampakkhandana-lakkhaṇā ca saddhā ti.²

Aparo nayo. Saddahana-lakkhanā saddhā okappana-lakkhanā vā, pasādana-rasā udakappasādanaka-mani viya, pakkhandana-rasā vā oghuttarano viya, akālussiya-paccupatthānā adhimutti - paccupatthānā vā saddheyyavatthupadatthānā sotāpattiyanga-padatthānā vā hattha-cittabījāni viya datthabbā.

305. Vīra-bhāvo viriyam. Vīrānam vā kammam vidhinā vā nayena upāyena īrayitabbam pavattayitabban ti viriyam. Tad eva kosajjassa abhibhavanato adhipatiyatthena indriyam paggaha-lakkhaņe vā indattham kāretī ti indriyam. Viriyam eva indriyam viriyindriyam. Tam pan' etam upatthambhana-lakkhaṇañ ca viriyam, paggaha-lakkhaṇañ ca. Yathā hi jiṇṇa-gharakam āgantukena thūṇūpatthambhena titthati evam eva yogāvacaro viriyūpatthambhena upatthambhito hutvā sabba-kusala-dhammehi na hāyati na parihāyati, evam tāv'assa upatthambhana-lakkhaṇatā veditabbā. Ten'āha thero Nāgaseno: — Yathā, Mahārāja, gehe patante añnena dārunā upatthambheyya, upatthambhitam santam evam tam geham na pateyya, evam eva kho, Mahārāja,



¹ Mil. p. 35. Hardy Manual of Buddhism p. 427. ² Hardy Manual p. 426 f. Milinda p. 36 somewhat different. ³ Dhs. § 13.

upatthambhana - lakkhaṇam viriyam, viriyūpatthambhitā sabbe kusala-dhammā na parihāyantī ti. ¹

Yathā pana khuddikāya ca mahatikāya ca senāya sangāme pavatte khuddikā senā olīyeyya tato rañno āroceyyum rājā balavāhanam peseyya, tena paggahītā saka-senā parasenam parājeyya, evam eva viriyam sahajāta-sampayutta-dhammānam olīyitum osakkitum na deti ukkhipati paggaņhāti. Tena vuttam: paggaha-lakkhaṇam viriyan ti.

Aparo nayo. Ussāhana-lakkhaṇam viriyam, sahajātānam upatthambhana-rasam asamsīdana-bhāva-paccupaṭṭhānam. Samviggo yoniso padahatī ti vacanato samvega-padaṭṭhānam viriyārambha-vatthupadaṭṭhānam vā sammā āraddham sabbāsam sampattīnam mūlam hotī ti veditabbam.

306. Saranti tāya sayam vā sarati, saraņa-mattam eva vā esā ti sati. Sā muttha-saccassa abhibhavanato adhipatiyatthena indriyam upatthana-lakkhanena va indattham kāretī ti indriyam. Sati yeva indriyam satindriyam.2 Sā pan' esā apilāpana-lakkhanā upagaņhana-lakkhanā ca. Yathā hi rañno bhandagārika-dārako dasa-vidham ratanam gopāyanto sāyapātam rājānam issariya-sampattim sallakkhāpeti sāreti evam eva sati kusalakammam sallakkhāpeti Ten' āha thero: — Yathā, Mahārāja, rañno bhandagariko rajanam cakkavattim sayapatam samsarapeti 'ettakā deva hatthī, ettakā assā, ettakā rathā, ettakā pattī, ettakam hiraññam, ettakam suvannam, ettakam sabbam sāpateyyam, tam devo saratū ti' evam eva kho Mahārāja sati kusale dhamme apilāpeti 'ime cattāro satipatthānā, ime cattāro sammappadhānā, ime cattāro iddhipādā, imāni pañc'indriyāni, imāni pañca balāni, ime satta bojjhangā, ayam ariyo atthangiko maggo, ayam samatho, ayam vipassanā, ayam vijjā, ayam vimutti, ime lokuttara-dhammā ti' evam kho Mahārāja apilāpana-lakkhaņā satī ti. 3 Yathā pana rañño cakkavattissa pariņāyaka-ratanam ahite ca hite ca ñatvā ahite apayāpeti hite upayāpeti, evam eva sati hitāhitānam dhammānam gatiyo samannesitvā 'ime kāya-duccaritādayo dhammā ahitā ti' ahite dhamme



¹ Mil. p. 36. ² Dhs. § 14. ³ Mil. p. 37.

apanudati 'ime kāyasucaritādayo dhammā hitā ti' hite dhamme upagaṇhāti. Ten'āha thero: — Yathā, Mahārāja, rañno pariṇāyaka-ratanam rañno hitāhitam jānāti 'ime rañno hitā, ime ahitā, ime upakārā, ime anupakārā ti' tato ahite apanudati hite upagaṇhāti, evam eva kho, Mahārāja, sati uppajjamānā hitāhitānam dhammānam gatiyo samannesati 'ime dhammā hitā, ime dhammā ahitā, ime dhammā upakārā, ime dhammā anupakārā ti' tato ahite dhamme apanudati hite dhamme upagaṇhāti, evam kho Mahārāja upagaṇhana-lakkhaṇā satī ti. '

Aparo nayo. Apilāpana-lakkhaņā sati asammosanarasā ārakkha-paccupatthānā visayābhimukha-bhāva-paccupatthānā vā, thira-saññā-padatthānā kāyādi-satipatthānapadatthānā vā. Ārammaņe daļha-patitattā pana esikā viya cakkhu-dvārādi-rakkhaņato dovāriko viya ca datthabbo.

307. Ārammaņe cittam sammā adhīyati thapetī ti samādhi. So vikkhepassa abhibhavanato adhipatiyatthena indriyam, avikkhepa-lakkhaņe vā indattham kāretī ti indriyam. Samādhi yeva indriyam samādhindriyam. Lakkhanādīni pan' assa hetthā vutta-nayen' eva veditabbāni.

Pajānātī ti paññā. Kim pajānāti? Idam dukkhan ti ādinā nayena ariya-saccāni. Atthakathāyam pana paññāpetī ti paññā ti vuttam. Kin ti paññāpetī ti? Aniccam dukkham anattā ti paññāpeti. Sā va avijjāya abhibhavanato adhipatiyathena indriyam, dassana-lakkhane vā indattham kāretī ti pi indriyam. Paññā va indriyam paññindriyam.³ Sā pan' esā obhāsana-lakkhanā ca paññā pajānana-lakkhanā ca. Yathā hi catubhittike gehe rattibhāge dīpe jalite andhakāram nirujjhati āloko pātu bhavati evam eva obhāsanalakhanā paññā. Paññobhāsā-samo obhāso nāma n'atthi. Paññāvato hi eka-pallankena nisinnassa dasasahassī loka-dhātu ekālokā hoti. Ten'āha thero: — Yathā, Mahārāja, puriso andhakāram vidhameti, obhāsam janeti,



¹ Mil. pp. 37, 38. Hardy l. l. p. 428. ² Dhs. § 15. ³ Dhs. § 16.

ālokam vidamseti, pākaţāni rūpāni karoti, evam eva kho Mahārāja paññā uppajjamānā avijjandhakāram vidhameti, vijjobhāsam janeti, ñāṇālokam vidamseti, pākaṭāni ariyasaccāni karoti. Evam kho Mahārāja, obhāsana-lakkhaṇā paññā ti. 1/

Yathā pana cheko bhisakko āturānam sappāyāsappāyāni bhojanādīni jānāti, evam paññā uppajjamānā kusalākusale sevitabbāsevitābbe hīna-paṇīta-kaṇha-sukka-sappaṭibhāge dhamme pajānāti. Vuttam pi c'etam Dhammasenāpatinā: pajānāti pajānātī ti kho āvuso, sā tasmā paññā ti vuccati. Kiñ ca pajānāti? Idam dukkhan ti pajānātī ti vitthāretabbam. Evam assā pajānana-lakkhaṇā ti veditabbā.

Aparo nayo. Yathā sabhāva-paṭivedha-lakkhaṇā paññā, uppajjamānā akkhalita-paṭivedha-lakkhaṇā vā kusalissāsa-khitta-usu-paṭivedho viya, visayobhāsana-rasā padīpo viya, asammoha-paccupaṭṭhānā arañña-gata-sudesiko viya.

308. Manute iti mano, vijānātī ti attho. Atthakathācariyā pan' āhu: — Nāliyā minamāno viya mahātulāya vā dhārayamāno viya ca ārammaṇam jānātī ti mano. Tad eva minana-lakkhaṇe indaṭṭhaṃ kāretī ti indriyam. Mano eva indriyam manindriyam. Heṭṭhā vutta-cittass' ev' etam vevacanam.

Pīti-sommanassa-sampayogato sobhanam mano assā ti sumano. Sumanassa bhāvo somanassam. Sāta-lakkhaņe indaṭṭham kāretī ti indriyam. Somanassam eva indriyam somanassindriyam.³ Heṭṭhā vutta-vedanāy' ev' etam vevacanam.

309. Jīvanti tena tam-sampayuttakā dhammā ti jīvitam. Anupālana-lakkhaņe indaţţham kāretī ti indriyam. Jīvitam eva indriyam jīvitindriyam. Tam pavattasantatādhipateyyam hoti. Lakkhanādīhi pana attanā avinibhuttānam dhammānam anupālana-lakkhanam jīvitindriyam, tesam pavattana-rasam, tesam thapanapaccupaţţhānam, yāpayitabbadhamma-padaţţhānam.

Sante pi ca anupālana-lakkhaņādimhi vidhāne atthik-

¹ Mil. 39. Hardy l. l. p. 430. ² In the Mahāvedalla S. in Majjhima Nikāya I, 292. ³ Dhs. § 18. ⁴ Dhs. § 19.

khane yev' etam te dhamme anupāleti udakam viya uppalādīni. Yathā-sakam paccayuppanne pi ca dhamme pāleti dhātī viya kumāram, sayam pavattita-dhamma-sambandhen' eva pavattati niyyāmako viya nāvam nabhangato uddham pavattayati attano ca pavattayitabbānañ ca abhāvā nabhangakkhane thapeti sayam bhijjamānattā khiyyamāno viya vaṭṭisineho padīpa-sikham pavattana-ṭhapanānubhāva-virahitam. Yathā vuttakkhanena tassa tassa sādhanato ti datthabbam.

- 310. Sammāditthiādisu dassanatthena sammāditthi, abhiniropanatthena sammāsamkappo, paggahanatthena sammāvāyāmo, upatthānatthena sammāsati, avikkhepanatthena sammāsamādhi veditabbā. Vacanatthato pana sammā passati sammā vā tāya passantī ti sammāditthi, sammā sankappeti sammā vā tena sankappentī ti sammāsankappo, sammā vāyamati sammā vā tena vāyamantī ti sammāvāyāmo, sammā sarati sammā vā tāya sarantī ti sammāsati, sammā samādhiyati sammā vā tena sāmādhiyantī ti sammāsamādhi. Api ca pasatthā sundarā vā ditthi sammāditthī ti iminā pi nayena tesu vacanattho veditabbo. Lakkhanādīni pana hetthā vuttān' eva.
- 311. Śaddhābalādisu saddhādīni vuttatthān' eva, akampiyatthena pana balam veditabbam. Evam etesu assaddhiye na kampatī ti saddhābalam,² kosajje na kampatī ti viriyabalam, mutthasacce na kampatī ti satibalam, uddhacce na kampatī ti samādhibalam, avijjāya na kampatī ti pañnābalam, ahiriye na kampatī ti hiribalam anottappe na kampatī ti ottappabalam ti ayam ubhayapada-vasena attha-vaṇṇanā hoti. Tattha purimāni pañca hetṭhā lakkhaṇādīhi pakāsitān' eva pacchima-dvaye kāyaduccaritādīhi.
- 312. Hiriyatī ti hiri, 3 lajjāy' etam adhivacanam. Tehi eva ottappatī ti ottappam, 4 pāpato ubbegass' etam adhivacanam. Tesam nānākaraṇam dīpanattham samuṭṭhānam adhipati lajjā-lakkhaṇen' evā ti imam mātikam ṭhapetvā



¹ Comp. Hardy Manual p. 417 No. 18. ² Dhs. § 25 ff. ³ Dhs. § 30. ⁴ Dhs. § 31.

ayam vitthāra-kathā vuttā. Ajjhatta-samuţthānā hi hiri nāma, bahiddhā samuţţhānam ottappam nāma, attādhipati hiri nāma, lokādhipati ottappam nāma, lajjā-sabhāvasanthitā hiri nāma, bhaya-sabhāva-santhitam ottappam nāma, sappatissava-lakkhanā hiri nāma, vajja-bhīrukabhaya-dassāvī-lakkhanam ottappam nāma. Tatth' ajjhattasamutthanam hirim catuhi karanehi samutthaneti jatim paccavekkhitvā vayam paccavekkhitvā, sūrabhāvam paccavekkhitvā, bāhusaccam paccavekkhitvā. Katham?. Pāpakaraņattā etam na jāti-sampannānam kammam, hīna-jaccānam kevattakādīnam idam kammam, tādisassa jāti-sampannassa idam kammam kātum na yuttan ti. Evam tāva jātim paccavekkhitvā pāņātipātādi-pāpam akoronto hirim samutthāpeti. Tathā pāpa-karaņam nām' etam daharehi kātabbam kammam, tādisassa jāti-sampannassa idam kammam kātun na yuttan ti. Evam vayam paccavekkhitvā pāņātipātādi-pāpam akoronto hirim samutthāpeti. pāpa-kammam nām' etam dubbala-jātikānam kammam, tādisassa sūrabhāva-sampannassa idam kammam kātum na vuttan ti. Evam sūrabhāvam paccavekkhitvā pānātipānādipāpam akoronto hirim samutthāpeti. Tathā pāpa-kammam nām' etam andha-bālānam kammam na panditānam, tādisassa panditassa bahussutassa idam kammam katum na yuttan ti. Evam bāhusaccam paccavekkhitvā paņātipātādipāpam akoronto hirim samutthāpeti. Evam ajjhattasamuţţhānam hirim catūhi kāraņehi samuţţhāpeti. Samuțțhāpetvā ca pana attano hi citte hirim pavesetvă pāpam kammam na karoti. Evam ajjhatta-samuţthānā hiri nāma hoti.

313. Katham bahiddhā-samutthānam ottappam nāma? Sace tvam pāpa-kammam karissasi catūsu parisāsu garahappatto bhavissasi.

Garahissanti tam viññū asucim nāgariko yathā Vajjito sīlavantehi katham, bhikkhu, karissasī ti paccavekkhanto hi bahiddhā-samuţţhitena ottappena pāpakammam na karoti. Evam bahiddhā samuţţhānam ottappam nāma hoti.

Katham attādhipati hiri nāma? Idh' ekacco kulaputto

attānam adhipatijetthakam katvā tādisassa saddhāpabbajitassa bahussutassa dhuta-vādassa 'na yuttam pāpam kammam kātun ti' pāpam na karoti. Evam attādhipati hiri nāma hoti. Ten' āha Bhagavā: — So attānam yeva adhipatijetthakam karitvā akusalam pajahati, kusalam bhāveti, sāvajjam pajahati, anavajjam bhāveti, suddham attānam pariharatī ti.

Katham lokādhipati ottappam nāma? Idh' ekacco kulaputto lokam adhipatijetthakam katvā pāpakam kammam na karoti: — Yathāha: Mahā kho pana loka-sannivāso, mahantasmim kho pana loka-sannivāse santi samaņa-brāhiddhimanto dibba-cakkhukā paracitta-viduno, dūrato pi passanti āsannā pi na dissanti cetasā pi cittam pajānanti, te pi mam evam jānissanti: passatha bho imam kulaputtam, saddhāya agārasmā anagāriyam pabbajito samāno vokiņņo viharati pāpakehi akusalehi dhammehī ti. Santi devatā iddhimantiyo dibbacakkhukā paracitta-vidūniyo, tā dūrato pi passanti āsannā pi na dissanti, cetasā pi cittam pajānanti, tā pi mam jānissanti: passatha bho imam kulaputtam, saddhāya agārasmā anagāriyam pabbajito samāno vokinno viharati pāpakehi akusalehi dhammehī ti. So lokam yeva adhipatim karitvā akusalam pajahati, kusalam bhāveti, sāvajjam pajahati, anavajjam bhāveti, suddham attānam pariharatī ti. Evam lokādhipati ottappam nāma hoti.

314. Lajjā-sabhāva-santhitā hiri, bhaya-sabhāva-santhitam ottappan ti. Ettha pana lajjā ti lajjanākāro, tena sabhāvena santhitā hiri, bhayan ti apāyabhayam, tena sabhāvena santhitam ottappam. Tad ubhayam pi pāpa-parivajjane pākaṭam hoti. Ekacco hi yathā nāma eko kulaputto uccāra-passāvādīni karonto lajjitabbaka-yuttam ekam disvā lajjanākārappatto bhaveyya pīlito, evam eva ajjhattam lajjī-dhammam okkamitvā pāpa-kammam na karoti. Ekacco apāya-bhaya-bhīto hutvā pāpa-kammam na karoti. Tatr' idam opammam: — Yathā dvīsu ayoguļesu eko sītalo bhaveyya gūthamakkhito eko unho āditto, tattha paṇḍito sītalam gūtha-makkhitattā jigucchanto na gaṇhāti, itaram dāha-bhayena. Tattha sītalassa guthā-makkhaṇa-jigucchāyā agaṇhanam viya ajjhattam lajjitabbam dhammam okkam-

itvā vā pāpassa akaraņam, uņhassa dāha-bhayena agaņhanam viya apāya-bhayena pāpassa akaraṇam veditabbam.

315. Sappaţissava-lakkhaṇā hiri, vajja-bhīruka-bhayadassāvī-lakkhaṇam ottappan ti: Idam api dvayam pāpaparivajjane eva pākaṭam hoti. Ekacco hi jātimahattapaccavekkhaṇā satthumahatta-paccavekkhaṇā dāyajja-mahatta-paccavekkhaṇā sabrahmacārī-mahatta-paccavekkhaṇā ti catūhi kāraṇehi sappaṭissavalakkhaṇam hirim samuṭṭhāpetvā pāpam na karoti. Ekacco attānuvāda-bhayam parānuvāda-bhayam daṇḍa-bhayam duggati-bhayam ti catūhi kāraṇehi vajja-bhīruka-bhaya-dassāvī-lakkhaṇam ottappam samuṭṭhāpetvā pāpam na karoti. Tattha jāti-mahattapaccavekkhaṇādīni c'eva attānuvāda-bhayādīni ca vitthāretvā kathetabbāni.

316. Na lubbhanti etena sayam vā na lubbhati alubbhanamattam eva vā tan ti alobho. Adosa-amohesu pi es' eva nayo.

Tesu alobho ārammaņo cittassa agedhalakkhaņo alaggabhāvalakkhaņo vā. Kamaladalabindu viya apariggaharaso muttabhikkhu viya anallīna-bhāvapaccupaṭṭhāno asucimhi patitapuriso viya.

Adoso² acaṇḍikkalakhaṇo va avirodhalakhaṇo va anu-kūlamitto viya, āghātavinayanaraso pariļāhavinayanaraso vā candanaṃ viya, somma-bhāvapaccupaṭṭhāno puṇṇa-cando viya. Amoho lakkhaṇādīhi heṭṭhā pañnindriyapade vibhāvito.

Evam etesu puna tīsu alobho maccheramalassa paţipakkho, adoso dussīlyamalassa, amoho kusalesu dhammesu abhāvanāya paṭipakkho, alobho c'ettha dānahetu, adoso sīlahetu, amoho bhāvanāhetu. Tesu alobhena anadhikam gaṇhāti luddhassa adhikagahaṇato, adosena anūnam duṭṭhassa ūnagahaṇato, amohena aviparītaṃ mūļhassa viparītagahaṇato.

Alobhena c'ettha vijjamānadosam dosato ca dhārento dose pavattati, luddho hi dosam paṭicchādeti. Adosena vijjamānam guṇam guṇato dhārento guṇe pavattati, duṭṭho hi



¹ Dhs. § 32.

² Dhs. § 33.

guṇam makkheti. Amohena yāthāvam yāthāvato dhārento yathā sabhāve pavattati, mūļho hi taccham ataccham ca tacchati gaṇhāti.

Alobhena ca piyavippayogadukkham hoti luddhassa piyasabhāvato piyavippayogasahanato ca. Adosena appiyasampayogadukkham na hoti dutthassa appiyasabhāvato appiyasampayogasahanato ca. Amohena icchitalābhadukkham na hoti, amūlhassa tam kut' ettha labbhati evamādi paccavekkhanam sambhavato.

Alobhena c'ettha jātidukkham na hoti alobhassa tanhāpatipakkhato tanhāmūlakathā va jātidukkhassa adosena jarādukkham na hotī ti tikkhadosassa khippam jarāsambhavato. Amohanam maranadukkham na hoti Samohamaranam hi dukkham na ca tam amūlhassa hoti.

Alobhena ca gahaṭṭhānam, amohena pabbajitānam, adosena pana sabbesam sukhānam samvāsatā hoti.

Visesato c'ettha alobhena pettivisaye uppatti na hoti. Yebhuyyena hi tassā tanhāya pettivisayam uppajjati tanhāya ca patipakkho alobho adosena niraye uppatti na hoti. Dosena hi candajātitāya dosasadisam nirayam uppajjati, dosassa ca patipakkho adoso, amohena tiracchānayoniyam nibbatti na hoti. Mohena hi niccasamūlham tiracchānayoniyam uppajjati mohapatipakkho ca amoho. Etesu ca alobho rājangavasena uggamanassa abhāvakaro, adoso dosavasena apagamanassa, amoho mohavasena majjhattabhāvassa.

Tīhi pi c'etehi yathā paṭipāṭiyā nekkhammasaññā avyāpādasaññā avihimsāsaññā ti imā tisso saññāyo honti, asubhasaññā appamānasaññā dhātusaññā ti imā tisso saññāyo honti. Alobhena kāmasukhallikānuyoga-antassa parivajjanam hoti, adosena attakilamānuyoga-antassa parivajjanam hoti, amohena majjhimāya paṭipattiyā paṭipajjanam. Tathā alobhena abhijjhākāyaganthassa pabhedanam hoti, adosena vyāpādakāyaganthassa, amohena sesaganthadvayassa.

Purimāni ca dve satipatthānāni purimānam dvinnam ānubhāvena, pacchimāni pacchimass' eva ānubhāvena ijjhanti.

Alobho c'ettha ārogyassa paccayo hoti, aluddho hi lobhanīyam pi asappāyam na sevati, tena arogo hoti.

Adoso yobbaññassa, aduţtho hi valipalitāvahena dosagginā adayhamāno dīgharattam yuvā hoti. Amoho dīghāyutāya, amūļho hi hitāhitam ñatvā ahitam parivajjanto hitañ ca paṭisevamāno dīghāyuko hoti.

Alobho c'ettha bhogasampattiyā paccayo hoti cāgena bhogapatilābhā, adoso mittasampattiyā mettāya mittānam paṭilābhato c'eva apparihānato ca. Amoho attasampattiyā, amūļho hi attano hitam eva karonto attānam sampādeti.

Alobho ca dibbavihārassa paccayo hoti, adoso brahmavihārassa, amoho ariyavihārassa.

Alobhena c'ettha sakapakkhesu sattasankhāresu nibbuto hoti, tesam vināse abhisangahetukassa dukkhassa abhāvato, adosena parapakkhesu aduţthassa verisu verisannāya abhāvato, amohena udāsīnapakkhesu amūļhassa sabbābhisangatāya abhāvato.

Alobhena ca aniccadassanam hoti, luddho hi upabhogāsāya anicce pi sankhāre aniccato na passati. 'Adosena dukkhadassanam, adosajjhāsayo hi pariccattam āghātavatthu pariggaho sankhāre yeva dukkhato passati. Amohena anattadassanam, amūļho hi yathā gahaṇakusalo apariṇāyakam khandhapañcakam apariṇāyakato bujjhati. Yathā ca etehi aniccadassādīni evam ete pi aniccadassanādīhi honti. Aniccadassanena hi alobho hoti, dukkhadassanena adoso, anattadassanena amoho hoti. Ko hi nāma aniccam idam ti sammā ñatvā tass' atthāya piham uppādeyya sankhāre vā dukkhā ti jānanto aparam pi accantatikkhiṇam kodhadukkham uppādeyya attasuññatañ ca bujjhitvā puna sammoham āpajjeyyā ti?

317. Nābhijjhāyatī ti anabhijjhā. Kāyikacetasikam sukham idhalokaparalokahitam guṇānubhāvapatiladdham kittisaddañ ca na vyāpādetī ti avyāpādo.

Sammā passati sobhaṇā vā ditthī ti sammāditthi. Alobhādinam yeva tāni nāmāni. Hetthā pan' ete dhammā mūlavasena gahitā idha kammapathavasenā ti veditabbā.

318. Hirottappāni hi hetthā balavasena gahitāni, idha lokapālavasena. Lokam hi ime dve dhammā pālayanti. Yathāha: Dve 'me bhikkhave sukkā dhammā lokam pālenti, katame dve? Hiri ca ottappañ ca. Ime ce bhikkhave

dve sukkā dhammā lokam na pāleyyum na yidam paññāyetha mātā ti vā mātucchā ti vā mātulānī ti vā ācariyabhariyā ti vā garūnam dārā ti vā, jātisambhedam loko agamissa yathā ajeļakā kukkuṭasūkarasoṇasigālā. Yasmā kho bikkhave ime dve sukkā dhammā lokam pālenti tasmā paññāyati mātā ti vā mātucchā ti vā mātulānī ti vā ācariyabhariyā ti vā garūnam dārā ti vā.

319. Kāyassa passambhanam kāya-passaddhi, cittassa-passambhanam citta-passaddhi². Kāyo ti c'ettha vedanādayo tayo khandhā ubho pi pan' etā ekato katvā kāya-citta-daratha-vūpasama-lakkhanā kāya-citta-passaddhiyo, kāya-citta-daratha-nimmaddana-rasā kāya-cittānam aparipphanda-sīti-bhāva-paccupaṭṭhānā kāya-citta-padaṭṭhānā kāya-cittānam avūpasamakara-uddhaccādi-kilesa-paṭipak-kha-bhūtā ti daṭṭhabbā.

320. Kāyassa lahubhāvo kāya-lahutā,3 cittassa lahubhāvo citta-lahutā,4 kāya-citta-garubhāva-vūpasama-lakkhaṇā, kāya-citta-garubhāva-nimmaddana-rasā, kāya-cittānam adandhatā-paccupaṭṭhānā, kāya-citta-padaṭṭhānā, kāya-cittānam garutā thaddhabhāvakara-thīna-middhādi-kilesa-paṭipakkha-bhūtā ti daṭṭhabbā.

321. Kāyassa mudubhāvo kāya-mudutās, cittassa mudubhāvo citta-mudutā, kāya-citta-thaddabhāva-vūpasama-lakkhanā, kāya-citta-thaddhabhāva-nimmaddana-rasā, appatighāta-paccupatthānā, kāya-citta-padatthānā, kāya-cittānam thaddhabhāvakara-ditthimānādi-kilesa-patipakkha-bhūtā tidatthabbā.

322. Kāyassa kammaññabhāvo kāya-kammaññatā,7 cittassa kammaññabhāvo citta-kammaññatā,8 kāya-cittānam akammaññabhāva-vūpasama-lakkhaṇā, kāya-cittānam akammaññabhāva-nimmaddana-rasā, kāya-cittānam ārammaṇa-karaṇa-sampatti-paccupaṭṭhānā, kāya-citta-padaṭṭhānā, kāya-cittānam akammañnabhāvakarāvasesa-nīva-raṇa-paṭipakkha-bhūtā ti daṭṭhabbā. Pasādanīya-vatthusu

¹ Dhs. § 40. ² Dhs. § 41. ³ Dhs. § 42. ⁴ Dhs. § 43.

⁵ Dhs. § 44. ⁶ Dhs. § 45. ⁷ Dhs. § 46. ⁸ Dhs. § 47.

pasādāvayāhita - kiriyāsu viniyogakkhamabhavāvaha - su-vaṇṇa-visuddhi viyā ti daṭṭhabbā.

323. Kāyassa pāguññabhāvo kāya-pāguññatā, cittassa pāguññabhāvo pi citta-pāguññatā, kāya-cittānam agelaññabhāva-lakkhaņā, kāya-citta-gelañña-nimmaddana-rasā, nirādīnava-paccupatthānā kāya-citta-padatthānā kāya-citta-gelaññakara-assaddhiyādi-patipakkha-bhūtā ti datthabbā.

324. Kāyassa ujubhāvo kāyujjukatā,3 cittassa ujubhāvo cittujjukatā,4 kāya-citta-ajjava-lakkhanā, kāya-citta-kuţi-labhāva-nimmaddana-rasā, ajimhatā-paccupatthānā kāya-citta-padatthānā kāya-cittānam kuṭilabhāvakara-māyā sātheyyādi-paṭipakkha-bhūtā ti daṭṭhabbā.

325. Saratī ti sati. Sampajānātī ti sampajañāam, samantato pakārehi jānātī ti attho. Sātthaka-sampajañāam, sappāya-sampajañāam, gocara-sampajañāam, asammoha-sampajañāan ti imesam pan' assa vasena bhedo veditabbo. Lakkhaṇādīni c'etesam satindriyapañindriyesu vutta-nayen' eva veditabbāni. Iti hetthā vuttānam ev' etam dhamma-dvayam puna imasmim thāne upakāra-vasena gahitam.

326. Kāmacchandādayo paccanīka-dhamme sametī ti samatho.7. Aniccādi-vasena vividhehi ākārehi dhamme passatī ti vipassanā paññā c'esā atthato. Imesam pi dvinnam lakkhaṇādīni heṭṭhā vuttān' eva. Idha pana te yuganaddha-vasena gahitā.

327. Sahajāta-dhamme pagaņhātī ti paggāho. Uddhacca-sankhātassa vikkhepassa patipakkhabhāvato na vikkhepo ti avikkhepo. . Etesam pi lakkhanādīni hetthā vuttān' eva. Idha pan' etam dvayam viriya-samādhi-yojanatthāya gahitan ti veditabbam.

328. Ye vā pana tasmim samaye aññe pi atthi paţiccasamuppannā arūpino dhammā kusalā¹¹ ti phasso hoti avikkhepo hotī ti na kevalam padapaṭipāṭiyā uddiṭṭhā ime paropaṇṇāsa dhammā. Evam atha kho yas-

¹ Dhs. § 48. ² Dhs. § 49. ³ Dhs. § 50. ⁴ Dhs. § 51.

⁵ Dhs. § 52. 6 Dhs. § 53. 7 Dhs. § 54. 8 Dhs. § 55. 9 Dhs. § 56. 10 Dhs. § 57. 11 Dhs. § 1.

mim samaye kāmāvacaram tihetukam somanassasahagatam pathamam asankhārikam mahācittam uppannam hoti tasmim samaye ye vā pana aññe pi tehi yeva phassādīhi sampayuttā hutvā pavattamānā atthi attano attano anurūpam paccayam paticca samuppannā rūpābhāvena arūpino sabhāvato upalabbhamānā dhammā sabbe pi ime dhammā kusalā. Ettāvatā cittangavasena pāli-ārūļhe paropaṇṇāsa dhamme dīpetvā yevāpanakavasena apare pi nava dhamme Dhammarājā dīpeti.

Tesu tesu hi suttapadesu chando adhimokkho manasikāro tatramajjhattatā karuņā muditā kāyaduccaritavirati vacīduccaritavirati micchājīvaviratī ti ime nava dhammā paññāyanti. Imasmim cāpi mahā-citte kattukamyatā kusalam dhammacchando atthi, cittangavasena pana pālim na ārūļho. So idha yevāpanakavasena gahito adhimokkho atthi, manasikāro atthi, tatramajjhattatā atthi, mettāpubbabhāgo atthi. So adose gahite gahito eva hoti.

Karuņāpubbabhāgo pana atthi, muditāpubbabhāgo atthi, upekkhāpubbabhāgo pi atthi. So pana tatramajjhattatāya gahitāya gahito va hoti.

Sammāvācā atthi, sammākammanto atthi, sammā-ājīvo atthi, cittangavasena pana pālim na ārūļho. So pi idha yevāpanakavasena gahito.

329. Imesu pana navasu chando adhimokkho manasikāro tatramajjhattatā ti ime cattāro va ekakkhaņe labbhanti, sesā nānākkhaņe. Yadā hi iminā cittena micchāvācam pajahati, virativasena sammāvācam pūreti tadā chandādayo cattāro sammāvācā ti ime pañca ekakkhaņe labbhanti. Yadā micchākammantam pajahati, virativasena sammā-kammantam pūreti, micchā-ājīvam pajahati, virativasena sammā-ājīvam pūreti, karuņāya parikammam karoti, muditāya parikammam karoti tadā chandādayo cattāro sammāvācā ti ime pañca ekakkhaņe labbhanti. Ito pana muñcitvā dānam dentassa sīlam pūrentassa yoge kammam karontassa cattāri apanņakangān' eva labbhanti. Evam etesu navasu yevāpanakadhammesu chando ti kattukamyatāy' etam adhivacanam. Tasmā so kattukamyatālakkhaņe chando ārammaṇapariyesanaraso. Ārammaṇena atthi

kathāpaccupaṭṭhāno tad ev'assa padaṭṭhānam ārammaṇagahaṇe cāyaṃ cetaso hatthapasāraṇaṃ viya daṭṭhabbo. Adhimuccanam adhimokkho. So sanniṭṭhānalakkhaṇo. Ayaṃ sappanaraso nicchayapaccupaṭṭhāno sanniṭṭhātabbadhammapadaṭṭhāno ārammaṇe niccalabhāvena indakhīlo viya daṭṭhabbo.

330. Kiriyākāro manasmim kāro manasikāro purimamanato viya disam manam karotī ti manasikāro. Svāyam ārammaṇapaṭipādako vīthipaṭipādako javanapaṭipādako ti tippakāro. Tattha ārammaṇapaṭipādako manasmim kāretī ti manasikāro. So sāraṇalakkhaṇo sampayuttānam ārammaṇasamyojanaraso ārammaṇābhimukhabhāvapaccupaṭṭhāno saṅkhārakkhandhapariyāpanno ārammaṇapaṭipādakattena sampayuttānam sārathi viya daṭṭhabbo.

Vīthipatipādako ti pana pañcadvārāvajjanass' etam adhivacanam, javanapatipādako ti manodvārāvajjanassa. Na te idha adhippetā.

Tesu dhammesu majjhattatā tatramajjhattatā. Sā cittacetasikānam samavāhitalakkhaņā ūnādhikanīvaraņarasā pakkhapātupacchedanarasā va majjhattabhāvapaccupaṭṭhānā cittacetasikānam ajjhupekkhaņavasena sampavattānam ājānīyānam ajjhupekkhakasārathi viya daṭṭhabbā. Karuṇāmuditā - brahmavihāraniddese āvibhavissanti. Kevalam hi tā appanappattā rūpāvacarā, idha kāmāvacarā ti ayam eva viseso.

Kāyaduccaritato virati kāyaduccaritavirati. Sesapadadvaye pi es' eva nayo. Lakkhaṇādito pan' etā tisso pi kāyaduccaritādivatthūnam avītikkamalakkhaṇā amaddanalakkhaṇā ti vuttam hoti.

Kāyaduccaritādi-vatthuto sankocanarasā akiriyapaccupaţţhānā saddhā hirottappam appicchatādi-guṇapadaţţhānā pāpakiriyato cittassa vimukhabhāvabhūtā ti daţţhabbā.

331. Phassādīni chapaṇṇāsa yevāpanaka-vuttāni navā ti sabbāni pi imasmim dhammuddesavāre pañcasatthi dhammapadāni bhavanti. Tesu ekakkhaṇe kadāci ekasatthi bhavanti, kadāci samasatthi. Tāni hi sammāvācā-pūraṇādivasena uppattiyam pañcasu thānesu ekasatthi bhavanti. Tehi mutte ekasmim thāne samasatthi bhavanti,

thapetvā pana yevāpanake pāļiyam yathāvuttavasena gayhamānāni chapaņņāsa va honti.

Agahitagahanena pan' ettha phassapañcakam vitakko vicāro pīti cittekaggatā pañca indriyāni hiribalam ottappabalam ti dve balāni, alobho adoso ti dve mūlāni, kāyappasaddhi cittappassaddhī ti ādayo dvādasa dhammā ti samattimsa dhammā honti.

Tesu samattimsa dhammesu atthārasa dhammā avibhattikā honti, dvādasa savibhattikā. Katame atthārasa? Phasso, paññā, cetanā, vicāro, pīti, jīvitindriyam, kāyapassaddhiādayo dvādasā ti ime atthārasa avibhattikā. Vedanā, cittam, vitakko, cittekaggatā, saddhindriyam, viriyindriyam, satindriyam, paññindriyam, hiribalam, alobho, adoso ti ime dvādasa savibhattikā. Sesā satta dhammā dvīsu thānesu vibhattā, eko tīsu, dve catūsu, eko chasu, eko sattasu thānesu vibhatto. Katham? Cittam, vitakko, saddhā, hiri, ottappam, alobho, adoso ti ime satta dvīsu thānesu vibhattā. Etesu hi cittam tāva phassa-pañcakam patvā cittam hotī ti vuttam.

332. Indriyāni patvā manindriyan ti. Vitakko jhānangāni patvā vitakko hotī ti vutto. Maggangāni patvā sammāsankappo ti. Saddhā-indriyāni patvā saddhindriyam hotī ti vuttam. Balāni patvā saddhābalan ti, hiribalam patvā hiribalam hotī ti vuttā. Lokapāladukam patvā hirī ti. Ottappe ti es' eva nayo.

Alobho mūlam pana patvā alobho hotī ti vutto. Kammapatham patvā anabhijjhā ti. Adoso mūlam patvā adoso hotī ti vutto. Kammapatham patvā avyāpādo ti. Ime satta dvīsu thānesu vibhattā.

Vedanā pana phassapancakam patvā vedanā hotī ti vuttā. Jhānangāni patvā sukhan ti, indriyāni patvā somanassindriyam ti. Evam eko dhammo tīsu thānesu vibhatto.

Viriyam pana indriyāni patvā viriyindriyam hotī ti vuttam. Maggangāni patvā sammāvāyāmo ti, balāni patvā viriyabalam ti, pitthidukam patvā paggāho hotī ti.

Sati pi indriyāni patvā satindriyam hotī ti vuttā. Maggangāni patvā sammāsatī ti, balāni patvā satibalam ti, pitthidukam patvā sati hotī ti. Evam ime dve dhammā catūsu thānesu vibhattā.

Samādhi pana jhānangāni patvā cittass' ekaggatā hotī ti vutto. Indriyāni patvā samādhindriyan ti. Maggangāni patvā samādhindriyan ti. Balāni patvā samādhibalan ti, pitthidukam patvā samatho avikkhepo ti. Evam ayam eko dhammo chasu thānesu vibhatto.

Paññā pana indriyāni patvā paññindriyam hotī ti vuttā. Maggaṅgāni patvā sammādiṭṭhī ti, balāni patvā paññābalan ti, mūlāni patvā amoho ti, kammapatham patvā sammādiṭṭhī ti, piṭṭhidukam patvā sampajaññam vipassanā ti. Evam eva kho dhammo sattasu ṭhānesu vibhatto.

333. Sace pana koci vadeyya: 'Ettha anupubbam nāma natthi' hetthā gahitakam eva ganhitvā tasmim tasmim thāne padam pūritam ananusandhikā kathā uppaṭipāṭikā corehi ābhatabhaṇḍasadisā goyūthena gatamagge ālulitatiṇasadisā ajānitvā kathitā ti. So mā h'evan ti paṭisedhetvā vattabbo. Vuṭṭhānam desanā ananusandhikā nāma natthi. Sā na sandhikā va hoti ajānitvā kathitā pi natthi, sabbā jānitvā kathitā va. Sammāsambuddho hi tesam tesam dhammānam kiccam jānāti, tam ñatvā kiccavasena vibhattim āropento aṭṭhārasa dhammā ekekakiccā ti ñatvā ekekasmim ṭhāne vibhattim āropesi, satta dhammā dvedvekiccā ti ñatvā dvīsu dvīsu ṭhānesu vibhattim āropesi.

Tatr' idam opammam: Eko kira paņdito rājā rahogato cintesi: Imam rājakulasantakam na yathā vā tathā vā khāditabbam. Sippānucchavikam vetanam vaddhessāmī ti so sabbe sippike sannipātāpetvā 'ekekasippam pajānanako pakkosathā ti'āha. Evam pakkosiyamānā atthārasa janā utthahimsu, tesam ekekam pativimsam dāpetvā visajjesi. 'Dve sippāni jānantā āgacchantū ti' vutte pana satta janā āgamimsu. Tesam dve dve pativimse dāpesi. 'Tīni sippāni jānantā āgacchantū ti' vutte eko va āgacchi. Tassa tayo pativimse dāpesi. 'Cattāri sippāni jānantā āgacchantū ti' vutte dve janā āgamimsu. Tesam cattāri pativimse dāpesi. 'Pañca sippāni jānantā āgacchantū ti' vutte eko va āgacchi. 'Cha sippāni jānantā āgacchantū ti' vutte eko va āgacchi. 'Cha sippāni jānantā āgacchantū ti' vutte eko va āgacchi. 'Cassa cha pativimse dāpesi. 'Satta sippāni

jānantā āgacchantū ti' vutte eko va āgacchi. Tassa satta paṭiviṃse dāpesi. Tattha paṇḍito rājā viya anuttaro dhammarājā, sippajānanakā viya cittacittaṅgavasena pannā dhammā, sippānucchavikavetanavaḍḍhanaṃ viya kiccavasena tesaṃ tesaṃ dhammānaṃ vibhattiāropanaṃ sabbe pi pan' ete dhammā phassapañcakavasena jhānaṅgavasena indriyavasena maggaṅgavasena balavasena mūlavasena kammapathavasena lokapālavasena passaddhivasena lahutāvasena mudutāvasena kammaññatāvasena pāguññatāvasena ujjukatāvasena satisampajaññavasena samathavipassanāvasena paggāhavikkhepavasena sattarasa rāsiyo honti.

Dhammuddesavārakathā niţţhitā.

334. Idāni tān' eva dhammuddesavāre pālim ārūļhāni chapaņņāsa padāni vibhajitvā dassetum katamo tasmim samaye phasso hotī ti ādinā nayena niddesavāro āraddho.

Tattha pucchāya tāva ayam attho: Yasmim samaye kāmāvacarakusalam somanassasahagatam tihetukam asankhārikamahācittam uppajjati tasmim samaye phasso hotī ti vutto. Katamo so phasso ti iminā nayena sabbapucchāsu attho veditabbo.

Yo tasmim samaye phasso ti tasmim samaye yo phusanakavasena uppanno phasso so phasso ti. Idam phassassa sabhāvadīpanato sabhāvapadam nāma. Phusanā ti phusanākāro. Samphusanā ti phusanakaākāro va. Upasaggena padam vaḍḍhetvā vutto. Samphusitattan ti samphusitabhāvo. Ayam pan' ettha yojanā. Tasmim samaye phusanakavasena phasso. Yā tasmim samaye phusanā, yā tasmim samaye samphusanā, yam tasmim samaye samphusitattam athavā yo tasmim phusanavasena phasso añnenā pi ca pariyāyena phusanā, samphusanā, samphusattam ti vuccati. Ayam tasmim samaye phasso hotī ti vedanādīnam pi niddesesu iminā vasena padayojanā veditabbā.

Ayam pan' ettha sabbasādhāraņo vibhattivinicchayo.

335. Yān' imāni bhagavatā pathamam kāmāvacaraku-

¹ Dhs. § 2.

salamahācittam bhājetvā dassentena atirekapaññāsa padāni mātikāvasena thapetvā puna ekekam padam gahetvā vibhatti āropitā ti vibhattim gacchantāni tīhi kāraņehi vibhattim gacchanti, nānābhontāni catūhi kāraņehi nānābhavanti, aparadīpanā pan' ettha dve thānāni gacchati. Katham? Etāni hi vyañjanavasena upasaggavasena atthavasenā ti imehi tīhi kāraņehi vibhattim gacchanti.

Tattha kodho kujjhanā kujjhitattam, doso dussanā dussitattam ti evam vyanjanavasena vibhattigamanam veditabbam. Ettha hi eko va kodho vyanjanavasena evam vibhattim gato.

Cāro vicāro anuvicāro² ti evam pana upasaggavasena vibhattigamanam veditabbam.

Pandiccam kosallam nepuññam vebhavyā cintā upaparikkhā³ ti evam atthavasena vibhattigamanam veditabbam.

Tesu phassapadaniddese tāva imā tisso pi vibhattiyo labbhanti. Phasso phusanā ti hi vyañjanavasena vibhattigamanam hoti, samphusanā upasaggavasena, samphusitattam ti atthavasena. Iminā nayena sabbapadaniddesesu vibhattigamanam veditabbam.

336. Nānābhontāni pi pana nāmanānattena lakkhaņanānattena kiccanānattena paṭikkhepanānattenā ti imehi catūhi kāraņehi nānā honti. Tattha katamo tasmim samaye vyāpādo hoti? Yo tasmim samaye doso dussanā ti ettha vyāpādo ti vā doso ti vā dve pi ete kodho eva nāmena nānattam gatā ti. Evam nāmanānatte nānattam veditabbam.

337. Rāsatthena pañca pi khandhā eko va khandho hoti. Ettha pana rūpam ruppanalakkhaṇam, vedanā vedayitalakkhaṇā, saññā sañjānanalakkhaṇā, cetanā cetayitalakkhaṇā, viññāṇam vijānanalakkhaṇam ti iminā lakkhaṇanānattena pañca khandhā honti. Evam lakkhaṇanānattena nānattam veditabbam.

338. Cattāro sammappadhānā: Idha bhikkhu anuppannānam pāpakānam akusalānam dhammānam anuppādāya

¹ Dhs. § 1060. ² Dhs. § 8. ³ Dhs. § 16.

— pe — cittam pagganhāti padahatī ti ekam eva viriyam kiccanānattena catusu thānesu āgatam eva kiccanānattena nānattam veditabbam.

Cattāro asaddhammā kodhagarutā na saddhammā saddhammagarutā makkhagarutā na saddhammagarutā lābhagarutā na saddhammagarutā, sakkāragarutā ti evamādisu pana paṭikkhepanānattena nānattam veditabbam.

Imāni pana cattāri nānattāni na phasse yeva labbhanti sabbesu pi phassapancakādisu labbhanti, phassassa hi phasso ti nāmam — pe — cittassa cittan ti. Phasso ca phusanalakkhano, vedanā vedayitalakkhanā, sannā sanjānanalakkhanā, cetanā cetayitalakkhanā, vinnānam vijānanalakkhanam. Tathā phasso phusanakicco, vedanā anubhavanakiccā, sannā sanjānanakiccā, cetanā cetanakiccā. vinnānam vijānanakiccan ti evam kiccanānattena nānattam veditabbam.

Patikkhepanānattam phassapancamake natthi. Alobhādiniddese pana alobho, alubbhanā, alubhitattam ti ādinānayena labbhatī ti evam patikkhepanānattena nānattam veditabbam.

Evam sabbapadaniddesesu labbhamānavasena catubbidham pi nānattam veditabbam.

339. Aparadīpanā pana padatthuti vā hoti daļhīkammam vā ti evam dve thānāni gacchati. Yatthikotiyā uppīļentena viya hi sakim eva phasso ti vutte etam padam phullitamanditavibhūsitam nāma na hoti.

Punappuna vyanjanavasena upasaggavasena atthavasena phasso phusanā samphusitattam ti vutte phullitamaņditavibhūsitan nāma hotī ti. Yathā hi daharam kumāram nhāpetvā manoramam vattham paridahāpetvā pupphāni pilandhāpetvā akkhīņi anjetvā ath'assa nalāte ekam eva manosilābindum kareyyum tassa na ettāvatā cittatilako nāma hoti, nānāvannehi pana parivāretvā bindusu katesu cittatilako nāma hoti, evamsampadam idam veditabbam. Ayam padatthuti nāma.

Vyanjanavasena upasaggavasena atthavasena ca punappuna bhananam eva dalhīkammam nāma.

Yathā hi āvuso ti vā bhante ti vā yakkho ti vā sappo

ti vā vutte daļhīkammam nāma na hoti, āvuso āvuso bhante yakkho yakkho sappo sappo ti vutte pana daļhīkammam nāma hoti, evam evam sakid eva yatthikotiyā uppīļentena viya phasso ti vuttapade daļhīkammam nāma hoti.

Punappuna vyanjanavasena upasaggavasena atthavasena ca punappuna phasso phusanā samphusanā samphusitattam ti vutte yeva daļhīkammam nāma hotī ti.

Evam aparadīpanā dve thānāni gacchati, etassa pi vasena labbhamānakapadaniddesesu sabbattha attho veditabbo.

Ayam tasmim samaye phasso hotī ti yasmim samaye pathamam kāmāvacaram mahākusalacittam uppajjati tasmim samaye ayam phasso nāma hotī ti. Ayam tāva phassapadaniddesassa vaṇṇanā. Ito paresu pana vedanādipadānam niddesesu visesamattam eva vaṇṇayissāma. Sesam idha vuttena nayen' eva veditabbam.

340. Yam tasmim samaye ti ettha kiñcā pi katamā tasmim samaye vedanā ti āraddham sātapadavasena pana yan ti vuttam.

Tajjā manoviñāāṇadhātu samphassajan ti ettha tajjā vuccati tassa sātassa sukhassa anucchavikā sarūpā. Anucchavikattho pi hi ayam tajjā-saddo hoti. Yathāha: Tajjam tassā sarūpam katham mantetī ti tehi rūpādīhi ārammaņehi imassa ca sukhassa paccayehi jānātī ti tajjā.

Manoviññāṇam eva nissattaṭṭhena dhātū ti manoviññāṇadhātu. Samphassato jātaṃ samphasso vā jātan ti samphassajaṃ.

Cittanissitattā cetasikam, madhuratthena sātam idam vuttam hoti.

Yam tasmim samaye yathāvuttena atthena tajjāya manoviññānadhātuyā samphassajam cetasikam sātam ayam tasmim samaye vedanā hotī ti evam sabbapadehi saddhim yojanā veditabbā.

Idāni cetasikam sukhan ti ādisu cetasikam padena kāyikam sukham patikkhipati, sukhapadena cetasikam dukkham cetosamphassajan ti cittasamphassajātam sātam sukham

¹ Dhs. § 3.

vedayitan ti sātam vedayitam na asātam vedayitam, sukham vedayitam na dukkham vedayitam parato tīni padāni itthilingavasena vuttāni sātā vedanānam asātā sukhavedanā na dukkhā ti ayam eva pan' ettha attho.

341. Saññāniddese tajjā manoviññāṇadhātu samphassajā ti tassā kusalasaññāya anucchavikamanoviññāṇadhātuyā samphassamhi jātā saññā ti sabhāvanāmam, sañjānanā ti sañjānanākāro, sañjānitattam ti sañjānitabhāvo.

342. Cetanāniddese 2 pi iminā va nayena veditabbo.

343. Cittaniddese ³ cittacittatāya cittam ārammaņam minamānam jānātī ti mano. Mānasan ti mano eva. Antalikkhacaro pāso yvāyam carati mānaso ti. Ettha pana sampayuttakadhammo mānaso ti vutto.

Katham hi bhagavā tuyham sāvako sāsane rato | appattamānaso sekho kālam kayirā jane sutā ti || 4 ettha arahattam mānasam ti vuttam. Idha pana mano va mānasam. Vyanjanavasena h'etam padam vaddhitam.

Hadayam ti cittam. 'Cittam vā te khipissāmi hadayam vā te phālessamī ti' ettha uro hadayan ti vuttam. Hadayā hadayam maññe aññāya gacchatī ti ettha cittam.

Vakkam hadayan ti ettha hadayavatthu. Idha pana cittam eva abbhantaratthena hadayan ti vuttam.

Tam eva parisuddhatthena paṇḍaram. Bhavangam sandhāy' etam vuttam. Yathāha: Pabhassaram idam bhikkhave cittam tañ ca kho āgantukehi upakkilesehi upakkilitthan ti. Tato nikkhantattā pana akusalam pi Gangāya nikkhantā nadī Gangā viya Godhāvarīto nikkhantā Godhāvarī viya ca paṇḍaran tveva vuttam.

Mano manāyatanan ti idha pana manogahaṇam manass' eva āyatanabhāvadīpanattham. Ten' etam dīpeti. Na y'idam devāyatanam viya manassa āyatanattā manāyatanam. Atha kho mano eva āyatanam manāyatanan ti. Tattha nivāsaṭṭhānaṭṭhēna ākāraṭṭhēna samosaraṇaṭṭhā-

¹ Dhs. § 4. ² Dhs. § 5. ³ Dhs. § 6. ⁴ Dhp. 255, Samyutta I p. 121. ⁵ Anguttara 7, 3.

națțhena sanjātidesațțhena kāranațthena ca āyatanam veditabbam.

Tathā hi loke issarāyatanam vāsudevāyatanam ti ādīsu nivāsatthānam āyatanam ti vuccati, suvaņņāyatanam ratanāyatanam ti ādīsu ākāro. Sāsane pana 'manorame āyatane sevanti nam vihangamā ti 'ādīsu samosaraņatthānam dakkhiņāpatho' guņņam āyatanan ti ādīsu sanjātideso. Tatra tatr' eva sakkhibhabbatam pāpuņāti sati sati āyatane ti ādisu kāraņam.

Idha pana sañjātidesaţţhena samosaraṇaţţhena kāraṇaţthenā ti tividho pi vaţţati. Phassādayo hi dhammā ettha sañjāyantī ti sañjātidesaţţhena pi etam āyatanam.

Bahiddhā rūpasaddagandharasaphotthabbārammanabhāve pan' ettha osarantī ti samosaranatthānena pi āyatanam, phassādīnam pana sahajātādipaccayatthena kāranattā kāranatthena pi āyatanan ti veditabbam.

Manindriyam vuttattham eva.

Vijānātī ti viññāṇam. Viññāṇam eva khandho viññāṇakkhandho. Tassa rāsiādivasena attho veditabbo. 'Mahāudakakkhandho tveva saṅkham gacchatī ti' ettha rāsaṭṭhena khandhajo vutto. Sīlakkhandho samādhikkhandho ti ādisu guṇaṭṭhena. 'Addasa kho bhagavā mahantam dārukkhandham ti' ettha paññattimattaṭṭhena. Idha pana rūḷhito khandho vutto. Rāsaṭṭhena hi viññāṇakkhandhassa ekadeso ekam viññāṇam. Tasmā yathā rukkhassa ekam desam chindanto 'rukkham chindatī ti' vuccati evam eva viññāṇakkhandhassa ekadesabhūtam ekam pi viññāṇam rūḷhito viññāṇakkhandho ti vuttam.

Tajjā manoviññāṇadhātū ti tesam phassādīnam dhammānam anucchavikā manoviññāṇadhātu. Imasmim hi pade ekam eva cittam minanaṭṭhena mano, vijānanaṭṭhena viññāṇam, sabhāvaṭṭhena nissattaṭṭhena vā dhātū ti tīhi nāmehi vuttam.

Iti imasmim phassapañcake phasso nāma va. Yasmā phasso evam tajjā manoviñnānadhātu samphassajā ti cittañ ca. Yasmā tajjā manoviñnānadhātu evam tasmā imasmim

¹ Majjhimanikāya p. 496.

padadvaye tajjā manoviñnāṇadhātu samphassajā pañnatti na āropitā.

Vitakkapadādisu pana labbhamānā pi dhammaparicchinnattā na uddhaṭā imesañ ca phassapañcakānam dhammānam pāṭiekkam vinibbhogam katvā paññattim uddharamānena bhagavatā dukkaram katam. Nānā-udakānam hi nānātelānam vā ekabhājane pakkhipitvā divasanimmathitānam vaṇṇagandharasānam nānatāya disvā vā ghāyitvā sāyitvā vā nānākaraṇam sakkā bhaveyya ñātum. Evam sante pi tam dukkaran ti vuttam.

Sammāsambuddhena pana imesam arūpīnam cittacetasikānam dhammānam ekārammaņe vattamānānam pāţiekkam pāţiekkam vinibbhogam katvā paññattim uddharamānena atidukkaram katam.

Tenāhāyasmā Nāgasenatthero: Dukkaram mahārāja bhagavatā katam ti. Kim bhante Nāgasena bhagavatā dukkaram katam ti? Dukkaram mahārāja bhagavatā katam yam imesam arūpīnam cittacetasikānam dhammānam ekārammane vattamānānam vavatthānam akkhātam: ayam phasso, ayam vedanā, ayam saññā, ayam cetanā idam cittan ti.

Opammam karohī ti: Yathā, Mahārāja, kocid eva puriso nāvāya samuddam ajjhogahetvā hatthapuţena udakam gahetvā jivhāya sāyitvā jāneyya nu kho, Mahārāja, so puriso: idam Gaṅgāya udakam, idam Aciravatiyā udakam, idam Sarabhuyā udakam, idam Mahiyā udakam ti? Dukkaram bhante Nāgasena jānitum ti. Tato dukkarataram kho Mahārāja bhagavatā katam yam imesam arūpīnam cittacetasikānam dhammānam — pe — idam cittan ti.

344. Vitakkaniddese² takkanavasena vitakko. Tassa kittakam takkesi? Kumbhan takkesi, sakatan takkesi, yojanan takkesi, addhoyojanan takkesi ti evam takkanavasena pavatti veditabbā. Idam takkassa sabhāvapadam. Vitakkanavasena vitakko, balavataratakkass' etam nāmam. Suṭṭhu kappanavasena saṅkappo. Ekaggam cittam ārammane appentī ti appanā. Dutiyapadam upasaggavasena



¹ Mil. p. 87.

² Dhs. § 7.

vaddhitam. Balavatarā vā appanā vyappanā. Ārammaņe cittam abhiniropeti patithapetī ti cetaso abhiniropanā. Yāthāvatāya niyyānikatāya ca kusalābhāvappatto pasattho sankappo ti sammāsankappo.

345. Vicāraniddese ārammaņe caraņakavasena cāro. Idam assa sabhāvapadam. Vicāraņakavasena vicāro. Anugantvā vicāraņakavasena anuvicāro. Upagantvā vicāraņakavasena upavicāro ti. Upasaggavasena padāni vaḍḍhitāni. Ārammaņe cittam saram viya jiyāya anusandahitvā thapanato cittassa anusandhanatā. Ārammaņam anupekkhamāno viya tiṭṭhatī ti anupekkhatā. Vicāraṇakavasena vā upekkhaṇatā ti anupekkhaṇatā.

346. Pītiniddese pītī ti sabhāvapadam. Pamuditabhāvo pāmojjam. Āmodanākāro āmodanā, pamodanākāro pamodanā. Yathā vā bhesajjānam vā telānam vā unhodakasītodakānam vā ekato karaņam modanā ti vuccati evam ayam pi dhammānam ekatokaraņena modanā. Upasaggavasena pana vaddhetvā āmodanā pamodanā ti vuttā.

Hāsetī ti hāso. Pahāseti ti pahāso. Hatthapahatthākārānam etam adhivacanam. Vittī ti vittam, dhanass' etam nāmam. Ayam pana somanassa-paccayattā vitti, sarikkhatāya vitti. Yathā hi dhanino odanam paticca somanassam uppajjati evam pītimato pītim paticca somanassam uppajjati, tasmā vittī ti vuttā. Tutthisabhāvasanthitāya pītiyā etam nāma. Pītimā pana puggalo kāyacittānam uggatattā abbhuggatattā udaggo ti vuccati. Udaggassa bhāvo odagyam. Attano manatā attamanatā. Anabhiraddhassa hi mano dukkhapadatthānattā attano mano nāma hoti, abhiraddhassa sukhapadatthānattā attano mano nāma hoti, iti attano manatā attamanatā, sakamanatā sakamanassa bhāvo ti attho. Sā pana yasmā na aññassa kassaci attano manatā, cittass' eva pan' eso bhāvo cetasiko dhammo, tasmā attamanatā cittassā ti vuttā.

347. Ekaggatāniddese³ acalabhāvena ārammaņe titthatī ti thiti. Parato padadvayam upasaggavasena vaḍḍhitam. Api ca sampayuttadhamme ārammaṇamhi sampiṇḍetvā



¹ Dhs. § 8.

² Dhs. § 9.

³ Dhs. § 11.

titthatī ti santhiti. Ārammaņam ogāhitvā anupavisitvā titthatī ti avatthiti. Kusalapakkhasmim hi cattāro dhammā ārammaņam ogāhanti: saddhā sati samādhi paññā, ten'eva saddhā okappanā ti vuttā. Sati apilāpanatā ti samādhi avatthitī ti, paññā pariyogāhanā ti. Akusalapakkhe pana tayo dhammā ārammaņam ogāhanti: taņhā ditțhi avijja ti, ten' ev' ete ogha ti vutta. Cittekaggata pan' atthe balavatī hoti. Yathā hi rajutthānatthāne udakena visincitvā sammattho thokam eva kālam rajo sannisīdati, sukkhante sukkhante puna pakatibhāven' eva vutthāti, evam eva akusalapakkhe cittekaggatā na balavatī hoti. Yathā pana tasmim thāne ghatehi udakam āsincitvā kuddālen' eva khanitvā ākoţanamajjanam ghatţanāni katvā upalitte ādāse viya chāyā pañnāyati vassasatātikkame pi tam muhuttakam tam viya hoti evam eva kusalapakkhe cittekaggatā balavatī hoti. Uddhaccavicikicchāvasena pavattassa visāharassa paţipakkhato avisāhāro.

Uddhaccavicikicchāvasen' eva gacchantam cittam vikkhipati nāma. Ayam pana tathāvidho vikkhepo na hotī ti avikkhepo. Uddhaccavicikicchāvasen' eva cittam visāhaṭam nāma hoti, ito c'ito ca harīyati, ayam pana evam avisāhaṭassa mānasassa bhāvo ti avisāhaṭamānasatā. Samatho ti tividho samatho: cittasamatho, adhikaraṇasamatho, sabbasamkhārasamatho ti. Tattha aṭṭhasu samāpattīsu cittekaggatā cittasamatho nāma. Tam hi āgamma cittacalanam cittavipphanditam sammati vūpasammati, tasmā so cittasamatho ti vuccati. Sammukhā vinayādisattavidho adhikaraṇasamatho nāma. Tam hi āgamma tāni adhikaraṇāni sammanti vūpasammanti, tasmā so adhikaraṇasamatho ti vuccati.

Yasmā pana sabbe sankhārā nibbānam āgamma sammanti vūpasammanti tasmā so sabbasankhārasamatho ti vuccati.

Imasmim atthe cittasamatho ti vuccati. Adhippeto samādhilakkhaņe indattham kāretī ti samādhindriyam. Uddhacce na kampatī tī samādhibalam. Sammāsamādhī ti yathā samādhí kusalasamādhi.

348. Saddhindriyaniddese buddhādiguņena saddahanavasena saddhābuddhādīni va ratanāni saddahati pattiyāyatī ti saddhā. Saddahatī ti saddahanā. Buddhādīnam guņe ogāhati bhinditvā viya anupavisatī ti okappanā. Buddhādīnam guņesu etāya sattā ativiya pasīdanti sayam vā abhippasīdantī ti abhippasādo. Idāni yasmā saddhindriyādīnam samāsapadānam vasena aññasmim pariyāye āraddhe ādipadam gahetvā va padabhājanam karīyati ayam abhidhamme dhammatā, tasmā puna saddhā ti vuttam.

Yathā vā itthiyā indriyam itthindriyam na tathā idha idam pana saddhā va indriyam saddhindriyam ti. Evam samānādhikaraṇabhāvañāpanattham pi puna saddhā ti vuttam. Evam sabbapadaniddesesu ādipadassa puna vacane payojanam veditabbam. Adhimokkhalakkhaņe indaţţham kāretī ti indriyam, assaddhiye na kampatī ti saddhābalam.

349. Viriyindriyaniddese ² cetasiko ti. Idam viriyassa niyamato cetasikabhāvadīpanattham vuttam. Idam hi viriyam yadi pi bhikkhave kāyikam viriyam tad api viriyasambojjhango, yadi pi cetasikam viriyam tad api viriyasambojjhango ti. Iti hi idam uddesam gacchati. Evam ādi suttesu cankamādīni karontassa uppannatāya kāyikam ti vuccamānam pi kāyavinnānam viya kāyikam nāma, natthi cetasikam eva pan' etan ti dīpetum cetasiko ti vuttam.

Viriyārambho ti viriyasankhāto ārambho. Iminā sesārambhe paţikkhipati, ayam hi ārabbha saddo kamme āpattiyam kiriyāya viriye himsāya vikopane ti anekesu atthesu āgato.

Yam kiñci dukkham sambhoti sabbam ārambhapaccayā, ārambhānam nirodhena natthi dukkhassa sambhavo ti. Ettha hi kammam ārambho ti āgatam. Ārambho hoti vippatisārī ca hotī ti ettha āpatti.

Mahāyaññā mahārambhā na te honti mahapphalā ti ettha yūpussāpanādikiriyā.

² Dhs. § 12. ² Dhs. § 13. ³ yaññussāpanādikiruyā **M.**

Ārabhatha, nikkhamatha, yunjatha buddhasāsane ti ettha viriyam.

Samanam Gotamam uddissa pāņam ārabhantī ti ettha himsāyam.

Bījagāmabhūtagāmasamārambhā paṭivirato hotī ti ettha chedanabhañjanādīnam vikopanam. Idha pana viriyam eva adhippetam. Tena hi viriyārambho ti viriyasankhāto ārambho ti. Viriyam hi ārabhanakavasena ārambho ti vuccati, idam assa sabhāvapadam. Kosajjato nikkhamanavasena nikkamo, param param thānam akkamanavasena parakkamo, uggantvā yāpanavasena ² uyyāmo, vyāyāmavasena vāyāmo, ussāhanavasena ussāho, adhimattussāhanavasena ussoļhi, thirabhāvatthena thāmo, cittacetasikānam dhāraṇavasena avicchedato vā pavattanavasena kusalasantānam dhārentī ti dhiti.

Aparo nayo: nikkamo c'eso kāmānam panudanāya, parakkamo c'eso bandhanacchedanāya, uyyāmo c'eso oghassa nittharaṇāya, vāyāmo c'eso pāraṅgamanaṭṭhena, ussāho c'eso pubbaṅgamanaṭṭhena, ussoļhi c'esā adhimattaṭṭhena, thāmo c'eso palighugghāṭanatāya, dhiti c'esā avaṭṭhitikāritāyā³ ti.

Kāmam taco nhārū ca aṭṭhi ca avasussatū ti evam pavattikālo asithilaparakkamanavasena asithilaparakkamanatā thiraparakkamo daļhīparakkamo ti attho. Yasmā pan' etam viriyam kusalakammakaraṇaṭṭhāne chandam na nikkhipati, dhuram na nikkhipati, na otāreti, na vissajjeti, anosakkhitamānasatam āvahati, tasmā anikkhittachandatā anikkhittadhuratā ti vuttam. Yathā pana najjādike udakasambhinnaṭṭhāne dhuravāhagoṇam gaṇhathā ti vadanti so jannunā bhūmim uppīļetvā pi dhuram vahati bhūmiyam patitum na deti evam viriyam kusalakammakaraṇaṭṭhāne dhuram ukkhipati paggaṇhāti, tasmā dhurasampaggāho ti vuttam.

Paggahalakkhane indattham kāretī ti viriyindriyam,

¹ Brahmajāla I. 1. 10. ² yānavasena G. T. ³ aṭṭhitikāriyāyā T. G.

kosajje na kampatī ti viriyabalam. Yathā va niyyānikakusalavāyāmo ti sammā vā yāmo.

350. Satindriyaniddese saraņakavasena sati. Idam satiyā sabhāvapadam. Punappuna saraņato anussaraņavasena anussati, abhimukham gantvā viya saraņato paţisaraņavasena paţissati, upasaggavasena vā padam vaḍḍhitamattam etam saraṇakākāro saraṇatā.

Yasmā pana saraṇatā ti tiṇṇam saraṇam pi nāmam, tasmā tam paṭisedhetum puna satigahaṇam katam. Satisaṅkhātā saraṇatā ti ayam h'ettha attho.

Sutapariyattigahanadhāranabhāvato dhāranatā. Anupavisanasankhātena ogāhanatthena apilāpanabhāvo apilāpanatā. Yathā hi lābukatāhādīni udake pilavanti na anupavisanti na tathā ārammaņe sati. Ārammaṇam hi esā anupavisati, tasmā apilāpanatā ti vuttā.

Cirakatacirasabhāsitānam na pammussanabhāvato apammussanatā. Upatthānalakkhaņe indattham kāretī ti satindriyam. Satisankhātam indriyam satindriyam. Pamāde na kampatī ti satibalam. Yathā va sati niyyānikasati kusalā satī ti sammāsati.

351. Paññindriyaniddese² tassa tassa atthassa pākaṭa-karaṇa-saṅkhātena paññāpanaṭṭhena paññātena tena vā aniccādinā pakārena dhamme jānātī ti paññā. Imassa sabhāvapadam pajānākāro pajānanā. Aniccādīni vicinātī ti vicayo. Pavicayo ti upasaggena padam vaḍḍhitam. Catusaccadhamme vicinātī ti dhammavicayo. Aniccādīnam sallakkhaṇavasena sallakkhaṇā yeva. Upasagganānattena upalakkhaṇā paccupalakkhaṇā ti vuttā.

Panditassa bhāvo pandiccam. Kusalassa bhāvo kosallam. Nipunassa bhāvo nepuññam. Aniccādīnam vibhāvanabhāvavasena vebhavyā. Aniccādīnam cintanakavasena cintā. Yassa vā uppajjati tam aniccādilakkhaņam. Cintāpetī ti cintā. Aniccādīni upaparikkhatī ti upaparikkhā. Bhūrī ti pathaviyā nāmam. Ayam pi sanhacittatthena bhūri viyā ti bhūri, tena vuttam: bhūri vuccati

¹ Dhs. § 14. ² Dhs. § 16, Puggala Paññatti II, 18.

pathavī. Tāya pathavīsamāya vitthatāya vipulāya paññāya samannāgato ti bhūripañño ti.

Api ca paññāyam etam adhivacanam. Bhūrī ti bhūte atthe ramatī ti bhūri.

Asati viya sīluccaye kilese medhati himsatī ti medhā. Gahaņadhāraņatthena vā medhā yass' uppajjatī ti tam sattam hitam paṭipattiyam sampayuttadhamme yathāvalakhaṇapaṭivedho pariņetī ti pariṇāyikā.

Aniccādivasena dhamme vipassatī ti vipassanā. Sammāpakārehi aniccādīni jānātī ti sampajañāam. Uppathapatipanne sindhave vīthim āropanattham patodo viya. Uppathe dhāvanakūtacittam vīthim āropanattham vijjatī ti patodo viya. Patodo dassanalakkhaņe indattham kāretī ti indriyam. Paññāsankhātam indriyam pañnidriyam. Avijjāya na kampatī ti paññābalam. Kilesacchedanatthena paññā va sattham paññāsattham. Accuggatatthena paññā va pāsādo pañnāpāsādo. Ālokanatthena paññā va pāsādo pañnāpāsādo. Ālokanatthena paññā va āloko pañnā-aloko. Obhāsanatthena paññā va obhāso pañnā-obhāso. Pajjotatthena paññā va pajjoto pañnāpajjoto. Paññāvato hi ekapallankena nisinnassa dasasahassī lokadhātu ekālokā ekobhāsā ekapajjotā hoti.

Ten' etam vuttam: Imesu pana tīsu padesu ekapadena pi etasmim atthe siddhe yān' etāni cattāro me bhikkhave ālokā katame cattāro? Candāloko suriyāloko agyāloko paññāloko ime kho bhikkhave cattāro ālokā. Etadaggam bhikkhave imesam catunnam ālokānam yad idam paññā-āloko.

Tathā cattāro 'me bhikkhave obhāsā — cattāro 'me bhikkhave pajjotā ti sattānam ajjhāsayavasena suttāni desitāni. Tadanurūpen' eva idhā pi desanā katā. Attho hi anekehi ākārehi vibhajjamāno suvibhatto hoti. Aññathā ca añño bhuñjati añño tirati. Kārakaṭṭhena pana ratidāyakaṭṭhena ratijanakaṭṭhena cittikataṭṭhena dullabhapātubhāvaṭṭhena atulaṭṭhena anomasattaparibhogaṭṭhena paññā va ratanam paññāratanam.

Na tena sattā muyhanti sayam vā ārammane na muyhatī ti amoho. Dhammavicayapadam vuttattham eva. Kasmā pan' etam puna vuttan ti? Amohassa mohapaţi-

pakkhabhāvadīpanattham. Ten' etam dīpeti yvāyam amoho. So na kevalam mohato añño dhammo, mohassa pana paṭipakkho dhammavicayasankhāto amoho nāma idha adhippeto ti. Sammādiṭṭhi yathāvaniyyānikakusaladiṭṭhi.

352. Jīvitindriyaniddese vo tesam arūpīnam dhammānam āyū ti tesam sampayuttakānam arūpadhammānam yo āyāpanatthena āyu tasmim hi sati arūpadhammā ayanti gacchanti pavattanti, tasmā āyū ti vuccati. Idam assa sabhāvapadam.

Yasmā pan' ete dhammā āyusmim yeva sati tiţţhanti, thapenti, yāpenti, iriyanti, vattanti, pāliyanti tasmā ţhitī ti ādīni vuttāni. Vacanattho pan' ettha etāya tiţţhantī ti thiti, yāpentī ti yāpanā. Tathā yapanā evam bujjhantānam pana vasena purimapade rassattam katam.

Etāya iriyantī ti iriyanā, vattantī ti vattanā, pālentī ti pālanā, jīvantī ti jīvitam, anupālanalakkhaņe indaţţham kāretī ti jīvitindriyam.

353. Hiribalaniddese yam tasmim samaye ti yena dhammena tasmim samaye. Lingavipallasam va katva yo dhammo tasmim samaye ti pi attho veditabbo. Hiriyitabbena ti upayogatthe karanavacanam.

Hiriyitabbayuttakam kāyaduccaritādidhammam hiriyati jigucchatī ti attho. Pāpakānan ti lāmakānam akusalānam dhammānam ti akosalyasambhūtānam dhammānam samāpattiyā ti idam pi upabhogatthe karaṇavacanam. Tesam dhammānam samāpattim paṭilābhasamaṅgībhāvam hiriyati jigucchatī ti attho.

354. Ottappabalaniddese³ hetatthe karanavacanam ottapitabbayuttakena ottappassa hetubhütena kāyaduccaritādinā vuttappakārāya ca samāpattiyā ottappassa hetubhūtāya ottappati bhāvayatī ti attho.

355. Alobhaniddese 4 alubbhanakavasena alobho. Na lubbhatī ti pi alobho. Idam assa sabhāvapadam. Alubbhanā ti alubbhanākāro lobhasamangīpuggalo lubbhito nāma. Na lubbhito alubbhito.

² Dhs. § 19. ² Dhs. § 30, ³ Dhs. § 31. ⁴ Dhs. § 32.

Alubbhitassa bhāvo alubbhitattam. Sārāgapatikkhepato na sārāgo ti asārāgo. Asārajjanā ti asārajjanākāro, asārajjitassa bhāvo asārajjitattam.

Na abhijjhāyatī ti anabhijjhā. Alobho kusalamūlam ti alobhasankhātam kusalamūlam. Alobho hi kusalānam dhammānam mūlapaccayatthena pi kusalamūlam. Kusalan ca tam mūlapaccayatthena mūlam vā ti kusalamūlam.

Adosaniddese adussanakavasena adoso. Na dussatī ti pi adoso. Idam assa sabhāvapadam. Adussanā ti adussanākāro. Adussitassa bhāvo adussitattam.

Vyāpādapatikkhepato na vyāpādo ti avyāpādo. Kodhadukkhapatikkhepato na vyāpajjo ti avyāpajjo. Adosasankhātam kusalamūlam ti vuttattam eva.

356. Kāyapassaddhiniddesādisu vasmā kāyo ti tayo khandhā adhippetā. Tasmā vedanākhandassā ti ādi vuttam.

Passambhanti etāya te dhammā, vigatadarathā bhavanti samassāsappattā ti passaddhi. Dutiyapadam upasaggavasena vaḍḍhitam. Passambhanā ti passambhanākāro. Dutiyapadam upasaggavasena vaḍḍhitam. Passaddhisamangitā ti paṭippassambhitassa khandhattayassa bhāvo patippassambhitattam. Sabbapadehi pi tiṇṇam khandhānam kilesadarathapaṭippassaddhi eva kathitā. Dutiyanayena viññāṇakkhandhassa darathapaṭippassaddhi katā.

357. Lahupariṇāmatā² ti lahukākāro. Lahupariṇāmatā ti lahupariṇāmo etesam dhammānan ti lahuparināmo. Tesam bhāvo lahupariṇāmatā. Sīgham sīgham parivattanasamatthatā ti vuttam hoti.

Adandhanatā ti garubhāvapatikkhepavacanam etam. Abhāriyatā ti attho.

Avitthanatā ti thīnamiddhādikilesabhārassa abhāvena atthaddhatā.

Evam tinnam khandhanam lahukakaro kathito.

358. Dutiyā yena viññāṇakkhandhassa³ lahukākāro kathito.

¹ Dhs. § 40 ff. ² Dhs. § 42. ³ Dhs. § 43.

359. Mudutā i ti mudubhāvo. Maddavatā ti maddavam vuccati. Siniddhamaddave mudu, tassa bhāvo maddavatā.

Akakkhalatā ti akakkhalabhāvo, akathinatā ti akathinahhāvo. Idhā pi purimanayena tinnam khandhānam, pacchimanayena viñnānakkhandhassa mudukākāro kathito.

360. Kammaññatā² ti kammasādutā. Kusalakiriyāya viniyogakkhamatā ti attho. Sesapadadvayam vyañjanavasena vaddhitam. Padadvayenā pi hi purimanaye tinnam khandhānam, pacchimanaye viññānakkhandhassa kammaniyākāro va kathito.

. 361. Pāguññatā³ ti paguņabhāvo. Anāturatā niggilānatā ti attho. Sesadvayam vyanjanavasena vaddhitam.

ldhā pi purimanayena tinnam khandhānam, pacchimanayena viññāṇakkhandhassa niggilānākāro va kathito.

362. Ujjukatā4 ti ujukabhāvo. Ujuken' ākārena pavattanatā ti attho. Ujukassa khandhattayassa viññāņakkhandhassa bhāvo ujjukatā.

Ajim hatā ti gomuttavankabhāvapaţikkhepo. Avankatā ti candalekhāvankabhāvapaţikkhepo. Akuţilatā ti nangalakoţivankabhāvapaţikkhepo. Yo hi pāpam katvā va 'na karomī ti' bhāsati so gantvā paccosakkanatāya gomuttavanko nāma hoti, yo karonto va 'bhāyām' aham pāpassā ti' bhāsati so yebhuyyena kuţilatāya candalekhāvanko nāma hoti, yo karonto va kho 'pāpassa na bhāyeyyā ti' bhāsati senānikuţilatāya nangalakoţivanko nāma hoti. Yassa vā tīṇi pi kammadvārāni asuddhāni so gomuttavanko nāma hoti, yassa yāni kānici dve so candalekhāvanko nāma, yassa yam kinci ekam so nangalakoţivanko nāma.

Dīghabhāṇakā panāhu: Ekacco hi bhikkhave paṭhamavaye ekavīsatiyā anesanāsu chasu ca agocaresu carati ayam gomuttavaṅko nāma.

363. Eko pathamavaye catupārisuddhisīlam pūreti, lajjī kukkuccako sikkhākāmo hoti, majjhimavaye purimasadiso

¹ Dhs. § 44. ² Dhs. § 46 ff. ³ Dhs. § 48 f. ⁴ Dhs. § 50.

ayam candakoţivanko nāma. Eko paţhamavaye pi majjhimavaye pi catupārisuddhisīlam pūreti lajjī kukkuccako sikkhākāmo hoti pacchimavaye purimasadiso ayam nangalakoţivanko nāma. Tassa kilesavasena eva vankakassa puggalassa bhāvo jimhatā vankatā kuţilatā ti vuccati. Tāsam paţikkhepavasena ajimhatādikā vuttā khandhā diţţhā nāma desanā katā. Khandhānam hi etā ajimhatādikā no puggalassā ti evam sabbe pi imehi padehi purimanaye tinnam khandhānam, pacchimanaye vinnāṇakkhandhassā ti arūpīnam dhammānam nikkilesatāya ujjukākāro kathito ti veditabbo.

Idāni yvāyam yevāpanā ti appanāvāro vutto. Tena dhammuddesavāre dassitānam yevāpanakānam yeva sankhepato niddeso kato hotī ti.

Niddesavārakathā niţţhitā.

364. Etthävatä pucchäsamayaniddeso dhammuddeso appanä ti uddesaväre catühi paricchedehi, pucchäsamayaniddeso dhammaniddeso appanä ti niddesaväre catühi paricchedehī ti atthaparicchedapatimandito dhammavavatthänaväro nitthito hoti.

Idāni tasmim kho pana samaye cattāro khandhā hontī ti sangahavāro āraddho. So uddesa-niddesa-paţi-niddesānam vasena tividho hoti.

Tattha tasmim kho pana samaye cattāro khandhār ti evamādiko uddeso. Katame tasmim samaye cattāro khandhār ti ādiko niddeso.

Katamo tasmim samaye vedanākkhandho³ ti ādiko paṭiniddeso ti veditabbo.

Tattha uddesavāre cattāro khandhā ti ādayo tevīsati koţţhāsā honti. Tesam evam attho veditabbo.

365. Yasmim samaye kāmāvacaram pathamam mahākusalacittam uppajjati, ye tasmim samaye cittangavasena uppannā thapetvā yevāpanake pālim ārūļhā atirekapannāsa dhammā te sabbe sangayhamānā rāsatthena cattāro khandhā



¹ Dhs. § 58.

² Dhs. § 59.

³ Dhs. 60.

honti, i hetthävuttena äyatanatthena dve vä äyatanäni i honti, sabhävatthena suññatatthena nissattatthena dve va dhätuyo i honti, paccayasankhätena äharanatthena tayo c'ettha dhammä ähärä honti, avasesä no ähärä.

Kim pan' ete aññamaññassa vā taṃsamuṭṭhānarūpassa vā paccayā hontī ti no na honti? Ime pana tathā vā honti aññathā vā ti samāne paccaye atirekapaccayā honti, tasmā āhārā ti vuttā. Katham etesu hi phassāhāro yesaṃ dhammānam avasesā cittacetasikā paccayā honti tesañ ca paccayo hotī ti sesā ca vedanā āharati.

Manosancetanāhāro tesan ca paccayo hoti tayo ca bhave āharati, vinnānāhāro tesan ca paccayo hoti patisandhināmarūpam ca āharati. Nanu ca so vipāko va, idam pana kusalavinnānan ti.

Kim cāpi kusalaviñnāṇam? Tam sarikkhatāya pana vinnāṇāhāro, tena vuttam: upatthambhakatthena vā ime tayo āhārā ti vuttā. Ime hi sampayuttakadhammānam kabalinkārāhāro viya rūpakāyassa upatthambhakavasena paccayā honti. Ten' eva vuttam: Arūpino āhārā sampayuttakānam dhammānam tamsamutthānānan ca rūpānam āhārapaccayena paccayo ti.

Aparo nayo: Ajjhattikā santī ti yā visesapaccayatā kabalinkārāhāro ca ime ca tayo dhammā āhārā ti vuttā. Viseso paccayo hi kabalinkārāhārabhakkhānam sattānam rūpakāyassa kabalinkāro āhāro nāma kāye vedanāya phasso viñnāṇassa ca no sancetanā nāmarūpassa vinnāṇam. Yathāha: Seyyathā pi bhikkhave ayam kāyo āhāratthitiko āhāram paticca titthati anāhāro no titthati yathā phassapaccayā vedanā vedanāpaccayā sankhārā sankhārapaccayā vinnāṇam vinnāṇapaccayā nāmarūpan ti.

366. Adhipatiyatthena pana atth' eva dhammā indriyāni honti na avasesā, tena vuttam: atth' indriyāni hontī ti.5

Upanijjhāyanatthena pañc' eva dhammā jhānangāni honti, tena vuttam: pañcangikam jhānam hotī ti.6



¹ Dhs. § 59—63. ² Dhs. § 64—66. ³ Dhs. § 67—69. ⁴ Dhs. § 70—73. ⁵ Dhs. § 74—82. ⁶ Dhs. § 83—88.

Niyyānaṭṭhena hetaṭṭhena ca pañca dhammā maggaṅgāni honti, tena vuttaṃ: pañcaṅgiko maggo hotī ti.¹

Kiñcā pi atthangiko ayam maggo, lokiyacitte pana ekakkhane tisso viratiyo na labbhanti. Tasmā pañcangiko ti vutto.

Nanu ca: yathā gatamaggo ti kho bhikkhu ariyass' etam atthangikass' etam atthangikassa maggassa adhivacanan ti imasmim sutte yath' eva lokuttaramaggo atthangiko pubbabhāgavipassanāmaggo pi tath' eva atthangiko ti.

Yathāgatamaggavacanena imass' atthassa dīpitattā lokikamaggena pi atthangikena bhavitabban ti? Na bhavitabbam. Ayam hi suttantadesanā nāma pariyāyadesanā. Ten'evāha: Pubbe va kho pan' assa kāyakammam vacīkammam ājīvo suparisuddho hotī ti. Ayam pana nippariyāyadesanā. Lokiyacittasmim hi tisso viratiyo ekakkhaņe labbhanti, tasmā pancangiko va vutto ti.

Akampiyatthena pana satt' eva dhammā balāni² honti, mūlatthena tayo dhammā hetū,³ phusanakatthena eko va dhammo phasso,⁴ vedayitatthena eko va dhammo cittam,⁵ rāsatthena dve va, vedayitatthena ca eko va vedanākhandho, rāsatthena sañjānanatthena eko va sañkhārakkhandho,⁵ rāsatthena abhisankaranatthena eko va sankhārakkhandho,⁵ rāsatthena cittacittatthena eko va viñnāṇakkhandho ³ vijānanatthena ceva hetthā vuttam. Ayatanatthena ca ekam eva manāyatanam,⁵ vijānanatthena adhipatiyatthena ekam eva manindriyam,¹o vijānanatthena sabhāvasuññatanissattatthena eko va dhammo manoviñnāṇadhātu¹¹ nāma hoti, na avasesā thapetvā pana cittam.

Yathāvuttena atthena avasesā sabbe pi dhammā ekam dhammāyatanam¹² eva ekā va dhammadhātu.¹³ Ye vā pana tasmim samaye ti iminā pana appanāvārena idhā pi heṭṭhā vuttā yevāpanakā saṅgahitā va yathā ca idha evam

¹ Dhs. § 89—94.	² Dhs. § 95—102.	³ Dhs. § 103—106.
4 Dhs. § 107.	⁵ Dhs. § 111.	⁶ Dhs. § 112.
⁷ Dhs. § 114.	⁸ Dhs. § 115.	9 Dhs. § 116.
¹⁰ Dhs. § 117.	11 Dhs. § 118.	¹² Dhs. § 119.
·	¹³ Dhs. § 120.	·

sabbattha, ito param hi etthakam pi na vicārayissāma. Niddesapatiniddesavāresu hetthāvuttanayen' eva attho veditabbo.

Sangahavāro niţţhito.

Koţţhāsavāro ti pi etass' eva nāmam.

367. Idāni tasmim kho pana samaye dhammā hontī ti suñnatavāro āraddho. So uddesaniddesavasena dvidhā va thito.

Tattha uddesavāre dhammā hontī ti iminā saddhim catuvīsati kotthāsā honti, sabbakotthāsesu ca cattāro dve tayo ti gaṇaparicchedo na vutto. Kasmā? Saṅgahavāre paricchinnattā.

Tattha paricchinnā dhammā yeva hi idhā pi vuttā. Na h'ettha sassato bhāvo attā vā upalabbhati dhammā vā. Ete dhammamattā 2 asārā apariņāyakā ti imissā suñnatāya dīpanattham vuttā. Tasmā evam ettha attho veditabbo.

Yasmim samaye kāmāvacaram pathamam mahākusalacittam uppajjati tasmim samaye cittangavasena uppannā atirekapañūāsa dhammā sabhāvatthena dhammā eva honti. Na añño koci satto vā bhāvo vā poso vā puggalo vā hotī ti. Tathā rāsatthena khandhā va hontī ti. Evam purimanayen' eva sabbapadesu atthayojanā veditabbā.

Yasmā pana jhānato añnam jhānangam maggato vā añnam maggangam natthi tasmā idha jhānam hoti, maggo hoti icceva vuttam.

Upanijjhāyanatthena hi jhānam eva hetatthena maggo va hoti na añño koci satto vā bhāvo vā ti evam sabbapadesu atthayojanā kātabbā. Niddesavāro uttānattho yevā ti.

Suñnatavaro nițțhito.

Niţţhitā ca tīhi mahāvārehi maṇḍetvā niddiţţhassa pathamacittassa atthavaṇṇanā.

368. Idāni dutiyacittādīni dassetum katame dhammā 3 ti ādi āraddham. Tesu sabbesu pi pathamacitte vutta-

¹ Dhs. § 121. ² dhammamato G. ³ Dhs. § 146.

nayen' eva tayo mahāvārā veditabbā. Na kevalam ca vārā eva pathamacitte vuttasadisānam sabbapadānam attho pi vuttanayen' eva veditabbo. Ito paramhi apubbapadavaṇṇanam yeva karissāma.

Imasmim tāva dutiyacittaniddese sasankhārenā ti idam eva apubbam. Tass' attho saha sankhārenā ti sasankhāro. Tena sasankhārena saussāhena sappayogena sa-upāyena sapaccayagahanenā ti attho.

Yena hi ārammaṇādīnam paccayagahaṇena pathamacittam uppajjati ten' eva sappayogena sa-upāyena idam uppajjati tass'eva uppatti veditabbā.

Idh' ekacco bhikkhu vihārapaccante vasamāno cetiyangaņasammajjanavelāya vā therūpatthānavelāya vā pattāya dhammasavanadivase vā sampatte 'mayham gantvā paccāgacchato atidūram bhavissati, na gamissāmī ti' cintetvā puna cintesi 'bhikkhussa nāma cetiyangaņam vā therūpatthānam vā dhammasavanam vā āgantum asārūpam, gamissāmā ti' gacchati tass' eva attano va payogena parena vā vattādīnam akaraņe ādīnavam karaņe ca ānisamsam dassetvā ovadiyamānassa niggahavasen' eva vā 'ehi idam karohī ti' kāriyamānassa uppannam kusalacittam sasankhārena paccayaggahaņena uppannam nāma hotī ti.

Dutiyacittam niţţhitam.

369. Tatiye citte¹ nāņena vippayuttan ti nāṇavippayuttam. Idam pi hi ārammaņe hatthapahattham hoti, paricchindananāṇam pan' ettha na hoti, tasmā idam daharakumārakānam bhikkhum disvā ayam thero mayhan ti vandanakāle ten' eva nayena cetiyavandanadhammasavanakālādisu ca uppajjatī ti veditabbam. Pāliyam pan' ettha sattasu thānesu pannā pariyāyati. Sesam pākatikam evā ti.

Tatiyam cittam.

370. Catutthacitte² pi es'eva nayo. Idam pana sasan-khārenā ti vacanato yadā mātāpitaro daharakumāre sīse gahetvā cetiyādīni vandāpenti te ca anatthikā samānā pi haţthapahatthā vandanti evarūpe kāle labbhatī ti veditabbam.

371. Pañcame³ upekkhāsahagatam ti upekkhāvedanāya



¹ Dhs. § 147. ² Dhs. § 148, 149. ³ Dhs. § 150—155.

sampayuttam. Idam hi ārammaņe majjhattam hoti paricchindanakam ñāṇam p'ettha hoti yeva. Pāliyam pan' ettha jhānapañcake upekkhā hoti indriyaṭṭhake u pekkhindriyam¹ hotī ti vatvā sabbesam pi vedanāpadānam niddese sātāsātasukhadukkhapaṭikkhepavasena desanam katvā adukkhamasukhā vedanā kathitā.

Tassā majjhattalakkhaņe indaţţham kāraņavasena upekkhindriyabhāvo veditabbo. Idam paţipāţiyā ca ekasmim thāne pīti parihīnā. Tasmā cittangavasena pālim ārūļhā pañcapaṇṇās' eva dhammā honti. Tesam vasena sabbakoţţhāsesu sabbavāresu ca vinicchayo veditabbo. Chaţţhasattamaţţhamāni dutiyatatiyacatutthesu vuttanayena veditabbāni.

372. Kevalam hi imesu vedanāparivattanam eva pītiparihānañ ca hoti. Sesam saddhim uppattinayena tādisam eva. Karuṇāmuditāparikammakāle pi hi imesam uppatti Mahāatṭhakathāyam anuññātā. Eva imāni aṭṭha kāmāvacarakusalacittāni nāma. Tāni sabbāni pi dasahi puññakiriyavatthūhi dīpetabbāni. Katham? Dānamayam puññakiriyavatthu sīlamayam bhāvanāmayam apacitisahagatam veyyāvaccasahagatam pattānuppadānam abbhanumodanam desanāmayam savanamayam diṭṭhijjukammam puññakiriyavatthū ti. Imāni hi dasa puññakiriyavatthūni nāma.²

Tattha dānam eva dānamayam puññakiriyā ca. Sā tesam tesam ānisamsānam vatthu cā ti puññakiriyavatthu. Sesesu pi es' eva nayo. Tattha cīvarādisu catusu paccayesu rūpādīsu vā chasu ārammaņesu annādisu vā dasasu dānavatthusu tan tam dentassa tesam uppādanato paṭṭhāya pubbabhāge pariccāgakāle pacchā somanassacittena anussaraṇakāle cā ti tīsu kālesu pavattā cetanā dānamayam puññakiriyavatthu nāma.

Pañcasīlam samādiyantassa pabbajjissāmī ti vihāram gacchantassa pabbajantassa manoratham matthakam pāpetvā pabbajito va tamhi sādhu suṭṭhū ti āvajjantassa pātimokkham samvarantassa cīvarādayo paccaye paccavekkhantassa āpāthagatesu rūpādisu cakkhudvārādīni sam-

¹ Dhs. § 194.

² Mahāvyutpatti 93.

varantassa ājīvam sodhentassa pavattā cetanā sīlamayam puññakiriyavatthu.

Paţisambhidāya vuttena vipassanāmaggena cakkhum aniccato dukkhato anattato bhāventassa — pe — manam — pe — rūpe — pe — dhamme cakkhuviñnāṇam — pe — manoviñnāṇam cakkhusamphassajam — pe — manosamphassajam vedanam rūpasañnam — pe — jarāmaraṇam aniccato dukkhato anattato bhāventassa pavattā cetanā aṭṭhatiṃsāya vā ārammaṇesu appanam appattā sabbā pi cetanābhāvanāmayam puñnakiriyavatthu nāma.

Mahallakam pana disvā paccuggamanam pattacīvarapāṭiggahaṇam abhivācaggasampadānādivasena apacitisahagatam veditabbam.

Buddhatarānam vattapativattakaraņavasena gāmam piņdāya pavittham bhikkhum disvā pattam gahetvā gāme bhikkham samādapetvā upasamharaņavasena 'gaccha bhikkhu. tam pattam āharā ti' sutvā vegena gantvā pattaharaņādivasena ca kāyaveyyāvatikakāle veyyāvaccasahagatam veditabbam.

Dānam datvā gandhādīhi pūjam katvā asukassa nāma patti hotū ti vā sabbasattānam hotū ti vā pattim dadato pattānuppadānam veditabbam.

Kim pan' evam pattim dadato punnakkhayo hotī ti? Na hoti. Yathā pana ekam padīpam jāletvā tato dīpasahassam jālentassa paṭhamadīpo khīņo ti na vattabbo, purimālokena pana saddhim pacchimāloko ekato hutvā atimahā hoti, evam evam pattim dadato parihāni nāma n'atthi, vaḍḍhi yeva pana hotī ti veditabbā. Parehi dinnāya pattiyā vā annāya vā punnakiriyāya sādhu suṭṭhū ti anumodanavasena abbhanumodanam veditabam.

Eko evam dhammakathiko ti mam jānissantī ti icchāya thatvā lābhagaruko hutvā deseti tam na mahapphalam eko attano paguņam dhammam apaccasimsamāno vimuttāyatanasīsena paresam deseti idam desanāmayam puññakiriyavatthu.

Eko suņanto iti mam sabbe jānissantī ti suņāti tam na mahapphalam eko evam me mahapphalam bhavissatī ti hitapharaņena muducittena dhammam suņāti idam savanamayam puñāakiriyavatthu nāma.

Ditthim ujum karontassa ditthi-ujjukammam puññakiriyavatthu nāma.

Dīghabhāṇakā panāhu: Diţţhujjukammam sabbesam niyamanalakkhaṇam. Yam kiñci puññam karontassa hi diţţhiyā ujukabhāven' eva mahapphalam hotī ti.

373. Etesu pana puñnakiriyavatthusu dānamayam nāma 'dānam dassāmī ti' cintentassa uppajjati, dānam dadato uppajjati, 'dinnam me ti' paccavekkhantassa uppajjati. Evam pubbacetanā muncanacetanā ti tisso pi cetanā ekato katvā dānamayam punnakiriyavatthu nāma hoti.

Sīlamayam pi 'sīlam pūressāmī ti' cintentassa uppajjatī ti, sīlapūraņakāle uppajjati, 'pūritam me ti' paccavekkhantassa uppajjatī ti tā sabbā pi ekato katvā sīlamayam puññakiriyavatthu nāma hoti — pe —. Diṭṭhujjukammam pi 'diṭṭhim ujukam karissāmī ti' cintentassa uppajjati, diṭṭhim ujum karontassa uppajjati, 'diṭṭhi me ujukā katā ti' paccavekkhantassa uppajjati. Tā sabbā pi ekato katvā diṭṭhujjukammapuñnakiriyavatthu nāma hoti.

Sutte pana tīni yeva puññakiriyavatthūni āgatāni. Tesu itaresam pi saṅgaho veditabbo. Apacitiveyyāvaccāni hi sīlamaye saṅgaham gacchanti.

Pattānuppadāna-abbhanumodanāni dānamaye, desanā-savanadiţţhujjukammāni bhāvanāmaye, ye pana diţţhujjukammam bhāvanāmaye sabbesam niyamanalakkhaṇam ti vadanti. Tesam tam tīsu pi saṅgaham gacchati evam etāni saṅkhepato tīni hutvā vitthārato dasa honti. Tesu 'dānam dassāmī ti' cintento aṭṭhannam kāmāvacarakusalacittānam aññataren' eva cinteti, dadamāno pi tesam yeva aññatarena deti, 'dānam me dinnan ti' paccavekkhanto pi tesam yeva aññatarena paccavekkhati. 'Sīlam pūressāmī tī' cintento pi tesam yeva aññatarena cinteti, sīlam pūrento pi tesam yeva aññatarena pūreti, 'sīlam me pūritam ti' paccavekkhanto pi tesam yeva aññatarena paccavekkhati.

'Bhāvanam bhāvessāmī ti' cintento tesam yeva aññatarena cinteti, bhāvento pi tesam yeva aññatarena bhāveti, 'bhāvanā me bhavitā ti' paccavekkhanto pi tesam yeva aññatarena paccavekkhati.

'Jeţţhāpacitikammam karissāmī ti' cintento pi tesam yeva aññatarena cinteti, karonto pi tesam yeva aññatarena karoti, 'katam me ti' paccavekkhanto pi tesam yeva aññatarena paccavekkhati.

'Kāyaveyyāvaṭikakammam karissāmī ti' cintento pi karonto pi, 'katam me ti' paccavekkhanto pi tesam yeva aññatarena paccavekkhati.

'Pattim dassāmī ti' cintento pi 'dinnam me ti' paccavekkhanto 'pattim vā sesakusalam vā anumodissāmī ti' cintento pi tasmim yeva aññatarena cinteti, anumodento pi tasmim yeva aññatarena anumodati 'anumoditam me ti' paccavekkhanto pi tesam yeva aññatarena paccavekkhati.

'Dhammam desissāmī ti' cintento tesam yeva aññatarena cinteti, desento tesam yeva aññatarena deseti, 'desito me ti' paccavekkhanto tesam yena aññatarena paccavekkhati.

'Dhammam sossāmī ti' cintento pi tesam yeva aññatarena cinteti, sunanto pi tesam yeva aññatarena sunāti, 'suto me ti' paccavekkhanto tesam yeva aññatarena paccavekkhati.

'Diţţhim ujum karissāmī ti' cintento pi tesam yeva añnatarena cinteti, ujum karonto pana catuttham nāṇam sampayuttānam añnatarena karoti, 'diţţhi me ujukā katā ti' paccavekkhanto aţţhannam annatarena paccavekkhati.

374. Imasmim thāne cattāri anantāni nāma gahitāni. Cattāri hi anantāni: Ākāso ananto, cakkavāļāni anantāni, sattakāyo ananto, buddhañāṇam anantam. Ākāsassa hi puratthimadisāya vā pacchimuttaradakkhiṇāsu vā ettakāni vā yojanasatasni ettakāni vā yojanasatasahassānī ti paricchedo natthi.

Sinerumattam pi ayokūtam pathavī dvidhā katvā hetthā-khittam sassate va no patittham labhetha, evam ākāsam anantam nāma. Cakkavāļānam pi satehi vā sahassehi vā paricchedo natthi. Sace pi hi Akanitthabhavane nibbattā daļhadhammadhanuggahassa lahukena asanena tiriyam tā-lacchāyam atikkamanamattena kālena ca cakkavālasatasahassasamatikkamanasamatthena javena samannāgatā cattāro

mahābrahmāno cakkavāļapariyantam passissāmī ti tena javena dhāveyyum, cakkavāļapariyantam adisvā va parinibbāyeyyum evam cakkavāļāni anantāni nāma.

Ettakesu pana cakkavāļesu udakatthakathalatthakasattānam pamāṇam natthi, evam sattakāyo ananto nāma. Tato pi buddhañāṇam anantam eva. Evam aparimāņesu chakkavāļesu aparimāņānam sattānam kāmāvacarasomanassasahagatañāṇasampayutta-asaṅkhārikakusalacittāni ekassa bahūni uppajjanti bahunam pi bahuni uppajjanti, tani sabbani pi kāmāvacaraţţhena somanassasahagataţţhena ñānasampayuttațțhena asankhārikațthena ekattam gacchathā ti ekavasomanassasahagatan tihetukasankhārikamahācittam hoti tathā sasankhārikamahācittam - pe - tathā upekkhāsahagatañānavippayutta-duhetukasasankhārika-cittam ti evam sabbāni pi aparimāņesu cakkavāļesu aparimāņānam sattānam uppajjamānāni kāmāvacarakusalacittāni sammāsambuddho mahātulāya tulayamāno viya kumbhe pakkhipitvā minamāno viya sabbañnutañanena paricchinditva atth' ev' etani ti sarikkhatthena atth' eva kotthase katva dassesi.

375. Puna imasmim thāne chabbidhena puññāyūhanam nāma gahitam. Puññam hi atthi sayamkāram, atthi paramkāram, atthi sāhatthikam, atthi ānattikam, atthi sampajānakatam, atthi asampajānakatam. Tam tattha attano dhammatāya katam sayamkāram nāma, param karontam disvā katam paramkāram nāma.

Sahatthena katam sāhatthikam nāma. Āṇāpetvā kāritam āṇattikam nāma. Kammañ ca phalañ ca saddahitvā katam sampajānakatam nāma, kammam pi phalam pi ajānitvā katam asampajāna katam nāma.

Tesu sayamkāram karonto pi sahatthena karonto pi āṇāpetvā karonto pi imesam aṭṭhannam kusalacittānam aññataren' eva karoti. Sampajānakaraṇam pana catūhi ñāṇasampayuttehi hoti, asampajānakaraṇam catūhi ñāṇavippayuttehi.

Aparā pi imasmim thāne catasso dakkhināvisuddhiyo gahitā: Paccayānam dhammikatā cetanāmahattam vatthusampatti gunātirekatā ti.

Tattha dhammena samena uppannā paccayā dhammikā nāma.

Saddahitvā okappetvā dadato pana cetanāmahattam nāma hoti. Khīņāsavabhāvo vatthusampatti nāma, khīņāsavass' eva nirodho vuţţhitabhāvo guṇātirekatā nāma. Imāni cattāri samodhānetvā dātum sakkontassa kāmāvacarakusalacittam imasmim yev' attabhāve vipākam deti Puṇṇakaseţthi Kākavaliya-Sumanāmālākārādīnam viya.

376. Sankhepato pana sabbam pi kāmāvacarakusalacittam cittan ti karitvā cittavicittatthena ekam eva hoti, vedanāvasena somanassasahagatam upekkhāsahagatam ti duvidham hoti, ñāṇavibhattidesanāvasena catubbidham hoti, somanassasahagatañāṇasampayuttam asankhārikamahācittam upekkhāsahagatañāṇasampayuttam asankhārikatmahācittam. Candanasampayuttatthena asankhārikathena ca ekam eva hoti, tathā ñāṇasampayutta - sasankhārikam ñāṇavippayutta - sasankhārikam rīkam cā ti evam ñāṇavibhatti-desanāvasena. Catubbidhe pan' etasmim asankhārasasankhāravibhattito cattāri asankhārikāni sasankhārikānī ti aṭṭh' eva kusalacittāni honti. Tāni yathāvato ñatvā bhagavā sabbañnū gaṇīvaro muniseṭṭho ācikkhati deseti paññāpeti paṭṭhapeti vicarati vibhajati uttānīkarotī ti.

Aţţhasāliniyā Dhammasangahaţţhakathāya kāmāvacara-kusalaniddeso samatto.

377. Idāni rūpāvacarakusalam dassetum katame dhammā kusalā ti² ādi āraddham. Tattha rūpūpapattiyā maggam bhāvetī ti. Rūpam vuccati rūpabhavo. Upapattī ti nibbatti jāti sañjāti. Maggo ti upāyo. Vacanattho pan' ettha tam upapattim maggati gavesati janeti nipphādetī ti maggo.

Idam vuttam hoti: Yena maggena rüpabhave upapatti hoti nibbatti jäti sañjäti tam maggam bhävetī ti. Kim pan' etena niyamato rüpabhave upapatti hoti? Na hoti. Samādhim bhikkhave bhävetha, samāhito yathābhūtam jānāti passatī ti. Evam vuttena hi nibbedhabhāgiyena rüpabhavātikkamo pi hoti. Rūpūpapattiyā pana ito añño maggo

² Dhp. p. 230 f. ² Dhs. § 160. Comp. Mahāvyutp. 67.

nāma natthi. Tena vuttam: rūpūpapattiyā maggam bhā-vetī ti.

Atthato cāyam maggo nāma cetanā pi hoti cetanāsampayuttadhammā pi tadubhayam pi nirayam cāham, Sāriputta, jānāmi nirayagāmim ca maggan ti hi ettha cetanāmaggo nāma.

Saddhāhiriyam kusalañ ca dānam | dhammā ete sappurisānuyātā | Etam hi maggam duvidham vadanti | etena hi gacchati devalokam. ||

Ettha cetanāsampayuttadhammā maggo nāma. Ayam bhikkhave maggo, ayam paṭipadā ti saṅkhārūpapatti. Suttādisu cetanā pi cetanāsampayuttadhammā pi maggo nāma. Imasmim pana ṭhāne jhānan ti vacanato cetanāsampayuṭtā adhippetā.

Yasmā pana jhānacetanā paţisandhim ākaddhati tasmā cetanā pi cetanāsampayuttadhammā pi vaddhanti yeva.

378. Bhāvetī ti janeti uppādeti vaddheti. Ayam tāva idha bhāvanāya attho. Añnattha pana upasaggavasena sambhāvanā paribhāvanā vibhāvanā ti. Evam añnathā pi attho hoti.

Tattha idh' Udāyi mama sāvakā adhisīle sambhāventi. Sīlavā samano Gotamo paramena sīlakkhandhena samannāgato ti. ayam sambhāvanā nāma okappanā ti attho.

Sīlaparibhāvito samādhimahapphalo hoti mahānisamso, samādhiparibhāvitā paññā mahapphalā hoti mahānisamsā, paññāparibhāvitam cittam sammā devo āsavehi vimuccatī ti ayam paribhāvanā nāma vāsanā ti attho.

Idha rūpam vibhāvehi saññam sankhāre viññānam vibhāvehī ti ayam vibhāvanā nāma antaradhāpanā ti attho.

Puna ca param Udāyi akkhātā mayā sāvakānam paţipadā yathā paţipannā me sāvakā cattāro satipaţţhāne bhāventī ti ayam pana uppādanavaḍḍhanaţţhena bhāvanā nāma. Imasmim pi ţhāne ayam eva adhippetā. Tena vuttam: bhāvetī ti janeti uppādeti vaḍḍhetī ti. Kasmā pan' ettha yathā kāmāvacarakusalacittaniddese dhammapubbaṅgamā va desanā katā tathā akatvā puggalapubbaṅ-

gamā katā ti? Paţipadāya sādhetabbato, idam hi catusu paţipadāsu aññatarāya sādhetabbam.

Na kāmāvacaram viya vinā paṭipadāya uppajjati paṭipadā ca nām' esā paṭipannake sati hotī ti ekam attham dassetum puggalapubbaṅgamam desanam karonto rūpūpapattiyā maggam bhāvetī ti āha.

379. Vivicc' eva kāmehī ti viviccitvā vinā hutvā apakkamitvā. Yo panāyam ettha evakāro so niyamattho ti veditabbo. Yasmā va niyamattho tasmā tasmim pathamam jhānam upasampajja viharanasamaye avijjamānānam pi kāmānam tassa pathamassa jhānassa patipakkhabhāvam kāmapariccāgen' eva c'assa adhigamam dīpeti. Katham? Vivicc' eva kāmehi. Evam hi niyame kayiramāne idam paññāyati. Nūnam assa jhānassa kāmā patipakkhabhūtā yesu sati idam na pavattati andhakāre sati padīpobhāso viya tesam pariccāgen' eva c'assa adhigamo hoti orimatīrapariccāgena pārimatīrass' eva tasmā niyamam karotī ti.

Tattha siyā: Kasmā pan' esa pubbapadesv eva vutto na uttarapade? Kim akusalehi dhammehi aviviccā pi jhānam upasampajja vihareyyā ti? Na kho pan' etam evam datthabbam, tam nissaranato hi pubbapade esa vutto. Kāmadhātusamatikkamanato hi kāmarāgapatipakkhato ca idam jhānam kāmānam eva nissaranam.

Yathāha: 'Kāmānam etam nissaraņam yad idam nekkhamman ti'. Uttarapade pi pana yathā idh'eva bhikkhave samaņo idha dutiyo samaņo ti ettha evakāro ānetvā vuccati evam vattabbo. Na hi sakkā ito añnehi pi nīvaraņasankhātehi akusalehi dhammehi avivicca jhānam upasampajja viharitum. Tasmā vivicc' eva kāmehi vivicca akusalehi dhammehī ti evam padadvaye pi esa datthabbo.

Padadvaye pi ca kincā pi viviccā ti iminā sādhāraņavacanena tadangavivekādayo kāyavivekādayo ca sabbe pi vivekā sangaham gacchanti. Tathā pi kāyaviveko cittaviveko vikkhambhanaviveko ti idha datthabbā.

380. Kāmehī ti. Iminā pana padena ye ca niddese katame vatthukāmā manāpiyā rūpā ti ādinā nayena vatthukāmā vuttā. Ye ca tatth' eva Vibhange chando kāmo

rāgo kāmo chandarāgo kāmo sankapparāgo kāmo ime vuccanti kāmā ti. Evam kilesakāmā vuttā te sabbe pi sangahitā icc'eva daṭṭhabbā.

Evam hi sati vivicc' eva kāmehī ti vatthukāmehi pi vivicc' evā ti attho yujjati. Tena kāyaviveko vutto hoti.

381. Vivicca akusalehi dhammehī ti kilesakāmehi sabbākusalehi vā viviccā ti attho yujjati. Tena cittaviveko vutto hoti.

Purimena c'ettha vatthukāmehi vivekavacanato eva kāmasukhapariggaho vibhāvito hoti. Evam vatthukāmakilesakāmavivekavacanato evañ ca etesam pathamena saṅkilesavatthuppahānam, dutiyena saṅkilesappahānam, pathamena lolabhāvassa hetupariccāgo, dutiyena bālabhāvassa pathamena ca payogasuddhi, dutiyena āsayaposanam vibhāvitam hotī ti pi ñātabbam.

Esa tāva nayo kāmehī ti ettha vatthukāmesu vatthukāmapakkhe, kilesakāmapakkhe pana chando ti ca rāge ti ca evamādīhi anekabhedo kāmacchando yeva kāmo ti adhippeto. Yo ca akusalapariyāpanno pi samāno tattha katamo kāmacchando kāmo ti ādinā nayena Vibhange jhānapatipakkhato visum vutto kilesakāmattā vā purimapade vutto.

Akusalapariyāpannattā dutiyapade anekabhedato v'assa kāmato ti avatvā kāmehi vuttam añnesam pi ca dhammānam akusalabhāve vijjamāne tattha katame akusalā dhammā kāmacchando ti ādinā nayena Vibhange upari jhānangapaccanīka-paṭipakkha-bhāvadassanato nīvaranān'eva vuttāni. Nīvaranāni hi jhānangapaccanīkāni, tesam jhānangān eva paṭipakkhāni viddhamsanakāni vighātakānī ti vuttam hoti.

Tathā hi samādhi kāmacchandassa patipakkho, pīti vyāpādassa, vitakko thīnamiddhassa, sukham uddhaccakukuccassa, vicāro vicikicchāyā ti peṭake vutṭam.

382. Evam ettha vivicc' eva kāmehī ti iminā kāmacchandassa vikkhambhanaviveko vutto hoti, vivicca akusalehi dhammehī ti iminā pañcannam pi nīvaranānam, agahitagahanena pana paṭhamena kāmacchandassa, dutiyena sesanīvaranānam. Tathā paṭhamena tīsu akusalamūlesu pañcakāmaguṇabhedavisayassa lobhassa, dutiyena āghāta-

vatthubhedādivisayānam dosamohānam oghādisu vā dhammesu, pathamena kāmena kāmoghakāmayogakāmāsavakāmupadāna-abhijjhā-kāyaganthakāmarāgasaññojanānam, dutiyena avasesa - oghayogāsava - upādānaganthasaññojanānam, pathamena taṇhāya taṃsampayuttakānam ca dutiyena avijjāya taṃsampayuttakānam ca. Api ca pathamena lobhasampayutta - aṭṭha - cittuppādānam, dutiyena sesānam catunnam akusala-cittuppādānam vikkhambhanaviveko vutto hotī ti veditabbo.

Ayam tāva vivicc' eva kāmehi vivicca akusalehi dhammehī ti ettha atthappakāsanā. Ettāvatā ca paṭhamassa jhānassa pahānaṅgam dassetvā idāni sampayogaṅgam dassetum savitakkam savicāram ti ādi vuttam.

Tattha hetthāvuttalakkhanādivibhāgena appanāsampayogato rūpāvacarabhāvam pattena vitakkena c'eva vicārena ca saha vattati rukkho viya pupphena ca phalena cā ti idam jhānam savitakkam savicāran ti vuccati. Vibhange pana iminā ca vitakkena iminā ca vicārena upeto hoti samupeto ti ādinā nayena puggalādhitthānā desanā katā. Attho pana tatrā pi evam eva datthabbo.

383. Vivekajan ti. Ettha vivitti viveko nīvaraņavigamo ti attho. Vivitto ti vā viveko, nīvaraņavivitto jhānasampayuttadhammarāsī ti attho. Tasmā vivekā tasmim vā viveke jātan ti vivekajam.

384. Pītisukhan ti. Ettha pītisukhā ti heṭṭhā pakāsitān' eva tesu vuttappakārāya pañcavidhāya pītiyā appanāsamādhissa mūlam hutvā vaḍḍhamānā samādhisampayogam gatā pharaṇapīti. Ayam imasmim atthe adhippetā
pīti iti. Ayañ ca pīti idam ca sukham assa jhānassa
asmim vā jhāne atthi ti idam jhānam pītisukham ti vuccati.

Athavā pīti ca sukham ca pītisukham. Dhammavinayādayo viya vivekajam pītisukham assa jhānassa asmim vā jhāne atthī ti evam pi vivekajam pītisukham yath'eva hi jhānam evam pītisukham p'ettha vivekajam eva hoti tañ c'assa atthi. Tasmā ekapaden' eva vivekajam pītisukham ti vattum yujjati. Vibhange pana idam pana sukham imāya pītiyā sahagatan ti ādinā na vuttam. Attho pana tatthā pi evam eva daṭṭhabbo.

385. Pathamam jhānam ti. Ettha gaṇanānupubbatā. Pathamam uppannan ti pi pathamam, pathamam samāpajjitabbam ti pi pathamam. Idam pana na ekantalakkhaṇam. Ciṇṇavāsibhāvo hi aṭṭha samāpaṭṭilābhī ādito paṭṭhāya matthakam pāpento pi samāpajjitum sakkoti. Matthakato paṭṭhāya ādim pāpento pi samāpajjitum sakkoti, antarantarā okkamanto pi sakkoti. Evam pubbuppattiyaṭṭhena pana paṭhamam nāma hoti jhānan ti. Duvidham jhānam ārammaṇupanijjhānañ ca lakkhaṇupanijjhānañ ca.

Tattha atthasamāpatti-pathavīkasiņādiārammaņam upanijjhāyatī ti ārammaņupanijjhānan ti sankhangatā vipassanā. Maggaphalāni pana lakkhanupanijjhānam nāma.

Tattha vipassanā aniccādilakkhaṇassa upanijjhāyanato lakkhaṇupanijjhānam vipassanāya katakiccassa magge ijjhānato maggo, lakkhaṇupanijjhānaphalam pana nirodhasaccam. Tattha lakkhaṇam upanijjhāyatī ti lakkhaṇupanijjhānam.

Tesu imasmim atthe ārammaņupanijjhānam adhippetam. Kasmā? Ārammaņupanijjhānato paccanīkajjhāpanato vā jhānan ti veditabbam.

386. Upasampajjā ti upagantvā pāpunitvā ti vuttam hoti. Upasampādayitvā vā nipphādetvā ti vuttam hoti. Vibhange pana upasampajjā ti pathamassa jhānassa lābho patilābho patti sampatti phassanā sacchikiriyā upasampadā ti vuttam. Tassā pi evam attho daṭṭhabbo.

387. Viharatī ti tadanurūpena iriyāpathavihārena itivuttappakārajhānasamangī hutvā attabhāvassa iriyanam vuttim pālanam yāpanam cāram vihāram abhinippādeti. Vuttam h'etam Vibhange: Viharatī ti iriyati vattati pāleti yapeti yāpeti carati viharati, tena vuccati viharatī ti.

388. Pathavīkasiņam ti. Ettha pathavīmaņdalam pi sakalatthena pathavīkasiņan ti vuccati. Tam nissāya patiladdhanimittam pi pathavīkasinam nimitte patiladdhajhānam pi. Tattha imasmim atthe pathavīkasiņam ti veditabbam.

Pathavīkasiņam ti sankhātam jhānam upasampajja viharatī ti ayam h'ettha sankhepattho. Imasmim pana pathavīkasiņe parikammam katvā catukkapañcakajjhānāni nibbattetvā jhānapadaṭṭhānam vipassanam vaḍḍhetvā arahattam pattukāmena kulaputtena kim kattabban ti? Ādito tāva pāṭimokkhasaṃvara-indriyasaṃvara-ājīvapārisuddhi-paccaya-sannissitasaṅkhātāni cattāri sīlāni visodhetvā suparisuddhasīle patiṭṭhitena yvassa āvāsādisu dasasu palibodhesu palibodho atthi tam upacchinditvā kammaṭṭhānadāyakam kalyāṇamittam upasaṅkamitvā pāli-āgatesu aṭṭhatimsāya kammaṭṭhānesu attano cariyānukulam kammaṭṭhānam upaparikkhantena sac'assa idam paṭhavīkasiṇam anukulam hoti.

Idam eva kammatthānam gahetvā na bhāvanāya anurūpam vihāram pahāya anurūpe viharantena khuddakapalibodhūpacchedam katvā kasinaparikammanimittānurakkhana-satta-asappāya-parivajjasattasappāyasevana-dasavidhaappanākosallappabhedam sabbam bhāvanāvidhānam aparihāpentena jhānādhigamatthāya paṭipajjitabbam. Ayam ettha saṅkhepo, vitthāro pana Visuddhimagge vuttanayena veditabbo.

Yathā c'ettha evam ito paresu pi. Sabbakammatthānānam hi bhāvanāvidhānam sabbam atthakathānayena gahetvā Visuddhimagge vitthāritam. Kim tena tattha tattha puna vuttenā ti? Na nam puna vitthārayāma, pāļiyā pana hetthā anāgatam attham aparihāpetvā nirantaram anupadavaṇṇanam eva karissāma.

389. Tasmim samaye ti tasmim pathamajjhānam upasampajja viharaņasamaye. Phasso hoti — pe — avikkhepo hotī ti ime kāmāvacarapathamakusalacitte vuttappakārā va padapatipātiyā chapaṇṇāsa dhammā honti. Kevalam hi kāmāvacarā ime bhummantaravasena mahaggatā rūpāvacarā ti ayam ettha viseso. Sesam tādisam eva. Yevāpanakā pan' ettha chandādayo cattāro va labbhanti.

Koţţhāsavāra-suññatavārā pākatikā evā ti.

Pathamam.

390. Dutiyajjhānaniddese vitakkavicārānam vūpa-

¹ Dhs. § 161. Mahāvyutp. 67. Visuddhimagga 95.

samā ti vitakkassa ca vicārassa cā ti imesam dvinnam vūpasamā samatikkamā dutiyajjhānakkhaņe apātubhāvā ti vuttam hoti. Tattha kiñcā pi dutiyajjhāne sabbe pi pathamajjhānadhammā na santi, aññe yeva hi pathamajjhāne phassādayo aññe idha oļārikassa aṅgassa samatikkamā pathamajjhānato paresam dutiyajjhānādīnam adhigamo hotī ti dīpanattham vitakkavicārānam vūpasamā ti evam vuttan ti veditabbam.

- 391. Ajjhattan ti idha niyakajjhattam adhippetam. Vibhange pana ajjhattam paccattan ti ettakam eva vuttam. Yasmā niyakajjhattam adhippetam tasmā attano jātam attasantāne nibbattan ti ayam ettha attho.
- 392. Sampasādanan ti. Sampasādanam vuccati saddhā sampasādanayogato jhānam pi sampasādanam nīlavannayogato nīlam vattham viya. Yasmā vā tam jhānam sampasādanasamannāgatattā vitakkavicārakkhobhavūpasamanena ca ceto sampasādayati tasmā pi sampasādanan ti vuttam.

Imasmiñ ca atthavikappe sampasādanam cetaso ti evam padasambandho veditabbo.

393. Purimasmim pana atthavikappe cetaso ti etam ekodibhāvena saddhim yojetabbam. Tatrāyam atthayojanā: Eko udetī ti ekodi. Vitakkavicārehi anajjhārūļhattā aggo settho hutvā udetī ti attho. Settho pi hi loke eko ti vuccati vitakkavicārarahito vā eko asahāyo hutvā iti pi vuccati.

Athavā sampayuttadhamme udayatī ti utthapetī ti attho. Setthatthena eko ca so udiccā ti ekodi. Samādhiss' etam adhivacanam. Iti imam ekodim bhāveti vaḍḍhetī ti idam dutiyajjhānam ekodibhāvam. So panāyam ekodi yasmā cetaso na sattassa na jīvassa tasmā etam cetaso ekodibhāvam ti vuttam.

Nanu cāyam saddhā pathamajjhāne pi atthi ayam ca ekodināmako samādhi. Atha kasmā idam eva sampasādanam cetaso ekodibhāvam cā ti vuccate? Adum hi pathamajjhānam vitakkavicārakkhobhena vīcitarangasamākulam iva jalam na suppasannam hoti. Tasmā satiyā pi saddhāya

¹ Hardy Eastern Monachism p. 270.

sampasādanam ti na vuttam. Na suppasannattā yeva ettha samādhi pi na suṭṭhu pākaṭo, tasmā ekodibhāvan ti pi na vuttam.

Imasmim pana jhäne vitakkavicārapalibodhābhāvena laddhokāsā balavatī saddhā balavasaddhāsahāyapaṭilābhen' eva samādhi pi pākaṭo, tasmā idam eva vuttan ti veditabbam.

Vibhange pana sampasādanam ti yā saddhā saddahanā okappanā abhippasādo cetaso ekodibhāvan ti yā cittassa thiti—pe—sammāsamādhī ti ettakam eva vuttam. Evam vuttena pan' etena saddhim ayam atthavannanā yathā na virujjhati añnad atthu samsandati ceva sameti ca evam veditabbā.

394. Avitakkam avicāram ti bhāvanāya pahīnattā. Etasmim etassa vā vitakko natthī ti avitakkam. Iminā ca nayena avicāram. Vibhange pi vuttam: Iti ayañ ca vitakko ayañ ca vicāro santā honti samitā vūpasantā atthagatā abbhatthagatā appitā sositā visositā vyantikatā, tena vuccati avitakkam avicāram ti.

Etthāha: Nanu ca 'vitakkavicārānam vūpasamā ti' iminā pi ayam attho siddho, atha kasmā puna vuttam avitakkam avicāram ti vuccate? Evam etam siddho vā 'yam attho, na pan'etam tadatthadīpanakam. Nanu avocumha: oļārikassa aṅgassa samatikkamā paṭhamajjhānato paresam dutiyajhānādīnam samādhigamo hotī ti dassanattham vitakkavicārānam vūpasamā ti evam vuttam.

Api ca vitakkavicārānam vūpasamā idam sampasādanam na kilesakālussiyassa vitakkavicārānan ca vūpasamā ekodibhāvam na upacārajjhānam iva nīvaraņappahānā paṭhamajjhānam iva ca aṅgapātubhāvā ti evam sampasādanaekodibhāvānam hetuparidīpakam idam vacanam. Tathā vitakkavicārānam vūpasamā idam avitakkam avicāram tatiyacatutthajjhānāni viya cakkhuviñānānādīni viya ca abhāvā ti evam avitakka-avicārabhāvassa hetuparidīpakan ca na vitakkavicārābhāvamattaparidīpakam. Vitakkavicārābhāvamattaparidīpakam eva pana avitakkam avicāran ti idam vacanam. Tasmā purimam vatvā pi vattabbam evā ti. Samādhijan ti paṭhamajjhānasamādhito sampayuttasamādhito vā jātan ti attho.

Natthi kiñ cā pi paṭhamam pi sampayuttasamadhito jātam. Atha kho ayam eva samādhi samādhī tivattabbatam arahati vitakkavicārakkhobhavirahena ati viya acalattā suppasannattā ca. Tasmā imassa vaṇṇabhaṇanattham idam eva samādhijan ti vuttam.

Pītisukham ti. Idam vuttanayam eva. Dutiyam ti gaṇanānupubbatāya dutiyam. Idam dutiyam samāpajjatī ti dutiyam.

395. Tasmim samaye phasso hotī ti ādīsu jhānapañcake vitakkavicārapadāni parihīnāni maggapañcake ca sammāsankappapadam parihīnam. Tesam vasena savibhattikāvibhattikapadānam vinicchayo veditabbo.

Kotthāsavāre pi tivangikam jhānam hoti, caturangiko maggo hotī ti āgatam. Sesam pathamajjhānasadisam evā ti dutiyam.

396. Tatiyaniddese ² pītiyā ca virāgā ti. Virāgo nāma vuttappakārāya pītiyā jigucchanam vā samatikkamo vā, ubhinnam pana antarā ca saddo sampindanattho. So vūpasamam vā sampindeti vitakkavicāravūpasamam vā.

Tattha yadā vūpasamam eva sampindeti tadā pītiyā ca virāgā ca kiñci bhiyyo vūpasamā cā ti evam yojanā veditabbā. Imissā ca yojanāya virāgo jigucchanattho hoti, tasmā pītiyā jigucchanā ca vūpasamā cā ti ayam attho daṭṭhabbo.

Yadā pana vitakkavicāravūpasamam sampiņdeti tadā pītiyā ca virāgā kiñci bhiyyo vitakkavicārānam ca vūpasamā ti evam yojanā veditabbā.

Imissā ca yojanāya virāgo samatikkamanattho hoti, tasmā pītiyā ca samatikkamā vītikkamā vitakkavicārānam ca vūpasamā ti ayam attho datthabbo.

Kāmañ ca te vitakkavicārā dutiyajjhāne yeva vūpasantā. Imassa pana jhānassa maggaparidīpanattham vaṇṇabhaṇanattham c'etam vuttam. Vitakkavicārānam ca vūpasamā ti hi vutte idam paññāyati nūna vitakkavicāravūpasamo maggo imassa jhānassā ti. Yathā ca tatiye ariyamagge appahīnānam pi sakkāyadiṭṭhādīnam pañcannam orambhā-

² Visuddhimagga p. 95, 96. ² Dhs. § 163. Mahāvyutp. l. l.

giyānam sampayojanānam pahānā ti evam pahānam vuccamānam vaṇṇabhaṇanam hoti. Tenāyam attho vutto pītiyā ca samatikkamā vitakkavicārānañ ca vūpasamā ti.

397. Upekkhako viharatī ti. Ettha upapattito ikkhatī ti upekkhā. Samam passati apakkhapatitā hutvā passatī ti attho.

Tāya visadāya vipulāya thāmagatāya samannāgatattā tatiyajjhānasamangī upekkhako ti vuccati.

Upekkhā pana dasavidhā hoti: Chalangupekkhā, brahmavihārupekkhā, bojjhangupekkhā, viriyupekkhā, sankhārupekkhā, vedanupekkhā vipassanupekkhā tatramajjhattupekkhā jhānupekkhā parisuddhi-upekkhā ti.

Tattha yo idha khīṇāsavo bhikkhu cakkhunā rūpam disvā neva sumano hoti na dummano upekkhako viharati sato sampajāno ti evam āgatā khīṇāsavassa chasu dvāresu iṭṭhāniṭṭha-chaļārammaṇapathe parisuddhapakatibhāvā vijahanākārabhūtūpekkhā ayam chaļangupekkhā nāma.

Yā pana upekkhāsahagatena cetasā ekam disam pharitvā viharatī ti evam āgatā sattesu majjhattākārabhūtā upekkhā ayam brahmavihārupekkhā nāma.

Yā upekkhā sambojjhangam bhāvetī ti vivekanissitan ti evam āgatā sahajātadhammānam majjhattākārabhūtā upekkhā ayam bojjhangupekkhā nāma.

Yā pana kālena kālam upekkhānimittam manasikarotī ti evam āgatā anaccāraddhā nātisithilā viriyasankhātā upekkhā ayam viriyupekkhā nāma.

Yā 'kati sankhārupekkhā samādhivasena uppajjanti, kati sankhārupekkhā vipassanāvasena uppajjanti' attha sankhārupekkhā samādhivasena uppajjanti, dasa sankhārupekkhā vipassanāvasena uppajjanti' evam āgatā nīvaranādipatisankhāsannitthānāgahane majjhattabhūtā upekkhā ayam sankhārupekkhā nāma.

Yā pana tasmim samaye kāmāvacarakusalam cittam uppannam hoti upekkhāsahagatam ti evam āgatā adukkhamasukhasaññitā upekkhā ayam vedanupekkhā nāma.

Yā yad atthi yam bhūtam pajahati upekkham paţilabhatī

¹ Hardy Manual of Buddhism p. 524. Visuddhimagga p. 96.

ti evam āgatā vicinane majjhattabhūtā upekkhā ayam vipassanupekkhā nāma.

Yā pana chandādisu yevāpanakesu āgatā sahajātānam samavāhitabhūtā upekkhā ayam tatramajjhattupekkhā nāma.

Yā 'upekkhako viharatī ti' evam āgatā accanta-aggasukhe pi tasmim apakkhapātajanani upekkhā ayam jhānupekkhā nāma.

Yā pana upekkhā satipārisuddhi-catuttham jhānan ti evam āgatā sabbapaccanīkaparisuddhā paccanīkavūpasamane pi avyāpārabhūtā upekkhā ayam pārisuddhi-upekkhā nāma.

Tatra chalangupekkhā ca brahmavihārupekkhā ca bojjhangupekkhā ca tatramajjhattupekkhā ca jhānupekkhā ca pārisuddhi-upekkhā ca atthato ekā tatramajjhatupekkhā hoti. Tena tena avatthābhedena pan' assā ayam bhedo ekassā pi sato sattassa kumārayuvattherasenāpatirājādivasena bhedo viya tasmā tāsu yattha chalangupekkhā na tattha bojjhangupekkhādayo yattha vā pana bojjhangupekkhā na tattha chalangupekkhādayo hontī ti veditabbā.

Yathā ca tesam atthato ekībhāvo evam sankhārupekkhāvipassanupekkhānam pi paññā. Eva hi sā kiccavasena dvidhā bhinnā. Yathā hi purisassa sāyam geham pavittham sappam ajapadadaṇḍam gahetvā pariyesamānassa tam thusakotthake nipannam disvā 'sappo nu kho no ti' avalokentassa sovatthikattayam disvā nibbemātikassa 'sappo na sappo ti' vicinane majjhattatā hoti evamevam yā āraddhavipassakassa vipassanānānena lakkhaņattaye ditthe sankhārānam aniccabhāvādivicinane majjhattatā uppajjati ayam vipassanupekkhā.

Yathā tath' assa purisassa ajapadena daņģena gāļham sappam gahetvā 'kin n'āham imam sappam avihethento attānañ ca iminā adasāpento muñceyyan ti' muñcanākāram eva pariyesato gahaņe majjhattatā hoti evamevam yā lakkhaņattayassa ditthattā āditte viya tayo bhave passato sankhāragahaņe majjhattatā ayam sankhārupekkhā. Iti vipassanupekkhāya siddhāya sankhārupekkhā pi siddhā va hoti. Iminā pan' esā vicinanagahaņesu majjhattasankhātena kiccena duvidhā bhinnā ti

Viriyupekkhā pana vedanupekkhā ca aññamaññam ca

avasesāhi ca atthato bhinnā evā ti. Iti imāsu upekkhāsu jhānupekkhā idha adhippetā. Sā majjhattalakkhaṇā anābhogarasā avyāpārapaccupaṭṭhānā pītivirāgapadaṭṭhānā ti. Etthāha: nanu cāyam atthato tatramajjhattupekkhā va hoti? Sā ca paṭhamadutiyajjhānesu pi atthi.

Tasmā tatrā pi upekkhako ca viharatī ti evam ayam vattabbā siyā. Sā kasmā na vuttā ti? Aparivyattakiccato. Aparivyattam hi tassā tattha kiccam vitakkādīhi abhibhūtattā. Idha panāyam vitakkavicārapītihi anabhibhūtattā ukkhittasirā viya hutvā parivyattakiccā jātā tasmā vuttā ti.

Nitthitā upekkhako ca viharatī ti etassa sabbaso atthavannanā.

398. Idāni sato ca sampajāno ti. Ettha saratī ti sato, sampajānātī ti sampajāno. Puggalena sati ca sampajañnan ca vuttam.

Tattha saraṇalakkhaṇā sati apammusanarasā ārakkhapaccupaṭṭhānā, asammohalakkhaṇam sampajaññam tīraṇarasam paricayapaccupaṭṭhānam. Tatra kiñcā pi idam satisampajaññam purimajjhānesu pi atthi. Muṭṭhasatissa hi asampajānassa upacāramattam pi na sampajjati pag eva appanā.
Oļārikattā pana tesam jhānānam bhūmiyam viya purisassa cittassa gati sukhā hoti. Avyākatam tattha satisampajaññakiccam oļārikaṅgappahānena pana sukhumattā. Imassa
jhānassa purisassa khuradhārāyam gamanam viya satisampajañnākiccapariggahitā evam cittassa gati icchitabbā ti.
Idh' eva vuttam: Kiñci bhiyyo yathā dhenupako vaccho
dhenuto apanīto arakkhiyamāno punad eva dhenum upagacchati² evam idam tatiyajjhānasukham pītito apanītam
satisampajaññārakkhena arakkhiyamānam punad eva pītim
upagaccheyya pītisampayuttam eva siyā.

Sukhe cā pi sattā sārajjanti idan ca atimadhurasukham tato param sukhābhāvā. Satisampajannānubhāvena pan' ettha sukhe asārajjanā hoti no annathā ti. Idam atthavisesam dassetum idam idh' eva vuttan ti veditabbam.

399. Idāni sukhañ ca kāyena paţisamvedetī ti.

¹ oļārikam paggahanena C. G. ² Hardy Eastern Monachism p. 270.

Ettha kiñcā pi tatiyajjhānasamangino sukhapatisamvedanābhogo natthi. Evam sante pi yasmā tassa nāmakāyena sampayuttam sukham yam vā tam nāma kāyasampayuttam sukham tam samutthāne tassa yasmā atipanītena rūpena rūpakāyo phuttho yassa phutthattā jhānā vutthito pi sukham pativedeyya tasmā etam attham dassento sukhañ ca kāyena patisamvedetī ti āha.

400. Idāni yan tam ariyā ācikkhanti 'upekkhako satimā sukhavihārī' ti. Ettha yam jhānahetu yam jhānakāranā tam tatiyajjhānasamangī-puggalam buddhādayo ariyā ācikkhanti desenti paññāpenti paṭthapenti vivaranti vibhajanti uttānīkaronti pakāsenti pasamsantī ti adhippāyo.

Kin ti? Upekkhako satimā sukhavihārī ti tatiyajjhānam upasampajja viharatī ti evam atthayojanā veditabbā.

Kasmā pana tam te evam pasamsantī ti? Pasamsārahato. Ayam hi yasmā atimadhurasukhe sukhapāramīpatte pi tatiyajjhāne upekkhako na tattha sukhābhisangena ākaḍḍhayati yathā ca pīti na uppajjati evam upaṭṭhitasatitāya satimā. Yasmā ca ariyajanasevitam eva ca asankiliṭṭham sukham nāma kāyena paṭisamvedeti tasmā pasamsāraho iti. Pasamsārahato nam ariyā 'te evam pasamsāhetubhūte guņe pakāsento upekkhako satimā sukhavihārī ti' evam pasamsantī ti veditabbam.

Tatiyan ti gaṇanānupubbatāya tatiyam. Idam tatiyam samāpajjatī ti tatiyam.

Tasmim samaye phasso hotī ti ādisu jhānapañcake pītipadam pi parihīnam tassā pi vasena savibhattikāvibhattikapadavinichayo veditabbo.

Kotthāsavāre pi duvangikajjhānam hotī ti āgatam. Sesam dutiyajjhānasadisam evā ti tatiyam.

401. Catutthaniddese² sukhassa ca pahānā dukkhassa ca pahānā ti kāyikasukhassa kāyikadukhassa ca pahānā. Pubb' evā ti taň ca kho pubb' eva, na catutthajjhānakkhaņe. Somanassadomanassānam atthaṅgamā ti cetasikasukhassa cetasikadukkhassa cā ti

¹ Visuddhimagga p. 96. ² Dhs. § 165. Mahāvyutp. l. l.

imesam pi dvinnam pubb' eva atthangamā pahānā icc eva vuttam hoti.

Kadā pana nesam pahānam hoti? Catunnam jhānānam upacārakkhaņe. Somanassam hi catutthajjhānassa upacārakkhaņe yeva pahīyati, dukkhadomanassasukhāni pathamadutiyatatiyajjhānānam upacārakkhaņesu. Evam eva tesam pahānānukkamena avuttānam, indriyavibhange pana indriyānam uddesakkamen' eva idhā pi vuttānam sukhadukkhadomanassānam pahānam veditabbam.

402. Yadi pan' etāni tassa tassa jhānassa upacārakkhane yeva pahīyanti atha kasmā kattha uppannam dukkhindriyam aparisesam nirujihati? Idha bhikkhave bhikkhu vivicc' eva kāmehī — pe — pathamam jhānam upasampajja vi-harati. Etth' uppannam dukkhindriyam aparisesam nirujjhati. Katham etth' uppannam domanassindriyam sukhindriyam somanassindriyam aparisesam nirujjhati? Idha bhikkhave bhikkhu sukhassa ca pahānā — pe — catuttham jhanam upasampajja viharati, etth' uppannam somanassindriyam aparisesam nirujihatī ti eva jhānesv eva nirodho vutto atisayanirodhattā. Atisayanirodho hi tesam pathamajjhānādisu na nirodho yeva pana upacārakkhanenātisayanirodho. Tathā hi nānāvajjane pathamajihānūpacāre niruddhassā pi dukkhindriyassa damsamakasādisamphassena vā visamāsanupatāpena vā siyā uppatti. Na tveva anto appanāyam upacāre vā ti niruddham p'etam na sutthu niruddham hoti. Patipakkhena avihatattā anto appanāyam pana pītipharaņena sabbo kāyo sukhokkanto hoti. Sukhokkantakāyassa suţţhu niruddham hoti dukkhindriyam patipakkhena vihatatta nanavajjane yeva dutiyajjhānūpacāre pahīnassa domanassindriyassa. Yasmā etam vitakkavicārapaccaye pi kāyakilamathe cittupaghāte ca sati uppajjati vitakkavicārābhāve na uppajjati. Yattha uppajjati tattha vitakkavicārābhāve appahīnā dutiyajjhānupacāre vitakkavicārā ti. Tatth'assa siyā uppatti na tv eva dutiyajjhānupacāre pahīnapaccayattā. Tathā tatiyajjhānupacāre pahīnassa pi sukhindriyassa pītisamuţţhānapanītarūpaphutakāyassa siyā uppatti na tveva tatiyajjhāne sukhassa paccayabhūtā pīti sabbaso niruddhā ti.

403. Tattha catutthajjhānupacāre pahīnassā pi somanassindriyassa asannatta appanappattaya upekkhaya abhavena sammā anatikkantattā siyā uppatti, na tveva catutthajjhāne, tasmā evam etth' uppannam dukkhindriyam aparisesam nirujjhatī ti. Tattha tattha aparisesagahanam katan ti. Etthāha: Ath' evam tassa tassa jhānassa upacāre pahīnā pi etā vedanā idha kasmā samāhatā ti? Sukhagahanattham. Yā hi ayam adukkhamasukhan ti ettha adukkhamasukhavedanā vuttā, yā sukhumā dubbinneyyā na sakkā sukhena gahetum. Tasmā yathā nāma dutthassa yathā tathā vā upasankamitvā gahetum asakkuņeyyassa goņassa gahanattham gopo ekasmim vaje sabbā gāvo samāharati ath' ekekam nīharanto patipātiyā āgatam ayam so ganhatha tam ti' gāhāpayati evam eva bhagavā sukhagahanattham sabbā etā samāharī ti evam hi samāhaṭā. Etā dassetvā yam neva sukham na dukkham na somanassam na domanassam ayam adukkhamasukhā vedanā ti sakkā hoti esā gāhayitum.

Api ca adukkhamasukhāya cetovimuttiyā paccayadassanattham cāpi etā vuttā ti veditabbā. Sukhadukkhappahānādayo hi tassā paccayā. Yathāha: Cattāro kho āvuso paccayā adukkhamasukhāya cetovimuttiyā samāpattiyā. Idhāvuso bhikkhu sukhassa ca pahānā — pe — catuttham jhānam upasampajja viharati. Ime kho āvuso cattāro paccayā adukkhamasukhāya cetovimuttiyā samāpattiyā ti.

Yathā vā añnattha pahīnā pi sakkāyaditthiādayo tatiyamaggassa vannabhananattham tattha pahīnā ti vuttā.

Evam vannabhananattham pan' assa jhānassa tā idha vuttā ti veditabbā. Paccayaghātena vā ettha rāgadosānam atidūrabhāvam dassetum vuttā ti veditabbā.

Etāsu hi sukham somanassassa paccayo, somanassam rāgassa, dukkham domanassassa sukhādhighātena ca sappaccayā rāgadosā hatā ti atidūre hontī ti. Adukkhamasukhan ti dukkhābhāvena adukkham sukhābhāvena asukham. Eten' ettha dukkhasukhapaṭipakkhabhūtam tatiyavedanam dīpeti na dukkhamasukhābhāvamattam. Tatiyavedanā nāma adukhāsukhā upekkhā ti pi vuccati.

Hardy Eastern Monachism p. 270.

Sā iţţhāniţţhaviparītānubhavanalakkhaṇamajjhattarasā avibhūtapaccupaţţhānā sukhanirodhapadaţţhānā ti veditabbā.

404. Upekkhāsatipārisuddhin ti upekkhāya janitasatipārisuddhim. Imasmim jhāne suparisuddhā sati yā ca tassā satiyā pārisuddhiyā upekkhāya katā na aññena. Tasmā etam upekkhāsatipārisuddhī ti vuccati.

Vibhange pi vuttam: Ayam sati imāya upekkhāya vivatā hoti parisuddhā pariyodātā, tena vuccati upekkhāsatipārisuddhī ti. Yāya ca upekkhāya ettha satipārisuddhī ti hoti sā atthato tatramajjhattatā veditabbā. Na kevalam c'ettha tāya sati yeva parisuddhā. Api ca kho sabbe pi sampayuttadhammā ti satisīsena pana desanā vuttā.

Tattha kiñ cā pi ayam upekkhā hetthā pi tīsu jhānesu vijjati. Yathā pana divā suriyapabhābhibhavā sommabhāvena ca attano upakārakattena vā sabhāgāya rattiyā alābhā divā vijjamānā pi candalekhā aparisuddhā hoti apariyodātā evam ayam pi tatramajjhattupekkhā candalekhā viya takkavitakkādipaccanīkadhammatejābhibhavā sabhāgāya ca upekkhāvedanārattiyā apatilābhā vijjamānā pi pathamādijjhānabhede aparisuddhā hoti. Tassā ca aparisuddhāya divā aparisuddhacandalekhāya pabhā viya sahajātā pi satiādayo aparisuddhā va honti, tasmā tesu ekam pi upekkhāsatipārisuddhī ti na vuttam. Idha pana vitakkādipaccanīkatejābhibhavā bhāvāsabhāgāya ca upekkhāvedanārattiyā patilābhā tatramajjhattupekkhā candalekhā ativiya parisuddhā. Tassā parisuddhattā parisuddhacandalekhāya pabhā viya sahajātā pi satiādayo parisuddhā honti pariyodātā. Tasmā idam eva upekkhāsatipārisuddhī ti vuttan ti veditabbam.

Catutthan ti gaṇanānupubbatā. Idam catuttham samāpajjatī ti catuttham.

Phasso hotī ti ādisu phassapancaken' eva. Vedanā ti upekkhāvedanā ti veditabbā.

Jhanapancake indriyatthakesu pana upekkha hoti,

¹ Hardy Eastern Monachism p. 271.

upekkhindriyam hotī ti vuttam eva. Sesāni tatiye parihīnapadāni idhāpi parihīnān' eva.

Kotthāsavāre pi dvangikam jhānam ti upekkhā-cittekaggatāvasen' eva veditabbam. Sesam tatiyasadisam evā ti.¹ Catukkanayo niṭṭhito.

405. Idāni katame dhammā kusalā² ti pañcakanayo āraddho.

Kasmā iti ce puggalajjhāsayavasena ceva desanāvilāsena ca sannisinnadevaparisāya kira ekaccānam devānam vitakko oļārikato uṭṭhāsi? Vicārapītisukhacittekaggatāsantato. Tesam sappāyavasena satthā caturangikam avitakkam vicāramattam dutiyam jhānam nāma bhājesi, ekaccānam vicāro oļārikato upaṭṭhāsi. Upekkhāpītisukhacittekaggatāsantato tesam sappāyavasena tivangikam tatiyam jhānam nāma bhājesi, ekaccānam pīti oļārikato uṭṭhāsi.

Sukhacittekaggatāsantato tesam sappāyavasena duvangikam catuttham jhānam nāma bhājesi, ekaccānam sukham olārikato utthāsi. Upekkhācittekaggatā santato tesam sappāyavasena duvangikam pancamam jhānam nāma bhājesi, ayam tāva puggalajjhāsayo.

Yassā pana dhammadhātuyā suppaţividdhattā desanā vilāsappattā nāma hoti sā tathāgatassa suṭṭhu paṭividdhā. Tasmā ñāṇamahattatāya desanāvidhānesu kusalo desanāvilāsappatto satthā yam yam aṅgam labbhati tassa tassa vasena yathā icchati tathā tathā desanam niyāmeti. So idha pañcaṅgikam paṭhamam jhānam bhājesi, caturaṅgikam avitakkam vicāramattam dutiyam jhānam bhājesi tivaṅgikam tatiyam jhānam pañcaṅgikam catutthamjhānam duvaṅgikam eva pañcamam jhānam bhājesi. Ayam desanāvilāso nāma.

Api ca yeva bhagavatā 'tayo' me bhikkhave samādhī savitakkasavicāro samādhi, avitakko vicāramatto samādhi, avitakka-avicāro samādhī ti' suttante tayo samādhī desitā.3 Tesu hetthā savitakkasavicāro samādhi avitakka-

¹ Visuddhimagga p. 97. ² Dhs. § 167. ³ Milindapañha p. 337.

avicāro samādhi ca bhājetvā dassito, avitakko vicāramatto na dassito, dassetum Pancakanayo āraddho ti veditabbo.

406. Tattha dutiyajjhānaniddese phassādisu vitakkamattam parihāyati, koṭṭhāsavāre caturangikam jhānam hoti, caturangiko maggo hoti, ayam eva viseso. Sesam sabbam paṭhamajjhānasadisam eva. Yāni Catukkanaye dutiyatatiyacatutthāni tāni idha tatiyacatutthapañcakāni, tesam adhigamapaṭipāṭidīpanattham ayam nayo veditabbo.

Eko kira amaccaputto rājānam upatthātum janapadato nagaram āgato. So ekadivasam eva rājānam disvā pānavyasanena sabbam vibhavajātam nāsesi. Tam ekadivasam surāmadamattam niccoļam katvā jiņņakatasāramattena paticchādetvā pānāgārato nīharimsu. Tam enam sankārarakūte nipajjitvā niddāyantam eko angavijjāpāthako disvā 'ayam puriso mahājanassa avassayo bhavissati, paţijaggitabbo eso ti' niţţhānam katvā mattikāya nahāpetvā thūlasāţakayugam nivāsāpetvā gandhodakena nahāpetvā sukhumena dukūlayugalena acchādetvā pāsādam āropetvā subhojanam bhojetvā 'evam tam paricareyyatha ti' paricārake paţipādetvā pakkāmi. Atha nam te sayanam āropesum pānāgāragamanapatibāhanattham. Tam cattāro tāva janā catusu hatthapādesu uppīļetvā atthamsu, eko pāde parimajji, eko tālavantam gahetvā vīji, eko vīņam vādayamāno gāyanto nisīdi. So sayanūpagamanena vigatakilamatho thokam niddāyitvā vutthito hatthapādanippīlanam asahamāno 'ko me hatthapāde uppīļeti, apagacchathā ti' tajjesi. Te ekavacanen' eva apagacchimsu. Tato puna thokam niddāyitvā vutthito pādaparimajjanam asahamāno 'ko me pāde parimajjati, apagacchathā ti' āha. ekavacanen'eva apagacchi. Puna pi thokam niddayitva vuţţhito tālavanţavātam asahanto 'ko esa, apagacchatū ti' āha. So pi ekavacanen' eva apagacchi. Puna thokam niddāyitvā vutthito kannasūlam viya gītavāditasaddam asahamāno vīnāvādakam tajjesi. So pi ekavacanen' eva apagacchi.

¹ nicolam M. nicculam G. niccelam T.

Ath' evam anukkamena pahīnakilamathuppīlanaparimajjanavātappahāragītavāditasaddūpaddavo sukham sayitvā vutthāya rañño santikam agamāsi. Rājā pi'ssa hantam issariyam adāsi. So mahājanassa avassayo jāto. Tattha pānavyasanena pārijuñnappatto so amaccaputto viya anekavyasanapārijuñnappatto gharāvāsagato kulaputto daţţhabbo. Angavijjāpāţhako puriso viya Tathāgato, tassa purisassa 'ayam mahājanassa avassayo bhavissati, patijagganam arahatī ti' sanniţţhānam viya Tathāgatassa, 'ayam mahājanassa avassayo bhavissatī ti pabbajjam arahati kulaputto ti' sannitthanakaranam. Ath' assa amaccaputtassa mattikāmattena nahāpanam viya kulaputtassā pi pabbajjāpatilābho. Ath' assa thūlasātakanivāsanam viya imassā pi dasasikkhāpadasankhātasīlavatthanivāsanam. Puna tassa gandhodakanahāpanam viya imassā pi pāţimokkhasamvarādisīlagandhodakanahāpanam. Puna tassa sukhumadukūlayugacchādanam viya imassā pi yathāvuttasīlavisuddhasampadāsankhātam dukülacchādanam. Dukūlacchāditassa pan' assa pasadarohanam viya imassa pi silavisuddhidukūlacchāditassa samādhibhāvanāpāsādārohanam. tassa subhojanādīni bhunjanam viya imassā pi samādhi-upakārakasatisampajaññādidhammāmataparibhuñjanam. Bhuttabhojanassa tassa paricārakehi sayanāropanam viya imassā pi vitakkādīhi upacārajjhānāropanam. Puna tassa pānāgārāgamanapatibāhanattham vā hatthapāduppīļanakapurisacatukkam viya imassā pi kāmasaññābhimukhagamanapaţibāhanattham.

Ārammaņe cittuppīlako nekkhammavitakko tassa pādaparimajjakapuriso viya imassā pi ārammaņe cittānumajjako vicāro. Tassa tālavaņṭavātadāyako viya imassā pi cetaso sītalabhāvadāyikā pīti, tassa sotānuggahakaro gandhabbapuriso viya imassā pi cittānuggāhakam somanassam, tassa sayanūpagamanena vigatakilamathassa thokam niddūpagamanam viya imassā pi upacārajjhānasanissayena vigatanīvaraṇakilamathassa paṭhamajjhānūpagamanam. Ath' assa niddāyitvā vuṭṭhitassa hatthapāduppīlanāsahanena hatthapāduppīlakānam santajjanam tesañ ca apagamanena puna thokam niddūpagamanam viya imassā pi paṭhamajjhānato

vutthitassa cittuppīļakavitakkāsahanena vitakkadosadassanam vitakkappahānā ca puna avitakkavicāramattajjhānūpagamanam. Tato tassa puna puna niddayitva vutthitassa yathāvuttena kamena pādaparimajjanādīnam asahanam asahanena ca patipātivā pādaparimajjakādīnam santajjanam tesam tesañ ca apagamanena punappuna thokam niddupagamanam viya imassā pi puna dutiyādīhi jhānehi vuţţhitassa vathāvuttadosānam vicārādīnam asahanena patipātivā vicārādidosadassanam tesam tesam ca pahānā punappuna avitakkāvicāranippītikapahīnasomanassajjhānūpagamanam. Tassa pana sayanā vutthāya rañno santikam gatassa issariyappatti viya imassā pi pañcamajjhānato vutthitassa vipassanāmaggam upagatassa arahattappatti. Tassa pattissariyassa bahūnam janānam avassayabhāvo viya imassā pi arahattappattassa bahūnam avassayabhāvo veditabbo. Ettāvatā hi esa anuttaram puñnakkhettam nāma hoti.

Pañcakanayo nitthito.

407. Ettävatä Catukkapañcakanayadvayabhedo suddhikanavako nāma pakāsito hoti. Atthato pan' esa pañcakanaye catukkanayassa patitthattā jhānapañcako evā ti veditabbo.

Idāni yasmā etam jhānam nāma paṭipadākamena sijjhati tasmā 'ssa paṭipadābhedam dassetum puna katame dhammā kusalā i ti ādi āraddham.

Tattha dukkhā paţipadā assā ti dukkhāpaţipadam, dandhā abhiññā assā ti dandhābhiññam. Iti dukkhāpaţipadam ti vā dandhābhiññām ti vā paţhavīkasinam ti vā tīni pi jhānass' eva nāmāni.

Dukkhāpatipadam khippābhiññan² ti ādisu pi es'eva nayo.

Tattha pathamasamannāhārato patthāya yāva tassa jhānassa upacāram uppajjati tāva pavattā jhānabhāvanā patipadā ti vuccati, upacārato pana patthāya yāva appanā tāva pavattā paññā abhiññā ti vuccati. Sā pan' esā patipadā ekaccassa dukkhā hotī ti nīvaraṇādipaccanīka-

¹ Dhs. § 176. Mahāvyutpatti 58. ² Dhs. § 177.

dhammasamudācāragahanāya kicchā asukhasevanā ti attho, ekaccassa tadabhāvena sukhā.

Abhiññā pi ekaccassa dandhā hoti, mandā, asīghappavattinī, ekaccassa khippā, amandā, sīghappavattinī. Tasmā yo ādito kilese vikkhambhento dukkhena sasankhārena sappayogena kilamanto vikkhambheti tassa dukkhā paţipadā hoti. Yo pana vikkhambhitakileso appanāparivāsam vasanto cirena angapātubhāvam pāpunāti tassa dandhābhiññā nāma hoti. Yo khippam angapātubhāvam pāpunāti tassa khippābhiññā nāma hoti. Yo kilese vikkhambhento sukhena akilamanto vikkhambheti tassa sukhā paṭipadā nāma hoti.

Tattha yāni sappāyāsappāyāni ca palibodhupacchedādipubbakiccāni ca appanākosallāni ca Visuddhimagge cittabhāvanāniddese nidditthāni. Tesu yo asappāyasevī hoti tassa dukkhā paṭipadā dandhā ca abhiññā hoti, sappāyasevino sukhā paṭipadā khippā ca abhiññā. Yo pana pubbabhāge asappāyam sevitvā aparabhāge sappāyasevī hoti pubbabhāge vā sappāyam sevitvā aparabhāge asappāyasevī hoti tassa vomissakā veditabbā.

Tathā palibodhūpacchedādikam pubbakiccam asampādetvā bhāvanam anuyuttassa dukkhā paṭipadā hoti, vipariyāyena sukhā. Appanākosallāni pana asampādentassa dandhā abhiññā hoti, sampādentassa khippā.

Api ca tanhā avijjāvasena samathavipassanādhikāravasenā cā pi etāsam pabhedo veditabbo. Tanhābhibhūtassa hi dukkhā paṭipadā hoti, anabhibhūtassa sukhā, avijjābhibhūtassa dandhā abhiññā hoti, anabhibhūtassa khippā. Yo ca samathe akatādhikāro tassa dukkhā paṭipadā hoti, katādhikārassa sukhā. Yo pana vipassanāya akatādhikāro hoti tassa dandhā abhiññā, katādhikārassa khippā.

Kilesindriyavasena cā pi etāsañ ca bhedo veditabbo: Tibbakilesassa hi mudindriyassa dukkhā paṭipadā hoti dandhā ca abhiññā, tikkhindriyassa pana khippā abhiññā. Mandakilesassa ca mudindriyassa sukhā paṭipadā hoti dandhā ca abhiññā, tikkhindriyassa pana khippā abhiññā ti. Iti imāsu paṭipadā-abhiññāsu yo puggalo dukkhāya

patipadāya dandhāya abhiññāya jhānam pāpunāti tassa tam jhānam dukkhāpatipadam dandhābhiññam ti vuccati. Sesesu pi es'eva nayo.

Tattha tadanudhammatāya sati santiţţha tiţţhati bhāginī paññā evam vuttasatiyā vā tam tam jhānanikantiyā vā vikkhambhane paṭipadā tam tam jhānūpacāram pattassa appanāparivāse abhiññā ca veditabbā.

Āgamanavasena ca paţipadābhiññāyo honti yeva, dukkhāpaţipadam dandhābhiññā paţhamam jhānam patvā pantam dutiyam pi tādisam eva hoti. Tatiyacatutthesu pi es'eva nayo.

Yathā ca catukkanaye evam pañcakanaye pi paṭipadāvasena catudhā bhedo veditabbo. Iti paṭipadāvasena pi cattāro navakā vuttā honti. Tesu pāṭhato chattiṃsa cittāni, atthato pana pañcakanaye catukkanayassa paviṭṭhattā vīsati eva bhayantī ti.

Paţipadā niţţhitā.

408. Idāni yasmā etam jhānam nāma yathāpatipadābhedena evam ārammanabhedenā pi catubbidham hoti, tasmā 'ssa tam bhedam dassetum pana katame dhammā kusalā^x ti ādi āraddham.

Tattha parittam parittārammaņan ti ādisu yam appaguņam hoti upari jhānassa paccayo bhavitum na sakkoti idam parittam nāma. Yam pana avaḍḍhite suppamatte vā sarāvamatte vā ārammaņe pavattam tam parittam ārammaṇam assā ti parittārammaṇam.

Yam paguṇam subhāvitam upari jhānassa paccayo bhavitum sakkoti idam appamāṇam² nāma. Yam vipule ārammaṇe pavattam vuḍḍhapamāṇattā appamāṇam ārammaṇam assā ti appamāṇārammaṇam. Vuttalakkhaṇatāya vomissatāya pana vomissakanayo veḍitabbo.

Iti ārammaņavasena pi cattāro navakā vuttā honti, cittagaņanā p' ettha purimasadisā evā ti.

Ārammaņacatukkam niţţhitam.

409. Idāni ārammaņapaţipadāmissakam soļasakkhattuka-



¹ Dhs. § 181.

² Dhs. § 182.

nayam dassetum puna katame dhammā kusalā¹ ti ādi āraddham.

Tattha pathamanaye vuttajjhānam dukkhāpatipadatthā dandhābhiñnattā parittattā parittārammanattā ti catūhi kāraņehi hīnam, soļasamanaye vuttajjhānam sukhāpatipadattā khippābhiñnattā appamāṇattā appamāṇārammaṇattā ti catūhi kāraņehi paṇītam, sesesu cuddasasu ekena dvīhi tīhi catūhi kāraņehi hīnapanītattā veditabbā.

- 410. Kasmā panāyam nayo desito ti? Jhānuppattikāranattā. Sammāsambuddhena hi pathavīkasiņe suddhikajjhānam catukkanayavasena pancakanayavasena dassitam. Tathā suddhikapatipadā, tathā suddhikajihānam catukkanayavasena desiyamānam bujjhitum sakkonti tāsam sappāyavasena suddhikajjhāne catukkanayo desito. Yā pancakanayavasena desiyamānam bujjhitum sakkonti tāsam sappāyavasena pancakanayo. Yā suddhikapatipadāya pe— suddhikārammane catukkanayavasena ca desiyamānam bujjhitum sakkonti tāsam sappāyavasena suddhikārammane catukkanayo desito. Yā pancakanayavasena desiyamānam bujjhitum sakkonti tāsam sappāyavasena desiyamānam bujjhitum sakkonti tāsam sappāyavasena pancakanayo. Iti hetthā puggalajjhāsayavasena desanā katā.
- 411. Desanāvilāsappatto c'esa pabhinnapaţisambhido Dasabalacatuvesārajjādivisadaññāņo saddhammānam yāthāvasarasalakkhaņassa suppaţividdhattā dhammapaññattikusalatāya yo yo nayo labbhati tassa tassa vasena desanam niyāmetum sakkoti, tasmā imāya desanāvilāsappattiyā pi. Ten' eva esā paṭhavīkasiņe suddhikacatukkanayādivasena desanā katā. Yasmā pana ye keci jhānam uppādenti nāma na te ārammaṇapaṭipadāhi vinā uppādetum sakkonti, tasmā niyamato jhānuppattikāraṇattā ayam soļasakkhattukanayo kathito. Ettāvatā suddhikanavakā cattāro paṭipadānavakā cattāro ārammaṇanavakā ime soļasa navakā ti pañcavīsati navakā kathitā honti.

Tattha ekekasmim navake catukkapañcakavasena dve dve nayā ti paññāsa nayā. Tattha pañcavīsatiyā catuk-

¹ Dhs. § 186.

kanayesu satam, pañcakanayesu pañcavīsasatan ti pāṭhato pañcavīsādhikāni dve jhānacittasatāni honti. Pañcakanaye pana catukkanayassa paviṭṭhattā attano pañcavīsam eva cittasatam hoti. Yāni c'etāni pāṭhe pañcavīsādhikāni dve cittasatāni tesu ekekassa niddese dhammavavaṭṭhānādayo tayo tayo mahāvārā honti, te pana tattha niyamattam eva dassetvā saṅkhittā ti.

Pathavīkasiņam nitthitam.

412. Idāni yasmā āpokasiņādisu pi etāni jhānāni uppajjanti tasmā tesam dassanattham puna katame dhammā kusalā i ti ādi āraddham. Tesu sabbo pālinayo ca atthavibhāvattā ca cittagaņanā ca vārasankhepo ca paṭhavīkasiņe vuttanayen' eva veditabbo. Bhāvanānayo pana kasiņaparikammam ādim katvā sabbo Visuddhimagge pakāsito yeva.

Mahāsakuludāyisutte pana dasa kasiņāni vuttāni. Tesu viññāņakasiņam ākāse pavattitamahaggataviññāņam pi tattha parikammam katvā nibbattā viññāņañcāyatanasamāpatti pi hotī ti sabbappakārena āruppadesanam eva bhajati, tasmā imasmim thāne na kathitam. Ākāsakasiņan ti pana kasiņugghātimākāsam pītam ārammaņam katvā pavattakkhandhā pi bhitticchiddādisu aññatarasmim gahetabbanimitte paricchedākāsam pi tam ārammaņam katvā uppannam catukkapañcakajjhānam pi vuccati.

413. Tattha purimanayo āruppadesanam bhajati, pacchimanayo rūpāvacaradesanam, iti missakattā imam rūpāvacaradesanam ārūļham. Paricchedākāse nibbattajjhānam pana rūpupapattiyā maggo hoti, tasmā tam gahetabbam. Tasmim pana catukkapañcakajjhānañ ceva uppajjati, āruppajjhānam n'uppajjati. Kasmā? Kasinugghāṭanassa alābhato.² Tam hi punappuna ugghāṭiyamānam pi ākāsam eva hotī ti. Tattha kasinugghāṭanam labbhati, tasmā tatth' uppannam jhānam diṭṭhadhammasukhavihārāya samvaṭṭati, abhiññāpādakam hoti, vipassanāpādakam hoti, nirodhapādakam na hoti. Anupubbanirodho pan' ettha



¹ Dhs. § 203. Mahāvyutp. 72.

² āloko G.

yāva pañcamajjhānā labbhati, vaḍḍhapādakam hoti yeva. Yathā c'etam evam purimakasiņesu uppannajjhānāni pi. Nirodhapādakabhāvo pan'etha viseso. Sesam ettha ākāsakasiņe yam vattabbam siyā sabbam Visuddhimagge vuttam eva.

414. Eko pi hutvā bahudhā hotī ti ādinayam pana vikubbanam icchantena purimesu atthasu kasiņesu attha samāpattiyo nibbattetvā kasiņānulomato kasiņapatilomato kasiņānulomapatilomato jhānānulomato jhānapatilomato jhānukkantito kasiņukkantito jhānakasiņukkantito angasankantito angārammaņasankantito, angavavatthānato ārammaņavavatthānato ti imehi cuddasahi ākārehi cittam paridametabbam. Tesam vitthārakathā Visuddhimagge vuttā.

Evam pana cuddasahi ākārehi cittam paridametvā pubbe abhāvitabhāvano ādikkamiko yogāvacaro iddhivikubbanam sampādessatī ti n'etam thānam vijjati. Ādikammikassa hi kasiṇaparikammam pi bhāro, satesu sahassesu eko va sakkoti. Katakasiṇaparikammassa nimittuppādanam bhāro, satesu sahassesu eko va sakkoti. Uppanne pi nimitte vaddhetvā appanādhigamo bhāro, satesu sahassesu vā eko va sakkoti. Adhigatappannassa cuddasah' ākārehi cittaparidamanam² bhāro, satesu sahassesu eko va sakkoti. Cuddasah' ākārehi paridamitacittassā pi iddhivikubbanam nāma bhāro, satesu sahassesu eko va sakkoti. Vikubbanappattassā pi khippanisanti nāma bhāro, satesu sahassesu vā eko khippanisanti hoti.

Therambatthalene Mahārohanaguttattherassa gilānupaṭthānam āgatesu timsamattesu iddhimantasahassesu upaṣampadāya aṭṭhavassiko Saṅgharakkhitatthero viya. Vatthuṃ Visuddhimagge vitthāritam evā ti.

Kasiņakathā niţţhitā.

415. Evam atthasu kasiņesu rūpāvacarakusalam nisīditvā idāni yasmā samāne pi ārammaņe bhāvanāya asamānattāya imesu atthasu kasiņesu añnam pi abhibhāyatanasankhātam

¹ Visuddhimagga p. 110. ² cittaparimaddanam G.

rūpāvacarakusalam pavattati, tasmā tam dassetum puna katame dhammā kusalā ti ādi āraddham.

Tattha ajjhattam arūpasaññī ti alābhitāya vā anatthikatā vā ajjhattarūpe parikammasaññāvirahito. Bahiddhā rūpāni passatī ti bahiddhā aṭṭhasu kasiņesu kataparikammatāya parikammavasena ceva appanāvasena ca tāni bahiddhā aṭṭha kasiṇarūpāni passati. Parittānī ti² avaddhitāni.

Tāni abhibhuyyā ti. Yathā nāma sampannagahaṇiko katacchumattam bhattam labhitvā kim ettha bhuñjitabbam atthī ti saṅkaḍḍhitvā ekakabalam eva karoti evamevam ñāṇuttariko puggalo visadañāṇo kim ettha parittake ārammaṇe samāpajjitabbam atthi nāyam mama bhāro ti atthi tāni rūpāni abhibhavitvā samāpajjati saha nimittuppāden' ev' ettha appanam nibbattetī ti attho.

Jānāmi passāmī ti iminā pan' assa pubbabhogo kathito. Āgamatthakathāsu pana vuttam: Iminā pan' assa ābhogo kathito so ca kho samāpattito vutthitassa na anto samāpattiyam ti.

416. Appamāṇānī³ ti vaḍḍhitapamāṇāni. Abhibhuyyā ti. Ettha pana yathā mahagghaso puriso ekam bhattavaḍḍhinikaṃ labhitvā 'aññā pi hotu aññā pi hotu kim esā mayhaṃ karissati' taṃ na mahantato passati evam evaṃ ñāṇuttaro puggalo visadañāṇo kim ettha samāpajjitabbaṃ na idam appamāṇan ti mayhaṃ cittekaggakaraṇe bhāro atthī ti tāni abhibhavitvā samāpajjati saha nimittuppāden' ev' ettha appanaṃ nibbattatī⁴ ti attho.

Parittam parittārammaņam appamāņam parittārammaņam ti. Idha parittānī ti āgatattā appamāņārammaņatā na gahitā. Parato appamāṇānī ti āgatattā parittārammaṇatā. Aṭṭhakathāya pana vuttam: Imasmim thāne cattāri cattāri ārammaṇāni agahetvā dve dve yeva gahi-

¹ Dhs. § 204, Comp. Anguttara I. 20. 47 seq. Mahā-vyutpatti 68, 70. Mahāparinibb. III. 32, Saddhamapun-darīka transl. by Kern p. 31.

² Papañcasūdanī in Trenckner's transcript No. 77 p. 18.

³ Dhs. § 225.

⁴ pāpetī Papañc.

tāni. Kim kāranā? Catusu hi gahitesu desanā solasakkhattukā hoti.

Satthārā va heṭṭhā soļasakkhattukadesanā kilañjamhi tilam pattharantena viya vitthārato kathitā. Tassa imasmim ṭhāne aṭṭhakkhattukam desanam kātum ajjhāsayo. Tasmā dve dve yeva gahitānī ti veditabbāni.

417. Suvaņņadubbaņņānī ti parisuddhāparisuddhavaņņāni. Parisuddhāni hi nīlādīni suvaņņāni aparisuddhāni ca dubbaņņānī ti idha adhippetāni. Āgamaṭṭhakathāsu pana suvaṇṇāni vā hontu dubbaṇṇāni vā, paritta-appamāṇavasen'eva imāni abhibhāyatanāni desitānī ti vuttam. Imesu² ca pana catusu parittam vitakkacaritavasena āgatam, appamāṇam mohacaritavasena, suvaṇṇam dosacaritavasena, dubbaṇṇam rāgacaritavasena. Etesam hi etāni sappāyāni sā ca tesam sappāyatā vitthārato Visuddhimagge Cariyāniddese vuttā.

418. Kasmā pana yathā Suttante ajjhattam rūpasaññī eko bahiddhā rūpāni passati parittānī ti
ādi vuttam evam avatvā idha catusu pi abhibhāyatanesu
ajjhattam arūpasaññitā vuttā ti? Ajjhattarūpānam anabhibhavaniyato. Tattha hi idha vā bahiddhā rūpān' eva abhibhavitabbāni tasmā tāni niyamato vattabbānī ti tatra pi
idha pi vuttāni. Ajjhattarūpasaññī arūpasaññī ti idam
pana satthu desanāvilāsamattam eva ayam tāva catusu
abhibhāyatanesu apubbapadavaṇṇanā. Suddhikanayapatipadādibhedo pan' ettha paṭhavīkasiņe vuttanayen' eva ekekasmim abhibhāyatane veditabbo.

Kevalam hi ettha ārammanacatukkam ārammanadukam hoti solasakkhatukam ca atthakkhatukam ca. Sesam tādisam eya.

Evam ettha ekekasmim abhibhāyatane eko suddhikanavako, cattāro paṭipadā navakā, dve ārammaṇā navakā. Ārammaṇapaṭipadāmissake aṭṭha navakā ti paṇṇarasa navakā ti catusu pi samasatthi navakā veditabbā.

Dhs. § 244. Mahāvyutp. 71. ² Papañcasūdanī in Trenckner's transcript 77, 19.

419. Pañcamābhibhāyatanādisu nīlānī ti sabbasangāhikavasena vuttam. Nīlavaņņānī ti vaņņavasena. Nīlaniddasanānī ti nidassanavasena. Apaññāyamānavivarāni asambhinnavanņāni ekanīlān' eva hutvā dissantī ti vuttam hoti. Nīlanibhāsānī ti. Etena tesam suvisuddhatam dasseti. Suvisuddhavanņavasena hi imāni cattāri abhibhāyatanāni vuttāni.

420. Pītānī² ti ādisu pì. Iminā va nayena attho veditabbo. Nīlakasiņam uggaņhanto nīlasmim nimittam gaņhāti pupphasmim vā vatthasmim vā vaņņadhātuyā vā ti ādikam pan' ettha kasiņakaraņam ca parikammam ca appanāvidhānañ³ ca sabbam Visuddhimagge vitthārato vuttam eva.

Yathā ca pathavīkasiņe evam idha ekekasmim abhibhāyatane pañcavīsati navakā veditabbā ti.

Abhibhāyatanakathā niţţhitā.

421. Idāni yasmā idam rūpāvacarakusalam nāma na kevalam ārammaņasankhātānam āyatanānam abhibhavanato abhibhāyatanavasen' eva uppajjati atha kho vimokkhavasena pi uppajjati, tasmā tam pi nayam dassetum puna katame dhammā kusalā4 ti ādi araddham.

Kena pan' atthena vimokkho veditabbo ti? 5 Adhiuccamnatthena. Ko ayam adhimuccanattho nāma? Paccanīkadhammehi sutthu vimuccanattho ārammane ca abhirativasena sutthu adhimuccanattho pitu anke vissatthangapaccangassa dārakassa sayanam viya aniggahītabhāvena nirāsankatāya ārammane pavattī ti vuttam hoti. Evamlakhanam hi vimokkhabhāvappattam rūpāvacarakusalam dassetum ayam nayo āraddho.

Tattha rūpī ti. Ajjhattam kesādisu uppāditam rūpajjhānam rūpam tad assa atthī ti rūpī. Ajjhattamhi nīlaparikammam karonto kese vā pitte vā akkhitārakāya vā karoti. Pītakaparikammam karonto mede vā chaviyā vā

¹ Dhs. § 246. Papañcas. in Trenckner's transcript 77, 20. Mahāvyutp. l. l. ² Dhs. § 247. ³ appamāṇavidh^o T. ⁴ Dhs. § 248. Mahāvyutp. 70. ⁵ Papañcasūdanī 77 p. 17.

akkhīnam pītakatthāne vā karoti. Lohitaparikammam karonto mamse vā lohite vā jivhāya vā hatthatalapādatalesu vā akkhīnam rattatthāne vā karoti. Odātaparikammam karonto atthimhi vā dante vā nakhe vā akkhīnam setakatthāne vā karoti.

Evam parikammam katvā uppannajjhānasamangīnam sandhāy' etam vuttam: rūpāni passatī ti. Bahiddhā pi nīlakasiņādi-rūpāni jhānacakkhunā passati, iminā ajjhattabahiddhā-vatthukesu kasiņesu jhānapatilābho dassito.

Ajjhattam arūpasaññī ti ajjhattam na rūpasaññī. Attano kesādisu anuppāditarūpāvacarajjhāno ti attho. Iminā bahiddhā parikammam katvā bahiddhā va paṭiladdhajjhānatā dassitā.

422. Subhan² ti. Iminā suvisuddhesu nīlādisu vaņņa-kasiņesu jhānāni dassitāni. Tattha kiñcā pi anto appanāya subhan ti ābhogo natthi. Yo pana suvisuddham subha-kasiņam ārammaņam katvā viharati so yasmā subhan ti— pe— pathamam jhānam upasampajja viharati tathā dutiyādīni. Tasmā evam desanā katā.

Paţisambhidāmagge pana katham subhan t'eva adhimutto hoti vimokkho? Idha bhikkhu mettāsahagatena cetasā ekam disam — pe — viharati, 3 mettāya bhāvitattā sattā appaţikūlā honti, karuņā-muditā-upekkhāsahagatena cetasā ekam disam — pe — viharati, upekkhāya bhāvitattā sattā appaţikūlā honti. Evam subhan t'eva adhimutto hotī ti vimokkho ti vuttam.

Idha pana upari pāļiyam yeva brahmavihārānam āgatattā tam nayam patikkhipitvā sunīlaka-supītaka-sulohitaka-suodātaparisuddha-nīlakaparisuddha-pītakaparisuddha-lohitakaparisuddha-odātakavasena subhavimokkho anuññāto. Iti kasiņam ti vā abhibhāyatanam ti vā vimokkho ti vā rūpāvacarajjhānam eva.

Tam hi ārammaņassa sakalatthena kasiņam nāma ārammaņam abhibhavanatthena abhibhāyatanam nāma ārammaņe adhimuccanatthena paccanīkadhammehi vimuccanat

¹ Papañcasūdanī 77 p. 18. ² Dhs. § 250. Mahāvyutp. l. l. ³ Visuddhimagga p. 106, Majjhima I, 38.

thena vimokkho ti vuttam. Tattha kasinadesanā Abhidhammavasena, itarā pana Suttantadesanāvasena vuttan ti veditabbā. Ayam ettha apubbapadavannanā. Ekekasmim pana vimokkhe paṭhavīkasine viya pañcavīsati pañcavīsati katvā pañca sattati navakā veditabbā ti.

Vimokkhakathā niţţhitā.

423. Idāni mettādibrahmavihāravasena pavattamānam rūpāvacarakusalam dassetum puna katame dhammā kusalā ti ādi āraddham.

Tattha mettāsahagatam ti mettāsamannāgatam. Parato karuņāsahagatādisu pi es'eva nayo. Yena pan' esa vidhānena paṭipanno mettādisahagatāni jhānāni upasampajja viharati tam mettādīnam bhāvanāvidhānam sabbam Visuddhimagge vitthāritam eva. Avasesāya pāliyā attho paṭhavīkasiṇavuttanayena veditabbo. Kevalam hi paṭhavīkasiṇe pañcavīsati navakā, idha purimāsu tīsu tikacatukkajjhānikavasena pañcavīsati sattakā.

Upekkhāya catutthajjhānavasena pañcavīsati ekakā karunāmuditāsu chandādīhi catūhi saddhim karunāmuditā ti ime² pi yevāpanakā labbhanti. Dukkhāpatipadādibhāvo c'ettha mettāya tāva vyāpādavikkhambhanavasena, karunāya vihesāvikkhambhanavasena, muditāya arativikkhambhanavasena, upekkhāya rāgapatighavikkhambhanavasena veditabbo.

Parittārammaņatā pana na bahusattārammaņavasena, appamāņārammaņatā bahusattārammaņavasena hotī ti ayam viseso. Sesam tādisam eva. Evam tāva pāļivasen' eva. Brahmuttamena kathite brahmavihāre ime iti viditvā bhiyyo etesu ayam pakiņņakakathā pi viññeyyā.

424. Etāsu hi mettā-karuņā-muditā-upekkhāsu atthato tāva mejjatī³ ti mettā. Siniyhatī ti attho. Mitte vā bhavā mittassa vā esā pavattatī ti pi mettā.

Paradukkhe sati sādhūnam hadayakampanam karotī ti karuṇā. Kiṇāti vā parassa dukkham himsati vināsetī ti

¹ Dhs. § 251. Comp. Mahāvyutp. 82. Visuddhimagga l. l. ² imam G. ³ mijjatī M.

karunā. Kirīyati vā dukkhitesu, pharaņavasena pasārīyatī ti karunā.

Modanti tāya tam samangino sayam vā modati modanamattam eva vā tan ti muditā.

Averā hontū ti ādi vyāpādappahānena majjhattabhāvūpagamanena ca upekkhatī ti upekkhā.

Lakkhaṇādito pan' ettha hitākārappavattilakkhaṇā mettā hitūpasamhārarasā, āghātavinayapaccupaṭṭhānā, sattānam manāpabhāvadassanapadaṭṭhānā. Vyāpādupasamo etissā sampatti sinehasambhavo vipatti. Dukkhāpanayanākārappavattilakkhaṇā karuṇā paradukkhāsahanarasā, avihimsāpaccupaṭṭhānā, dukkhābhibhūtānam anāthabhāvadassanapadaṭṭhānā. Vihiṃsūpasamo tassā sampatti, sokasambhavo vipatti. Pamodalakkhaṇā muditā anissāyanarasā, arativighātapaccupaṭṭhānā, sattānam sampattidassanapadaṭṭhānā. Arativūpasamo tassā sampatti, pahāsasambhavo vipatti.

Sattesu majjhattākārapavattilakkhanā upekkhā, sattesu sambhavadassanarasā paţighānunayavūpasamapaccupaţthānā. Kammassakā sattā te kammassa ruciyā sukhitā vā bhavissanti dukkhato vā muccissanti pattasampattito vā pana parihāyissantī ti evam pavattakammassakatā dassanapadaţţhānā. Paţighānunayavūpasamo tassā sampatti, gehasitāya aññānupekkhāya sambhavo vipatti.

425. Catunnam pan' etesam brahmavihārānam vipassanāsukham eva bhavasampatti ca sādhāranam payojanam vyāpādadipaṭighāto. Āveṇikam vyāpādapaṭighātappayojanam h'ettha mettāvihimsā, aratirāgapaṭighātappayojanā itarā. Vuttam pi c'etam: nissaraṇam h'etam āvuso vyāpādassa yad idam mettā cetovimutti, nissaraṇam h'etam āvuso vihesāya yad idam karuṇā cetovimutti, nissaraṇam h'etam āvuso aratiyā yad idam muditā cetovimutti, nissaraṇam h'etam āvuso rāgassa yad idam upekkhā cetovimuttī ti.

Ekamekassa c'ettha āsannadūravasena dve dve paccatthikā. Mettābrahmavihārassa hi samīpacāro viya purisassa sapatto guņadassanasabhāgatāya rāgo āsannapaccatthiko, so lahum otāram labhati, tato suṭṭhu mettā rakkhitabbā, pabbatādigahaṇanissito viya purisassa sapatto sabhāgavisabhāgatāya vyāpādo dūrapaccatthiko.

Tato nibbhayena mettāyitabbam. Mettāyissatī ti ca nāma kopañ ca karissatī ti aṭṭhānam etam. Karuṇābrahmavihārassa cakkhuviññeyyānam rūpānam iṭṭhānam kantānam manāpānam manoramānam lokāmisapaṭisamyuttānam appaṭilābham vā appaṭilābhato samanupassato pubbe vā paṭiladdhapubbam atītam niruddham viparinatam na samanussarato uppajjati domanassam. Yam evarūpam domanassam idam vuccati gehasitadomanassan ti ādinā nayena āgatam gehasitadomanassam vipattidassanam sabhāgatāya āsannapaccatthikam. Sabhāgavisabhāgatāya vihesā dūrapaccatthikā, tasmā tato nihbhayena karuṇāyitabbam. Karuṇam ca nāma karissati pāṇiādīhi ca vihesessatī ti aṭṭhānam etam.

Muditābrahmavihārassa cakkhuviññeyyānam rūpānam itthānam kantānam manāpānam manoramānam lokāmisapatisamyuttānam patilābham vā patilābhato samanupassato pubbe vā patiladdhapubbam atītam niruddham viparinatam na samanussarato uppajjati somanassam. Yam evarūpam somanassam idam vuccati gehasitasomanassan ti ādinā nayena āgatam. Gehasitasomanassam sampattidassanasabhāgatāya āsannapaccatthikam. Sabhāgavisabhāgatāya arati dūrapaccatthikā, tasmā tato nibbhayena muditā bhāvetabbā. Mudito va nāma bhavissati paccantasenāsanesu vā ukkanthissatī ti atthānam etam.

426. Upekkhābrahmavihārassa pana cakkhunā rūpam disvā uppajjati uppekkhābālassa mūļhassa puthujjanassa anodhijinassa avipākajinassa anādīnavadassāvino assutavato puthujjanassa. Yā evarūpā upekkhā rūpam sā nātivaṭṭati, tasmā sā upekkhā gehasitā ti vuccatī ti. Ādinā nayenāgatā gehasitā aññānupekkhā dosaguṇānam avicāraṇavasena sabhāgattā āsannapaccatthikā sabhāgavisabhāgatāya rāgapaṭighā dūrappaccatthikā. Tasmā tato nibbhayena upekkhitabbam. Upekkhissati ca nāma rajjissati ca paṭihaññissati cā ti aṭṭhānam etam.

Sabbesam pi ca etesam kattukāmatā chando-ādi-niva-raṇādi-vikkhambhanā majjham. Appahīnapariyosānam



Miliudapañha p. 45. Yathā evarūpam upekkhārūpam sātā G.

pañnattidhammavasena eko vā satto aneke vā sattā ārammanam upacāre vā appanāya vā pattāya ārammanavaḍḍhanam tatthāyam vaḍḍhanakkamo.

Yathā hi kusalo kassako kasitabbatthānam paricchinditvā kasati evam pathamam ev'ekam āvāsam paricchinditvā tattha sattesu imasmim āvāse sattā averā hontū ti ādinā nayena mettā bhāvetabbā. Tatha cittam mudum kammaniyam katvā dve āvāsā paricchinditabbā.

427. Tato anukkamena tayo cattāro pañca cha satta attha nava dasa ekāracchā upaḍḍhagāmo gāmo janapado rajjam ekā disā ti evam yāva ekam cakkavāļam vā tato vā pana bhiyyo tattha tattha sattesu mettā bhāvetabbā tathā karunādayo ti ayam ettha ārammaṇavaḍḍhanakkamo.

Yathā pana kasiṇānam nissando āruppasamādhi āruppasamādhinissando nevasaññānāsaññāyatanam vipassanānissando phalasamāpatti samathavipassanānissando nirodhasamāpatti eva purimabrahmavihārattāya nissando ettha upekkhābrahmavihāro.

Yathā hi thambhe anussāpetvā tulāsanghāṭam anāropetvā na sakkā ākāse kūṭagopānasiyo ṭhapetum evam purimesu tatiyajjhānam vinā na sakkā catuttham bhāvetum.

Kasiņesu pana uppannatatiyajjhānassa p'esā n'uppajjati visabhāgārammanattā ti ettha siyā.

428. Kasmā pan' etā mettākaruņāmuditāupekkhā brahmavihārā ti vuccanti? Kasmā catasso ca ko ca etāsam kamo Vibhange ca kasmā appamañnā ti vuttā ti vuccate?

Setthatthena tāva niddosabhāvena c'ettha brahmavihāratā veditabbā. Sattesu sammāpatipattibhāvena hi setthā ete vihārā. Yathā ca brahmāno niddosacittā viharanti evam etehi sampayuttā yogino brahmasamā va hutvā viharantī ti setthatthena niddosabhāvena ca brahmavihārā ti vuccanti.

'Kasmā catasso ti' ādi pañhassa pana idam vissajjanam. Visuddhimaggādivasā catasso, hitādi-ākāravasā panāyam kamo, pavattanti ca appamāņe tā gocare yena tad appamaññā.

Etāsu hi yasmā mettāvyāpādabahulassa karuņāvihesābahulassa muditā-aratibahulassa upekkhārāgabahulassa Visuddhimaggo. Yasmā ca hitūpasamhara-ahitāpanayana-

sampattimodana-anābhogavasena catubbidho yeva sattesu manasikāro yasmā ca yathā mātā daharagilānayobbanappattasakiccappasutesu catūsu puttesu daharassa abhivuḍḍhikāmā hoti, gilānassa gelaññāpanayanakāmā, yobbanappattassa yobbanasampattiyā ciratṭhitikāmā, sakiccapasutassa kismimci pi pariyāye avyāvatā hoti tathā appamaññā vihārikenā pi sabbasattesu mettādivasena bhavitabbam¹ tasmā ito Visuddhimaggādivasā catasso va appamaññā.

429. Yasmā pana catasso p'etā bhāvetukāmena pathamam hitākārappavattivasena sattesu patipajjitabbam hitākārappavattilakkhanā ca mettā tato evam patthitahitānam sattānam dukhhābhibhavam disvā vā sutvā vā sambhāvetvā dukhāpanayanākārappavattivasena dukhāpanayanakārappavattilakkhanā ca karunā. Ath'evam patthitahitānam patthitadukhāpagamānam pan'esam sampattim disvā sampattimodanavasena pamodanalakhanā ca muditā. Tato param pana kātabbābhāvato ajjhūpekhākatasankhātena majjhattākārena patipajjitabbam majjhattākārapavattilakkhanā ca upekkhā. Tasmā ito hitādi-ākāravasā panāyam pathamam mettā vuttā. Atha karunā muditā upekkhā ti ayam kamo veditabbo.

Yasmā pana sabbā p'etā appamāņe gocare pavattanti tasmā appamañña ti vuccanti. Appamāņā hi sattā etāsam gocarabhūtā ekasattassā pi ca ettake padese mettādayo bhāvetabbā ti. Evam pamāņam agahetvā sakalapharaṇavasena eva pavattā ti tena vuttam.

Visuddhimaggādivasā catasso, hitādiākāravasā panāyam kamo, pavattanti ca appamāņe tā gocare yena tad appamaññā ti.

Evam appamāṇagocaratāya ettha lakkhaṇāsu cāpi etāsu purimā tisso tikacatukkajjhānikā va honti. Kasmā? Somanassāvippayogato. Kasmā panāyam somanassena avippayogo ti? Domanassasamuṭṭhitānam vyāpādādīnam nissaraṇatā pacchimā pana avasesekajjhānikā va. Kasmā? Upekkhāmettāsampayogato. Na hi sattesu majjhattākā-

¹ Hardy, Eastern Monachism 249.

rappavattā brahmavihārupekkhā upekkhāvedanam vinā vattatī ti.

Brahmavihārakathā niţţhitā.

430. Idāni rāgacaritasattānam ekantam hitam nānāram-maņesu ekekajjhānavasena pavattamānam rūpāvacarakusalam dassetum puna katame dhamma kusalā ti ādiāraddham.

Tattha uddhumātakasaññāsahagatan ti ādisu bhastā viya vāyunā uddham jīvitapaviyādānā yathānukkamam samuggatena sunabhāvena uddhumātattā uddhumātam. Uddhumātam eva uddhumātakam patikkūlattā vā kucchitam uddhumātam ti uddhumātakam. Tathārūpassa chavasarīrass' etam adhivacanam.

Vinīlam² vuccati viparibhinnavaṇṇam. Vinīlam eva vinīlakam paṭikkūlattā vā kucchitam vinīlam ti vinīlakam. Maṃsussadaṭṭhānesu rattavaṇṇassa, pubbasannicayaṭṭhānesu setavaṇṇassa, yebhuyyena nīlavaṇṇassa nīlaṭṭhāne nīlasāṭakapārutass' eva chavasarīrass' etam adhivacanam.

Paribhinnatthänesu vissandamānam pubbam vipubbam. Vipubbam eva vipubbakam patikkūlattā vā kucchitam vipubban ti vipubbakam. Chavasarīrass' etam adhivacanam.

Vicchiddam vuccati dvidhā chindanena apavāritam. Vicchiddam eva vicchiddakam patikkūlattā vā kucchitam vicchiddan ti vicchiddakam. Vemajjhe chinnassa chavasarīrass' etam adhivacanam.

Ito etto ca vividhākārena soņasigālādīhi khāyitam vikkhāyitam. Vikkhāyitam eva vikkhāyitakam paţikkūlattā vā kucchitam vikkhāyitam ti vikkhāyitakam. Tathārūpassa chavasarīrass' etam adhivacanam.

Vividhā khittam vikkhittam. Vikkhittam eva vikkhittakam patikkūlattā vā kucchitam. Vikkhittan ti vikkhittakam añnena hattham annena pādam annena sīsan ti evam tato tato khittassa chavasarīrassa adhivacanam.

Hatam ca purimanayen' eva vikkhittakam cā ti hatavikkhittakam. Kākapadākārena angapaccangesu satthena

¹ Dhs. § 263. ² Dhs. § 264.

hanitvā vuttanayena vikkhittakassa chavasarīrassa etam adhivacanam.

Lohitam kirati vikkhipati ito c' ito ca paggharatī ti lohitakam. Paggharitalohitamakkhitassa chavasarīrass' etam adhivacanam.

Pulavā vuccanti kimayo. Pulave kiratī ti pulavakam. Kimiparipunnassa chavasarīrass' etam adhivacanam.

Atthi yeva atthikam patikkulattā vā kucchitam. Atthī ti atthikam atthikasankhalikāya pi ekatthikassa pi etam adhivacanam.

Imāni ca pana uddhumātakādīni nissāya uppannanimittānam pi nimittesu paṭiladdhajjhānānam pi etān' eva nāmāni. Tattha uddhumātakanimitte appanāvasena uppannā saññā uddhumātakasaññā. Tāya uddhumātakasaññāya sampayogaṭṭhena sahagatam uddhumātakasaññāsahagatam. Vinīlakasaññāsahagatādisu pi es' eva nayo.

Yam pan' ettha bhāvanāvidhānam vattabbam bhaveyya tam sabbākārena Visuddhimagge¹ vuttam eva. Avasesā pālivannanā heṭṭhā vuttanayen' eva veditabbā. Kevalam hi idha catutthajjhānavasena upekkhābrahmavihāre viya paṭhamajjhānavasena ekekasmim pañcavīsati ekakā honti asubhārammaṇassa ca avaḍḍhaniyyattā paritte uddhumātakaṭṭhāne uppannanimittārammaṇam parittārammaṇam, mahante appamāṇārammaṇam veditabbam. Sesesu pi es'eva nayo.

Iti asubhāni subhaguņo dasasatalocanena thutakitti yāni avoca dasabalo ekekajjhānahetūni.

431. Evam pāļinayen 'eva tāva sabbāni tāni jānitvā tesveva ayam bhiyyo pakinnakakathā pi viñneyyā. Etesu hi yattha katthaci adhigatajjhāno suvikkhambhitarāgattā vītarāgo viya nilloluppacāro hoti evam sante pi yvāyam asubhappabhedo vutto so sarīrasabhāvappattivasena ca rāgacaritabhedavasena cā ti veditabbo.

Chavasarīram hi patikkūlabhāvam āpajjamānam uddhumātakasabhāvappattam vā siyā vinīlakādīnam vā aññatarasabhāvappattam iti yādisam yādisam sakkā hoti laddhum

¹ Visuddh. p. 98.

tādise tādise uddhumātakapaṭikkūlam vinīlakapaṭikkūlan ti evam nimittam gaṇhitabbam evā ti sarīrasabhāvappattivasena dasadhā asubhappabhedo vutto ti veditabbo.

432. Visesato c'ettha uddhumātakam sarīrasaņṭhānavipattippakāsanato sarīrasaṇṭhānarāgino sappāyam.

Vinīlakam chavirāgavipattippakāsanato sarīravaņņarāgino sappāyam.

Vipubbakam kāyavannapatibaddhassa duggandhabhāvassa pakāsanato mālāgandhādivasena samutthāpitasarīragandharāgino sappāyam.

Vicchiddakam antosusirabhāvappakāsanato sarīre ghanabhāvarāgino sappāyam.

Vikkhāyitakam mamsūpacayasampattivināsappakāsanato thanādīsu sarīrappadesesu mamsūpacayarāgino sappāyam.

Vikkhittakam angapaccanganam vikkhepappakasanato angapaccangalilaragino sappayam.

Hatavikkhittakam sarīrasanghātabhedavikārappakā-sanato sarīrasanghātasampattirāgino sappāyam.

Lohitakam lohitamakkhitapatikkūlabhāvappakāsanato alamkārajanitasobhārāgino sappāyam.

Puļavakam kāyassa anekakimikulasādhāraņabhāvappakāsanato kāye mamattarāgino sappāyam.

Atthikam sarīratthīnam patikkūlabhāvappakāsanato dantasampattirāgino sappāyan ti.

Evam rāgacaritavasenā pi dasadhā asubhappabhedo vutto ti veditabbo.

433. Yasmā pana dasavidhe pi etasmim asubhe seyyathā pi nāma aparisanthitajalāya sīghasotāya nadiyā arittabalen 'eva nāvā titthati, vinā arittena na sakkā thapetum evam evam dubbalattā ārammaņassa vitakkabalen 'eva cittam ekaggam hutvā titthati, vinā vitakkena na sakkā thapetum tasmā pathamajjhānam ev 'ettha hoti na dutiyādīni. Patikkūle pi c'etasmim ārammaņe 'addhā imāya patipadāya jarāmaraṇamhā patimuccissāmī ti' evam ānisaṃsadassāvitāya ceva nīvaraṇasantāpappahānena ca pīti-

¹ chavivannavipphatto M. ² chavivannarāgino M.

somanassam uppajjati. 'Bahum dāni vetanam labhissāmī ti' ānisamsadassāvino pupphachaḍḍakassa gūtharāsimhi viya upasantavyādhidukkhassa rogino vamanavirecanappavattiyam viya ca dasavidham pi c'etam asubham lakkhanato ekam eva hoti. Dasavidhassā pi etassa asuciduggandhajegucchapatikkūlabhāvo eva lakkhanam. Tad ev 'etam iminā lakkhanena na kevalam. Matasarīre yeva dantatthikadassāvino pana Cetiyapabbatavāsi-Mahā-Tissattherassa viya hatthikkhandhagatam rājānam ullokentassa Saṃgharakkhitattherupaṭṭhākasāmaṇerassa viya ca jīvamānakasarīre pi upaṭṭhāti. Yath' eva hi matasarīram evam jīvamānakam pi asubham eva. Asubhalakkhaṇam pan'ettha āgantukena alamkārena paṭicchannattā na paññāyatī ti.

Asubhakathā niţţhitā.

434. Kim pana pathavīkasiņam ādim katvā atthikasañnāpariyosānā c'esā rūpāvacarappanā udāhu añnā pi atthī ti? Atthi. Ānāpānajjhānam hi kāyagatā sati bhāvanā ca idha na kathitā. Kincā pi na kathitā? Vāyokasiņe pana gahite ānāpānajjhānam gahitam eva vaṇṇakasiņesu ca gahitesu kesādīsu catukkapancakajjhānavasena uppannā kāyagatā sati dasasu asubhesu gahitesu dvattimṣākāre paṭikkūlamanasikārajjhānavasena c'eva navasīvathikāvaṇṇajjhānavasena ca pavattā kāyagatā sati gahitā vā ti sabbā pi rūpāvacarappanā idha kathitā hotī ti.

Rūpāvacarakusalakathā niţţhitā.

435. Idāni arūpāvacarakusalam dassetum puna katame dhammā kusalā ti ādi āraddham. Tattha arūpūpapattiyā ti arūpabhāvo ti arūpo. Arūpe upapatti arūpūpapatti, tassā arūpūpapattiyā maggam bhāvetī ti upāyam hetum kāraņam uppādeti vaddheti. Sabbaso ti sabbākārena sabbāsam vā anavasesānan ti attho.

436. Rūpas añ nān an 2 ti sañ nasīsena vuttar upāvaca-

Dhs. § 265 ff.
 Visuddhimagga J. P. T. S. 1891—3
 p. 106, Grimblot Sept Suttas Pālis p. 262. Mahāvyutpatti
 60. Mahāparinibbānasutta III, 33.

rajjhānānam eva tadārammaņānan ca. Rūpāvacarajjhānam pi hi rūpan ti vuccati. Rūpī rūpāni passatī ti ādīsu, tassa ārammaņam pi bahiddhā rūpāni passati suvaņņadubbaņņānī ti ādīsu, tasmā idha rūpe sannā rūpasannā ti evam sannāsīsena rūpāvacarajjhānass 'etam adhivacanam. Rūpam sannā assā ti rūpasannam, rūpam assa nāman ti vuttam hoti. Evam paṭhavīkasiṇādibhedassa tadā ārammaṇass' etam adhivacanan ti veditabbam.

437. Samatikkamā ti virāgā nirodhā ca kim vuttam hoti? Etāsam kusalavipākakiriyāvasena pañcadasannam jhānasankhātānam rūpasañnānam etesañ ca pathavīkasinādivasena atthannam ārammaṇasankhātānam rūpasañnānam sabbākārena anavasesānam vā virāgā ca nirodhā ca. Virāgahetum eva nirodhahetun ca ākāsānancāyatanam upasampajja viharati. Na hi sakkā sabbaso anatikkantarūpasañnena etam upasampajja viharitun ti.

Tattha yasmā ārammaņe avirattassa saññāsamatikkamo na hoti samatikkantāsu ca saññāsu ārammaņasamatikkantam eva hoti tasmā ārammaņasamatikkamam avatvā katamā rūpasaññā? Rūpāvacarasamāpattim samāpannassa vā upapannassa vā diṭṭhadhammasukhavihārissa vā saññā sañjānanā sañjānitattam imā vuccanti rūpasaññāyo. Imā rūpasaññāyo atikkanto hoti vītikkanto samatikkanto, tena vuccati sabbaso rūpasaññānam samatikkama ti. Evam Vibhange saññānam yeva samatikkamo vutto. Yasmā pana ārammaṇasamatikkamena vattabbā etā samāpattiyo na ekasmim yeva ārammaṇe paṭhamajjhānādīni viya tasmā ayam ārammaṇasamatikkamavasenā pi atthavaṇṇanā katā ti veditabbā.

438. Paţighasaññānam atthaṅgamā ti. Cakkhādīnam vatthūnam rūpādīnam ārammaṇānañ ca paţighā tena samuppannā saññā paţighasaññā. Rūpasaññādīnam etam adhivacanam. Yathāha tattha 'katamā paţighasañña?' 'Rūpasaññā saddasaññā gandhasaññā rasasañña phoţţhabbasaññā imā vuccanti paţighasaññāyo ti.' Tāsam kusalavipākānam pañcannam ti

¹ Visuddhimagga in J. P. T. S. 1891-93. p. 106.

sabbaso dasannam pi patighasaññānam atthangamā pahānā asamuppādā appavattim katvā ti vuttam hoti. Kāmañ c'etā pathamajjhānādīni samāpannassā pi na santi, na hi tasmim samaye pañcadvāravasena cittam pavattati. Evam sante pi aññattha pahīnānam sukhadukkhānam catutthajjhāne viya sakkāyaditthādīnam tatiyamagge viya ca imasmim jhāne ussāhajananattham imassa jhānassa pasamsāvasena etāsam ettha vacanam veditabbam. Athavā kiñcā pi tā rūpāvacaram samāpannassa na santi atha kho na pahīnattā na santi. Na hi rūpavirāgāya rūpāvacarabhāvanā samvattati, rūpāyattā va etāsam pavatti. Ayam pana bhāvanā rūpavirāgāya samvattati tasmā tā ettha pahīnā ti vattum vattati. Na kevalañ ça vattum ekamsen 'eva evam dhāretum pi vattati. Tāsam hi ito pubbe appahīnattā yeva pathamajjhānam samāpannassa saddo kantako ti vutto Bhagavatā.

Idha ca pahīnattā yeva arūpasamāpattīnam ānañjatā santavimokkhatā ca vuttā.

Āļāro ca Kāļāmo āruppam samāpanno pañcamattāni sakaṭasatāni nissāya nissāya atikkamantāni neva addasa na pana saddam assosī ti.

439. Nānattasannānam amanasikārā ti nānatte vā gocare pavattānam saññānam nānattānam vā saññānam vasmā hi etā tattha katamā nānattasaññā? Asamāpannassa manodhātusamangissa vā manovinnānadhātusamangissa vā sannā sanjānanā sanjānitattam imā vuccanti nānattasaññayo ti. Evam Vibhange vibhajitva vutta idha adhippetā. Asamāpannassa manodhātumanoviñnāņadhātusangahītā saññā rūpasaddādibhedanānatte nānāsabhāvagocare Yasmā c'etā attha kāmāvacarakusalasaññā dvādasa akusalasaññā ekādasa kāmāvacarakusalavipākasannā dve akusalavipākasannā ekādasa kāmāvacarakiriyāsaññā ti evam cattālīsam pi saññānānattanānāsabhāvā aññamaññam asadisā 3 tasmā nānattasaññā ti vuttā. Tāsam sabbaso nānattasañnānam amanasikārā anāvajjanā asamannāhārā apaccavekkhaņā.

Yasmā tā nāvajjati na manasikaroti na paccavekkhati

¹ nayanti T. ² rūpāyatanā T. ³ sadisā M.

tasmā ti vuttam hoti. Yasmā c'ettha purimā rūpasaññā patighasaññā ca iminā jhānena nibbatte bhave pi na vijjanti pag eva tasmim bhave imam jhānam upasampajja viharaṇakāle tasmā tāsam samatikkamā atthaṅgamā ti dvedhā pi abhāvo yeva vutto. Nānattasaññāsu pana yasmā atthakāmāvacarakusalasaññā navakiriyasaññā dasākusalasaññā ti imā sattavīsati saññā iminā jhānena nibbatte bhave vijjanti tasmā tāsam amanasikārā ti vuttan ti veditabbam. Atrā pi hi imam jhānam upasampajja viharanto tāsam amanasikārā yeva upasampajja viharati tā pana manasikaronto asamāpanno hotī ti.

Sankhepato c'ettha rūpasaññānam samatikkamā ti iminā sabbarūpāvacaradhammānam pahānam vuttam, patighasaññānam atthangamā nānattasaññānam amanasikārā ti iminā sabbesam kāmāvacaracittacetasikānam ca pahānā amanasikāro ti ca vutto ti veditabbo.

440. Iti Bhagavā pannarasannam rūpasaññānam samatikkamena dasannam patighasaññānam atthangamena catucattālīsāva nānattasañnānam amanasikārenā ti tīhi padehi ākāsānancāyatanasamāpattiyā vaņņam kathesi. Kim kāraņā ti ce? Sotunam ussahajananattham c'eva palobhanattham ca. Sace hi keci apanditā vadeyyum: satthā 'ākāsānañcāyatanasamāpattim nibbattethā ti' vadeti. Ko nu kho etāya nibbattitāya attho ko ānisamso ti? Te evam vattum mā labhantū ti imehi ākārehi samāpattiyā vannam kathesi. Tam hi tesam sutvā evam bhavissati, evam santā kira ayam samāpatti evam paņītā, nibbattessāmi nan ti. Ath' assā nibbattanatthāya ussāham karissanti palobhanatthañ cā pi tesam etissā vannam kathesi visakantakavānijo viva. Visakantakavāņijo nāma guļavāņijo vuccati. So kira gulaphānitakhandasakkarādīni sakatenādāya paccantagāmam gantvā 'visakantakam ganhatha, visakantakam ganhatha' ti ugghosesi. Tam sutvā gāmikā 'visam nāma kakkhaļam, yo tam khādati so marati, kantako pi vijjhitvā māreti ubho p'ete kakkhalā ko ettha ānisamso ti' gehadvārāni thakesum, dārake ca palāpesum. Tam disvā vāņijo 'avohārakusalā2'

¹ palobhanamattañ ca T. ² vohārak^o M.

ime gāmikā, handa ne upāyena gaņhāpemī' ti 'atimadhuram ganhatha, atisādhum ganhatha, gulam phānitam sakkaram samaggham labbhati, kūtamāsakakūtakahāpaņādīhi pi labbhatī ti' ugghosesi. Tam sutvā gāmikā hatthapahatthā niggantvā bahum pi mūlam datvā gaņhimsu. Tattha vānijassa 'visakantakam ganhathā ti' ugghosanam viya Bhagavato 'ākāsānancāvatanasamāpattim nibbattethā ti' vacanam. 'Ubho p'ete kakkhalā, ko ettha ānisamso ti' gāmikānam cintanam viva Bhagavā 'ākāsānancāyatanam nib-'Ko nu kho ettha ānisamso nā'ssa battethā ti' āha. gunam jānāmī ti' sotūnam cintanam. Ath' assa vāņijassa 'atimadhuram ganhathā ti' ādi vacanam viya Bhagavato rūpassaññāsamatikkamanādikam ānisamsappakāsanam. Idam hi sutvā te bahum pi mūlam datvā gāmikā viya guļam iminā ānisamsena palobhitacittā mahantam pi ussāham katvā imam samāpattim nibbattessantī ti ussāhajananattham palobhanatthañ ca kathesi.

441. Ākāsānancāyatanasannāsahagatan ti. Ettha nā 'ssa anto ti anantam. Ākāsam anantam ākāsānantam. Ākāsānantam eva ākāsānancatam ākāsānan ca adhitthānatthena āyatanam assa sampayuttadhammassa jhānassa devānam devāyatanam ivā ti ākāsānancāyatanam. nugghātimākāsass' etam adhivacanam. Tasmim ākāsānañcāvatane appanāppattāva sannāva sahagatam ākāsānancāyatanasaññāsahagatam. Yathā pana añnattha ananto ākāso ti vuttam evam idha anantan ti vā parittan ti na gahitam. Kasmā? Anante gahite parittam na gayhati, paritte gahite anantam na gayhati. Evam sante ārammaņacatukkam na pūreti, desanā solasakkhattukā na hoti Sammāsambuddhassa ca imasmim thāne desanam solasakkhattukam kātum ajjhāsayo. Tasmā anantan ti vā parittan ti vā avatvā ākāsānañcāyatanasañnāsahagatan ti āha. Evam hi sati ubhayam pi gahitam eva hoti, ārammanacatukkam pūreti, desanā solasakkhattukā sampajjati. Avaseso pāliattho hettha vuttanayen' eva veditabbo.

442. Rūpāvacaracatutthajjhānanikanti pariyādānadukkha-

¹ cittanā G.

tāya c'etthā pi dukkhā paţipadā pariyādinnanikantikassa appanā parivāsadandhatāya dandhābhiññā hoti vipariyāyena sukhā paţipadā ca khippābhiññā ca veditabbā. Parittakasinugghāţimākāse pana pavattajjhānam parittārammanam, vipulakasinugghāţimākāse pavattam appamānārammanan ti veditabbam. Upekkhābrahmavihāre viya ca idhā pi catutthajjhānavasena pañcavīsati catukkā honti yathā c'ettha evam ito paresu pi. Visesamattam eva pan' etesu vannayissāma.

443. Ākāsānañcāyatanam samatikkamā tir. Ettha tāva pubbe vuttanayen 'eva ākāsānañcam āyatanam assa adhiṭṭhānaṭṭhenā ti jhānam pi ākāsānañcāyatanam. Vuttanayen 'eva ārammaṇam pi. Evam etam jhānañ ca ārammaṇañ cā ti ubhayam pi appavattikaraṇena ca amanasikaraṇena ca samatikkamitvā va yasmā idam viññānañcāyatanam upasampajja vihātabbam tasmā ubhayam p' etam ekajjham katvā ākāsanañcāyatanam samatikkammā ti idam vuttan ti veditabbam.

Viññāṇañcāyatanasaññāsahagatan ti ettha pana anantan ti. Manasikātabbavasena nā 'ssa anto ti anantam. Anantam eva ānañcam, viññāṇam ānañcam viññāṇānañcan ti avatvā viññāṇañcan ti vuttam. Ayam h'ettha rūļhisaddo. Tad eva viññāṇañcam adhiṭṭhānaṭṭhena imissā saññāya āyatanan ti viññāṇañcāyatanam. Tasmim viññāṇañcāyatane pavattāya saññāya sahagatan ti viññāṇañcāyatanasaññāsahagatam. Ākāse pavattaviññāṇam ārammaṇassa jhānass 'etam adhivacanam. Idha ākāsānañcāyatanasamāpattiyā nikanti pariyādānadukhatāya dukhhā paṭipadā pariyādiṇṇanikantikassa appanā parivāsadandhatāya dandhābhiññā, vipariyāyena sukhā paṭipadā khippābhiññā ca. Parittakasiṇugghāṭimākāsārammaṇaṃ samāpattim ārabbha pavattiyā parittārammaṇatā vipariyāyena appamāṇārāmmaṇatā veditabbā.

Sesam purimasadisam eva.

444. Viññāṇañcāyatanam samatikkamā ti.² Etthā pi pubbe vuttanayen' eva viññāṇañcāyatanam assa adhiţ-thānatṭhenā ti jhānam pi viññāṇañcāyatanam. Vuttanayen' eva ca ārammaṇam pi. Evam etam jhānañ ca ārammaṇañ

¹ Dhs. § 266. ² Dhs. § 267.

cā ti ubhayam appavattikaraņena ca amanasikaraņena ca samatikkamitvā va yasmā idam ākincannāyatanam upasampajja vihātabbam tasmā ubhayam p'etam ekajjham katvā vinnānancāyatanam samatikkamā ti idam vuttan ti veditabbam.

Ākiñcaññāyatanasaññāsahagatan ti. Ettha pana nā'ssa kiñcanan ti akiñcanam. Antamaso bhaṅgamattam pi assa avasiṭṭhaṃ natthī ti vuttaṃ hoti. Akiñcanassa bhāvo ākiñcaññaṃ. Ākāsānañcāyatanaviññāṇāpagamass' etam adhivacanam.

Tam ākiñcaññam adhitthanatthena imissā saññāya āyatanan ti ākiñcaññāyatanam. Tasmim ākiñcaññāyatane pavattāya saññāya sahagatan ti ākiñcaññāyatanasaññāsahagatam. Ákāse pavattitaviññāṇāpagamārammaṇassa jhānass' etam adhivacanam.

Idha vinnāṇancāyatanasamāpattiyā nikanti pariyādānadukkhatāya dukkhā paṭipadā pariyādiṇṇanikantikassa appanā parivāsadandhatāya dandhābhinnā, vipariyāyena sukhā paṭipadā khippābhinnā ca hoti. Parittakasiṇugghāṭimākāse pavattitavinnāṇāpagamārammaṇatāya parittārammaṇatā, vipāriyāyena appamāṇārammaṇatā veditabbā. Sesam purimasadisam eva.

445. Ākiñcaññāyatanam samatikkamā ti. Etthā pi pubbe vuttanayen 'eva ākiñcaññam āyatanam assa adhitthānatthenā ti jhānam pi ākiñcaññāyatanam. Vuttanayen' eva ārammaṇam pi. Evam etam jhānañ ca ārammaṇam cā ti ubhayam appavattikaraṇena ca amanasikaraṇena ca samatikkamitvā va yasmā idam neva saññānāsaññāyatanam upasampajja vihātabbam tasmā ubhayam p'etam ekajjham katvā ākiñcaññāyatanam samatikkamā ti idam vuttan ti veditabbam.

Nevasaññānāsaññāyatanasaññāsahagatan ti. Ettha pana yāya saññāya sabhāvato tam neva saññānāsaññāyatanam ti vuccati. Yathā patipannassa sā saññā hoti tan tāva dassetum Vibhange neva saññīnāsaññī ti uddharitvā tañ c'eva ākiñcaññāyatanam santato manasi-

¹ Dhs. § 268. ² jhānam om. M.

karoti sankhārāvasesasamāpattim bhāveti. Tena vuccati neva sañnī nāsañnī ti vuttam. Tattha santato manasikarotī ti santā vatāyam samāpatti. Yatra hi nāma natthi bhāvam pi ārammanam katvā thassatī ti evam santārammanatāya na santā ti manasikaroti. Santato ce manasikaroti katham samatikkamo hotī ti? Anāpajjitukāmatāya so kincā pi tam santato manasikaroti atha khvāssa aham etam āpajjissāmi adhitthahissāmi vutthahissāmi paccavekkhissāmī ti esa ābhogo samannāhāro manasikāro na hoti. Kasmā? Ākiñcaññāyatanato nevasaññānāsaññāyatanassa santatarapaṇītataratāya. Yathā hi rājā mahaccarājānubhāvena hatthikkhandhagato nagaravīthiyam vicaranto dantakārādayo sippike ekam vattham dalham nivāsetvā ekena sīsam vethetvā dantacunnādīhi samokinnagatte anekāni dantavikati-ādīni karonte disvā 'aho vata re chekā ācariyā īdisāni pi nāma sippāni karissantī ti' evam tesam chekatāya tussati na c'assa evam hoti 'aho vatāham rajjam pahāya evarūpo sippiko bhaveyyan ti.' 'Tam kissa hetu? Rajjasiriyā mahānisamsatāya. So sippike samatikkamitvā va gacchati evam eva sa kiñcā pi tam samāpattim santato manasikaroti. Atha khvāssa 'aham etam samāpattim āpajjissāmi adhitthahissāmi vutthahissāmi paccavekkhissāmī ti' neva esa ābhogo samannāhāro manasikāro hoti. So tam santato manasikaronto pubbe vuttanayen' eva tam paramasukhumam appanāpattam sannam pāpuņāti yāya neva sānnī nāsaññī nāma hoti. Sankhārāvasesasamāpattim bhāvetī ti Sankhārāvasesasamāpattin ti accantasukhumabhavappattasankharanam catuttharuppasamapattim.

446. Idāni yan tam evam adhigatāya saññāya vasena nevasaññānāsaññāyatanan ti vuccati tam atthato dassetum nevasaññānāsaññāyatanan ti. Nevasaññānāsaññāyatanam samāpannassa vā upapannassa vā diṭṭhadhammasukhavihārissa vā cittacetasikā dhammā ti vuttam. Tesu idha samāpannassa cittacetasikā dhammā adhippetā. Vacanatho pan' ettha oļārikāya saññāya abhāvato sukhumāya ca bhāvato nev' assa sampayuttadhammassa jhānassa saññā nāsaññā ti nevasaññānāsaññā. Nevasaññānāsaññañ ca tam manāyatanadhammāyatanapariyāpannattā āyatanañ

cā ti nevasaññānāsaññāyatanam. Atha vā yāyam ettha saññā sā paṭusaññākiccam kātum asamatthatāya nevasaññānāsaññāsañhārāvasesasukhumabhāvena vijjamānattā nāsaññā ti nevasaññānāsaññā. Nevasaññānāsaññā ca sā sesadhammānam adhiṭṭhānaṭṭhen'āyatanañ cā ti nevasaññānāsaññāyatanam. Na kevalañ c'ettha saññā va edisī. Atha kho vedanā pi neva vedanā nāvedanā, cittam pi neva cittam nācittam, phasso pi neva phasso nāphasso ti esa nayo. Sesasampayuttadhammesu saññāsīsena pan'āyam desanā katā ti veditabbā.

447. Pattamakkhanatelappabhutibhi ca upamāhi attho vibhāvetabbo. Sāmaņero kira telena pattam makkhetvā thapesi. Tam yāgupānakāle thero 'pattam āharā ti' āha. So 'patte telam atthi bhante ti' āha. Tato 'āhara sāmaņera telanāļim pūressāmā ti' vutte 'natthi bhante telan ti' āha. Tattha yathā anto vuttattā yāguyā saddhim akappiyatthena telam atthī ti hoti nāļipūraņādīnam vasena natthī ti hoti evam sā pi saññā paţusaññā kiccam kātum asamatthatāya nevasaññāsankhārāvasesasukhumabhāvena vijjamānattā nāsaññā hoti. Kim pan'ettha saññākiccan ti? Ārammaņasanjānanam c'eva vipassanāya ca visesabhāvam upagantvā nibbidājananam. Dahanakiccam iva hi sukhodake tejodhātusanjānanakiccam c'esā patukātum na sakkoti. Sesasamāpattisu saññā viya vipassanāya visayabhāvam upagantvā nibbidājananam pi kātum na sakkoti. Aññesu hi khandhesu akatābhiniveso bhikkhu nevasaññānāsañnāyatanakkhandhe sammasitvā nibbidam pattum samattho nāma natthi. Api ca āyasmā Sāriputto pakativipassako pana mahāpañño Sāriputtasadiso va sakkuneyya so pi. Evam kira me dhammā ahutvā sambhonti, hutvā patisamentī ti evam kalāpasammasanavasen' eva no anupadadhammavipassanāvasena evam sukhumattagatā esā samāpatti.

Yathā ca pattamakkhanatelūpamāya evam maggūdakūpamāya pi ayam attho vibhāvetabbo.²



¹ Hardy Eastern Monachism p. 264. ² Hardy Eastern Monachism ib.

Maggapaţipannassa kira therassa purato gacchanto sāmanero thokam udakam disvā 'udakam bhante, upāhanā omuncatha ti 'aha. Tato therena 'sace udakam atthi ahara nahānasātikam, nahāvissāmā ti' vutte 'natthi bhante ti' āha. Tattha yatha upahanatemanatthena 'udakam atthi ti' hoti nahānatthena 'udakam natthī ti' hoti evam pi sā patusaññākiccam kātum asamatthatāya neva saññāsankhārāvasesasukhumabhāvena vijjamānattā nāsaññā hoti. Na kevalañ ca etāy'eva aññāhi pi anurūpāhi upamāhi esa attho vibhā-Iti imāya nevasañnānāsañnāyatane pavattāya saññāya nevasāññānāsaññāyatanabhūtāya vā saññāya sahagatan ti nevasaññānāsaññāyatanasaññāsahagatam. Ākiñcaññāyatanasamāpattiārammanassa jhānass'etam adhiva-Idha ākincannāyatanasamāpattiyā nikantipariyādānadukkhatāya dukkhā patipadā pariyādinnanikantikassa appanāparivāsadandhatāya dandhābhiññā, vipariyāyena sukhā paţipadā khippābhiññā ca hoti. Parittakasiņugghātimākāse pavattitaviñnāņāpagamārammaņam samāpattim ārabbha pavattitāya parittārammaņatā, vipariyāyena appamāņārammaņatā veditabbā. Sesam purimasadisam eva.

448. Asadisarūpo nātho āruppam yam catubbidham āha tam iti ñatvāna tasmim pakinnakakathā pi viñneyyā. Arūpasamāpattiyo hi

Ārammaņātikkamato catasso pi bhavant'imā | aṅgātikkamam etāsam na icchanti vibhāvino. ||

Etāsu hi rūpanimittātikkamato paṭhamā, ākāsātikkamato dutiyā, ākāse pavattitaviññāṇātikkamato tatiyā, ākāse pavattitaviññāṇassa apagamātikkamato catutthā ti sabbathārammaṇātikkamato catasso pi bhavant'imā arūpasamāpattiyo ti veditabbā. Aṅgātikkamaṃ pana etāsu na icchanti paṇḍitā. Na hi rūpāvacarasamāpattīsu viya etāsu aṅgātikkamo atthi. Sabbāsu pi hi etāsu upekkhācittekaggatā ti dve eva jhānaṅgāni honti. Evam sante pi

Suppaṇītatarā honti pacchimā pacchimā idha ļupamā tattha viñneyyā pāsādatalasāṭikā. ||

449. Yathā hi catubhūmakassa pāsādassa heṭṭhimatale dibbanaccagītavāditasurabhigandhamālasādhurasapānabhojanasayanacchādanādivasena paṇītā pañca kāmaguṇapaccupaṭṭhitā assu, dutiye tato paṇītatarā, tatiye tato paṇītatarā, catutthe sabbapaṇītatamā kīñcā pi tāni tattha cattāri pi pāsādatalān'eva natthi tesam pāsādatalabhāvena viseso, pañcakāmaguṇasamiddhivisesena pana heṭṭhimato uparimam uparimam paṇītataram hoti.

Yathā ca ekāya itthiyā kantita-thūla-saņha-saņhatara-saņhatamasuttānam catuphala-tiphala-dviphala-ekaphalā sāṭikā assu āyāmena ca vitthārena ca samappamāṇā tattha kiūcā pi tā sāṭikā catasso pi āyāmato ca vitthārato ca samappamāṇā, natthi tāsam pamāṇato viseso. Sukhasamphassasukhumabhāvamahagghabhāvehi pana purimāya purimāya pacchimā pacchimā paṇītatarā honti evam evam kiñcā pi catūsu pi etāsu upekkhācittekaggatā ti etāni dve yeva aṅgāni honti. Atha kho bhāvanāvisesena tesam aṅgānam paṇītapaṇītatarabhāvena suppaṇītatarā honti pacchimā pacchimā idhā ti veditabbā.

Evam anupubbena paņītapaņītā p'etā.

450. Asucimhi maṇḍape laggo eko tan nissito paro | ath' añño bahi anissāya tan tam nissāya vā paro || Thito catūhi etehi purisehi yathākkamam | Samānatāya ñātabbā catasso pi vibhāvinā. ||

Tatrāyam atthayojanā: Asucimhi kira dese eko mandapo. Ath'eko puriso āgantvā tam asucim jigucchamāno tam mandapam hatthehi ālambitvā tattha laggo laggito viya atthāsi. Athāparo āgantvā tam mandapalaggam purisam nissito. Ath'añño āgantvā cintesi 'yo esa mandapalaggo yo c'etam nissito ubho p'ete dutthitā dhuvo ca tesam mandapapāte pāto ti. Handāham bahi yeva titthāmī'ti. So tam nissitam anissāya bahi yeva atthāsi. Athāparo āgantvā mandapalaggassa tan nissitassa ca akhemabhāvam cintetvā bahi thitañ ca sutthitam mantvā tam nissāya atthāsi. Tattha asucimhi dese mandapo viya kasinughātimākāsam datthabbam. Asucidigucchāya mandapalaggo puriso viya rūpanimittadigucchāya ākāsārammanam ākā-

sānañcāyatanam. Maṇḍapalaggam purisam nissito viya ākāsārammaṇam ākāsānañcāyatanam ārabbha pavattam viñnāṇañcāyatanam. Tesam dvinnam pi akhemabhāvam cintetvā anissāya tam maṇḍapalaggam bahi thito viya ākāsānañcāyatanam ārammaṇam akatvā tadabhāvārammaṇam ākincaññāyatanam.

Maṇḍapalaggassa tam nissitassa ca akhematam cintetvā bahi thitañ ca 'suṭṭhito ti' mantvā tan nissāya ṭhito viya viññāṇābhāvasaṅkhātam bahi padese ṭhitam ākiñcaññāyatanam ārabbha pavattam nevasaññānāsaññāyatanam daṭṭhabbam.

451. Evam vattamānan ca

Ārammaņam karont'eva aññābhāvena tam idam | diṭṭhadosam pi rājānam vuttihetu yathā jano. ||

Idam hi nevasaññānāsaññāyatanam āsannaviññāṇañcāyatanapaccatthikā ayam samāpattī ti evam ditthadosam pi tam ākiñcaññāyatanam aññassa ārammaṇassa abhāvārammaṇam karont'eva. Yathā kim? Ditthadosam pi rājānam vuttihetu yathā jano. Yathā hi asamyatam pharusakāyavacīmanosamācāram kiñci sabbadīpapatim rājānam pharusasamācāro ayan ti evam ditthadosam pi aññattha vuttim alabhamāno jano vuttihetu nissāya vattati evam ditthadosam pi tam ākiñcaññāyatanam aññam ārammaṇam alabhamānam idam nevasaññāyatanam ārammaṇam karont' eva. Evam kurumānañ ca

Ārūļho dīghanisseņim yathā nisseņibāhukam | pabbataggañ ca ārūļho yathā pabbatamatthakam. || Yathā vā girim ārūļho attano yeva jaṇṇukam olubbhati tath 'ev'etam jhānam olubbha vattatī ti.

Āruppakusalakathā niţţhitā.

452. Idāni yasmā sabbāni p'etāni tebhūmakakusalāni hīnādinā pabhedena vattanti tasmā tesam tam pabhedam dassetum puna katame dhammā kusalā ti ādi āraddham. Tattha hīnan ti lāmakam āyūhanavasena veditabbam.

¹ Dhs. § 269—276.

Hīnuttamānam majjhe bhavam majjhimam, padhānabhāvam nītam paņītam uttaman ti attho.

Tāni pi āyūhanavasen'eva veditabbāni. Yassa hi āyūhanakkhane chando vihīno hoti viriyam vā cittam vā vimamsā vā tam hīnan nāma, yassa ca te dhammā majjhimā panītā tam majjhimam c'eva panītan ca, yam pana kattukāmatāsankhātam chandam dhuram, chandam jetthakam, chandam pubbangamam katvā āyūhitam chandādhipatino āgatattā chandādhipateyyam nāma. Viriyādhipateyyādīsu pi es'eva nayo.

453. Imasmim pana thane thatva naya ganetabba. Sabbapathamam viharanto hi eko va nayo, hīnan ti eko, majjhiman ti eko, panītan ti eko, chandādhipateyyan ti eko, ime tāva chandādhipateyyā pañca nayā, evam viriyādhipateyyādīsu pī ti cattāro pancakā vīsati honti. Purimo vā eko suddhikanayo, hīnan ti ādayo tayo, chandādhipateyyan ti ādayo cattāro, chandādhipateyyam hīnan ti ādayo dvādasā ti evam pi vīsati nayā honti. Ime vīsati mahānayā kattha vibhattā ti? Mahāpakarane hīnattike vibhatta, imasmim pana thane hinattikato majjhimarasim gahetvā hīnamajjhima-paņītavasena tayo kotthāsā kātabbā. Tato pi majjhimarāsim thapetvā hīnapanīte gahetvā nava nava kotthāsā kātabbā. Hīnasmim yeva hi hīnam atthi, majjhimam atthi, pāņītam atthi. Paņītasmim pi hīnam atthi, majjhimam atthi, panītam atthi. Tathā hīnahīnasmim hīnam, hīnahīnasmim majjhimam, hīnahīnasmim panītam, hīnamajjhimasmim hīnam, hīnamajjhimasmim majjhimam, hīnamajjhimasmim paņītam, hīnapaņītasmim hīnam, hīnapaņītasmim majjhimam, hīnapanītasmim panītan ti ayam eko navako.

454. Paṇītahīnasmim pi hīnam nāma atthi, paṇītahīnasmim pi majjhimam, paṇītahīnasmim paṇītam, tathā paṇītamajjhimasmim hīnam, paṇītamajjhimasmim majjhimam, paṇītapaṇītasmim hīnam, paṇītapaṇītasmim hīnam, paṇītapaṇītasmim paṇītan ti ayam dutiyo navako ti. Dve navakā aṭṭhārasa kam-

¹ paţţhānabhāvanītam paṇītam utto M.

madvārāni nāma. Imehi pabhāvitattā imesam vasena atthārasa khattivā atthārasa brāhmanā atthārasa vessā atthārasa suddā atthacattālīsa gottacaraņāni veditabbāni. Imesu pana te-bhūmakesu kusalesu kāmāvacarakusalam duhetukam pi tihetukam pi hoti, ñāņasampayuttavippayuttavasena rūpāvacarārūpāvacaram pana tihetukam eva ñāṇasampayuttam eva kāmāvacaram c'ettha adhipatinā sahā pi uppajjati vinā pi rūpāvacarārūpavācaram adhipatisampannam eva hoti. Kāmāvacarakusale c'ettha ārammaņādhipati sahajātādhipatī ti dve pi adhipatayo labbhanti. Rūpāvacarārūpāvacaresu ārammanādhipati na labbhati sahajātādhipati yeva labbhati. Tattha cittassa cittādhipateyyabhāvo sampayuttadhammānam vasena vutto. Dvinnam pana cittānam ekato abhāvena sampayuttacittassa cittādhipati nāma. Natthi tathā chandādīnam chandādhipatiādayo.

455. Keci pana sace cittavato kusalam hoti mayham bhavissatī ti evam yam cittam dhuram katvā jetthakam katvā aparam kusalacittam² āyūhitam tassa tam purimam cittam cittādhipati nāma hoti. Tato āgatattā idam cittādhipateyyam nāmā ti evam āgamanavasenā pi adhipatin nāma icchanti. Ayam pana nayo neva pāļiyam na aṭṭhakathāyam dissati, tasmā vuttanayen 'eva adhipatibhāvo veditabbo. Imesu ca ekūnavīsatiyā mahānayesu purime suddhikanaye vuttaparimāṇān'eva cittāni ca navakā ca pāṭhavārā ca honti. Tasmā ñāṇasampayuttesu vuttaparimāṇato vīsatiguņo cittanavakavārabhedo veditabbo. Catūsu ñāṇavippayuttesu soļasaguņo ti ayan tebhūmakakusale pakiṇṇakakathā nāmā ti.

Tebhūmakakusalam niţţhitam.

456. Evam bhavattayasampattinibbattakusalam dassetvā idāni sabbabhavasamatikkamatāya lokuttarakusalam dassetum puna katame dhammā kusalā³ ti ādi āraddham. Tattha lokuttaran ti. Ken' aṭṭhena lokuttaram? Lo-

¹ adhipatisampayuttam T. ² kusalam cittam T. ³ Dhs. § 277.

kam taratī ti lokuttaram, lokam uttaratī ti lokuttaram, lokam samatikkamma abhibhuyya titthatī ti lokuttaram. Jhānam bhāvetī ti ekacittakkhanikam appanājhānam bhāveti janeti vaddheti. Lokato niyyāti vattato niyyātī ti niyyānikam. Niyyāti vā etenā ti niyyānikam. Tam samangī puggalo dukkham parijānanto niyyāti, samudayam pajahanto niyyāti, nirodham sacchikaronto niyyāti, maggam bhāvento nivyāti. Yathā pana tebhūmakam kusalam vatțasmim cutipațisandhiyo ācinati vaddheti ti ācayagāmī nāma hoti. Na tathā idam. Idam pana yathā ekasmim purise attharasahattham pakaram cinante aparo mahamuggaram gahetvā tena citacitatthānam apacinanto viddhamsento gacchevya evam evam tebhūmakakusalena ācitā cutipatisandhiyo paccayayekallakaranena apacinantam viddhamsetum gacchatī ti apacavagāmim ditthigatānam pahānāyā ti. Ettha ditthiyo eva ditthigatāni gūthagatam muttagatan ti ādīni viya dvāsatthiyā vā ditthīnam antogatattā diţţhisu gatānī ti pi diţţhigatāni diţţhiyā va gatam etesan ti pi ditthigatāni ditthisadisagamanāni ditthisadisapavattānī ti attho. Kāni pana tānī ti? Sampayuttāni sakkāyaditthi-vicikicchāsīlabbataparāmāsa-apāyagamanīya-rāgadosamohakusalāni. Tāni hi yāva pathamamaggabhāvanā tāva pavattisabhāvato ditthisadisagamanānī ti vuccanti. Iti diţţhiyo va diţţhigatāni. Tesam diţţhigatānam pahānāyā ti samucchedavasena pajahanatthāya. Pathamāyā ti gananavasena pi pathamuppattivasena pi pathamaya. Bhūmiyā ti. Antarahitāya bhūmiyā ti ādīsu tāva ayam mahāpathavī bhūmī ti vuccati. Sukhabhūmiyam kāmāvacare ti ādīsu cittuppādo. Idha pana sāmaññaphalam adhippetam. Tam hi sampayuttanam nissayabhavato te dhamma bhavanti etthä ti bhūmi. Yasmā vā samāne pi lokuttarabhāve sayam³ pi uppajjati na nibbānam viva apātubhāvam. Tasmā pi bhūmī ti vuccati.

Tassā paṭhamāya bhūmiyāpattiyā ti sotāpattiphalasań-

² Brahmajāla Sutta D. I. 2. ² sabbabhavato T. pavattasabbāvato M. ³ M. inserts bhavati.

khātassa pathamassa sāmaññaphalassa pattatthāya paţilābhatthāyā ti evam ettha attho veditabbo.

457. Viviccā ti samucchedavivekavasena viviccitvā vinā hutvā. Idāni kiñcā pi lokiyajjhānam pi na vinā paţipadāya ijjhati. Evam sante pi idha suddhikanayam pahāya lokuttarajjhānam paṭipadāya saddhim yeva garum katvā desetukāmatāya dukkhāpaṭipadam dandhābhiññan ti ādim āha.

Tattha yo ādito kilese vikkhambhento dukkhena sasankhārena sappayogena kilamanto vikkhambheti tassa dukkhā paṭipadā hoti. Yo pana vikkhambhitakileso vipassanāparivāsam vasanto cirena maggapātubhāvam pāpunāti tassa dandhā abhiññā hoti. Iti yo koci vāro dukkhāpaṭipado dandhābhiñño nāma kato. Katamam pana vāram rocesun ti? Yattha sakim vikkhambhitā kilesā samudācaritvā dutiyam pi vikkhambhitā puna samudācaranti tatiyam vikkhambhite pana tathā vikkhambhite ca katvā maggena samugghātam pāpeti imam vāram rocesum.

Imassa vārassa dukkhā patipadā dandhābhiññā ti nāmam katam. Ettakena pana na pākaṭam hoti. Tasmā evam ettha ādito paṭṭhāya vibhāvanā veditabbā.

Yo hi cattāri mahābhūtāni pariggahetvā upādārūpam parigaņhāti, arūpam parigaņhāti, rūpārūpam pana pariggaņhanto dukkhena kasirena kilamanto 2 vavatthāpeti vavatthāpite ca nāmarūpe vipassanāparivāsam vasanto cirena maggam uppādetum sakkoti tassa pi dukkhā paṭipadā dandhābhināā nāma hoti.

Aparo nāmarūpam pi vavatthāpetvā paccaye parigaņhanto dukkhena kasirena kilamanto parigaņhāti paccaye ca pariggahetvā vipassanāparivāsam vasanto cirena mag-

r na om. T.

2 M. inserts: pariggahetum sakkoti tassa dukkhā patipadā nāma hoti. Pariggahitarūpassa pana vipassanāparivāse maggapātubhāvadandhatāya dandhābhiññā nāma hoti. Yo pi rūpārūpam pariggahetvā nāmarūpam vavatthapento dukkhena kasirena kilamanto vavatthapesi vavatthāpite ca etc.

gam uppādeti. Evam pi dukkhā paţipadā dandhābhiññā nāma hoti.

458. Aparo paccaye pi pariggahetvā lakkhanāni pativijjhanto dukkhena kasirena kilamanto pativijjhati. Pativijjhālakkhano vipassanāparivāsam vasanto cirena maggam uppādeti. Evam pi dukkhā patipadā dandhābhiññā nāma hotī ti. Aparo lakkhanāni pi paṭivijjhitvā vipassanānāne tikkhe sūre pasanne vahante uppannam vipassanānikantim pariyādiyamāno dukkhena kasirena kilamanto pariyādiyati nikantim ca pariyādiyitvā vipassanāparivāsam vasanto cirena maggam uppādeti. Evam pi dukkhā paṭipadā dandhābhiññā nāma hoti. Imam vāram rocesum, imassa vārassa etam nāmam katam.

Iminā ca upāyena parato tisso paṭipadā veditabbā.

459. Phasso hotī ti ādisu anaññātaññassāmītindriyan¹ ti sammāvācā sammākammanto sammā-ājīvo ti cattāri padāni adhikāni. Niddesavāre ca vitakkādiniddesesu maggangan² ti ādīni padāni adhikāni. Sesam sabbam heṭṭhāvuttasadisam eva.

Bhummantaravasena pana lokuttaratā va idha viseso. Tattha anaññātaññassāmītindriyan ti anamatagge samsāravatte anaññātam amatapadam catusaccadhammam eva jānissāmī ti paṭipannassa iminā pubbābhogena uppannam indriyam. Lakkhaṇādīni pan'assa heṭṭhā paññindriye vuttanayen 'eva veditabbāni.

- 460. Sundarā pasatthā vā vācā sammāvācā. Vacīduccaritasamugghāţikāya³ micchāvācāviratiyā etam adhivacanam. Sā pariggahalakkhaņaviramanarasā micchāvācappahānapaccupaţţhānā.
- 461. Sundaro pasattho vā kammanto sammākammanto. Micchākammantasamucchedikāya pāņātipātādiviratiyā etam nāmam. So samuţţhānalakkhaṇaviramanaraso micchākammantappahānapaccupaţţhāno.
- 462. Sundaro pasattho vā ājīvo sammā-ājīvo. Micchājīvaviratiyā etam adhivacanam. So vodānalakkhaṇañāyā-

¹ Dhs. § 277. ² Dhs. § 283. ³ vacīduccaritassa sam° M. vācīd° T.

jīvappavattiraso micchājīvappahānapaccupatthāno. Api ca hetthā viratittaye vuttavasena p'ettha lakkhanādīni veditahbāni.

463. Iti imesam tinnam dhammānam vasena heṭṭhā vuttam maggapañcakam idha maggaṭṭhakam veditabbam yevāpanakesu ca imesam abhāvo tathā karunāmuditānam. Ime hi tayo dhammā pāliyam āgatattā yevāpanakesu na gahitā, karunāmuditā pana sattārammanā, ime dhammā nibbānārammanā ti tā p'ettha na gahitā. Ayan tāva uddesavāre visesattho. Niddesavāre pana maggangam maggapariyāpannan ti. Ettha tāva maggassa angan ti maggangam maggakoṭṭhāso ti attho.

Yathā pana araññe pariyāpannam araññapariyāpannam nāma hoti evam magge pariyāpannan ti maggapariyāpannam maggasannissitan ti attho.

464. Pītisam bojjhan go ti ettha pīti yeva sambojjhango pītisambojjhango. Tattha bodhiyā bodhissa vā ango ti bojjhango idam vuttam hoti. Yā ayam dhammasāmaggi yāya lokuttaradhammakkhaņe uppajjamānāya līnuddhaccapatitthānāyūhanakāmasukhattakilamathānuyogaucchedasassatābhinivesādīnam anekesam upaddavānam paţipakkhabhūsatidhammavicayaviriyapītipassaddhisamādhi2 - upekhāsankhātāya dhammasāmaggiyā ariyasāvako bujjhatī ti katvā bodhī ti vuccati. Bujjhatī ti kilesasantānaniddāya uţţhahati cattāri vā ariyasaccāni paţivijjhati i nibbānam eva vā sacchikaroti. Tassā dhammasāmaggīsankhātāya bodhiyā ango ti pi bojjhango jhanangamaggangadīni viya. Yo p'esa yathāvuttappakārāya etāya dhammasāmaggiyā bujjhatī ti katvā ariyasāvakos bodhī ti vuccati. Tassa bodhissa ango ti pi bojjhango senangarathangādayo viya. Ten 'āhu aţthakathācariyā: Bujjhanakassa puggalassa angā ti bojjhangā6 ti. Api ca bojjhangā ti7 kenaţţhena bojjhangā? Bodhāya samvattantī ti bojihangā, bujjhantī ti bojjhangā, anubuj-

Dhs. § 285, Papañcasūdanī (Trenckner's transcript.) p. 97.
 passaddhao M.
 pativicajjati Pap.
 jhānangamaggangādayo Pap.
 ariyasāvako dhīti T.

⁶ angāni bojjhangāni T. 7 bojjhangāni T.

. jhantī ti bojjhangā, paṭibujjhantī ti bojjhangā, sambujjhantī ti bojjhangā ti.

Iminā patisambhidānayenā pi bojjhangattho veditabbo. Pasattho sundaro ca bojjhango sambojjhango. Evam pīti eva sambojjhango pītisambojjhango ti. Cittekaggatāniddesādīsu pi iminā va nayena attho veditabbo.

465. Tesam dhammānan ti. Ye tasmim samaye paţivedham gacchanti catusaccadhammā tesam dhammānam anaññātānam ti kiñcā pi paṭhamamaggena te dhammā ñātā nāma honti. Yathā pana pakatiyā anāgatapubbam vihāram āgantvā vihāramajjhe ṭhito pi puggalo pakatiyā anāgatabhāvam upādāya anāgatapubbam ṭhānam āgato 'mhī ti vadati. Yathā ca pakatiyā apiladdhapubbam mālam pilandhitvā anivatthapubbam vattham nivāsetvā abhuttapubbam bhojanam bhuñjitvā pakatiyā abhuttabhāvam upādāya 'abhuttapubbam bhojanam bhutto 'mhī' ti vadati evam idhā pi yasmā pakatiyā iminā puggalena ime dhammā na ñātapubbā tasmā āññātan ti vuttam. Adiṭṭhādīsu pi es'eva nayo.

466. Tattha adiţţhānan² ti ito pubbe paññācakkhunā adiţṭhānam appattānan ti adhigamanavasena appattānam. Aviditānan ti ñāṇena na pākaṭakatānam. Asacchikatānan ti apaccakkhakatānam. Sacchikiriyāyā ti paccakkhakaraṇattham. Yathā ca iminā padena evam sesehi pi saddhim anaññātānam ñāṇāya adiṭṭhānam dassanāya appattānam pattiyā aviditānam vedāyā ti yojanā kātabbā.

467. Catūhi vacīduccaritehī³ ti ādīsu vacī ti vacīviñnatti veditabbā. Tiṇṇam dosānam yena kenaci duṭṭhāni caritānī ti duccaritāni, vacīto pavattāni duccaritāni vacīduccaritāni, vaciyā vā nipphāditāni duccaritāni vacīduccaritāni, tehi vacīduccaritehi ārakā ramatī ti ārati, vinā tehi ramatī ti virati, tato tato paṭinivattā va hutvā tehi vinā ramatī ti paṭivirati, upasaggavasena vā padam vaḍḍhitam. Sabbam idam oramanabhāvass 'eva adhivacanam. Veram manāti vināsetī ti veramaṇī. Idam pi oramanass 'eva vevacanam.



¹ Dhs. § 287—295. ² Dhs. § 296. ³ Dhs. § 299.

Yāya pana cetanāya musāvādādīni bhāsamāno karoti nāma ayam lokuttaramaggavirati. Uppajjitvā tam kiriyam kātum na deti kiriyāpatham pacchindatī ti (M. inserts: akiriyā tathā tam karanam kātum na deti karanapatham pacchindatī ti) akaranam. Yāya ca cetanāya catubbidham vacīduccaritam bhāsamāno ajjhāpajjhati nāma ayam uppajjitvā tathā ajjhāpajjhitum na detī ti anajjhāpatti velā anatikkamo ti. Ettha tāya velāyā ti ādīsu tāva kālo velā ti āgato. Uruvelāyam viharatī ti ettha rāsi thitadhammo velam nātivattatī ti ettha sīmā idhā pi sīmā va. Anatikkamanīyatthena hi cattāri vacīsucaritāni velā ti adhippetāni iti. Yāya cetanāya cattāri vacīduccaritāni bhāsamāno velam atikkamati nāma ayam uppajjitvā tam velam atikkamitum na detī ti velā anatikkamo ti vuttā. Velāyatī ti vā velā calayati2 viddhamsetī ti attho. Kim velāyati? Catubbidham vacīduccaritam. Iti velāyanato velā 3. Purisassa pana hitasukham na atikkamitvā vattatī ti anatikkamo. Evam ettha padadvayavasena pi attho veditabbo.

Setum hanatī ti setughāto. Catunnam vacīduccaritānam padaghāto paccayaghāto ti attho. Paccayo hi idha setū ti adhippeto. Tatrāyam vacanattho: rāgādiko catunnam vacīduccaritānam paccayo vaṭṭasmim puggalam sinoti bandhatī ti setu. Setussa ghāto setughāto, vacīduccaritāsamugghātikāya viratiyā ti etam adhivacanam. Ayam pana sammāvācā-sankhātā virati pubbabhāge nānācittesu labbhati. Añnen 'eva hi cittena musāvādā viramati, añnena pesuñnādīhi. Lokuttaramaggakkhano pana ekacittasmim yeva labbhati, catubbidhāya hi vacīsucaritacetanāya padacchedam kurumānā maggangam pūrayamānā ekā va virati uppajjati. Kāyaduccaritehī ti kāyato pavattehi kāyena vā nipphāditehi pāṇātipātādīhi duccaritehi. Sesam purimanayen 'eva veditabbam.

468. Ayam pi sammākammantasankhātā virati4 pubbabhāge nānācittesu labbhati. Añnen' eva hi cittena pāṇā-

¹ nātikkamatī ti M. ² velā velāyati M. ³ iti velam tato velā T. ⁴ Dhs. § 300.

tipātā viramati, aññena adinnādānamicchācārehi. Lokuttaramaggakkhaņe pana ekacittasmim yeva labbhatī ti. Tividhāya hi kāyaduccaritacetanāya padacchedam kurumānā maggaṅgam pūrayamānā ekā va virati uppajjati.

469. Sammā-ājīvaniddese akiriyā ti ādīsu yāya cetanāya micchājīvam ājīvamāno kiriyam karoti nāma ayam uppajjitvā tam kiriyam kātum na detī ti akiriyā ti iminā nayena yojanā veditabbā.

Ājīvo ca nām'esa pāṭiyekko natthi. Vācākammantesu gahitesu gahito va hoti tappakkhikattā dhuvapaṭisevanavasena panāyam tato nīharitvā dassito ti. Evam sante sammā-ājīvo sakiccako na hoti, aṭṭha maggaṅgāni na paripūreti. Tasmā sammā-ājīvo sakiccako kātabbo aṭṭha maggaṅgāni paripūretabbānī ti tatrāyam nayo. Ājīvo nāma bhijjamāno kāyavacīdvāresu yeva bhijjati, manodvāre ājīvabhedo nāma natthi, pūrayamāno pi tasmim yeva dvāradvaye pūrati, manodvāre ²ājīvapūranam nāma natthi. Kāyadvāre pana vītikkamo ājīvahetuko pi atthi, ³ na ājīvahetuko pi tathā vacīdvāre.

470. Tattha yam rājarājamahāmattā khiḍḍapasutā sūrabhāvam dassentā migavam vā panthaduhanam vā paradāravītikkamam vā karonti idam akusalam kāyakammam nāma, tato virati pi sammākammanto nāma. Yam pi pana ā ājīvahetukam catubbidham vacīduccaritam bhāsanti idam akusalam vacīkammam nāma, tato virati pi sammāvācā nāma. Yām pana ājīvahetu nesādamacchabandhādayo pāṇam hananti adinnam ādiyanti micchācaranti ayam micchājīvo nāma, tato virati sammā-ājīvo nāma. Yam pi lancam gahetvā musā bhaṇanti pesuñnapharusasamphappalāpe pavattenti ayam pi micchā-ājīvo nāma, tato virati sammā-ājīvo nāma.

Mahāsīvatthero pan' āha: 'kāyavacīdvāresu vītikkamo



Dhs. § 301.
 manodvāro T.
 M. omits atthi na ājīvakahetuko pi.
 migamam vā pantaduram vā M. Comp. Kūṭadantasutta D. V. 11.
 M. adds na.
 vātam M.
 micchācāram caranti M.
 lavam C. G. lañjam M.

ājīvahetuko vā hotu no vā ājīvahetuko, akusalam kāyakammam vacīkammam t'eva saukham gacchati, tato viratī ti pi sammākammanto sammāvācā tveva vuccatī ti'. Ājīvo kahan ti vutte¹ pana: 'tīni kuhanavatthūni nissāya cattāro paccaye uppādetvā tesam paribhogo ti' āha.

471. Ayam pana kotippatto micchājīvo, tato virati sammājīvo nāma ayam pi sammājīvo pubbabhāge nānācittesu labbhati. Añnen 'eva hi cittena kāyadvāravītikkamā viramati, aññena vacīdvāravītikkamā. Lokuttaramaggakkhaņe pana ekacittasmim yeva labbhati, kāyavacīdvāresu hi sattakammapathavasena uppannāya micchājīvasankhātāya dussīlyacetanāya padacchedam kurumānā maggangam pūrayamānā ekā va virati uppajjatī ti ayam niddesavāre viseso. Yam pan' etam indriyesu anaññātaññassāmītindriyam vaddhitam maggangesu ca sammāvācādīni tesam vasena sangahavārena viriyindriyāni atthangiko maggo ti vuttam. Suñnatāvāro pākatiko yevā ti ayam tāva suddhikapatipadāya viseso. Ito param suddhikasuññatā suññatapaţipadā suddhika-appanihita appanihitapatipada ti ayam desanabhedo Tattha suñnatā ti lokuttaramaggassa nāmam. hi agamanato sagunato arammanato ti tīhi karanehi namam labhati. Katham? Idha bhikkhu anattato abhinivisitvā anattato sankhāre passati. Yasmā pana anattato dițțhamatten' eva maggavuțțhānam nāma na hoti aniccato pi dukkhato pi daţţhum eva vaţţati tasmā aniccam dukkham anattato ti tividham anupassanam āropetvā sammasanto² carati, vutthānagāminī vipassanā pan'assa tebhūmike pi sankhāre suñnato va passati, ayam vipassanā suñnatā nāma hoti. Sā āgamanīyatthāne thatvā attano maggassa suñnatā ti 3 nāmam deti. Evam maggo āgamanato 4 suññatā ti nāmam labhati.

472. Yasmā pana so rāgādīhi suñno tasmā saguņen 'eva suñnatā nāmam labhati nibbānam pi rāgādīhi suñnattā suñnatan ti vuccati. Tam ārammaņam katvā uppannattā maggo ārammaņato suñnatā nāmam labhati, tattha sut-

vuccante T. ² sammāsanena T. ³ suññatan ti T. ⁴ āgatato T.

tantikapariyāyena saguņato pi ārammaņato pi nāmam labhati. Pariyāyadesanā h'esā, Abhidhammakathā pana nippariyāyadesanā. Tasmā na idha saguņato vā ārammaņato vā nāmam labhati, āgamanato vā labhati. Āgamanam eva hi dhuram, tam duvidham hoti vipassanāgamanam maggāgamanan ti.

Tattha maggassa āgatatthāne¹ vipassanāgamanam dhuram, phalassa āgatatthāne² maggāgamanam dhuram, idha maggassa āgatattā vipassanāgamanam eva dhuram jātam. Appaṇihitan ti. Etthā pi appaṇihitan ti maggass' eva nāmam³ idam pi nāmam maggo tīh' eva kāraṇehi labhati. Katham? Idha bhikkhu ādito⁴ abhinivisitvā dukkhato va sankhāre passati.

473. Yasmā pana dukkhato diţţhamatten 'eva maggavuţţhānam nāma na hoti aniccato pi anattato pi daţţhum eva vaţţati tasmā aniccam dukkham anattato ti tividham anupassanam āropetvā sammasanto carati, vuţţhānagāminī vipassanā pan'assa tebhūmikasankhāresu panidhim sosetvā pariyādiyitvā vissajjeti, ayam vipassanā appaṇihitā 5 nāma hoti. Sā āgamanīyaţţhāne ţhatvā attano maggassa appaṇihitan ti nāmam deti, evam maggo āgamanato appaṇihitanāmam labhati.

474. Yasmā pan'ettha rāgadosamohapaṇidhayo natthi tasmā saguņen' eva appaṇihitanāmam labhati nibbānam pi. Tesam paṇidhīnam abhāvā appaṇihitan ti vuccati. Tam ārammaṇam katvā uppannattā maggo appaṇihitan ti nāmam labhati, tattha suttantikapariyāyena saguṇato pi ārammaṇato pi nāmam labhati. Pariyāyadesanā h'esā, Abhidhammakathā pana nippariyāyadesanā. Tasmā na idha saguṇato vā ārammaṇato vā nāmam labhati, āgamanato va labhati. Āgamanam eva hi dhuram, tam duvidham hoti vipassanāgamanam maggāgamanan ti. Tattha maggassa āgataṭṭhāne vipassanāgamanam dhuram, phalassa āga-

5 Dhs. § 351-357.



āgamanaţţhāne C. G.
 āgamanaţţhāne C. G.
 etam nāmam M.
 ādito va dukkhato abhinivisitvā T.

taṭṭhāne maggāgamanam dhuram, idha maggassa āgatattā vipassanāgamanam eva dhuram jātam.

Nanu ca suññato animitto appaṇihito ti tīni maggassa nāmāni. Yath 'āha: tayo me bhikkhave vimokkhā suññato vimokkho animitto vimokkho appaṇihito vimokkho ti.¹ Tesu idha dve magge gahetvā animitto kasmā na gahito ti? Āgamanabhāvato. Animittavipassanā hi sayam āgamanīyaṭṭhāne ṭhatvā attano maggassa nāmam dātum na sakkoti. Sammāsambuddho pana attano puttassa Rāhulattherassa:

Animittañ ca bhavehi mananusayam ujjaha | Tato manabhisamaya upasanto carissasī ti || ²

animittavipassanam kathesi. Vipassanā hi niccanimittam sukhanimittam atthanimittan ca ugghāţeti, tasmā animittā ti kathitā sā ca kincā pi tam nimittam ugghāţeti sayam pana nimittadhammesu caratī ti sanimittā va hoti, tasmā sayam āgamanīyaţṭhāne ţhatvā attano maggassa nāmam dātum na sakkoti.

475. Aparo nayo: Abhidhammo nāma paramatthadesanā animittamaggassa ca paramatthato hetu vekallam eva hoti. Katham? Aniccānupassanāya hi vasena animittavimokkho kathito tena ca vimokkhena saddhindriyam adhimattam³ hoti, tam ariyamagge ekangam pi na hoti amaggangattā attano maggassa paramatthato va nāmam dātum na sakkoti. Itaresu pana dvīsu anattānupassanāya tāva vasena sunīnāto vimokkho, dukkhānupassanāya vasena appaṇihito vimokkho kathito. Tesu sunīnātavimokhena panīnindriyam adhimattam⁵ hoti, appaṇihitavimokhena samādhindriyam. Tāni ariyamaggassa angattā attano maggassa paramatthato nāmam dātum sakkonti. Maggārammaṇattike pi hi maggādhipatidhammavibhajane chandacittānam adhipatikāle tesam dhammānam amaggato6 ca maggādhipatibhāvo na vutto. Evamsampadam idam veditabban ti ayam ettha Atṭhakathāmuttako ekassa ācariyassa mativinicchayo.

² Visuddhimagga J. P. T. S. 1891—91 p. 155. Dhs. p. 282. Mahāvyutp. 73.

² Suttanipāta 342.

³ adhimannam T. 4 °ānupassanā M. 5 adhimannam T. adhimittam M. 6 amaggangattā M.

Evam sabbathā pi animittā vipassanā sayam āgamanīyatthāne thatvā attano maggassa nāmam dātum na sakkotī ti animittamaggo na gahito.

476. Keci pana 'animittamaggo agamanato namam alabhanto pi Suttantapariyāyena saguņato ca ārammaņato2 ca nāmam labhatī ti' āhamsu. Te idam vatvā paţikkhittā. Animittamagge sagunato ca ārammanato ca nāmam labhante suññata-appanihitamaggā pi sagunato yeva ārammanato yeva ca idha nāmam labheyyum, na pana labhanti. Kimkāraņā? Ayam hi maggo nāma dvīhi kāraņehi nāmam labhati sarasato 3 ca paccanīkato ca sabhāvato ca patipakkhato cā ti attho. Tattha suñnata-appanihitamaggā sarasato4 pi paccanīkato pi nāmam labhanti. Suñnata-appaņihitamaggā hi rāgādīhi suññā rāgapaņidhiādīhi ca appaņihitā ti evam sarasato nāmam labhanti suññato ca attābhinivesassa patipakkho appanihito panidhissā ti6 evam paccanīkato nāmam labhanti. Animittamaggo pana rāgādinimittānam niccanimittādīnam ca abhāvena sarasato ca nāmam labhati no paccanīkato. Na hi so sankhāranimittārammaņa-aniccānupassanāya, paţipakkho. Aniccānupassanā pan'assa anulomabhāve thitā ti. Evam sabbathā pi Abhidhammapariyāyena animittamaggo nāma natthī ti. Suttantapariyāyena pan'esa evam āharitvā dīpito. Yasmim hi vāre maggavuţţhānam hotī ti tīņi lakkhaņāni ekāvajjanena viya āpātham āgacchanti tinnañ ca ekato āpāthagamanam nāma natthi. Kammatthānassa pana vibhūtabhāvadīpanattham etam vuttam. Ādito hi yattha katthaci abhiniveso hotu, vutthānagāminī pana vipassanā yam yam sammasitvā vutthāti tassa tass'eva vasena āgamanīyatthāne thatvā attano maggassa nāmam deti. Katham? Aniccādīsu hi yattha katthaci abhinivisityā itaram pi lakkhanadvayam datthum vattati, evam ekalakkhanadassanamatten'eva hi maggavutthānam nāma hoti.8 Tasmā aniccato abhinivittho



¹ saguṇā T. ² Visuddhimagga p. 156. ³ sarato C. G. ⁴ sarato C. G. ⁵ sarato pi M. C. G. ⁶ paṇidhiyā ti M. ⁷ °ārammaṇāya an° M. ⁸ hi vuṭṭhānam nāma na hoṭi M.

bhikkhu na kevalam aniccato va vutthāti dukkhato pi vutthāti anattato pi vutthāti yeva. Dukkhato anattato abhinivitthe pi es'eva nayo.

Iti ādito yattha katthaci abhiniveso hotu, vuṭṭhānagāminī pana vipassanā yam yam sammasitvā vuṭṭhāti tassa tass' eva vasena āgamanīyaṭṭhāne ṭhatvā attano maggassa nāmam detī ti.

477. Tattha aniccato vuţţhahantassa maggo animitto, dukkhato vuţţhahantassa appaṇihito, anattato vuţţhahantassa suññato ti evam Suttantapariyāyena āharitvā dīpito. Vuţţhānagāminī pana vipassanā kim ārammaṇā? Lakkhaṇārammaṇā ti. Lakkhaṇam nāma paññattigatikam na vattabbadhammabhūtam. Yo pana aniccam dukkham anattā ti tīṇi lakkhaṇāni sallakkheti tassa pañca khandhā kaṇṭhe baddhakuṇapam viya honti, saṅkhārārammaṇam eva ñāṇam saṅkhārato vuṭṭhāti. Yathā hi eko bhikkhu pattam kiṇitukāmo pattavāṇijena pattam ābhatam disvā haṭṭhapahaṭṭho 'gaṇhissāmī ti' cinṭetvā vīmaṃsamāno chiddāni passeyya, so na chiddesu nirālayo hoti, patte pana nirālayo hoti evam eva tīṇi lakkhaṇāni sallakkhetvā saṅkhāresu nirālayo hoti saṅkhārārammaṇen' eva ñāṇena saṇkhārato vuṭṭhātī ti veditabbo.

Dussopamāya pi es' eva nayo.

478. Iti Bhagavā lokuttarajjhānam bhājento suddhikapatipadāya catukkanayam pañcakanayan ti dve pi nayeāhari. Tathā suddhikasuññatāya suññatāpatipadāya appaņihito appaṇihitapatipadāya pi tasmā² evam āharī ti puggalajjhāsayena c'eva desanāvilāsena ca tadubhayam pi hetthā vuttanayen'eva veditabbam. Evam lokuttaram jhānam bhāvetī ti ettha suddhikapatipadāya catukkapañcakavasen' eva dve nayā. Tathā sesesū ti sabbesu pi pañcasu kotthāsesu dasa nayā bhājitā. Tatr' idam pakiṇṇakam.

Ajjhattañ ca bahiddhā ca rūpārūpesu pañcasu | satta-aṭṭhaṅgapariṇāmaṃ³ nimittaṃ paṭipadā patī ti. ||

479. Lokuttaramaggo hi ajjhattam abhinivisitvā ajjhattam

¹ Dussopame M. ² kasmā T. ³ sattasu T.

vuţţhāti, ajjhattam abhinivisivā bahiddhā vuţţhāti, bahiddhā abhinivisitvā bahiddhā vuţţhāti, bahiddhā abhinivisitvā ajjhattam vuţţhāti, rūpe abhinivisitvā rūpā vuţţhāti, rūpe abhinivisitvā arūpā vuţţhāti, arūpe abhinivisitvā arūpā vuţţhāti, arūpe abhinivisitvā rūpā vuţţhāti.

Ekappahāreņa pañcahi khandhehi vuṭṭhāti satta-aṭṭhaṅga-pariṇāman¹ ti. So pan'esa maggo aṭṭaṅgiko pi hoti sattaṅgiko pi, bojjhaṅgā pi satta vā honti cha vā, jhānaṃ pana pañcaṅgikaṃ vā hoti caturaṅgikaṃ vā tivaṅgikaṃ vā. Evaṃ satta-aṭṭhādīnaṃ aṅgānaṃ pariṇāmo veditabbo ti attho.

Nimittam paţipadā patī ti tīsu² nimittan ti yato pana niyato³ vuţţhānam hoti paţipadā patī ti paţipadāya ca adhipatino ca calanācalanam⁴ veditabbam.

480. Tattha ajjhattam abhinivisitvā ajjhattam vuţţhātī ti ādīsu tāva idh'ekacco ādito va ajjhattam pancasu khandhesu abhinivisati abhinivisitvā te aniccādito passati. Yasmā pana na suddha-ajjhattadassanamatten' eva maggavutthānam hoti bahiddhā pi datthabbam eva tasmā parassa khandhe pi anupādiņņasankhāresu pi aniccam dukkhamanattā ti passati. So kālena ajjhattam sammasati kālena bahiddhā ti.6 Tass' evam sammasato ajjhattam sammasanakāle vipassanāmaggena saddhim ghatīyati, evam ajjhattam abhinivisitvā ajjhattam vutthāti nāma. Sace pan' assa7 bahiddhā sammasanakāle vipassanāmaggena saddhim ghaţīyati evam ajjhattam abhinivisitvā ajjhattam vuţţhāti nāma. Sace pan'assa bahiddhā sammasanakāle vipassanāmaggena saddhim ghatīyati evam ajjhattam abhinivisitvā bahiddhā vutthāti nāma. Esa nayo bahiddhā abhinivisitvā bahiddhā c'eva ajjhattañ ca vuțthāne pi.

481. Aparo ādito va rūpe abhinivisati abhinivisitvā bhūtarūpañ ca upādārūpañ ca paricchinditvā aniccādito passati. Yasmā pana na suddharūpadassanamatten' eva vuţṭhānam hoti arūpam pi daṭṭhabbam eva tasmā rūpam ārammaṇam

pariyāman ti M.
 M. omits tīsu.
 Adhipatito ca va lātā cala tam T.
 Sankhāre M.
 M. omits ti.
 passa T.

katvā uppannam vedanam saññam sankhāre viññānañ ca idam arūpan ti paricchinditvā aniccādito passati. lena rūpam sammasati, kālena arūpam, tass' evam sammasato rūpasammasanakāle vipassanāmaggena saddhim ghatīyatī ti evam rūpe abhinivisitvā rūpā vutthāti nāma. Sace pan' assa arupasammasanakale vipassanamaggena saddhim ghatīyati evam rūpe abhinivisitvā arūpā vutthāti nāma. Esa nayo arūpe abhinivisitvā arūpā ca rūpā ca vutthāne pi. Yam kiñci samudayadhammam sabban tam nirodhadhamman ti evam abhinivisitvā evam evam vuţţhānakāle pana ekappahāreņa pañcahi khandhehi vuţţhāti nāmā ti. Ayam tikkhavipassakassa mahāpaññassa bhikkhuno vipassanā. Yathā hi chātajjhattassa purisassa majjhe gūthapindam thapetvā nānaggarasabhojanapunnam pātim upaneyyum, so vyanjanam hatthena viyūhanto tam gūthapindam disvā 'kim idan ti' pucchitvā 'gūthapiņdo ti' vutte 'dhi dhi apanethā ti' bhatte pi pātiyam pi nirālayo hoti evamsampadam idam datthabbam. Bhojanapātidassanasmim hi tassa attamanakālo viya imassa bhikkhuno bālaputhujjanakālo, panca khandhe aham mamā ti gahitakālo gūthapiņdassa ditthakālo viya, tinnam lakkhanānam sallakkhitakālo bhatte pi pātiyam pi nirālayakālo viya, tikkhavipassakassa mahāpaññassa bhikkhuno yam kinci samudayadhammam sabbam tam nirodhadhamman ti pañcahi khandhehi ekappahāreņa vuţţhitakālo veditabbo.

Satta-aţţhangaparināman ti. Ettha ayam vuttappabhedo angaparināmo yathā hoti tathā veditabbo.

Sankhārūpekhā nānam eva hi ariyamaggassa bojjhangamaggangajhānangavisesam niyameti. Keci pana therā bojjhangamaggangajhānangavisesam pādakajjhānam niyametī ti vadanti, keci vipassanāya ārammanabhūtā khandhā niyametī ti vadanti. Keci puggalajjhāsayo niyametī ti vadanti tesam pi vādesu ayam sankhārūpekhāsankhātā pubbabhāgā vuṭṭhānagāminī vipassanā va niyametī ti veditabbā.

482. Tatrāyam anupubbakathā. Vipassanāniyamena hi

[·] Ghojanāpātidassanasmim T.

sukkhavipassakassa uppannamaggo pi samāpattilābhino jhānam pādakam akatvā uppannamaggo pi pathamam jhānam pādakam katvā pakiņņakasankhāre sammasitvā uppāditamaggo pi pathamajjhānikā 2 ca honti, sabbesu satta bojjhangāni attha maggangāni panca jhānangāni honti tesam pi hi pubbabhāgavipassanā somanassasahagatā pi upekhāsahagatā pi hutvā vuţţhānakāle sankhārūpekhā bhāvappattā somanassasahagatā va hoti. Pañcakanaye 3 dutivatativacatutthajjhānāni pādakāni katvā uppāditamaggesu yathākkamen' eva jhānam caturangikam tivangikam duvangikam va hoti. Sabbesu pana satta maggangani honti, catutthe cha bojjhangāni. Ayam viseso 5 pādakajjhānaniyamena c'eva vipassanāniyamena ca hoti. Tesam pi hi pubbabhāgavipassanā somanassasahagatā pi upekhāsahagatā pi hoti, vutthānagāminī somanassasahagatā va. Pancamajjhānam pādakam katvā nibbattitamagge pana upekhācittekaggatāvasena dve jhānangāni bojjhangamaggangāni cha satta-meva. Ayam pi viseso ubhayaniyamavasen' eva hoti. Imasmim naye pubbabhāgavipassanā somanassasahagatā vā upekhāsahagatā vā hoti, vuţţhānagāminī upekhāsahagatā ca. Arūpajjhānāni pādakāni katvā uppāditamagge pi es'eva nayo.

Evam pādakajjhānato vutthāya ye keci sankhāre sammasitvā nibbattitamaggassa āsannapadese vutthitā samāpatti attano sadisabhāvam karoti bhūmivanno viya godhāvannassa.

483. Dutiyatheravāde pana yato yato samāpattito vutthāya te te samāpattidhamme sammasitvā maggo nibbattito hoti tam tam samāpattisadiso va so 7 hoti sammasitasamāpattisadiso ti attho.

Sace pana kāmāvacaradhamme sammasati pathamajjhāniko hoti tatrā pi ca vipassanāniyamo vuttanayen' eva veditabbo.

¹ Kern Buddhisme I, 388. ² paṭhamaṃ jhānikā T. paṭhamajhāniko hoti M. ³ pañcakanayo T. ⁴ M. omits duvaṅgikaṃ. ⁵ aṭṭaviseso T. ⁶ attanā T. ⁷ M. omits va so.

484. Tatiyatheravāde 'aho vat'āham sattangikam maggam pāpuneyyam atthangikam maggam pāpuneyyan ti' attano ajjhāsayānurūpena yam yam jhānam pādakam katvā ye vā ye vā jhānadhamme sammasitvā maggo nibbattito tam tam jhānasadiso va hoti, pādakajjhānam pana sammasitajjhānam vā vinā ajjhāsayamatten'eva tam na ijjhati. Svāyam attho Nandakovādasuttena dīpetabbo.

arahattassa upanissayo sā arahatten'eva. Evam eva attano ajjhāsayānurūpena yam yam jhānam pādakam katvā ye vā ye vā jhānadhamme sammasitvā maggo nibbattito tam tam jhānasadiso va so hoti. Pādakajjhānam pana sammasitajjhānam vā vinā ajjhāsayamatten'eva tam na ijjhatī ti etthā pi ca vipassanāniyamo vuttanayen'eva veditabbo.

485. Tattha 'pādakajjhānam'eva niyametī ti' evamvādim Tipitaka-Cūļanāgattheram antevasikā āhamsu: Bhante yattha tāva pādakajjhānam atthi tattha tam niyametu, yasmim pana pādakajjhānam natthi tasmim arūpabhāve kim niyametī ti āvuso? Tatthā pi pādakajjhānam eva niyametī. So hi bhikkhu atthasamāpattilābhī pathamajjhānam pādakam katvā sotāpattimaggaphalāni nibbattetvā apparihīnajjhāno kālam katvā arūpabhāve² nibbatto pathamajjhānikāya sotāpattiphalasamāpattiyā vuṭthāya vipassanam paṭṭhapetvā upari tīṇi maggaphalāni nibbatteti. Tassa tāni paṭhamajjhānikān' eva honti, dutiyajjhānikādisu pi es' eva nayo.



¹ Majjhimanikāya 146.

² arūpabhave T.

Āruppe¹ tikacatukkajjhānam uppajjati tañ ca kho lokuttaram na lokiyam, evam tatthā pi pādakajjhānam eva niyameti āvuso ti sukathito bhante pañho ti.

486. Vipassanāya ārammaṇabhūtā khandhā niyamenti. 'Yam yam hi sammasitvā vuṭṭhāti tam tam sadiso va maggo hotī ti' vādim Moravāpivāsi-Mahādattattheram pi antevāsikā āhamsu: Bhante tumhākam vāde doso paññāyati. Rūpam sammasitvā vuṭṭhitabhikkhuno hi rūpasadisena avyākatena maggena bhavitabbam, nevasaññānāsaññāyatanam nayato pariggahetvā² vuṭṭhitassa tam sadisena nevasaññānāsaññābhāvappattena³ bhāvitabban ti na āvuso evam hoti. Lokuttaramaggo hi appanam appatto nāma natthi, tasmā rūpam sammasitvā vuṭṭhitassa aṭṭhaṅgiko somanassasahagatamaggo hoti, nevasaññānāsaññāyatanam sammasitvā vuṭṭhitassā pi na sabbākārena tādiso va hoti, sattaṅgiko pana upekhāsahagatamaggo hotī ti.

'Puggalajjhāsayo niyametī ti' vādino Cūlābhayattherassā pi vādam āharitvā Tipiṭaka-Cūlanāgatherassa kathayimsu.4 So āha: Yassa tāva pādakajjhānam atthi tassa puggalajjhāsayo niyametu, yassa tam natthi tassa katarajjhāsayo niyamissati? 5 'Nibbānassa 6 vaḍḍhigavesanakālo 7 viya hotī ti' tam katham āharitvā Tipiṭaka-Cūlābhayattherassa kathayimsu. So 'pādakajjhānato idam kathitam āvuso ti' āha. Yathā pādakajjhānavato sammasitajjhānavato 8 pi tatth' eva veditabbam.

487. Pañcamajjhānato vuṭṭhāya hi paṭhamādīni sammasato uppannamaggo paṭhamattheravādena pañcamajjhāniko dutiyatheravādena paṭhamādijjhāniko āpajjatī ti dve pi vādā virujjhanti, tatiyavādena pan' ettha yam icchatī tam jhāniko hotī ti te ca vādā na virujjhanti ajjhāsayo ca satthako hotī ti.

Evam tayo pi therā paṇḍitā vyattā buddhisampannā 10

r arūpe T. r pariggahitvā M. 3 M. inserts maggena. 4 kathayamsum C. G. 5 niyāmessayati M. 6 nibbanassa T. 7 vuddhigaves M. 8 sammasitanavato T. 9 icchasī C. G. 10 osampannā vanne tesam vā anantim katvā T.

va, tena tesam vādam tantim katvā thapayimsu. Idha pana attham eva uddharitvā tayo p'ete vāde vipassanā va niyametī ti dassitam. Idāni nimittam paţipadā patī ti ettha evam angaparināmato² maggassa uppādanakāle gotrabhū kuto vutthāti, maggo kuto ti? Gotrabhū3 tāva nimittato vutthāti, pavattam chettum na sakkoti. Ekato vutthāno h'esa maggo nimittato vutthāti pavattam pi chindati, ubhato vutthano h'esa maggo ti cittato vutthati pavattim pi chindati, ubhato vutthanos h'esa tesam ayam uppattinayo. Yasmim hi vāre maggavutthānam hoti tasmim anulomam neva ekam hoti na pancamam. Ekam hi asevanam na labhati, pancamam javanassa6 āsannattā pavedhati. Tadā hi javanam papatitam, nāma hoti tasmā neva ekam hoti na pañcamam. Mahāpaññassa pana dve anulomāni honti tatiyam gotrabhū catuttham maggacittam tīni phalāni tato bhavangottaraņam, 8 majjhimapañnassa tīni anulomāni honti catuttham gotrabhū pañcamam maggacittam dve phalāni tato bhavangottaranam, mandapaññassa cattāri anulomāni honti pañcamam gotrabhū chattham maggacittam sattamam phalam tato bhavangottaranam. Tattha mahāpaññamandapaññānam vasena akathetvā majjhimapaññavasena9 kathetabbam.

488. Yasmim hi vāre maggavutthānam hoti kiriyāhetukamanoviññāṇadhātu 10 upekhāsahagatā manodvārāvajjanam hutvā vipassanāgocare khandhe ārammaṇam katvā bhavaṅgam āvatteti. 11 Tadanantaram ten' 12 āvajjanena gahitakkhandhe gahetvā uppajjati pathamajavanam 13 anulomañāṇam. Tan tesu 14 khandhesu aniccā ti vā dukkhā ti vā anattā

¹ paţipadā vatī C. T. ² angaparimacato C. angaparinamavato T. ³ Visuddhimagga p. 157, Kern Buddhisme I, 387. 4 jahitum C. G. chetum M. thārato T. 6 pañcamam bhavangassa M. pañcamam ⁷ javanam patitam M. javanam javati pavahassa T. tam C. G. 8 ogotaraņam C. 9 Mss. majjhipañña-10 kiriyaho T. 11 āvaddheti T. paññassa. ¹³ pathamam jānam M. eva M. ¹⁴ tattesu T.

ti vā pavattitvā olārikolārikam saccacchādakatamam vinodetvā tīni lakkhanāni bhiyyo bhiyyo pākatāni katvā nirujihati. Tadanantaram uppajjati dutiyam anulomam tesu purimam āsevanam² dutiyassa purimam āsevanam hoti. Tam pi laddhāsevanattā 3 tikkham sūram pasannam 4 hutvā tasmim yev' ārammaņe ten' ev'ākārena pavattitvā majjhimappamānam saccacchādakatamam vinodetvā tīni lakkhanāni bhiyyo bhiyyo pākatāni katvā nirujjhati. Tadanantaram uppajjati tatiyānulomam tassa dutiyam āsevanam hoti tam pi laddhāsevanattā tikkham sūram pasannam hutvā tasmim yev' ārammaņe ten'ev'ākāreņa pavattitvā tadavasesam anusahagatam saccacchādakatamam vinodetvā niravasesam katvā tīni lakkhaņāni bhiyyo bhiyyo pākaţāni katvā nirujihati. Evam tīhi anulomehi saccacchādakatame 5 va vinodite tadanantaram uppajjati gotrabhūñānam⁶ nibbānam ārammanam kurumānam.

489. Tatrāyam upamā: 7 Eko kira cakkhumā puriso nakkhattayogam jānissāmī ti rattibhāge nikkhamitvā candam passitum uddham olokesi, 8 tassa valāhakehi paticchannattā cando na paññāyittha, ath' eko vāto utthahitvā thūlathūle valāhake viddhamsesi aparo majjhime aparo sukhume, tato so puriso vigatavalāhake nabhe candam disvā nakkhattayogam aññāsi.

Tattha tayo valāhakā viya saccapaţicchādakam thūlamajjhimasukhumam kilesandhakāram, tayo vātā viya tīni anulomacittāni, cakkhumā puriso viya gotrabhūñānam, cando viya nibbānam, ekekassa vātassa yathākkamena valāhakaviddhamsanam viya viya ekekassa anulomacittassa saccapaţicchādakatamavinodanam, vi vigatavalāhake nabhe tassa purisassa visuddhacandadassanam viya vigate sacca-

saccapaticchādakam C.
 anāsevanam T.
 laddham sevanattam T.
 suram pasantam T.
 chadakatam C. G.
 Visuddhimagga J. P. T. S. 1891—93
 p. 157.
 Hardy Eastern Monachism 281.
 ullokesi M.
 anāsevanam T.
 chādakatam vinodanam C. G.

paticchādake tame gotrabhūñāṇassa visuddhanibbānam ārammaṇakaraṇam. Yath' eva hi tayo vātā candapaticchādake valāhake yeva viddhamsetum sakkonti na candam datthum evam anulomāni saccapaticchādakatamam yeva vinodetum sakkonti na nibbānam ārammaṇam kātum.

Yathā so puriso candam eva daṭṭhum sakkoti na valāhake viddhamsetum evam gotrabhūñāṇam nibbānam eva ārammaṇam kātum sakkoti na kilesatamam vinodetum. Evam anulomam sankhārārammaṇam hoti gotrabhūnibbānārammaṇam.

- 490. Yadi hi gotrabhū anulomena gahitārammaṇam gaṇheyya, puna anulomakam² anubandheyyā ti maggavuṭthānam eva bhaveyya. Gotrabhūñāṇam pana anulomassa ārammaṇam agahetvā na apacchato pavattitam³ katvā sayam anāvajjanam pi samānam āvajjanaṭṭhāne ṭhatvā evam nibbattāhī ti⁴ maggassa saññam datvā viya nirujjhati. Maggo pi tena dinnam saññam amuñcitvā va avīcisantativasena tam ñāṇam anuppabandhamāno anibbiddhapubbam⁵ appadālitapubbam lobhakkhandham dosakkhandham mohakkhandham nibbijjhamāno⁶ va padālayamāno va nibbattati.
- 491. Tatrāyam upamā: Eko kira issāso dhanusatamathake phalakasatam thapāpetvā vattena mukham vethetvā saram sannayhitvā cakkayante atthāsi. Añno puriso cakkayantam avijjhitvā yathā? yadā issāsassa phalakam abhimukhā hoti tadā tattha danḍakena sañnam deti issāso danḍakasañnam amuncitvā va saram khipitvā phalakasatam nibbijjhati? tattha danḍakasañnam viya gotrabhūnānam, issāso viya maggañānam, issāsassa danḍakasañnam amuncitvā va phalakasatavijjhanam viya maggañānassa gotrabhūnānena dinnam sañnam amuncitvā va nibbānam ārammanam katvā anibbiddhapubba-appadālitapubbānam lobhakkhandhādīnam nibbijjhanapadālanam. 11



¹ anulomā na s° T. ² anulomatam T. ³ pavattikam T. ⁴ nibbahī ti M. ⁵ aniddhapubbam G. C. ⁶ nibbij-jitamāno M. nivijjamāno T. nibbijjamāno C. ⁷ yathā om. T. M. ⁸ phalakasatam abhimukham M. ⁹ nivijjhati T. ¹⁰ anividdhap° T. ¹¹ nivijjhanap° T.

492. Bhūmiladdhaviddhaṃsetusamugghātakaraṇan ti pi etad eva. Maggassa hi ekam eva kiccaṃ anusayapajahanaṃ, so anusaye pajahante nimittā vuṭṭhāti nāma, pavattaṃ chindati nāma. Nimittan ti rūpavedanāsaññāsaṅkhāraviññāṇanimittaṃ. Pavattam pi rūpavedanāsaññāsaṅkhāraviññāṇappavattam eva taṃ duvidhaṃ hoti upādiṇṇakaṃ anupādiṇṇakan ti.

Tesu maggassa anupādiņņakato vuţţhānacchāyā dissatī ti vatvā anupādiņņakato vuţţhātī ti vadiṃsu.

Sotāpattimaggena hi cattāri diṭṭhisampayuttāni vici-kicchāsahagatan ti pañca cittāni pahīyanti, tāni rūpam samutṭhāpenti, tam anupādinnakarūpakkhandho, tāni cittāni viññāṇakkhandho, tam sampayuttā vedanā saññā saṅkhārā tayo arūpakkhandhā.

Tattha sace sotāpannassa sotāpattimaggo abhāvito abhavissa tāni pañca cittāni chasu ārammaņesu pariyuṭṭhānaṃ pāpuneyyum, sotāpattimaggo pana tesam pariyuṭṭhānappavattim⁶ vārayamāno setusamugghātam⁷ abhabbuppattikabhāvam kurumāno anupādiṇṇakato vuṭṭhāti nāma.

493. Sakadāgāmi-maggena pana cattāri ⁸ ditthivippayuttāni dve domanassasahagatānī ⁹ ti, olārikakāmarāgavyāpādavasena cha cittāni pahīyantī ti. Anāgāmi-maggena anusahagatā kāmarāgavyāpādavasena tāni eva cha cittāni pahīyanti, arahattamaggena ¹⁰ cattāri ditthivippayuttāni uddhaccasahagatañ cā ti pañca akusalacittāni pahīyanti. Tattha sace tesam ariyānam te maggā avibhāvitā ¹¹ assutāni cittāni chasu ārammanesu pariyutthānam pāpuneyyum te pana tesam maggapariyutthānappavattam ¹² vārayamānā setusamugghātam abhabbuppattikabhāvam kurumānā anupādinnakato vutthahanti nāma.

494. Upādiņņakato vuţthānacchāyā dissatī ti vatvā upā-



¹ oʻladdhavatha setuo M.
 ² M. inserts iti.
 ³ viññāṇānimittam T. M.
 ⁴ M. inserts nimittam pi rūpavedanāsaññāsankhāraviññāṇapavattam.
 ⁵ okhandhe T.
 ⁶ va nesam pariyuṭṭhānuppattim M.
 ʔ setaso C. G.
 ఔ omagge cattāri M.
 蚐 dosamanassao M.
 ¹¹ omagge M.
 ¹¹ abhāvitā T.
 ²¹ maggāo M.

dinnakato vuţthātī ti pi vadimsu. Sace hi sotāpannassa sotāpattimaggo abhāvito abhavissa thapetvā satta bhave anamatagge samsāravatte¹ upādinnakappavattam pavattissati evam sotāpattimaggo upādinnakapavattam appavattam kurumāno upādinnakato vuṭṭhāti nāma. Sace sakadāgāmissa sakadāgāmimaggo abhāvito abhavissa ṭhapetvā dve bhave pañcasu bhavesu upādinnakapavattam pavatteyya. Kasmā? Tassā pavattiyā hetūnam atthitāya. Olārikāni kāmarāgapaṭighasañnojanāni olāriko kāmarāgānusayo paṭighānusayo ti ime pana cattāro kilese so maggo uppajjamāno va samugghāteti.² Idāni kuto sakadāgāmissa dve bhave ṭhapetvā pañcasu bhavesu upādinnakapavattam pavattissati? Evam sakadāgāmīmaggo upādinnakapavāttam appavattam kurumāno upādinnakato vuṭthāti nāma.

495. Sace anāgāmissa anāgāmimaggo abhāvito abhavissa thapetvā ekam bhavam dutiyakabhave upādinnakam vatteyya.3 Kasmā? Tassa pavattiyā hetūnam atthitāya. Anusahagatāni kāmarāgapatighasañnojanāni anusahagato kāmarāgānusayo patighānusayo ti ime pana cattāro kilese so maggo uppajjamāno va samugghāteti. Idāni kuto anāgāmissa ekam bhavam thapetvā dutiyakabhave upādiņņakapavattam pavattissati? Evam anāgāmimaggo upādiņņakapavattam appavattam kurumāno upādinnakato vuţthāti nāma. Sace arahato arahattamaggo abhāvito abhavissa rūpārūpabhavesu upādiņņakapavattam pavatteyya. Kasmā? Tassa pavattiyā hetūnam atthitāya. Rūparāgo arūparāgo māno uddhaccam avijjā mānānusayo bhavarāgānusayo avijjānusayo ti ime pana attha kilese maggo uppajjamāno va samugghāteti. Idāni kuto khīņāsavassa punabbhave upādiņņakapavattam pavattissati? Evam arahat-

¹ M. inserts: upādiņņakakhandhappavattam pavatteyya. Kasmā? Tassa pavattiyā hetūnam atthitāya. Tīni samyojanāni diṭṭhānusayo vicikicchānusayo ti ime pana pañca kilese sotāpattimaggo uppajjamāno va samugghāteti. Idāni kuto sotāpannassa satta bhave ṭhapetvā anamatagge samsāravaṭṭe up^o. ²samugghāto ti T. ³ upadiņņakapavattam pavatteyya M.

tamaggo upādiņņakapavattam appavattam kurumāno upādiņņakato vuṭṭhāti nāma. Sotāpattimaggo c'ettha apāyabhavato vuṭṭhāti, sakadāgāmimaggo sugatikāmabhavekadesato, anāgāmimaggo kāmabhavato, arahattamaggo rūpārūpabhavato sabbabhavehi pi vuṭṭhāti evā ti vadanti. Imassa pan' atthassa vibhāvanattham ayam pāli.

496. Sotāpattimaggañāņena abhisankhāraviññāṇassa nirodhena satta bhave ţhapetvā anamatagge saṃsāre ye uppajjeyyum nāmañ ca rūpañ ca etth' ete nirujjhanti, vūpasammanti, attham gacchanti, paṭippassambhanti.

Sakadāgāmimaggañānena abhisankhāraviñnānassa nirodhena² dve bhave thapetvā pañcasu bhavesu ye uppajjeyyum nāmañ ca rūpañ ca etth' ete nirujjhanti, vūpasammanti, attham gacchanti, paṭippassambhanti. Anāgāmimaggañānena abhisankhāraviñnānassa nirodhena ekam bhavam thapetvā dvīsu bhavesu ye uppajjeyyum nāmañ ca rūpañ ca etth' ete nirujjhanti, vūpasammanti, attham gacchanti, paṭippassambhanti.

Arahattamaggañāņena abhisankhāraviññāņassa nirodhena rūpadhātuyā vā arūpadhātuyā vā ye uppajjeyyum nāmañ ca rūpañ ca etth' ete nirujjhanti, vūpasammanti, attham gacchanti, patippassambhanti. Arahato anupādisesāya nibbānadhātuyā parinibbāyantassa carimaviññāṇassa nirodhena paññā ca sati ca nāmañ ca rūpañ ca etth' ete nirujjhanti, vūpasammanti, attham gacchanti, patippassambhantī ti ayan tāva nimitte vinicchayo.

497. Paţipadā³ patī ti. Ettha pana paṭipadā calati na calatī ti? Calati. Tathāgatassa hi Sāriputtattherassa va cattāro pi maggā sukhapaṭipadā khippābhiññā ahesum. Mahā-Moggallānattherassa paṭhamamaggo sukhapaṭipado khippābhiñño, upari tayo maggā dukhapaṭipadā khippābhiññā. Kasmā? Niddābhibhūtattā. Sammāsambuddho kira sattāham daharakumārakam viya theram parihari thero pi ekadivasam niddāyamāno nisīdi. Atha nam Satthāāha: Moggallāna Moggallāna pacalāyasi no tvam brāhmaņā ti. Evarūpassa hi mahābhiññappattassa sāvakassa

¹ samsāravatte M. ² nirodhe M. ³ patipadā tī ti T

patipadā calati, sesānam kim na calissati?¹ Ekaccassa hi bhikkhuno cattāro pi maggā dukkhapatipadā dandhābhiññā honti, ekaccassa dukkhapatipadā khippābhiññā, ekaccassa sukhapatipadā² dandhābhiññā, ekaccassa sukhapatipadā khippābhiññā, ekaccassa pathamamaggo dukkhapatipado dandhābhiñño hoti dutiyamaggo dukkhapatipado khippābhiñño tatiyamaggo sukhapatipado dandhābhiñño catutthamaggo sukhapatipado khippābhiñño ti. Yathā ca patipadā evam adhipatī ti calati, evam ekaccassa pi bhikkhuno cattāro pi maggā chandādhipateyyā honti ekaccassa viriyādhipateyyā ekaccassa cittādhipateyyā ekaccassa vīmamsādhipateyyā, ekaccassa pana pathamamaggo chandādhipateyyo hoti dutiyo viriyādhipateyyo tatiyo cittādhipateyyo catuttho vīmamsādhipateyyo ti.

Pakinnakakathā niţţhitā.

498. Idāni yasmā lokuttaram kusalam bhāvento na kevalam upanijjhāyanatthena jhānam eva bhāveti niyyānatthena pana maggam pi bhaveti upatthanatthena satipatthanam pi padahanatthena sammappadhanam pi ijihanatthena iddhipādam pi adhipatiyatthena indriyam pi akampiyatthena balam pi bujjhanakatthena bojjhangam pi tathatthana saccam pi avikkhepatthena samatham³ pi suñnatatthena dhammam pi rāsatthena khandham pi āyatanațțhena āyatanam pi suñnasabhāvanissattatthena dhātum pi paccayatthena āhāram pi phusanatthena phassam pi vedayitatthena vadanam pi sanjananatthena sannam pi cetanațthena cetanam pi vijananațthena cittam pi bhaveti tasmā tesam ekūnavīsativānam navānam⁵ dassanattham puna katame dhammā kusalā6 ti ādi vuttam. idam pi bhāvetī ti idam pi bhāvetī ti puggalajjhāsayena c'eva desanāvilāsena ca vīsatiyā, nayā desitā honti. Dhammam sotum nisinnadevaparisāya hi ye upanijjhāyanaţthena

² calissatī ti M. ² dukkhap° T. ³ sampam C. G. samam M. ⁴ vedasitatthena T. ⁵ padānam M. ⁶ Dhs. § 358. ⁷ vīsati M.

Tattha yath' eva lokuttaram jhānan ti vuttaṭṭhāne dasa nayā vibhattā evam maggādīsu pi te yeva veditabbā.

Iti vīsatiyā thānesu dasa dasa katvā dve nayasatāni vibhattāni honti.

499. Idāni adhipatibhedam dassetum puna katame dhammā kusalā⁴ ti ādi āraddham. Tattha chandam dhuram jeṭṭhakam pubbaṅgamam katvā nibbattitalokuttaram jhānam chandādhipateyyam nāma. Sesesu pi es'eva nayo. Iti purimasmim suddhike dve nayasatāni chandādhipateyyādīsu dve dve tīni sahassena bhājetvā paṭhamamaggam dassesi Dhammarājā.

Pathamamaggo.

500. Idāni dutiyamaggādīnam dassanattham puna katame dhammā kusalās ti ādi āraddham. Tattha kāmarāgavyāpādānam patanubhāvāyā ti etesam kilesānam tanubhāvatthāya. Tattha dvīhi kāraņehi tanubhāvo veditabbo: Adhicuppattiyā ca pariyutthānamandatāya ca. Sakadāgāmissa hi vattānusārimahājanass 'eva kilesā abhinham na uppajjanti kadāci kadāci uppajjanti pi viraļākārā hutvā viraļā vāpitakkhette ankurā viya uppajjamānā pi ca vattānusārimahājanass'eva maddantā pharantā chādentā

om. T.
 ² cintanti T.
 ³ osambhidā C. G.
 ⁴ Dhs.
 § 359—364.
 ⁵ Dhs.
 § 362.
 ⁶ paţiralākārā T.

andhakāram karontā na uppajjanti. Dvīhi pana maggehi pahīnattā mandamandā uppajjanti tanukākārā hutvā abbhapaṭalam viya makkhikāpattam viya ca. Tattha keci therā vadanti: Sakadāgāmissa kilesā kincā pi cirena uppajjanti bahalā va hutvā uppajjanti tathā hi 'ssa puttā ca dhītaro ca dissantī ti. Etam pana appamāṇam. Puttadhītaro hi aṅgappaccaṅgaparāmasanamattena pi honti, dvīhi pana maggehi pahīnattā,6 natthi kilesānam bahalatā, dvīhi eva kāranehi'ssa kilesānam patanubhāvo veditabbo adhiccuppattiyā ca pariyuṭṭhānamandatāya cā ti.

Dutiyāyā ti gaṇanavasenā pi dutiyuppattivasena pi dutiyāya bhūmiyāpattiyā ti sāmaññaphalassapaṭilābhatthāya tatiyacatutthāsu⁷ pi es'-eva nayo. Visesamattaṃ yeva pana vakkhāma: aññindriyan ti ajānanaka-indriyaṃ paṭhamamaggena ñātamariyādaṃ⁸ anatikkamitvā tesaṃ yeva tena maggena ñātānam⁹ catusaccadhammānam jānanaka-indriyan ti vuttaṃ hoti. Niddesavāre pi'ssa iminā nayen'attho veditabbo.

Kotthāsavāre pi iminā saddhim nav' indriyāni honti, sesam purimanayen'eva veditabbam.

Dutiyamaggo nițțhito.

501. Tatiye o anavas esappahānāyā ti tesam yeva sakadāgāmimaggena tanubhūtānam saññojanānam nissesapajahanatthāya.

502. Catutthe "r r uparāga-ar uparāga-māna-uddhac-ca-avijjāya anavas esappahānāyā ti etesam pañcan-nam uddhambhāgiyasaññojanānam "2 nissesappahānatthāya" tattha r uparāgo ti r upabhave chandarāgo ar upa-bhave chandarāgo māno arahattamaggavajjhakamāno" 4 eva

¹ tanutākārā T. ² M. omits hutvā. ³ comp. Childers Dictionary p. 416a. 4 uppatti T. 5 omarāma-6 pahīnatthā T. sanamo M. 7 °catutthesu M. 8 ñā.ņamaryādam T. 9 ñānānam T. 10 Dhs. § 363. ¹¹ Dhs. § 364. ¹² Visudhimagga p. 159. Mahāparinibbānas. p. 19. ¹³ pajahanatthāya M. 14 māno ti arahattamaggajihavako māno M.

tathā uddhaccāvijjā imesu pi dvīsu maggesu navamam añnindrivam eva hoti.

503. Sabbamaggesu padapaţipāţiyā samasaţţhi padāni catūhi apaṇṇakaṅgehi saddhim catusaţţhi honti, asambhinnato pana tettiṃsa koţţhāsavārā suññatavārā pākaţikā eva. Yathā ca paṭhamamagge evam dutiyādīsu pi nayasahassam evā ti cattāro magge catūhi nayasahassehi bhājetvā dassesi Dhammarājā.

Saccavibhange pana satthi nayasahassāni lokuttarāni imesam eva vasena nikkhittāni, satipatthānavibhange vīsati nayasahassāni lokuttarāni, sammappadhānavibhange vīsati, iddhipādavibhange dvattimsa, bojjhangavibhange dvattimsa, maggavibhange atthavīsati nayasahassāni lokuttarāni imesam eva vasena nikkhittāni. Idha pana catūsu maggesu cattāro va nayasahassāni tesu pathamajjhānike pathamamagge atthangāni bhājitāni tathā dutiyādīsu.

504. Tattha pathamamagge sammāditthi-micchāditthim pajahatī ti sammāditthisammāsankappādayo pi micchāsankappādīnam pajahanatthen'eva veditabbā. Evam sante pathamamaggen'eva dvāsatthi ditthigatānam pahīnattā upari maggattayena pahātabbā ditthi nāma natthi tattha sammāditthī ti nāmam katam hotī ti. Yathā visam atthi vā hotu mā vā agado agado t'eva vuccati evam micchādițțhi atthi va hotu ma va ayam sammadițțhi eva nama. Yadi evam nāma mattam ev'etam hoti uparimaggattaye pana sammādiţţhiyā kiccābhāvo āpajjati maggangāni na paripūrentī ti tasmā sammādiţţhi sakiccakā kātabbā maggangāni pūretabbānī ti sakiccakā c'ettha sammādiţţhi yathā lābhaniyamena dīpetabbā. Uparimaggattayavajjho hi eko māno atthi, so ditthitthāne titthati, sā tam mānam pajahatī ti sammādiţţhi. Sotāpattimaggasmim hi sammādiţţhi micchāditthim pajahati, sotāpannassa pana sakadāgāmimaggavajjho māno attthi3 tam mānam pajahatī ti sammādițțhi tass'eva satta-kusalacittasahajāto sankappo atthi, teh' eva cittehi vācangacopanam atthi, kāyangacopanam



² cattāri yeva M. ² nāma mayam nanam evekam hoti T. ³ M. inserts so ditthitthāne titthati.

atthi, paccayaparibhogo atthi, sahajātavāyāmo atthi, assatisabhāvo atthi, sahajātacittekaggatā atthi, ete micchāsańkappādayo nāma. Sakadāgāmimagge sammāsaṅkappādayo tesam pahānena sammāsaṅkappādayo ti veditabbā.

505. Evam sakadāgāmimagge atth' angāni sakiccakāni katvā āgatāni. Sakadāgāmissa anāgāmimaggavajjho māno atthi, so ditthitthāne titthati. Tass' eva sattahi cittehi sahajātasankappādayo tesam pahānena anāgāmimagge atthannam angānam sakiccakatā veditabbā. Anāgāmissa arahattamaggavajjho māno atthi, so ditthitthāne titthati. Yāni pan' assa panca akusalacittāni tehi sahajātā sankappādayo tesam pahānena arahattamagge atthannam angānam sakiccakatā veditabbā.

506. Imesu ca² maggesu pathamamaggena cattāri saccāni ditthāni uparimaggattayam ditthakam eva passati aditthakam passatī ti³ ditthakam eva passati ayam⁴ ācariyānam samānatthakathā.

Vidandavādī pan' āha: adiţtham passatī ti so vattabbo. Pathamamagge katamam indriyam bhājesī ti jānamāno anañnātañnassāmītindriyan ti vakkhati. Uparimaggesu kataran ti vutte pi añnindriyam vakkhati.

So vattabbo: adiţţhasaccadassane sati uparimaggesu pi anaññātaññassāmītindriyam eva bhājehi evam te pañho samessatī ti kilese pana añño aññe⁷ pajahati pahīne eva pajahatī ti aññehi aññe pajahati⁸. Yadi añño aññe⁹ appahīnakilese pajahati saccāni pi adiţṭhān' eva passatī ti evamvādi puggalo idam pucchitabbo. Saccāni nāma katī ti jānamāno 10 cattārī ti vakkhati.

So vattabbo: tava vāde soļasa¹¹ saccāni āpajjanti, tvam buddhehi pi adiţţham passasi. Bahusaccako nāma tvam¹² mā ganhi, saccadassanam nāma apubbam natthi, kilese pana appahīne pajahati.

kesam T. ² catūsu M. ³ aditthakam passatī ti om. T.
 na adittham passatī ti ayam M. ⁵ vitaddhavādi G. vitandavādi M. ⁶ omagge M. ⁷ aññe añño M.
 aññe añño pahajatī ti M. ⁹ aññe añño M. ¹⁰ jānanto T. M. ¹¹ tava vā deso solasa T. ¹² tam evam M.

507. Tattha tattha saccadassanassa apubbabhāve peļopamam nāma gahitam. Ekassa kira cattāro ratanapeļā sāragabbhe thapitā. So rattibhāge peļāsu uppannakicco dvāram vivaritvā dīpam jāletvā dīpena vihate andhakāre peļāsu pākatabhāvam gatāsu tāsu kiccam katvā dvāram pidahitvā gato puna andhakāram avatthari dutiyavāre pi tatiyavāre pi tath' eva akāsi 2. Catutthakavāre vivate andhakāre peļā na pañnāyantī ti vīmamsantass' eva suriyo uggacchi. Suriyobhāsena vigate andhakāre peļāsu kiccam katvā pakkāmi. Tattha cattāro peļā viya cattāri saccāni, tāsu kicce uppannadvāravivaraņakālo viya sotāpattimaggassa vipassanābhiniharaņakālo, andhakāram viya saccacchādakatamam, dīpobhāso viya sotāpattimaggobhāso, vihate³ andhakāre tassa purisassa peļānam⁴ pākatabhāvo viya magganānassa saccānam pākaṭabhāvo,5 magganāṇassa pākaṭāni6 maggasamangipuggalassa pākaţān' eva⁷ honti, pelāsu kiccam katvā gatakālo viva sotāpattimaggassa attanā pahātabbakilese pajahitvā niruddhakālo, puna andhakārāvattharanam viya uparimaggattayavajjhasaccacchādakatamam. Dutiyavāre dvāravivaranakālo viya sakadāgāmimaggassa vipassanābhinīharaņakālo, dīpobhāso viya sakadāgāmimaggobhāso, peļāsu kiccam katvā gatakālo viya sakadāgāmimaggassa attanā pahātabbakilese pajahitvā niruddhakālo, puna andhakārāvattharaņam viya uparimaggadvayavajjhasaccacchāda-Tatiyavāre dvāravivaraņakālo viya anāgāmimaggassa vipassanābhinīharaņakālo, dīpobhāso viya anāgāmimaggobhāso, peļāsu kiccam katvā gatakālo viya anāgāmimaggassa attanā pahātabbakilese pajahitvā niruddhakālo, puna andhakārāvattharaņam viya upari-arahattamaggavajjhasaccacchādakatamam. Catutthavāre dvāravivaranakālo viya arahattamaggassa vipassanābhinīharaņakālo, suriyuggamanam viya arahattamagguppādo, andhakāravigamanam viya arahattamaggasaccacchādakatamam vinoda-

pelopamam nāmam M. pelepamam T.
 i akāsi T.
 vihato M.
 pelakam T.
 pāṭakabhāvo T.
 pāṭakabhāvo T.
 pāṭakāni T.
 Mss. pākaṭā nā va.
 gatakāle T.
 maggattava° T.

nam, vihate andhakāre tassa peļānam pākaṭabhāvo¹ viya arahattamaggañāṇassa catunnam saccānam² pākaṭabhāvo³, ñāṇassa pākaṭāni pana puggalassa pākaṭānieva honti, peļāsu kiccam katvā gatakālo viya arahattamaggassa sabbakilese khepanam, suriyuggamanato paṭṭhāya ālokassieva pavattikālo⁴ viya arahattamaggassa uppannakālato paṭṭhāya puna saccacchādakatamabhāvo. Idam tāva saccadassanassa apubbabhāve⁵ opammam diṭṭhakam⁶ eva hi passati, kilese pana añno añne pajahatī ti.

508. Ettha rajakopamam nāma gahitam. Eko? puriso kiliţtham vattham rajakassa adāsi. Rajako⁸ ūsarakhāram chāriyakhāram gomayakhāran ti tayo khāre datvā khārehi khāditabhāvañ ñatvā udake vikkhāletvā oļārikoļārikam malam pavāhesi. Tato na tāva parisuddhan ti dutiyam pi tath' eva khāre datvā udake vikkhāletvā tato sanhataram malam pavāhesi tato na tāva parisuddhan ti. Tatiyam pi te khāre datvā udake vikkhāletvā tato sanhataram malam pavāhesi tato na tāva parisuddhan ti. Catuttham pi te khāre datvā udake vikkhāletvā amsu-abbhantaragatam pi nissesam malam pavāhetvā sāmikassa adāsi. So gandhakarandake pakkhipitvā icchiticchitakāle paridahati. Tattha kilittham vattham viya kilesānugatam cittam, tividhakhāradānakālo, viya tīsu anupassanāsu kammappavattanakālo, udake vikkhāletvā olārikamalappavāhanam viva sotāpattimaggena olarikasaññojanadvayakkhepanam, na tava parisuddham vatthan ti pana khārattayadānam viya pancakilesakkhepanam, dutiyam pi tesam khārānam anuppādanam viya na tāva parisuddham idam cittan ti tāsu yeva tīsu anupassanāsu kammappavattanam. Tato (M. inserts nāti) sanhataramalappavahanam viya sakadagamimaggena olarikasaññojanadvayakkhepanam, tato na tāva parisuddham vatthan ti puna khārattayadānam viya na tāva parisud-

Digitized by Google

pāṭakabho T.
 arahattamaggassa vipassanābhiniharaņakālo suriyuggamanañāṇassa catunnam saccānam M.
 pāṭakabho T.
 paṭtikālo T.
 apubbabhāvo C. G.
 opammadiṭṭho T.
 Comp. Aṅguttara III. 70. 6.
 Rajake T.

dham idam cittan ti tāsu yeva tīsu anupassanāsu kammappavattanam, tato sanhataramalappavahanam viya anagamimaggena anusahagatasaññojanadvayakhepanam, na tāva purisuddham vatthan ti puna khārattayadānam viya na tāva parisuddham idam cittan ti tāsu yeva tīsu anupassanāsu kammappavattanam, tato vikkhālanena amsu-abbhantaragate male pavāhetvā parisuddhassa rajatapattasadisassa gandhakarandake nikkhittassa vatthassa icchiticchitakkhane paridahanam viya arahattamaggena atthannam kilesānam khepitatta parisuddhakhīnāsavacittassa icchiticchitakkhane phalasamāpattivihārena vītināmanam idam. Añño aññe² kilese pajahatī ti ettha opammam vuttam pi c'etam. Seyyathā pi āvuso vattham sankilittham malaggahitam, tam enam sāmikā rajakassa anuppadajjeyyum, tam enam rajako ūse vā khāre vā gomaye vā khāre va sammadditvā3 acche udake vikkhāleti kiñcā pi tam hoti vattham parisuddham pariyodātam, atha khvassa hoti yeva anusahagato ūsagandho vā khāragandho vā gomayagandho vā asamūhato, tam enam rajako sāmikānam deti, tam enam sāmikā gandhaparibhavite karandake nikkhipanti yo pi 'ssa hoti anusahagato üsagandho vā khāragandho vā gomayagandho vā asamūhato so pi 'ssa samugghātam gacchati evam eva kho āvuso kinca pi ariyasāvakassa panc' orambhāgiyāni sannojanani pahinani bhavanti. Atha khvassa hoti vo4 pañcasu upādānakkhandhesu anusahagato asmī ti māno asmī ti chando asmī ti anusayo asamūhato so aparenas samayena pañcasu upādānakkhandhesu udayabbayānupassī6 viharati. Iti rūpam iti rūpassa samudayo iti rūpassa atthagamo iti vedanā iti sannā iti sankhārā iti vinnānam iti viññanassa samudayo iti viññanassa atthagamo ti tass' imesu pancasu upadanakkhandesu udayabbayanupassino? viharato vo pi 'ssa hoti pañcasu upādānakkhandhesu anusahagato asmī ti māno asmī ti chando asmī ti anusayo asamuhato so pi samugghātam gacchatī ti.

<sup>rajanapaccasadis° T.
aññe añño M.
samunditvā C. G.
yeva T.
so payena M.
udabbayānup°
C. G. udayappahānupassi M.
udayappayā° M.</sup>

Tattha sotāpattimaggena pañca akusalacittāni pahīyanti saddhim cittangavasena uppajjanakapāpadhammehi, sakadāgāmimaggena dve domanassasahagatacittāni tanūni bhavanti saddhim cittangavasena uppajjanakapāpadhammehi, anāgāmimaggena tāni yeva pahīyanti saddhim sampayuttadhammehi, arahattamaggena pañca akusalacittāni pahīyanti saddhim cittangavasena uppajjanakapāpadhammehi. Imesam dvādasannam akusalacittānam pahīnakālato paṭṭhāya khīnāsavassa cittangavasena puna pacchato vattakakileso² nāma na hoti.

509. Tatr 'idam opammam: Eko kira mahārājā paccante ārakkham datvā mahānagare issariyam anubhavanto vasati. Ath'assa paccanto kuppi. Tasmim samaye3 dvādasa corajetthakā anekehi purisasahassehi saddhim rattham vilumpanti. Paccantavāsino mahāmattā 'paccanto kupito ti' rañño pahinimsu. Rājā 'vissatthā ganhatha, aham tumhākam kattabbam karissāmī ti' sāsanam pahini. Te pathamasampahāren' eva anekehi purisasahassehi saddhim pañca corajetthake ghātayimsu, sesā satta janā attano parivāre gahetvā pabbatam pavisimsu. Amaccā tam pavattim rañño pesayimsu. Rājā 'tumhākam kattabbam yuttam aham jānissāmi te pi ganhathā ti' dhanam pahini. Te dutiyasampahāreņa dve corajeţţhake paharimsu4 parivāre pi tesam dubbale akamsu. Te sabbe pi palāyitvā pabbatam pavisimsu. Tam pi pavattim amaccā rañno pesayimsu. Puna rājā 'vissatthā 5 ganhantū ti' dhanam pahini.6 Te tatiyasampahārena saddhim sahāyapurisehi, dve corajetthake ghātayitvā tam pavattim ranno pesayimsu. Puna rājā 'avasese 8 vissatthā ganhantū ti' dhanam pesesi. Te catutthakasampahārena saparivāre pañca corajetthake ghātayimsu, dvādasannam corajetthakānam ghātitakālatoo patthāva koci coro nāma natthi, khamā jānapadā ure putte naccentā 10 mañne viharanti, rājā vijitasangāmehi 11 yodhehi

¹ omaggenā ti T. ² pavattakao M. ³ om. M.

⁴ hanimsu M. 5 vipassatthā T. 6 panihi C. G.

 ⁷ sahassa° M. sabhāyap° T.
 8 avaseso vipassatthā T.
 9 ghatitakālato T.
 10 nantā M.
 11 jīvita° M.

parivuto varapāsādagato mahāsampattim anubhavi. Tattha mahanto i rājā viya Dhammarājā, paccantavāsino amaccā viya yogāvacarakulaputtā, dvādasa corajetthakā viya dvādasa akusalacittāni, tesam sahāyā anekasahassapurisā viya cittangavasena uppajjanakapāpadhammā, 'ranno paccanto kupito ti' pahitakālo viya ārammaņe kilesesu uppannesu 'bhante me kileso uppanno ti' satthu ārocanakālo, 'vissatthā ganhantū ti' dhanadānam viya 'kilese nigganha bhikkhū ti' Dhammarañño kammaţţhānācikkhanam, saparivārānam pañcannam corajetthakānam ghātanakālo² viya sotāpattimaggena sampayuttānam pañcannam akusalacittānam pahānam. puna rañño pavattipesanam viva Sammāsambuddhassa pațiladdham gunārocanam, 3 'sesake ca ganhantū ti' puna dhanadānam viya Bhagavato sakadāgāmimaggassa vipassanācikkhanam, dutivasampahārena saparivārānam dvinnam corajetthakānam dubbalikaraņam viya sakadāgāmimaggena 4 sasampayuttānam dvinnam domanasssacittānam tanubhāvakaraņam, puna rañño pavattipesanam viva Tathāgatassa patiladdhagunārocanam, 'vissatthā 5 ganhantū ti' dhanadānam viya Bhagavato anagamimaggassa vipassanacikkhanam, tatiyasampahāreņa saparivārānam dvinnam corajetthakānam ghātanam viya anāgāmimaggena sampayuttānam dvinnam domanassacittānam pahānam, puna rañño pavattipesanam viya Tathāgatassa paţiladdham gunārocanam,6 'vissatthā ganhantū ti' pana dhanadhanam viya Bhagavato arahattamaggassa vipassanācikkhanam, catutthasampahārena⁷ saparivārānam pañcannam corajetthakānam ghātitakālato patthāya janapadassa khemakālo viya arahattamaggena sampayuttesu pañcasu akusalacittesu pahīnesu dvādasannam akusalacittānam pahīnakālato patthāya puna cittangavasena uppajjanakassa akusaladhammassa abhavo, rañño vijitasangāmassa⁸ amaccagaņaparivutassa varapāsāde mahāsampattianubhavanam viya khīnāsavaparivutassa! Dhammarañño suññata-animitta-appanihitabhedesu samāppatti-

¹ mahante T.

² ghātitaº M.

³ guņarocanam T.

^{4 °}magge T.

⁵ vissatvā T.

⁶ gunarocanam T.

 $^{^{7}}$ catutthasampayuttāhārena ${f T.}$

⁸ jīvita^o M.

sukhesu icchiticchitaphalasamāpattisukhānubhavanam veditahhan ti.

Kusalā dhammā ti padassa vaņņanā niţţhitā.

510. Idāni akusalapadam bhājetvā dassetum katame dhammā akusalā ti ādi āraddham. Tattha dhammavavatthānādīni parappabhedo ca heṭṭhā āgatānam padānam atthavinichayo ca heṭṭhā vuttanayen' eva veditabbo.

Tattha tattha pana visesamattam eva vannayissāma. Tattha samayavavatthāne tāva yasmā akusalassa bhūmibhedo natthi tasmā ekantakāmāvacaran tis vuttam ditthiga tasampayuttam. Ettha ditthi yeva ditthigatam gūthagatam muttagatan ti ādīni viya gantabbabhāvato vā ditthiyā gatamattam ev'etan ti pi ditthigatam, tena sampayuttam ditthigatasampayuttam.

511. Tattha asaddhammasavanā akalyāṇamittatā ariyānam adassanakāmatādīni ayoniso manasikāro ti evam ādīhi kāraņehi imassa diţţhigatasankhātassa micchādassanassa uppatti veditabbā. Yehi etehi ditthivādapatisamyuttā asaddhammā tesam bahumānapubbangamena atikkantamajjhattena upaparikkhārahitena⁸ savanena yeva ditthi vipannā akalyanamittanam 9 sampavankatasankhataya akalyanamittatāya 10 buddhādīnam ariyānam c'eva sappurisānañ 11 ca adassanakāmatāya catusatipatthānādibhede ariyiadhamme akovidattena pātimokkhasamyara-indriyasamvara-satisamvara-ñāṇasaṃvara-pahānasaṃvarappabhede ariyadhamme c'eva sappurisadhamme 12 ca samvarabhede sankhātena avinayena teh' eva kāraņehi paribhāvitena ayoniso manasikārena kotūhala-mangalādipasutatāya 13 ca etam uppajjatī ti veditabbam. Asankhārabhāvo pan' assa cittassa hetthā vuttanayen' eva veditabbo.

¹ akusaladhammapadam M. ² Dhs. § 365. ³ padā T. ⁴ kusalassa T. ⁵ ekantakāmāvacaram pi samānam ekam kāmāvacaran ti M. ⁶ °sampayutti C. ⁷ gudha° M. gūtagatham C. G. ⁸ upaparikārahitena M. upaparikkhar° T. ⁹ akalyāṇamittā tam M. ¹⁰ °mittāya M. ¹¹ sampurisānam T. ¹² samapurisadh° T. ¹³ °tāyañ T.

- 512. Dhammuddesvāre phasso ti akusalacittasahajāto phasso. Vedanādīsu pi es' eva nayo. Iti akusalamattam eva.
- 513. Etesam purimehi viseso cittassa ekaggatā hotī ti pāṇātipātādisu pi avikkhittabhāvena ekaggatā hotī. Manussā hi cittam samādahitvā avikkhittā hutvā avirajjhamānāni satthakāni pāṇasarīresu nipātenti, susamāhitā paresam santakam haranti, ekarasena cittena micchācāram āpajjanti, evam akusalapavattiyam pi cittassa ekaggatā hotī ti.
- 514. Micchādiţţhī⁷ ti ayāthāvadiţţhi.⁸ Virajjhitvā gahaņato vā vitathā diţţhi micchādiţţhi. Anattāvahattā⁹ paṇḍitehi kucchitā diţṭhī ti pi micchādiţţhi.

Micchāsankappādisu pi es' eva nayo. Api ca micchā passanti tāya sayam vā micchā passati micchādassanamattam eva vā esā ti micchādiţthi. Sā ayoniso abhinivesalakkhanāparāmāsarasā micchābhinivesapaccupaţthānā ariyānam adassanakāmatādipadaţthānā paramam vajjan ti to datthabbā.

Micchāsankappādisu micchā ti padamattam eva viseso. Sesam kusalādikāre " vuttanayen' eva veditabbam.

515. Ahirikabalam anottappabalan¹² ti ettha pana balattho niddesavāre āvibhavissati.

Itaresu pana na hirīyatī ti ahiriko, ahirikassa bhāvo ahirikam, na ottappam anottappam, tesu ahirikam kāyaduccaritādīhi ajigucchanalakkhaṇam alajjālakkhaṇam vā, anottappam teh' eva asārajjalakkhaṇam anuttāsalakkhaṇam vā, ahirikam eva balam ahirikabalam anottappam eva balam anottappabalam ayam ettha sankhepo, vitthāro pana heṭṭhāvuttapaṭipakkhavasena veditabbo.

516. Lubbhanti tena sayam vā lubbhati 14 lubbhanamat-

uddosav° T.
 Dhs. § 375.
 samādayitvā M.
 satthāni M.
 satthā tāni T.
 nipātena tisu samāhitap° T.
 kusalap° T.
 Dhs. § 381.
 ayātāvad° T.
 anavahattā G. C.
 anattā hattā T.
 paramavajjan ti M.
 anattāsanal° M.
 yam vā lubbhanti T.

ta meva vā tan ti 10 bho. Muyhanti tena sayam vā muyhati muyhanamattameva vā tan ti moho. Tesu lobho ārammaṇagahaṇalakkhaṇo makkaṭālepo viya, abhisaṅgaraso tattakapāle khittamaṃsapesī viya, apariccāgapaccupaṭṭhāno telañjanarāgo viya, saṃyojaniyadhammesu assādadassanapadaṭṭhāno tanhānadībhāvena vaḍḍhamāno sīghasotanadī viya mahāsamuddam apāyam eva gahetvā gacchatī ti daṭṭhabbo.

Moho cittassa andhabhāvalakkhaņo aññāṇalakkhaņo vā asampaţivedharaso ārammaṇasabhāvacchādanaraso vā asammāpaṭipattipaccupaṭṭhāno andhakārapaccupaṭṭhāno vā ayoniso manasikārapadaṭṭhāno sābbākusalānaṃ mūlan ti daṭṭhabbo.

517. Abhijjhāyanti tāya sayam vā abhijjhāyati abhijjhāyanamattam eva vā esā ti abhijjhā. Sā parasampattīnam sakkaraṇa-icchālakkhaṇā tenākārena pasavabhāvarasā parasampattiabhimukhabhāvapaccupaṭṭhānā parasampattīsu abhiratipadaṭṭhānā. Parasampatti-abhimukhā eva hi sā upaṭṭhahati tāsu ca abhiratiyā sati pavatti parasampattīsu cetaso hatthappasāro viya taṭhabbo.

518. Samatho¹² hotī ti ādīsu aññesu kiccesu vikkhepasamanato samatho.

Akusalapavattiyam cittam pagganhātī ti paggāho.¹³ Na vikkhipatī ti avikkhepo.¹⁴

519. Imasmim citte saddhā sati paññā cha yugaļakānī ti ¹⁵ ime dhammā na gahitā. Kasmā? Assaddhiyacitte pāsādo nāma natthi, tasmā tāva saddhā na gahitā ti. Kim pana diṭṭhigatikā attano attano satthārāṇam na saddahanti? Saddahanti. Sā pana saddhā nāma na hotī ti vacanasampaṭicchanamattam eva tam atthato anupaparikkhā ¹⁶

pātanti T.
 patanti T.
 muyhanti T.
 babhissangarato T.
 sā tattha kapo T.
 asamavāpatipo T.
 babhissangarato T.
 sā tattha kapo T.
 asamavāpatipo T.
 bhs. § 391.
 tena kārena esanabhāvarasā M.
 pasavahārasā T.
 ti C.
 Dhs. § 395.
 Dhs. § 396.
 Dhs. § 397.
 chasugaļakānī ti M.
 anupparikkhā T.

vā hoti diţţhi vā assaddhiyacitte pana sati natthī ti na gahitā. Kim diţţhigatikā attanā katakammam na sarantī ti? Saranti. Sā pana sati nāma na hoti, kevalam tenākārena akusalacittappavatti tasmā sati na gahitā. Atha kasmā micchāsatī ti sutte vuttā? Akusalakkhandānam satirahitattā satipaṭipakkhattā ca micchāmaggāmicchattānam pūranattham. Tattha pariyāyena desanā katā, nippariyāyena pan' esā natthi, tasmā na gahitā. Dandhabālacitte pana tasmim paññā natthī ti na gahitā. Kim diṭṭhigatikānam vañcanā paññā natthī ti? Atthi, na pan' esā paññā, māyā nām' esā hoti. Sā atthato taṇhā va. Idam pana cittam sadaratham garukam bhāriyam kakkhalam thaddham akammañām gilānam vaṅkam kuṭilam, tasmā tassa saddhādīni cha yugaļakāni na gahitāni.

520. Ettāvatā padapaţipāţiyā cittangavasena pāļi-ārūļhāni dvattimsa padāni dassetvā idāni ye-vā-panakadhamme dassetum ye vā pana tasmim samaye, ti ādim āha. Tattha sabbesu pi akusalacittesu chando adhimokkho manasikāro māno icchā 10 macchariyam thīnam middham uddhaccakukkuccan ti ime dasa va ye-vā-panakā honti dhammā suttāgatā suttapadesu dissare ti vuttā. Imasmim pana citte chando adhimokkho manasikāro uddhaccan ti ime apannakangasankhātā cattāro ye-vā-panakā honti, tattha chandādayo hetthāvuttanayen' eva veditabbā. Kevalam hi te kusalā, ime akusalā. Itaram pana uddhatabhāvo uddhaccam, tam avupasamalakkhanam vātābhighātacalajalam viya anavatthānarasam, vātābhighātacaladhajapatākā 11 viva hantattapaccupatthānam 12, pāsānābhighātasamuddhatabhasmam viya cetaso avupasamo ayoniso manasikārapadatthānacittavikkhepo ti datthabbam. Iti phassādīni dvattimsa ve-vā-panakavasena vuttāni cattārī ti sabbāni

¹ diţţhikā T. ² viharitattā M. ³ micchāmaggacittānam M. ⁴ pariyāye T. ⁵ nippariyāye T. ⁶ sadaratam M. ⁷ tasmā passaddhādīni T. ⁸ cha sugaļakāni M. ⁹ Dhs. § 365. ¹⁰ issā T. ¹¹ °calaccajapaţā C. ¹² bhannattapacc° T.

pi imasmim dhammuddesavāre chattimsa dhammapadāni bhavanti. Cattāri apaņņakangāni hāretvā pāliyam āgatāni dvattimsam eva agahitagahaņena pan' ettha phassapancakam vitakko vicāro pīti cittekaggatā viriyindriyam jīvitindriyam micchādiţthi lobho moho ahirikam anottappan ti solasa dhammā honti.

521. Tesu solasasu satta dhammā avibhattikā honti, nava savibhattikā honti. Katame satta? Phasso saññā cetanā vicāro pīti jīvitindriyam moho ti ime satta avibhattikā.

Vedanā cittam vitakko cittekaggatā viriyindriyam micchādiţţhi ahirikabalam anottappabalam lobho ti ime nava savibhattikā. Tesu cha dhammā dvīsu ţhānesu vibhattā, eko tīsu, eko catūsu, eko chasu. Katham? Cittam vitakko micchādiţthi ahirikabalam anottappabalam lobho ti ime cha dvīsu ţhānesu vibhattā. Etesu hi cittam tāva phassapañcakam patvā cittam hotī ti vuttam, indriyāni patvā manindriyan ti.

Vitakko jhānangāni patvā vitakko hotī ti vutto, maggangāni patvā micchāsankappo ti, micchādiţthimaggangesu pi kammapathesu² pi micchādiţthi yeva.

Ahirikam balam³ patvā ahirikabalam hotī ti vuttam, lokanāyakadukam⁴ patvā ahirikan ti. Anottappe pi es' eva nayo. Lobho mūlam patvā lobho hotī ti vutto, kammapatham patvā abhijjhā ti ime cha dvīsu thānesu vibhattā. Vedanā pana phassapañcakam patvā vedanā hotī ti vuttā, jhānangāni patvā sukhan ti, indriyāni patvā somanassindriyan ti. Evam eko dhammo tīsu thānesu vibhatto.

Viriyam pana indriyāni patvā viriyindriyam hotī ti vuttam, maggangāni patvā micchāvāyāmo ti, balāni patvā viriyabalam hoti, piţţhidukam patvā paggāho hoti. Evam ayam eko dhammo catūsu thānesu vibhatto. Samādhi pana jhānangāni patvā cittekaggatā hotī ti vutto, indriyāni patvā samādhindriyan ti, maggangāni patvā micchāsamādhī ti, balāni patvā samādhibalan ti, piţthidukam patvā dutiya-

¹ bhāretvā T. ² kammapatte G. ³ balāni M.

⁴ lokapālayadukam C. G. lokanāsakadukam M. lokatāsakadukam T.

duke ekakavasena samatho, tatiye avikkhepo ti, evam ayam eko dhammo chasu thānesu vibhatto. Sabbe pi pan' ete dhammā phassapaūcakavasena jhānaṅgavasena indriyavasena maggaṅgavasena balavasena mūlavasena kammapathavasena lokanāyakavasena piṭṭhidukavasenā ti nava rāsayo hoṇti. Tattha yam vattabbam tam paṭhamakusalacittaniddese vuttam evā ti.

Dhammuddesavārakathā niţţhitā.

- 522. Niddesavāre i cittekaggatāniddese tāva saņthiti avatthitī ti idam dvayam thiti-vevacanam eva. Yam pana kusalaniddese ārammaṇam ogāhetvā anupavisitvā titthatī ti vuttam tam idha na labbhati. Akusalasmim hi dubbalā cittekaggatā ti hetthā dīpitam eva uddhacca-vicikicchāvasena pavattassa visāhārassa paṭipakkhato avisāhāro ti evarūpo pi attho. Idha pana labbhati, sahajātadhamme pana na visam haratī ti avisāhāro, na vikkhipatī ti avikkepo, akusalacittekaggatāvasena avisāhaṭassa mānasassa bhāvos avisāhaṭamānasatā, sahajātadhammesu na kampatī ti samādhibalam, ayāthāvasamādhānato micchāsamādhī ti evam idha attho daṭṭhabbo.
- 523. Viriyindriyaniddeso⁷ yo hetthā nikkamo so kāmānam panudanāyā ti⁸ ādi nayo vutto. So idha pana labbhati sahajātadhammesu⁹ akampanatthen' eva viriyabalam veditabbam.
- 524. Micchāditthiniddese ayāthāvadassanatthena o micchāditthisu gatam idam dassanam dvāsatthi ditthi-antogatattā ti ditthigatam. Hetthā pi'ssa attho vutto yeva. Ditthi yeva duratikkamatthena ditthigahanam tinagahanam vanagahanam pabbatagahanāni viya. Sāsankasappatibhayatthena ditthikantāro corakantāra-vāļakantāra o nirudakakantāra-

¹ Dhs. § 375. ² thiti-m-eva vacanam eva T. ³ āram-maṇān ca gāh^o T. ⁴ dhammena na visā hāratī ti M. ⁵ mānassa sabhāvo T. ⁶ ayaṃ tāva samādh^o T. ayātā-vasamādh^o M. ⁷ Dhs. § 376. ⁸ ceso kāmānaṃ patodanāyā ti T. M. ¹⁰ ayātāva^o M. ¹¹ micchāditthi ditthisu M. ¹² M. adds dhurakantāra.

dubbhikkhākantārā viya. Sammādiţţhiyā vinivijjhanaţţhena vilomanatthena ca ditthivisūkāyikam. Micchādassanam hi uppajjamānam sammādassanam vinivijjhati c'eva vilometi ca. Kadāci sassatassa kadāci ucchedassa gahanato ditthiyā virūpam phanditan ti ditthivipphanditam. Ditthigatiko hi ekasmim patitthātum na sakkoti, kadāci sassatam anupatati 2 kadāci ucchedam. Ditthi yeva bandhanatthena samyojanan ti ditthisamyojanam sumsumārādayo3 viya. ārammaņam daļham gaņhātī ti gāho, patitthahanato patiţţhāho. Ayam hi balavappavatti-bhāvena patiţţhahitvā ganhātī ti niccādivasena abhinivisatī ti abhiniveso, dhammasabhāvam atikkamitvā niccādivasena parato āmasatī ti parāmāso, anatthāvāhattā4 kucchito maggo kucchitānam 5 apāyānam maggo ti kummaggo, ayāthāvapathato6 micchāpatho. Yathā hi disāmulhena ayam asukagāmassa nāmu patho ti gahito pi tam gāmam na sampāpeti evam ditthigatikena sugati patho7 ti gahitā pi diţţhi sugatim na pāpetī8 ti. Ayāthā vapatho o ti micchāpatho micchāsabhāvato micchattam tatth'eva paribbhamanato taranti ettha bālā ti tittham c'etam anatthanan ca ayatanan ti titthayatanam. Titthiyanam vā sanjātidesatthena nivāsatthānatthena 10 ca āyatanan ti pi Vipariyesabhūto gāho vipariyesagāho 11 titthāyatanam. vipallatthagāho ti attho. Ahirikānottappaniddesesu hirottappaniddesavipariyāyena attho veditabbo. dhammesu pana akampanatthen 'eva ahirikabalam anottappabalam ca veditabbam.

525. Lobhamohaniddesesu 12 lubbhatī ti lobho, lubbhanā ti lubbhanākāro, lobhasampayuttam cittam puggalo vā lubbhito, lubbhitassa bhāvo 13 lubbhitattam, sārajjatī ti sārāgo, sārajjanākāro sārajjanā, sārajjitassa bhāvo sārajjitattam, abhijjhāyanaṭṭhena abhijjhā. Puna lobhavacane

visukāyitam T. C. G.
 anupatti C. G.
 saṃsumārā°.
 anattāvāhatthā T.
 M. inserts vā.
 ayāthāvapphatho T.
 ayātāvapathato M.
 nivāsatthenattho T.
 vipariyesato vā gāho ti vipariyesagāho vipo M.
 Dhs. § 389, 390.

kāraņam vuttam eva akusalañ ca tam mūlañ ca akusalānam vā mūlan ti akusalamūlam.

Ñāṇadassanapatipakkhato aññāṇam adassanam. Abhimukho hutvā dhamme na sameti na samāgacchatī tiz anabhisamayo, anurupato dhamme bujjhati ti ananubodho3, tappatipakkhatāya ananubodho, aniccādīhi saddhim yojetvā na bujjhatī ti asambodho, asantam asamañ ca bujjhatī4 ti pi asambodho, catusaccadhammam na paţivijjhatī ti appativedho, rūpādīsu ekam dhammam pi aniccādi sāmaññato na saṅgaṇhātī ti asaṅgāhanā6, tam eva dhammaṇ na pariyogāhatī ti apariyogāhanā, na samam pekkhatī ti asamapekkhanā, dhammānam sabhāvam pati na apekkhatī ti apac capekkhanā, kusalākusaladhammesu viparītavuttiyā sabhāvagahanabhāvena 7 vā ekam pi kammam etassa paccakham natthi sayam vā kassaci kammassa⁸ paccakkhakaranam nāma na hotī ti apaccakkhakammam. Yam etasmimo anuppajjamāne cittasantānam 10 mejjham bhaveyya sucivodānam 11 tam duttham mejjham 12 iminā ti dummejjham¹³. Bālānam bhāvo ti bālyam, muyhatī ti moho¹⁴, balavataro moho 15 pamoho, samantato muyhatī ti sammoho, vijjāva patipakkhabhāvato na vijjā ti avijjā oghayogattho vutto yeva. Thamagatatthena anusetī ti anusayo, cittam pariyutthāti adhibhavatī ti pariyutthānam 16, hitagahanābhāvena hitābhimukhī 17 gantum na sakkoti annadatthu langati 18 yevā ti langī. Khanjatī 19 ti attho. Durugghāṭanaṭṭhena vā laṅgī. Yathā hi mahāpaṭighasaṅkhātā 20 langī21 durugghātā hoti evam ayam pi langī viyā ti langī. Sesam uttānattham eva.

sameti tasmā gacchatī ti T. ² arūpe to T. ³ anubodho. M. ⁴ asammañ ca vā bujjho M. ⁵ ekadhammam M. ⁶ asangāhanā M. ⁷ oābhāvena. M. ⁸ dhammassa C. G. ⁹ ekasmim T. ¹⁰ anupajjamāno cittā santo T. ¹¹ suvicodanam T. ¹² dutthum majjham M. mekajjham T. ¹³ dumajjham. M. ¹⁴ M. adds va. ¹⁵ M. adds ti. ¹⁶ abhibhavatī ti abhiyutthānam. M. ¹⁷ hitābhimukham M. ¹⁸ laggati C. G. T. ¹⁹ khañjeti C. G. T. Comp. Mahāvagga V. 3. 1. ²⁰ opalighao M. ²¹ lingī M.

Sangahavārasuñnatavārā pi heṭṭhā vuttanayen' eva atthato veditabbā ta.

Pathamam cittam nitthitam.

527. Dutiyacitte sasankhārenā ti ca padaviseso2. Tam pi hetthā vuttattham eva, idam pana cittam kincāpi chasu ārammanesu somanassitassa lobham uppādetvā satto satto ti ādinā navena parāmasantassa uppajjati tathā pi sasankhārikattā 3 sappayogena saupāyena + uppajjanato yadā kulaputto micchāditthikakusalassa kumārikam pattheti te ca aññaditthikās tumhe ti kumārikam na denti ath 'aññe ñātakā yam tumhe karotha tath' evāyam6 karissatī ti dāpenti so tehi⁷ saddhim titthiye upasamkamati adito vematiko⁸ hoti gacchante gacchante kāle etesam kiriyāo manāpā ti laddhim roceti ditthim ganhati evarupe kale idam labbhati ti veditabbam. Ye-vā-panakesu pan'ettha thīnamiddham 10 ad-Tattha thīnatā thīnam, middhanatā middham", anussāhanatā sattivighāto12 cā ti attho. Thīnañ ca middhañ ca thīnamiddham. Tattha thīnam anussāhalakkhanam viriyavinodanarasam samsīdanapaccupatthānam, middham akammañnatālakkhaņam onāhanarasam līnatāpaccupaţţhānam¹³ pacalāyikāniddāpaccupaţţhānam¹⁴ vā ubhayam pi aratitandīvijambhikādīsu15 ayoniso manasikārapadatthānan ti.

Dutiyam.

528. Tatiyam chasu ārammaņesu somanassitassa lobham uppādetvā satto satto ti ādinā nayena parāmasantassā¹⁶ ti rājamallayuddhanaṭasamajjādīni¹⁷ passato manāpiyasadda-

¹ attho veditabbo M. ² sankhārenā ti padam visesam M. padam viseso T. ³ tathā pi sankh° T. ⁴ sampayogena upāyena T. ⁵ neva aññad° ⁶ tam ev° M. ⁷ setehi T. ⁸ mevatiko T. ⁹ kariyā. M. ¹⁰ Dhs. § 1155 seq. ¹¹ thinamiddhatā thinam middhanatā middham. M. middhatā T. ¹² anussāhasangatattā T. anussāhasahananatā asatthivighāto M. ¹³ linabhāvapaccupaṭṭhānam M. ¹⁴ pavalāyika° T pacalāyita° M. ¹⁵ vijambhitādīsu M. comp. Anguttara I. 2. 3. ¹⁶ aparām° T. M. ¹⁷ nārāyananirājana° M. nirājamalla° T.

savanādipasutassa vā uppajjati. Idha mānena saddhim pañca apaņņakangāni honti. Tattha mañnatī ti māno . So uņņatilakkhaņo sampaggaharaso ketukamyatāpaccupaṭṭhāno diṭṭhivippayuttalobhayuttapadaṭṭhāno ummādo viya daṭṭhabbo ti.

Tatiyam.

529. Catuttham vuttappakāresu eva thānesu yadā sīse khelam khipanti pādapaņsum okiranti tadā tassa tassa pariharaņattham sa-ussāhena antarantarā olokentānam tam rājā nāṭakesu nikkhantesu ussāranāya vattamānāya tena tena chiddena olokentānañ cā ti evam ādisu thānesu uppajjati. Idha pana mānathīnamiddhehi saddhim satta yevā-panakā honti ubhayatthā pi micchāditthi parihāyati tam thapetvā sesānam vasena dhammagaṇanā veditabbā ti.

Catuttham.

530. Pañcamam chasu ārammaņesu vedanāvasena majjhattassa lobham uppādetvā satto satto ti⁵ ādinā nayena parāmasantassa⁶ thānesu pan 'ettha upekhā vedanā hoti pītipadam parihāyati. Sesam sabbam paṭhamacittasadisam eva.

Pañcamam.

531. Chaṭṭhasattamaṭṭhamāni pi vedanam parivattetvā pītipadañ ca hāretvā dutiyatatiyacatutthesu vuttanayen' eva veditabbāni.

Imesu atthasu lobhasahagatacittesu sahajātādhipati ārammaņādhipatī ti dve pi adhipatino labbhanti, navamam chasu ārammaņesu domanassitassa patigham uppādayato uppajjati tassa samayavavathānavāre tāva duṭṭham mano hīnavedanattā vā kucchitam mano ti dummano dummanassa bhāvo domanassam, tena sahagatan ti domanassasahagatam? Tam asampiyāyanabhāvena ārammaṇasmim paṭihaññatī ṭi paṭigham, tena sampayuttan ti paṭighasampayuttam

savanādipasamanādipasutassa T.
 Dhs. § 116.
 olobhapadatthāno M.
 parihananattham T.
 satto santo ti T.
 uppajjati somanassa. M.
 bhāretvā T.
 hāpetvā. M.
 adhipatiyo. M.
 Dhs. § 413.

dhammuddese tīsu pi ṭhānesu domanassavedanā va āgatā tattha vedanāpadam vuttattham 10 eva.

532. Tathā dukkhadomanassapadāni. Lakkhaṇādito pana aniṭṭhārammaṇānubhavanalakkhaṇam 'domanassam yathā tathā vā aniṭṭhākārasambhogarasam cetasikābādhapaccupaṭṭhānam ekanten' eva hadayavatthupadaṭṭhānam mūlakammapathesu yathā purimacittesu lobho hoti abhijjhā hotī ti āgatam evam doso hoti vyāpādo hotī ti vuttam.

533. Tattha dussanti tena sayam vā dussati dussanamattam eva vā tan ti doso². So caṇḍikkalakkhaṇo³ pahaṭāsīvīso viya, visappanaraso visanipāto⁴ viya, attano nissayadahanaraso vā dāvaggi viya, dussanapaccupaṭṭhāno laddhokāso viya, sapatto āghātavatthupadaṭṭhāno⁵ visasaṃsaṭṭhapūtimuttaṃ ⁶ viya daṭṭhabbo.

534. Vyāpajjati tena cittam pūtibhāvam upagacchati vyāpādayati vinayati vā vinayācārarūpasampattihitasukhādīnī ti vyāpādo?. Attano pan 'esa doso eva. Idha paṭipāṭiyā ekūnatimsa padāni honti, agahitagahanena cuddasa,tesam vasena savibhattikāvibhattikarāsibhedo veditabbo.

Ye-vā-panakesu chandādhimokkhamanasikāruddhaccāni niyatāni? Issāmacchariyakukkuccesu¹º pana aññatarena saddhim pañca pañca hitvā pi uppajjanti, evam imehi tayo dhammā aniyatā ye-vā-panakā nāma. Tesu issatī ti issā. Sā parasampattīnam usuyanalakkhaṇā, tatth'eva anabhiratirasā, tato vimukhabhāvapaccupaṭṭhānā parasampattīpadaṭṭhānā samyojanan ti daṭṭhabbā.

Maccherassa bhāvo¹¹ macchariyam, tam laddhānam vā labhitabbānam vā attano sampattīnam nigūhanalakkhaṇam, tāsam yeva parehi sādhāraṇa-bhāva-akkhamaṇarasam san-

² Dhs. § 418. ³ Comp. Samanvuttam. M. tapasādikā in Oldenberg's Vinaya III, 297. 4 vīsatipi-6 ti samsattha° M. 5 āsāvatthupado T. pāto. M. ⁸ padapaţipātiyā M. 7 Dhs. § 419. 9 ouddhaccāni yatāni T. 10 Dhs. § 1121, 1122, 1160. Hardy Manual p. 434. Abhidhammatthasangaha II. 10. " maccherabhāvo T. M.

kocana-paccupatthānam katukañcukatāpaccupatthānam vā attasampattipadatthānam cetaso virūpabhāvo ti datthabbam.

Kucchitam katam kukatam², tassa bhāvo kukkaccam, tam pacchānutāpalakkhanam katākatānusocanarasam vippatisārapaccupatthānam katākatapadatthānam dāsavyam viya datthabbam. Ayam tāva uddesavāre viseso.

535. Niddesavāre vedanāniddese³ asātam sātapaṭipak-khavasena veditabbam.

536. Dosaniddese dussatī ti doso, dussanā ti dussanākāro, dussitattan ti dussitabhāvo, pakatibhāvavijahanatthena vyāpajjanam vyāpatti vyāpajjanā ti vyāpajjanākāro, virujjhatī ti virodho, punappuna virujjhatī ti pativirodho, viruddhākārapativiruddhākāravasena vā idam vuttam. Caņdikko vuccati caṇḍo thaddho puggalo, tassa bhāvo caṇḍikkam. Na etena suropitam vacanam hoti, duruttam aparipuṇṇam eva hotī ti asuropo. Kuddhakāle hi paripuṇṇavacanam nāma natthi. Sace pi kassaci hoti tam appamāṇam apare assujananatṭthena assum ropanato assuropo ti vadanti. Tam akāraṇam somanassassā pi assujananato. Heṭṭhā-vuttaattamanatā paṭipakkhato na attamanatā anattamanatā. Sā pana yasmā cittass 'eva na sattassa tasmā cittassā ti vuttam. Sesam etha saṅgahasuññatāvāresu ca heṭṭhā vuttanayen 'eva veditabban ti.

Navamam.

537. Dasamam sasankhārattā parehi ussāhitassa vā paresam vā aparādham saritassa sayam eva vā paresam aparādham anussaritvā anussaritvā kujjhamānassa uppajjati idhā pi padapatipātiyā ekūnatimsa agahitagahanena cuddas eva padāni honti. Ye-vā-panakesu pana thīnam middham pi labbhati, tasmā ettha vinā issā-macchariyakukkuccehi cattāri apaṇnakangāni thīnam middhan ti ime cha issādīnam uppattikāle, tesu añnatarena saddhim satta satta vā ye-vā-panakā ekakkhaņe uppajjanti. Sesam sabbam sabbavāresu navamasadisam eva. Imesu pana dvīsu domanassacittesu

¹ katakañcukatā° T. ² kuttam T. ³ Dhs. § 415.

⁴ Dhs. §418. ⁵ viruddhakāra° C. G. ⁶ attamānatā M.

⁷ kujjhamanassa T. ⁸ Dhs. § 1155-1157. Hardy Manual 434.

sahajātādhipati yeva labbhati, no ārammaņādhipati, na hi kuddho kiñci garum karotī ti.

Dasamam.

538. Ekādasamam chasu ārammaņesu vedanāvasena majjhattassa kankhāpavattikāle² uppajjati, tassa samayavavatthāne vicikicchāsampayuttan ti padam apubbam. Tass' attho: vicikicchāsampayuttan³ ti vicikicchāya sampayuttam, dhammuddese vicikicchā hotī ti padam eva viseso. Tattha vigatā vicikicchā ti vicikicchāsabhāvam⁴ vicinanto etāya kicchati kilamatī ti vicikicchā. Sā samsayalakkhanā kampanarasā anicchayapaccupatthānā anekamsagāhapaccupatthānā⁵ ayoniso manasikārapadatthānā patipatti-antarāyakarā ti datthabbā.

539. Idhapadapatipātiyā tevīsati padāni honti, agahitagahaṇena cuddasa, tesam vasena savibhattikāvibhattikarāsivinicchayo veditabbo. Manasikāro duddhaccan ti dve va ye-vā-panakā.

Niddesavārassa cittekaggatāniddese 7 yasmā idam dubbalacittam pavatti thitimattakam 8 ev'ettha hoti tasmā santhitī ti ādīni avatvā cittassa thitī ti ekam eva padam vuttam. Ten'eva ca kāranena uddesavāre pi samādhindriyan ti ādīni vuttam 9.

540. Vicikicchāniddese 10 kankhanavasena kankhā. Kankhāya āyanā 11 ti kankhāyanā. Purimakankhā hi uttarakankham āneti 12 nāma. Ākāravasena vā etam vuttam. Kankhāsamangī cittam kankhāya āyitattā kankhāyitam nāma, tassa bhāvo kankhāyitattam. Vimatī ti nāma vicikicchā vuttattā eva kampanatthena. Dvidhā calayatī ti dveļhakam. Patipattinivāranena dvedhā patho 13 viyā ti dvedhāpatho. Niccam nu kho idam aniccam nu kho ti ādipavattiyā ekasmim ākāre santhātum asamatthatāya

^z kañci C. G. T. ² °pavattikālo T. ³ tassa vicikicchās° T.

⁴ vicikicchādisabhāvam T. 5 avinicchayap° corr. T.

⁶ okarāni T. 7 Dhs. § 424. 8 omatthakam T.

⁹ ādi na vuttam T. 10 Dhs. 425. Hardy Manual 433.

¹¹ āyatanā. M. 12 ānayati M. 13 dvidhā patho M.

samantato setī ti saṃsayo. Ekaṃsaṃ gahetum asamatthatāya na ekaṃsagāho ti anekaṃsagāho. Nicchetum asakkontī ārammaṇato osakkatī ti āsappanā, ogāhitum asakkontī samantato asappatī ti parisappanā, pariyogāhitum asamatthatāya apariyogāhaṇā, nicchayavasena ārammaṇe pavattitum asamatthatāya thambhitattam cittassa thaddhabhāvo ti attho.

Vicikicchā hi uppajjitvā cittam thaddham karoti. Yasmā pana sā uppajjamānā ārammaņam gahetvā manam vilikhati viya tasmā manovilekho ti vutto. Sesam sabbattha uttānattham eva.

Ekādasamam.

541. Dvādasamassa samayavavatthāne uddhaccena sampayuttan ti uddhaccasampayuttam⁵. Idam hi cittam chasu ārammanesu vedanāvasena majjhattam hutvā uddhaccam hoti. Idha dhammuddese vicikicchāthāne uddhaccam hotī ti āgatam. Padapatipātiyā atthavīsati padāni honti, agahitagahanena cuddasa, tesam vasena savibhattikāvibhattikarāsividhānam veditabbam. Adhimmokkho manasikāro ti dve va ye-vā-panakā.

Niddesavārassa uddhaccaniddese cittassā ti7 na sattassa na posassa uddhaccan ti uddhatākāre na vūpasamo ti avūpasamo. Ceto vikkhipatī ti cetaso vikkhepo. Bhantattam cittassā ti cittassa vibhattibhāvo bhantayānabhantagonādīnam viya. Iminā ekārammaṇasmim yeva vipphandanam kathitam. Uddhaccam hi ekārammaṇe vipphandati, vicikicchā nānārammaṇe. Sesam sabbavāresu heṭṭhā vuttanayen'eva veditabbam.

542. Idāni imasmim cittadvaye pakiņņakavinicchayo 9 hoti. Ārammaņe pavaţţanakacittāni 10 nāma katī ti vuttasmim hi imān 'eva dve ti daţţhabbam 11. Tattha vicikicchā-

¹⁰ pavaddanak° T. pavattaka° M. ¹¹ vattabbam C.G.T.

r ogahitum T.
 2 parisamantato. M.
 3 chambhitattam M.
 4 thaddhabhāve T.
 5 Dhs. § 427.
 6 Dhs. § 429.
 7 cittassa sāti T.
 8 cittassā cittassābhāvo T. cittassā cittassabhantabhāvo M.
 9 pakiņņakavicikicchayo T.

sahagatam ekantena pavattati¹, uddhaccasahagatam pana laddhādhivimokkhattā laddhapatitthāya pavattati². Yathā hi vattacaturassesu dvīsu maņisu pabbhāratthāne³ pavattetvā vissatthesu vattamaņi⁴ ekantena pavattati, caturasso patitthāya patitthāya pavattati, evamsampadam idam veditabbam.

543. Sabbesu pi hīnādibhedo na uddhaţo5. Sabbesam ekantahīnattā sahajātādhipatilabbhamāno pi na uddhaţo. Hetthā dassitanayattā ñāṇabhāvato pan 'ettha vīmaṃsādhipati nāma natthi, pacchimadvaye seso pi natthi eva. Kasmā? Kañci dhammam dhuram6 katvā anupajjanato patthāne ca patividdhato7. Imehi pana dvādasahi pi akusalacittehi kamme āyūhite thapetvā uddhaccasahagatam sesāni ekādas' eva paţisandhim ākaddhanţi. Vicikicchāsahagate aladdhadhimokkhe dubbale patisandhim akaddhamāne uddhaccasahagatam laddhādhimokkham kasmā nākaddhatī8 ti? Dassanena pahātabbābhāvato. Yadi hi ākaddheyya dassanena pahātabbapadavibhange āgaccheevva tasmā thapetvā tam sesāni ekādasa ākaddhanti. Tesu hi yena kenaci kamme āyūhite tāya cetanāya catūsu apāvesu patisandhi hoti, akusalavipākesu ahetukamanoviñnāņadhātu upekhāsahagatā paţisandhim ganhāti. Itarassā pi etth' eva paţisandhidānam bhaveyya. Yasmā pana tam natthi tasmā dassanena pahātabbavibhangenāgatan ti.

Akusaladhammā ti padassa vaņņanā niţţhitā.

544. Idāni avyākatapadam bhājetvā dassetum katame dhammā avyākatā ti⁹ ādi āraddham. Tattha catubbidham: avyākatavipākam kiriyam rūpam nibbānan ti.¹⁰ Tesu vipākāvyākatam vipākāvyākate pi¹¹ kusalavipākam¹² tasmim pi parittavipākam¹³ tasmim pi dvārapaţipāţiyā cakkhuviñ-

vaddhati T.
 pativaddhati T.
 pabbhāraţţho te T.
 vaddhamani T.
 pihitādiho dota uddhaţo T.
 madhuram C. G. dūram M.
 paţisiddhato. M.
 na kaḍḍho T.
 Dhs. § 431.
 Visuddhimagga p. 128.
 vadds ţasmim pi ahetukam tasmim pi pañcaviññāṇam.

ñāṇam tassā pi thapetvā dvārārammaṇādisādhāraṇapaccayam asādhāraṇakammapaccayavasen 'eva uppattim dīpetum kāmāvacarassa kusalassa kammassa katattā ti ādi vuttam.

Tattha katattā ti katakāraņā, upacitattā ti ācitattā vaḍḍhitakāraņā. Cakkhuviññāņan ti kāraņabhūtassa cakkhussa viññāņam, cakkhuto vā pavattam cakkhusmim vā nissitam viññaņan ti cakkhuviññāņam. Parato sotaviññānādīsu pi es 'eva nayo.

Tattha cakkhusannissitarūpavijānanalakkhaṇam cakkhuviññāṇam rūpamattārammaṇarasam rūpābhimukhabhāvapaccupaṭṭhānam rūpārammaṇāya kiriyamanodhātuyā apagamanapadaṭṭhānam. Parato āgatāni sotādisannissitasaddādivijānanalakkhaṇāni sotaghānajivhākāyaviññāṇāni¹ saddādimattārammaṇarasāni² saddādiabhimukhabhāvapaccupaṭṭhānāni saddādiārammaṇānam kiriyamanodhātūnam apagamanapadaṭṭhānāni. Idha pana paṭipāṭiyā dasa paṭipadāni³, agahitagahaṇena⁴ satta. Tesu pañca avibhattikāni, dve savibhattikāni. Tesu cittam phassapañcamakavasena c'eva indriyavasena ca dvīsu ṭhānesu vibhattim gacchati, vedanā phassapañcamaka-jhānaṅgaindriyavasena tīsu, rāsayo pi ime va tayo honti, ye-vā-panako eko manasikāro eva.

545. Niddesavāre 5 cakkuviñnāņapaņdaran ti vatthuto vuttam. Kusalam hi attano parisuddhatāya paņdaram 6 nāma, akusalam bhavanganiddesena 7, vipākam vatthupaņdaratāya 8.

Cittekaggatāniddese o cittassa thitī ti ekam eva padam vuttam. Idam pi hi dubbalacittam pavattithitimattam evo ettha labbhati, santhitiavatthitibhāvam pāpunitum na sakkoti.

546. Sangahavāre jhānangamaggangāni na uddhatāni. Kasmā? Vitakkapacchimakam hi jhānam nāma, hetupacchimako maggo nāma, pakatiyā avitakkacitte jhānangam na labbhati o ahetukacitte ca maggangan ti tasmā idha



vijhākāya° M.
 iniddādhi° T.
 dasa padāni honti T.
 Imam padapaţipāţiyā sa padāni honti agahita° M.
 Paţiniddesa°. M.
 paddharan C. G.
 bhavanganisandhena M.
 paṇḍahattā M.
 Dhs. § 438.
 jhānaṅgā labbhati T.
 maggaṅgāni M.

ubhayam pi na uddhatam. Sankhārakkhandho p'ettha caturangiko yeva bhājito¹, suñnatāvāro² pākatiko yeva, sotavinnānādiniddesā pi iminā va nayena veditabbā. Kevalam hi cakkhuvinnānādisu upekkhā bhājitā, kāyavinnānena sukhan ti ayam ev 'ettha viseso.

So pi ghattanā³ hotī ti veditabbo. Cakkhudvārādīsu hi catūsu upādārūpam eva upādārūpam ghatteti. Upādārūpe veva upādārūpam ghattente patighattanānighamso balavā na hoti, catunnam adhikaranīnam upari cattāro kappāsapicupinde thapetvā. Picupindeh'eva pahatakālo5 viya phutthamattam eva hoti, vedanāmajjhattatthāne titthati, kāyadvāre pana bahiddhāmahābhūtārammaṇam ajjhattikam kāyappasādam ghattetva pasādapaccayesu mahābhūtesu paţihañnati. Yatha adhikaranimatthake kappāsapicupindam thapetvā kutena paharantassa kappāsapicupiņdam bhinditvā6 kuţam adhikaraņim gaņhāti nighamso balavā hoti evam eva paţighaţţanānighamso7 balavā hoti. Iţţhe ārammane sukhasahagatam kāyaviññānam uppajjati anitthe dukkhasahagatam. Imesam pana pancannam cittanam vatthudvārārammaṇāni baddhān' eva 8 honti, vatthādi-sankamanam nām 'ettha natthi. Kusalavipākacakkhuviññānam hi cakkhuppasādam vatthum katvā itthe ca itthamajihatte ca catusamutthānikarūpārammaņe dassanakiccam sādhayamānam cakkhudvāre thapetvā 10 vipaccati, sotaviñnānādīni sotappasādādayo vatthum katvā itthānitthamajihattesu saddādīsu savanaghāyanasāyanaphusnakiccāni sādhayamānāni sotadvārādīsu thatvā vipaccanti, saddo pan 'ettha dvisamutthāniko yeva hoti.

547. Manodhātuniddese¹¹ sabhāvasuññatanissattaṭṭhena mano yeva dhātu manodhātu. Sā cakkhuviññāṇādīnaṃ anantaraṃ rūpādivijānanalakkhaṇā rūpādisampaṭicchanarasā tathābhāvapaccupaṭṭhānā cakkhuviññāṇādi-apagamana-

¹ bhāvito T. ājito M. ² sunnavāro M. ³ M. adds vasena. ⁴ eva upādārūpam omitted in T. ⁵ pahatakāle corr. T. ⁶ chinditvā T. ⁷ onīghamso T. M. ⁸ bandān 'eva M. ⁹ dassanacittam M. ¹⁰ thatvā M. ¹¹ Dhs. § 455—468.

padaṭṭhānā. Idha dhammuddese dvādasa padāni honti, agahitagahaṇena ca tesu satta avibhattikāni dve savibhattikāni. Adhimokkho manasikāro ti dve va ye-vā-panakā. Vitakkaniddeso abhiniropanam pāpetvā thapito¹. Yasmā pan 'etam cittam neva kusalam nākusalam tasmā sammā-saṅkappo ti vā ma vuttam. Saṅga-havāre² labbhamānam pi jhānaṅgam pañcaviññāṇasote patitvā gatan ti na uddhaṭam, maggaṅgam pana labbhati evā ti na uddhaṭam. Suññatavāro pākatiko yeva. Imassa cittassa vatthu nibaddham hadayavatthu eva hoti, dvārārammaṇāni anibaddhāni³, tattha kiñcāpi dvārārammaṇāni saṅkamanti, thānam pana ekasampaṭicchanakiccam eva h'etam hoti.

Idam hi pañca dvāre pañcasu ārammaņesu sampaţicchanam hutvā4 vipaccati.

Kusalavipākesu cakkhuviññānādīsu niruddhesu tam samanantarā tān 'eva ṭhānappattāni rūpārammaṇādīni sampaticchati.

548. Manoviñāṇadhātuniddesesu⁵ paṭhamamanoviñāṇanadhātuyam pītipadam adhikam⁶ vedanā pi somanassavedanā hoti. Ayam hi iṭṭhārammaṇasmim yeva pavattati, dutiyamanoviññānadhātu iṭṭhamajjhattārammaṇe⁷. Tasmā tattha upekhā vedanā hoti padāni manodhātu-niddesasadisān' eva ubhayatthā pi pañcaviññāṇasote patitvā gatattā yeva jhānaṅgāni na uddhaṭāni, maggaṅgāni alābhato yeva. Sesam sabbattha vuttanayen 'eva veditabbam. Lakkhaṇādito pan 'esā duvidhā pi manoviññāṇadhātu ahetuvipākā chaṭārammaṇavijānanalakkhaṇā santīraṇādirasā tathābhāvapaccupaṭṭhānā hadayavatthupadaṭṭhānā ti veditabbā.

549. Tattha pathamā ⁸ dvīsu thānesu vipaccati. Sā hi pañcadvāre kusalavipākacakkhuviñnānādi-anantaram vipākamanodhātuyā tam ārammaṇam sampaṭicchitvā niruddhāya tasmim yevārammaṇe ⁹ santīranakiccam sādhayamānā pañcasu dvāresu thatvā vipaccati, chasu pana dvāresu bala-

thito M.
 sangahavāro T.
 obandāni M.
 sutvā T.
 Dhs. § 469—497.
 adhika.
 oārammaņo M.
 bhs. § 469—483.
 tadārammaņe M.

vārammaņe tadārammaņam hutvā vipaccati. Katham? Yathā hi candasote tiriyam nāvāya gacchantiyā udakam chinditvā thokam thānam nāvam anubandhitvā yathāsotam eva gacchati evam evam chasu dvāresu balavārammaņe palobhayamāne āpāthagate javanam javati, tasmim javite bhavangassa vāro, idam pana cittam bhavangassa vāram adatvā javanena gahitārammaņam gahetvā ekam dve cittavāre pavattitvā bhavangam ev' otarati4.

Gavakkhandhe nadin tarante pi evam eva upamā vitthāretabbā. Evam esā yaṃ javanena⁵ gahitārammaṇaṃ tass' eva gahitattā tadārammaṇaṃ nāma hutvā vipaccati

550. Dutiyā pana pancasu thānesu vipaccati. Katham? Manussaloke tāva jaccandhajātibadhirajaccajalummattakaubhatovyanjanaka-napuṃsakānam paṭisandhigahaṇakāle paṭisandhi hutvā vipaccati, paṭisandhiyā vītivattāya yāvatāyukaṃ bhavaṅgaṃ hutvā vipaccati, iṭṭhamajjhattārammaṇavīthiyā santīraṇam hutvā vipaccati, balavārammaṇe chadvārena tadārammaṇam maraṇakāle cuti hutvā ti imesu pancasu ṭhānesu vipaccatī ti.

Manoviññāṇadhātudvayam niţţhitam.

551. Idāni aṭṭha mahāvipākacittāni o dassetum puna katame dhammā avyākatā ti ādi āraddham. Tattha pāļiyam nayamattam dassetvā sabbavārā sankhittā, tesam attho heṭṭhā vuttanayen' eva veditabbo.

Yo pan 'ettha viseso tam dassetum alobho avyākatamūlan ti ādi vuttam.

Yam pi na vuttam tad evam veditabbam. Yo hi kāmāvacarakusalesu kammadvārakammapatha-puññakiriyāvatthubhedo vutto so idha natthi. Kasmā? Aviñňattijanakato avipākadhammato tathā appavattiyā ca¹¹. Yā pi tā ye-vā-

tadārammaņe tadārammaņā hutvā. M.
 M. adds ārammaņesu.
 palobhamāne T.
 accatarati C. G.
 evam eva sāya javanena M.
 Dhs. § 484—497.
 jaccandhajaccabo T. M. ojaccajalajaccummo T. ojaccaļa-

jaccandhajaccabº T. M. ºjaccajalajaccummº T. ºjaccaļajaccammattakaº M. ⁸ ºmajjhatte pañcārammaṇavitiyā M.
 chasu dvāresu M. chadvāre T. ¹⁰ Dhs. § 498.

¹² aviñnattijanakato tatha apavattiko ca. M.

panakesu karuṇāmuditā vuttā tā sattārammaṇattā vipākesu na santi. Ekantaparittārammaṇāni hi kāmāvacaravipākāni, na kevalam ca karuṇāmuditāviratiyo pi ettha na santi, pañca sikkhāpadāni kusalān' evā ti hi vuttam. Āsaṅkhārasasaṅkhāravidhānam c'ettha kusalato c'eva paccayabhedato ca veditabbam.

Asankhārikassa hi kusalassa asankhārikam eva vipākam, sasankhārikassa sasankhārikam balavapaccayehi ca uppannam asankhārikam, itarehi itaram, hīnādibhede pi hi imāni hīnamajjhimapanītehi chandādīhi ca nipphāditattā hīnamajjhimapanītāni nāma na honti. Hīnassa pana kusalassa vipākam hīnam, majjhimassa majjhimam, panītassa panītam, adhipatino p'ettha natthi. Kasmā? Chandādīni dhuram katvā anuppādetabbato. Sesam sabbam atthasu kusalesu vuttasadisam eva.

552. Idāni imesam aṭṭhannam mahāvipākacittānam vipaccanaṭṭhānam veditabbam. Etāni hi catūsu ṭhānesu vipaccanti: paṭisandhiyam bhavaṅge cutiyam⁴ tadārammane ti⁵. Katham? Manussesu tāva kāmāvacaradevesu ca puñāvantānam duhetukatihetukānam paṭisandhigahaṇakāle paṭisandhi hutvāvipaccanti,paṭisandhiyāvītivattāya pavatte saṭṭhim pi asītim pi vassāni⁶ asaṅkheyyam pi āyukālam bhavaṅgam² hutvā balavārammane cha dvāre tadārammaṇam hutvā maraṇakāle cuti hutvā ti evam catūsu ṭhānesu vipaccanti.

553. Tattha sabbe pisabbaññū bodhisattā paṭisandhigahaṇe paṭhamena somanassasahagata-tihetuka-asaṅkhārikamahā-vipākacittena paṭisandhim gaṇhanti. Tam pana mettā-pubbabhāgassa cittassa vipākaṃ hoti, tena dinnāya paṭisandhiyā asaṅkheyyam āyukālavasena pana pariṇamati.

Mahāsīvatthero⁸ pan' āha: Somanassasahagatato upekhāsahagatam balavataram, tena paṭisandhim gaṇhanti, tena gahitapaṭisandhikāhi mahajjhāsayā honti, dibbesu pi ārammaṇesu uppilāvino na honti, Tipiṭaka-Cūlanāgattherādayo

¹ ekantip^o T. ² anipphāditattā M. ³ tasmā M.

⁴ dutiyam T. cutiya M. 5 Abhidhammatthasangaha III, 6.

⁶ saddhim pi vassāni T. satthi pi. asīti pi M. ⁷ āyukālabhavangam M. ⁸ Sum. D. II. 65.

viya. Atthakathāyam pana ayam therassa manoratho natthi etan ti paṭikkhipitvā sabbaññūbodhisattānam hitūpacāro balavā hoti, tasmā mettāpubbabhāgakāmāvacarakusalavipākasomanassa-sahagata-tihetuka-asaṅkhārikacittena paṭisandhim gaṇhantī ti vuttam.

Idāni vipākuddhārakathāya mātikā thapetabbā.

554. Tipiṭaka-Cūlanāgatthero tāva āha: Ekāya kusalacetanāya soļasavipākacittāni uppajjanti etth' eva dvādasakamaggo pi āhetukaṭṭhakan ti. Moravāpivāsī Mahādattathero panāha: Ekāya kusalacetanāya dvādasa vipākacittāni uppajjanti etth' eva dasakamaggo pi ahetukaṭṭhakam pī ti. Tipiṭaka-Mahādhammarakkhitatthero āha: Ekāya kusalacetanāya dasa vipākacittāni uppajjanti etth'eva ahetukaṭṭhakan ti.

Imasmim thāne Sāketakapañham nāma gaņhimsu. Sākete kira upāsakā sālāya nisīditvā 'kin nu kho ekāya cetānaya kamme āyūhite ekā paṭisandhi hoti udāhu³ nānā ti' pañham⁴ samutthāpetvā nicchetum asakkontā Abhidhammikathere upasamkamitvā pucchimsu. Therā yathā ekasmā ambabījā eko vā aṅkuro nikkhamati evam ekā va paṭisandhi hotī ti saññāpesum.

Ath' ekadivasam 'kin nu kho nānācetanāhi kamme āyūhite paţisandhi nānā hoti udāhu ekā ti' pañham samuţţhāpetvā nicchetum asakkontā there pucchimsu. Therā yathā bahūsu ambabījesu ropitesu bahū aṅkurā nikkhamanti evam bahukā va paṭisandhiyo hontī ti paññāpesum⁵.

555. Aparam pi imasmim thāne ussadakittanam nāma gahitam. Imesam hi sattānam lobho pi ussanno hoti doso pi moho pi alobho pi adoso pi amoho pi. Tam pan' etam tesam ussannabhāvam ko niyametī ti? Pubbahetu niyameti kammāyūhanakkhane yeva nānattam hoti. Katham? Yassa hi kammāyūhanakkhane lobho va balavā hoti, alobho mando, adosāmohā balavanto, dosamohā mandā, tassa mando alobho lobham pariyādātum na sakkoti, adosāmohā pana balavanto

paṭipakkhipitvā M.
 aṭṭhakaṃ pī ti M.
 pañhaṃ nāma M.
 kittanna M.
 taṃ n'etaṃ usso M.

dosamohe pariyādātum sakkonti, tasmā so tena kammena dinnapatisandhivasena nibbatto luddho hotī ti sukhasīlo akkodhano paññavā ca vajirūpamañāno ti.

Yassa pana kammāyūhanakkhane lobhadosā balavanto honti, alobhādosā mandā amoho car balavā moho mando so purimanayen 'eva luddho hoti duttho ca, paññavā pana hoti vajirūpamāñāņe Dattābhayatthero viya.

Yassa kammāyūhanakkhaņe lobhadosamohā² balavanto honti itare mandā so purimanayen 'eva luddho c'eva hoti duţţho ca mūļho ca³, sīlako pana hoti akkodhano.

Tathā yassa kammāyūhanakkhane tayo pi lobhadosamohā balavanto honti, alobhādayo mandā so purimanayen 'eva luddho c'eva hoti duttho ca mūlho ca. Yassa pana kammāyūhanakkhane alobhadosamohā balavanto honti, itare mandā so purimanayen 'eva appakileso hoti dibbārammaṇam pi disvā niccalo, duttho pana hoti dandhapañno cā ti.

Yassa kammāyūhanakkhaņe alobhādosamohā balavanto honti itare mandā so purimanayen 'eva aluddho c'eva hoti sīlako ca dandho pana hoti. Tathā yassa kammāyūhanakkhaņe alobhadosāmohā balavanto honti, itare mandā so purimanayen' eva aluddho c'eva hoti paññavā ca, duṭṭho pana hoti kodhano.

Yassa pana kammāyūhanakkhaņe tayo pi alobhādayo balavanto honti lobhādayo mandā so Mahāsangharakkhitatthero viya aluddho aduṭṭho paññavā va hotī⁴ ti.

556. Aparam pi imasmim thāne hetukittanam nāma gahitan tihetukām pi duhetukam pi ahetukam pi vipākam detis.

Duhetukakammam tihetukam vipākam na deti, itare 6 deti. Tihetukakammena paţisandhi tihetukā pi hoti, duhetukā pi ahetukā na hoti.

Duhetukena duhetukā pi hoti ahetukā pi tihetukā na hoti. Asankhārikam⁷ asankhārikam pi sasankhārikam pi vipākam deti.



¹ M. om. ² lobho adosamohā M. ³ dandho ca C. G. T. ⁴ paññavā na hoti T. ⁵ tihetukakammañ hi tihetukam pi ahetukam pi avipākam deti M. ⁶ itaram M.

⁷ M. adds kusalam.

Sasankhārikam¹ sasankhārikam pi asankhārikam pi vipākam deti.

557. Ārammaņena vedanā parivattetabbā, javanena tadārammaņam niyāmetabbam. Idāni tassa tassa therassa vāde² soļasamaggādayo veditabbā. Paṭhamakāmāvacarakusalasadisena hi paṭhamamahāvipākacittena gahitapaṭisandhikassa gabbhavāsato nikkhamitvā saṃvarāsaṃvare³ paṭṭhapetuṃ samatthabhāvaṃ upagatassa cakkhudvārasmiṃ iṭṭhārammaṇe āpāthagate⁴ kiriyamanodhātuyā bhavaṅge anāvaṭṭite⁵ yeva atikkamanaka-ārammaṇānaṃ pamāṇaṃ natthi. Tasmā⁶ evaṃ hoti, ārammaṇadubbalatāya ayaṃ tāva eko moghavāro.

Sace pana bhavangam āvatteti? kiriyamanodhātuyā bhavange āvattite⁸ votthapanam apāpetvā va antarā cakkhuviñnāne vā sampaticchane vā santīrane vā thatvā nivattissatī ti netam thānam vijjati. Votthapane pana thatvā ekam vā dve vā cittāni pavattanti, tato āsevanam labhitvā javanatthāne thatvā puna bhavangam otarati. Idam pi ārammanadubbalatāya eva hoti ayam pi na vāro dittham viya me sutam viya me ti ādīni vanadakāle labbhati, ayam pi dutiyo moghavāro.

558. Aparassa kiriyamanodhātuyā bhavange¹¹ āvaṭṭite vīthicittāni ¹² uppajjanti, javanam javati, javanapariyosāne pana tadārammaṇassa vāro tasmim anuppanne yeva bhavangam otarati, tatrāyam upamā: yathā hi nadiyā āvaraṇam bandhitvā mahāmātikābhimukhe udake kate udakam gantvā ubhosu tīresu kedāre pūretvā atirekam kakkaṭakamaggādīhi palāyitvā puṇṇanadim eva ¹³ otarati evam evam daṭṭhabbam ¹⁴. Ettha hi nadiyam udakapavattanakālo viya

asankhārikam om. T.
 vādo T.
 āsamvarā om. T.
 āpāthamāgate M.
 anāvatthite T.
 kasmā T. M.
 āvaddheti T.
 āvatthite T.
 Visuddhimagga p. 128 No. 39, 40 Abhidammathasangraha III, 8.
 voţthapanavasena M.
 T. inserts dutiyo.
 āvatthivīthio T. comp. Abhidhammatthasangaha IV. 4.
 puna nadi yeva.
 evam eti datthabbam M.

bhavangavīthippavattanakālo i, āvaraṇabandhanakālo viya kiriyamanodhātuyā bhavangassa āvaṭṭanakālo i, mahāmātikāya³ udakappavattanakālo viya vīthicittapavatti, ubhosu tīresu kedārapūraṇaṃ viya javanaṃ, kakkaṭakamaggādihi palāyitvā puna udakassa nadīotaraṇaṃ viya javanassa⁴ javitvā tadārammaṇe anuppanne yeva puna bhavangotaraṇaṃ s. Evaṃ bhavangaṃ otaraṇacittānam pi gaṇanapatho natthi 6. Idam pi 7 ārammaṇadubbalatāya eva hoti, ayaṃ tatiyo moghavāro.

559. Sace pana balavārammaņam āpāthagatam hoti kiriyamanodhātuyā bhavange⁸ āvaţţite cakkhuviñnāṇādīni uppajjanti, javanatṭhāne pana paṭhamakāmāvacarakusalacittam javanam hutvā cha satta vāre javitvā tadārammaṇassa vāram deti tadārammaṇam patiṭṭhāhamānam⁹ tam sadisam eva mahāvipākacittam patiṭṭhāti idam dve nāmāni labhati paṭisandhicittasadisattā mūlabhavangan ti ca yam javanena gahitam ārammaṇam tassa gahitattā tadārammaṇan ti ca. Imasmim ṭhāne cakkhuviñnāṇam sampaṭicchanam santīraṇam tadārammaṇan ti cattāri vipākacittāni gaṇanupagāni i honti.

Yadā pana dutiyakusalacittam javanam hoti tam sadisam dutiyavipākacittam evatadārammaņam hutvā patitthāti idam¹² pi dve nāmāni labhati patisandhicittena asadisattā āgantukabhavangan ti ca purimanayen 'eva tadārammaṇan ti ca. Iminā saddhim purimāni cattāri pañca honti.

Yadā pana tatiyakusalacittam javanam hoti tam sadisam¹³ tatiyavipākacittam tadārammaņam hutvā patiţţhāti idam pi vuttanayen 'eva āgantukabhavangam tadārammaṇan ti dve nāmāni labhati. Iminā saddhim purimāni pañca cha honti. Yadā pana catuttham kusalacittam javanam hoti tam sadisam catuttham vipākacittam tadārammaṇam hutvā patiţṭhāti idam pi vuttanayen 'eva āgantukabhavangam ta-

vvīthiārammaṇabandho T. ² divaddhanakālo T. ³ mahāvānikāya G. ⁴ janassa T. javanam M. ⁵ bhavangottaraṇam M. ⁶ gaṇanān āma natthi M. ⁷ Idañcā pi M. ⁸ odhātubhavange M. ⁹ paṭiṭṭhamānam M. ¹⁰ labbhati T. G. C. ¹¹ ganānupagāmī T. ¹² pavattī tu idañ ca M. ¹³ tadāham sadisam M.

dārammaņan ti dve nāmāni labhati. Iminā saddhim purimāni cha satta honti.

560. Yadā pana tasmim dvāre itthamajjhattārammaṇam āpātham āgacchati¹ tatrā pi vuttanayen 'eva tayo moghavārā labbhanti. Yasmā pana ārammaṇena vedanā parivattati tasmā tattha upekhāsahagatam santīraṇam catunnam upekhāsahagatamahākusalajavanānam pariyosāne cattāri upekhāsahagatamahāvipākacittān 'eva tadārammaṇabhāvena patiṭṭhahanti tāni pi vuttanayen 'eva āgantukabhavaṅgam tadārammaṇan ti dve nāmāni labhanti, piṭṭhibhavaṅgānī ti pi vuccanti. Eva iti imāni pañca purimehi sattahi saddhim dvādasa honti. Evam cakkhudvāre dvādasa, sotadvārādīsu dvādasā ti samasaṭṭhi honti, evam ekāya cetanāya kamme āyūhite samasaṭṭhi vipākacittāni uppajjanti, agahitagahaṇena³ pana cakkhudvāre dvādasa sotaghāṇajivhākāyaviññāṇādīni cattārī ti solasa honti.

561. Imasmim thane ambopamam nama ganhimsu: Eko kira puriso phalitambarukkhamule sasīsam pārupitvā4 nipanno niddayatis. Ath'ekam ambapakkam vantato muñcitvā tassa kannasakkhalim punjamānam viva tantibhūmiyam pati. So tassa saddena pabujihitvā ummīletvā, olo-Tato hattham pasāretvā phalam gahetvā madditvā upasinghitvā paribhunji. Tattha tassa purisassa ambarukkhamule niddāyanakālo viya bhavangasamangīkālo8, ambakannasakkhalim puñjitvā9 vantato muncitvā pakkassa patanakālo viva ārammaņassa pasādaghaţţanakālo, patanasaddena 10 pabuddhakālo viya manodhātuyā 11 bhavangassa āvattitakālo, ummīletvā 12 olokitakālo viya cakkhuviññāņassa dassanakiccasādhanakālo, hattham pasāretvā gahitakālo viya vipākamanodhātuyā ārammaņassa sampațicchanakalo, gahetva madditakalo viya vipakamanoviñaņadhātuyā ārammaņassa santīranakālo, upasinghitakālo viya kiriyamanoviññāṇadhātuyā āramaṇassa vavatthāpita-

gacchati M.
 ca M.
 agahanena T.
 parupetvā M.
 niddānayati M.
 thantio C. T. thapentio G.
 ummilitvā M.
 bhavangassa kālo M.
 punjamānassa T.
 puncamānassa M.
 tena saddo M.
 M. inserts kiriyā.
 ummilitvā M.

kālo, paribhuttakālo viya javanassa ārammaņarasam anubhavitakālo. Ayam upamā kim dīpeti? Āramaņassa pasādaghattanam eva kiccam. Tena pasāde ghattite kiriyamanodhātuyā bhavangāvattanam eva cakkhuviññānassa dassanamattakam eva, vipākamanodhātuyā ārammanasampaticchanamattakam eva, vipākamanoviññāņadhātuyā ārammaņasantīraņamattakam eva, kiriyamanoviñnāņadhātuyā i ārammaņavavatthāpanamattakam eva kiccam ekantena pana ārammaņarasam javanam eva anubhavatī ti dīpeti.

Ettha ca tvam bhavangam nāma hohi, tvam āvajjanam nāma, tvam dassanam nāma, tvam sampaţicchanam nāma, tvam santīraņam nāma, tvam votthapanam nāma, tvam javanam nāma hohī ti koci kattā vā kāretā vā natthi2.

562. Imasmim pana thane pancavidhaniyamam nama ganhimsu bījaniyāmam utuniyāmam kammaniyāmam dhammaniyāmam cittaniyāman ti.

Tattha kulatthagacchassa 3 uttaraggabhāvo dakkhiņavalliyā dakkhiņato rukkhapariharaņam suriyāvaţţapupphānam suriyābhimukhabhāvo māluvālatāya4 rukkhābhimukhagamananālikerassa matthake chiddasambhavo ti tesam tesam bījānam tam tam sadisaphaladānam bījaniyāmo nāma.

Tasmim tasmim samaye tesam tesam rukkhanam ekappahāren 'eva pupphaphalapallavagahanam utuniyāmo nāma.

Tihetukakammam tihetukaduhetukavipākam deti5, duhetukakammam duhetukāhetukavipākam deti, tihetukam na detī ti evam tassa tassa kammassa tam tam vipākadānam eva kammanivāmo nāma.

Aparo pi kammasarikkhakavipākavasen 'eva kammaniyāmo nāma hoti.

563. Tassa dīpanattham vatthum kathenti: Sammāsambuddhakāle Sāvatthiyam6 dvāragāmo jhāyi, tato pajjalitatinakaralam⁷ utthahitvā ākāsena gacchato kākassa gīvāya paţimucci, so viravanto bhūmiyam patitvā kālam akāsi. Ma-

vatthiyā T. M. 7 Comp. Suttavibhanga II, 48.

³ kusalatthago T. 1 kiriyāmo T. ² kāre vānatthi M. 4 maluvalatāya C. mālāvalatāya G. 5 tihetukaduhetukakammam duhetukahetuvipākam deti T. 6 Sā-

hāsamudde pi ekā nāvā niccalā atthāsi, hetthā kenaci niruddhabhāvam apassantā kālakannisalākam vāresum Sā nāvikass' eva upāsikāy' eva hatthe pati. Tato 'ekissā kāranā mā sabbe nassantu, udake tam khipāmā ti' āhamsu. Nāviko 'na sakkhisāmi etam udake uppilavamānam passitun ti' vālikāghatam gīvāya bandhāpetvā khipāpesi. Tam khanam yeva nāvā khittasaro viya nikkhantā ti.

Eko bhikkhu lene vasati. Mahantam pabbatakuṭam patitvā dvāram pidahi. Tam sattame divase sayam eva apagatam.

Sammāsambuddhassa Jetavane nisīditvā dhammam kathentassa imāni tīni vatthūni ekappahāren 'eva ārocesum. Satthā na etam aññehi katam tehi⁷ katakammam eva katan ti⁸ atītam āharitvā dassento āha.

Kāko purimattabhāve manusso hutvā ekam duţţhagoṇam dametum asakkonto gīvāya palālavaṇim bandhitvā aggim adāsi. Goṇo ten 'eva mato. Idāni tam kammam etassa ākāsena gacchato muncitum na adāsi.

Sā pi itthī purimattabhāve ekā itthī yeva. Eko kukkuro tāya paricito hutvā araññam gacchantiyā saddhim gacchati saddhim evāgacchati. Manussā 'nikkhanto' amhākam sunakhaluddako' ti' uppandenti, sā tena adhīyamānā i kukkuram nivāretum asakkontī vālikāghaṭam gīvāya bandhitvā udake khipi. Tam kammam tassā samuddamajjhe muñcitum nādāsi.

So pi bhikkhu purimattabhāve gopālako hutvā bilam pavitthāya godhāya sākhābhaṅgamutthiyā dvāram thakesi. Tato sattame va divase sayam eva āgantvā vivari. Godhā kampamānā nikkhāmi. Karuṇāya tam na māresi. Tam kammam tassa pabbatantaram pavisitvā nisinnassa muñcitum na adāsi. Iti imāni tīṇi vatthūni samodhānetvā imam gātham āha

Na antalikkhe na samuddamajjhe

18

¹ apassanti M. ² vālayimsu C.G. upāsikass 'eva C.G.T. ⁴ pilavamānam T. ppivamānam M. ⁵ pakkhandā M. ⁶ pidahi tam s^o T. dahi tam M. ⁷ katam katam tehi C.G. ⁸ eva tan ti M. ⁹ nikkhando M. ¹⁰ oludhato M. ¹¹ attiyamānā M.

Na pabbatānam vivaram pavissa Na vijjati so jagatippadeso Yattha thito munceyya pāpakammā ti¹ Ayam pi kammaniyāmo nāma.

564. Aññāni pi evarūpāni vatthūni kathetabbāni.

Bodhisattānam pana paṭisandhigahaṇe, mātu kucchito nikkhamaṇe, abhisambodhiyaṃ, Tathāgatassa dhammacakka-pavattane, āyusankhāravossajjane² parinibbāne ca dasasahassacakkavāļakampanaṃ dhammaniyāmo nāmo.

tvam javanam nāma hohī ti koci kattā vā kāretā vā natthi. Attano attano pana dhammatāya evam ārammaņena pasādassa ghattitakālato patthāya kiriyamanodhātucittam bhavangam āvatteti, cakkhuviññānam dassanakiccam sādheti, vipākamanodhātusantīraṇakiccam sādheti, kiriyamanoviññāṇadhātuvotthapanakiccam sādheti, javanam ārammaṇarasam anubhavatī ti ayam cittaniyāmo nāma ayam idha adhippeto.

565. Sasankhārikatihetukakusalenā pi upekhāsahagataasankhārika-sasankhārikakusalacittehi pi kamme āyūhite tam sadisavipākacittehi dinnāya paţisandhiyā es'eva nayo.

Upekhāsahagatadvaye pana pathamam itthamajjhattārammaņavasena pavattim dassetvā pacchā itthārammaņavasena dassetabbā evam pi ekekasmim dvāre dvādasa dvādasa hutvā samasatthi honti, agahitagahaņena soļasa vipākacittāni uppajjanti.

566. Imasmim thane pancanaliyanta-opammam⁶ nama ganhimsu.

Ucchupīļanasamaye kira ekasmā gāmā ekādasa yantavāhakā⁷ nikkhamitvā ekam ucchuvāṭam⁸ disvā tassa paripakkabhāvam ñatvā ucchusāmikam upasaṅkamitvā 'yanta-

¹ Dhammap. vs. 127. ² °sankhārassa ossajjane M. ³ va M.

⁴ M. inserts sampaticchanakiccam sādheti vip^o 5 asankhārika-asankh^o T. ^osahagatehi M. ⁶ ^onālīyanta-opanam M.

⁷ °vāhanā T. ⁸ Comp. Cullavagga VI, 3.10.

vāhā mayan ti' ārocesum. So 'aham tumhe yeva pariye-sāmī ti' ucchusālam gahetvā agamāsi. Te tattha nāliyantam yojetvā 'mayam ekādasa janā aparam pi ekam laddhum vaṭṭati, vetanena ganhathā ti' āhamsu. Ucchusāmiko 'aham eva sahāyo bhavissāmī ti' ucchūnam sālam pūrāpetvā tesam sahāyo ahosi '. Te attano attano kiccāni katvā phāṇitapācakena ucchurase pakke guļabandhakena baddhe ucchusāmikena tulayitvā bhāgesu dinnesu attano attano bhāgam ādāya sālam sāmikam paṭicchāpetvā eten 'eva upāyena aparāsu picatūsu sālāsu kammam katvā pakkamimsu.

Tattha pañca yantasālā viya pañca pasādā daṭṭhabbā, pañca ucchuvāṭā viya pañca ārammaṇāni, ekādasa vicāraṇakayantavāhā viya ekādasa vipākacittāni, pañca ucchusālāsāmikā viya pañca viññāṇani, paṭhamakasālāya sāmikena saddhim dvādasannam janānam ekato va hutvā katakammānam bhāgagahaṇakālo viya ekādasannam vipākacittānam cakkhuviññāṇena saddhim ekato hutvā cakkhudvāre rūpārammaṇe sakasakakiccakaraṇakālo, sālāsāmikassa sālāya sampaṭicchitakālo viya cakkhuviññāṇassa dvārasaṅkantiakaranam?

Dutiyatatiyacatutthapañcamāya sālāya dvādasannam ekato hutvā katakammānam bhāgagahaņakālo viya ekādasannam vipākacittānam kāyaviñnāņena saddhim ekato hutvā kāyadvāre photthabbārammaņe sakasakakiccakaraņakālo, sālāsāmikassa sālāya sampaticchitakālo viya kāyaviñnāņassa dvārasankanti-akaraņam veditabbam. Ettāvatā tihetukakammena patisandhi tihetukā hotī ti vāro kathito.

 $Y\bar{a}$ pana tena duhetukapațisandhi hoti sā pațicchannā va hutvā gatā.

567. Idāni duhetukakammena duhetukapaţisandhi hotī¹² ti vāro kathetabbo. Duhetukānam¹² somanassasahagatā sasankhārikacittena kamme āyūhite tam sadisen'eva duhetukavipākacittena¹³ gahitapaţisandhikassa vuttanayen 'eva

¹ M. inserts te. ² sajjetvā M. ³ vetthanena M. ⁴ hoti M. ⁵ thānitapācakena T. ⁶ ucchusālam sāmikassa M. ⁷ ākaraņam M. ⁸ °pañcamasālāya M. ⁹ dvādasacito M. ¹⁰ M. omits kāya. ¹¹ M. omits hoti. ¹² duhetukena T. M. M. adds hi. ¹³ duhetukacittena M.

cakkhudvāre itthārammaņe āpāthagate¹ tayo moghavārā duhetukasomanassasahagatā², sasankhārikajavanāvasāne tam sadisam eva mūlabhavangasankhātam tadārammaṇam, sasankhārikajavanāvasāne tam sadisam eva āgantukabhavangasankhātam tadārammaṇam, itthamajjhattārammaṇe dvinnam upekhāsahagatajavanānam avasāne tādisān' eva³ dve tadārammaṇāni uppajjanti. Idha ekekasmim dvāre aṭṭhaṭṭha katvā samacattālīsa cittāni. Agahitagahaṇena pana cakkhudvāre aṭṭha sotaghāṇajivhākāyaviñāṇāni cattārī ti dvādasa honti.

Evam ekāya cetanāya kamme āyūhite dvādasa vipāka-cittāni uppajjanti.

Ambopamā pañcaniyāmakathā pākaţikā eva.

Duhetukacittasadisavipākena gahitapaţisandhike pi es'eva nayo. Yantavāhopamāyam pan 'ettha satta yantavāhā, tehi hatthayante nāma sajjite sālāsāmikam atthamam katvā vuttanayānusāreņ 'eva yojanā veditabbā. Ettāvatā duhetukakammena duhetukapaţisandhi hotī ti vāro kathito.

568. Idāni ahetukapaţisandhikathā hoti.

Catunnam hi duhetukakusalacittanam aññatarena kamme āyūhite kusalavipāka-upekhāsahagatā hetukamanoviññāņadhātucittena gahitapaţisandhikassa paţisandhikammasadisā ti na vattabbā. Kammam hi duhetukam, paţisandhi ahetukā, tassa vuddhipattassa cakkhudvāre itthamajjhattārammaņe āpāthagate purimanayen' eva tayo moghavārā veditabbā. Catunnam pana duhetukakusalacittanam aññatarajavanassa pariyosāne ahetukacittam tadārammanabhāvena patiţţhāti. Tam mülabhavangam tadārammanan ti dve nāmāni labhati. Evam ettha cakkhuviññānam sampaticchanam upekhāsahagatam santīraņam tadārammaņam pi upekhāsahagatam evā ti tesu ekam gahetvā gaņanūpagāni6 tīn'eva Iţţhārammaņe pana santīraņam pi tadārammaņam pi somanassasahagatam eva. Tesu ekam gahetvā purimāni tīni7 cattāri honti. Evam pañcasu dvāresu cattāri cattāri katvā ekāya cetanāya kamme āyūhite vīsati vipākacittāni

¹ apātha^o M. ² ^ogata āsankh^o M. ³ tādisān'etthādisān'eva M. ⁴ Duhetukassa cittattayasad^o T. Duhetuka sesacittattayasad^o M. ⁵ ^oopamāya M. ⁶ gananupakāni T. ⁷ ti M.

uppajjantī ti veditabbāni, agahitagahaņena pana cakkhudvāre cattāri sotaghāņajivhākāyaviññāņāni cattārī ti attha honti, idam ahetukatthakam¹ nāma, idam² manussalokena gahitam, catūsu pana apāyesu pavatte labbhati. Yadā hi Mahāmoggallānatthero niraye padumam māpetvā padumakannikāya nisinno nerayikānam dhammakatham katheti tadā tesam theram passantānam kusalavipākam cakkhuviñnāņam uppajjati, saddam sunantānam sotaviññāṇaṃ, candanavane divāvihāraṃ nisīditvā gatassa cīvaragandhaghāyanakāle ghāņaviññāņam, niravaggim 3 nibbāpetum devam vassāpetvā pānīyadānakāle jivhāviññāṇam, mandamandavātasamuţţhāpanakāle kāyaviññāṇan ti evam cakkhuviññāṇādīni pañca ekam sampaticchanam dve santīranānī ti ahetukatthakam labbhati. Nāgasupaņņavemānikapetānam pi akusalena paţisandhi hoti, pavatte kusalam vipaccati, tathā cakkavattino mangalahatthiassādīnam.

Ayam tāva ittha-itthamajjhattārammanesu kusalajavanavasena kathāmaggo.

569. Itthārammaņe pana catūsu somanassasahagatakusalacittesus javanesu kusalavipākam somanassasahagatāhetukam cittam tadārammaņam hoti, itthamajjhattārammaņe catūsu upekkhāsahagatalobhasampayuttesu javanesu kusalavipākam upekhāsahagatāhetukacittam tadārammaņam hoti.

Yam pana javanena tadārammaņam niyāmetabban ti vuttam tam kusalam sandhāya vuttan ti veditabbam.

Domanassasahagatajavanānantaram tadārammaņam uppajjamānam kim uppajjatī ti akusalavipākāhetukamanoviññānadhātucittam, uppajjati.

570. Idam pana javanam kusalattāya vā akusalattāya vā ko niyāmetī ti āvajjanam c'eva voṭṭhapanañ ca. Āvajjanena hi yoniso āvajjite voṭṭhapanena ayoniso vavatthāpite javanam akusalam bhavissatī ti aṭṭhānam etam rī, āvaj

¹ °attham M. ² Visuddhimagga p. 130. ³ nerayaggam M. ⁴ °vemātika° C. °subannavemānika° M. ⁵ sahagatakusala° M. ⁶ javitesu T. jivitesu M. ⁷ °āhetumāno° M. ⁸ javanakusalatāya M. ⁹ āvattite M. ¹⁰ yoniso M. ¹¹ attha nām' etam M.

janena ayoniso āvajjite¹, voṭṭhapanena yoniso vavatthāpite javanam kusalam bhavissatī ti pi aṭṭhānam eva². Ubhayena pana yoniso āvajjite³ vavatthāpite ca⁴ javanam kusalam hoti, ayoniso akusalan ti veditabbam. Iṭṭhārammane pana kaṅkhato uddhatassa ca tadārammanam kim hotī ti iṭṭhārammanasmim kaṅkhatu vā mā vā uddhato vā hotu mā vā kusalavipākāhetukasomanassacittam eva tadārammanam hoti iṭṭhamajjhattārammane kusalavipākāhetuka-upekhāsahagatan ti. Ayam pan' ettha saṅkhepato atthadīpano⁵ Mahā-Dhammarakkhitattheravādo nāma.

Somanassasahagatasmim hi javane javite pañca tadārammaņāni gavesitabbāni, upekhāsahagatasmim javite cha gavesitabbānī ti.

571. Athā6 yadā somanassasahagatapatisandhikassa pavatte jhanam nibbattetva pamadena parihīnajjhanassa panītadhammo me nattho ti paccavekkhato vippatisāravasena domanassam uppajjati tadā kim uppajjati? Somanassānantaram hi domanassam, domanassanantarañ ca somanassam, patthane patisiddham mahaggatam dhammam arabbha javane javite tadārammaņam pi tatth' eva paţisiddhan ti kusalavipākā vā akusalavipākā vā upekhāsahagatā hetukamanoviñnāņadhātu uppajjati. Kim assa āvajjanan, ti bhavangāvajjanānam viya tatth 'assa āvajjanakiccan⁸ ti etāni tāva attano ninnattā ca cinnattā ca samudācarattā 9 ca uppajjantu, ayam katham uppajjatī 10 ti yathā nirodhassa anantarapaccayam nevasaññānāsaññāyatanam nirodhā vuṭṭhahantassa phalasamāpatti cittam ariyamaggacittam magganantarani phalacittani evam asante pi ii ninnaciņņasamudācarabhāve 12 uppajjati. Vinā hi āvajjanena cittam uppajjati, ārammaņena 13 pana vinā n'uppajjatī ti. Atha kim ass'ārammaņan ti rūpādīsu parittadhammesu aññataram. Etesu hi yad eva tasmim samaye āpāthagatam hoti tam ārabbha etam cittam uppajjatī ti veditabbam. Idāni sabbe-

om. M. attha nam etam M. avattite M. M. om. ca. dīpanā C. G. Atthassa M. assā avajo M.

⁸ natth 'assā avajo M. 9 samudācatattā T. 10 om. M.

¹¹ M. adds āvajjane. ¹² °samudācaţa° T. ¹³ ārammaņe M.

sam pi etesam cittānam pākaṭabhāvattham ayam pakinnakanayo vutto.

572. Suttam dovāriyo² ca gāmillo ambo koliyakena³ ca jaccandho pīthasappī ca⁴ visayagāho ca⁵ upanissava-m-atthaso ti. #

Tattha suttan ti eko panthamakkatako6 pañcasu disāsu suttam pasāretvā jālam katvā majjhe nipajjati pathamadisāya pasāritasutte pāṇakena vā paṭaṅgena vā makkhikāya vā pahate nipannatthānato calitvā nikkhamitvā suttānusārena gantvā tassa yūsam pivitvā punāgantvā tatth 'eva nipajjati, dutivadisāsu pahatakālesu pi evam eva karoti. Tattha pañcasu disāsu pasāritasuttam viya pañca pasādā, majjhe nipannamakkatako viya cittam, panakadihi suttaghattanakālo viya ārammaņena pasādassa ghattitakālo, majjhe nipannamakkatakassa calanam viya pasadaghattanakam arammanam gahetvā kiriyamanodhātuyā bhavangassa āvattitakālo, suttānusārena gamanakālo viya vīthicittappavatti, sīse vijjhitvā yūsapivanam viya javanassa ārammane javitakālo. puna agantva majjhe nipajjanakalo, viya cittassa hadayavatthum eva nissaya pavattanam. Idam opammam kim dīpeti? Ārammaņena pasāde ghattite pasādavatthukacittato hadayarupavatthukacittam pathamataram uppajjatī ti dīpeti, ekekam ārammaņam dvīsu dvāresu āpātham āgacchatī ti8 dīpeti.

573. Dovāriyo⁹ ti. Eko rājā sayanagato niddāyati, tassa paricārako¹⁰ pāde parimaddanto nisīdi, badhiradovāriko dvārethito, tayo paṭihārā paṭipāṭiyā ṭhitā. Ath'eko¹¹ paccantavāsī manusso paṇṇākāram ādāya āgantvā dvāram ākoṭesi. Badhiradovāriko saddam na suṇāti, pādaparimajjanako¹² saññam adāsi. Tāya saññāya dvāram vivaritvā passi. Paṭhamapaṭihāro paṇṇākāram gahetvā dutiyassa adāsi, dutiyo tatiyassa, tatiyo rañño, rājā paribhuñji.

sabbe etesam citto T.
 dovārito M.
 jaccantapithiyapī ca M.
 viya saggāho ca M. sayagāho T.
 Comp. Milindapanha p. 407.
 nipajjanam M.
 ti pi M.
 Dovāriko M.
 paricāriko M.
 parimajjako C. G. parimajjhako M.

Tattha so rājā viya javanam datthabbam, pādaparimajjanako viya avajjanam, badhiradovarikoviya cakkhuviññanam, tayo patihārā viya sampaticchanādīni tīni vīthicittāni, paccantavāsino paņņākāram ādāya āgantvā dvārākoţanam viya ārammaņassa pasādaghaţţanam, pādaparimajjanakena² saññāya dinnakālo viya kiriyamanodhātuyā bhavangassa āvattitakālo, tena dinnasaññaya badhiradovarikassa dvaravivaranakalo viya cakkhuviññāṇassa ārammaņe dassanakiccasādhanakālo, pathamapatihārena pannākārassa gahitakālo viya vipākamanodhātuyā ārammaņassa sampaticchitakālo, pathamena dutiyassa dinnakālo viya vipākamanoviñānadhātuyā ārammaņassa santīritakālo, dutiyena tatiyassa dinnakālo viya kiriyamanoviññāṇadhātuyā ārammaṇassa vavatthāpitakālo, tatiyena rañño dinnakālo viya votthapanena javanassa niyyātitakālo4, rañno paribhogakālo viya javanassa arammanarasānubhavanakālo. Idam opammam kim dīpeti? Ārammaņassa pasādaghaţţanam eva kiriyamanodhātuyā bhavangāvaţţanamattam eva, cakkhuviññāṇādīnam dassanasampaticchana-santīranavavatthāpanamattān 'eva kiccāni, ekantena pana javanam eva ārammaņarasam anubhotī ti idam dīpetī ti.

574. Gāmillako 5 ti. Sambahulā gāmadārakā antaravīthiyam pamsukīļam 6 kīļanti?. Tatth' ekassa hatthe kahāpaņo 8 paṭihañāi. So 'mayham hatthe paṭihatam kin nu kho etan ti' āha. Ath' eko 'paṇḍaram etan ti' āha. Aparo saha pamsunā gāļham gaṇhi, añāo 'puthulacaturassam etan ti' āha. Aparo 'kahāpaṇo eso ti' āha. Atha nam āharitvā mātuyā adamsu 9. Sā kamme upanesi. Tattha sambahulānam dārakānam antaravīthiyam kīļantānam nisinnakālo viya vīthicittappavatti daṭṭhabbā, kahāpaṇassa hatthe paṭihatakālo viya ārammaṇena pasādassa ghaṭṭitakālo, 'kin nu kho etan ti' vuttakālo viya tam ārammaṇam gahetvā kiriyamanodhātuyā bhavaṅgassa āvaṭṭitakālo, paṇḍaram etan ti' vuttakālo viya cakkhuviññāṇena dassanakiccassa sādhitakālo, saha paṃsunā gāļham gahitakālo viya vipākama-

 ¹ omajjhako M.
 ² omajjakena M.
 ³ dassakicca C. G.
 ⁴ niyyādita M.
 ⁵ Gāmillo M.
 ⁶ paṃsuṃ M.
 ⁷ kīlaṃ ti kīlanti. M.
 ⁸ kahāpanam M.
 ⁹ adāsi M.

nodhātuyā ārammaņassa sampaticchitakālo, 'puthulacaturassam etan ti' vuttakālo viya vipākamanoviñnāṇadhātuyā ārammaṇassa santīritakālo ', 'eko kahāpaṇo ti' vuttakālo viya kiriyamanoviñnāṇadhātuyā ārammaṇassa vavatthāpitakālo, mātarā 'kamme upanītabhāvo viya javanassa ārammaṇarasānubhavanam 's veditabbam. Idam opammam kim dīpeti? Kiriyamanodhātu adisvā va bhavangam āvatteti, vipākamanodhātu adisvā va sampaticchati, vipākamanoviñnāṇadhātu adisvā va santīreti, kiriyamanoviñnāṇadhātu adisvā va vavatthapeti, javanam adisvā va ārammaṇarasam anubhoti, ekantena pana cakkhuviñnāṇam eva dassanakiccam sādhetī ti dīpeti.

Ambo koliyakena cā ti idam hetthāvuttaambopamañ ca ucchusālāsāmikopamañ ca sandhāya vuttam.

575. Jaccandho pīthasappī cā ti ubho pi kira te nagaradvāre sālāyam⁶ nisīdimsu. Tattha pīthasappī āha: 'Bho, andha, kasmā tvam idha sussamāno vicarasi⁷, asuko padeso subhikkho bahvannapāno, kim tattha gantvā sukhena jīvitum na vaṭṭatī ti.' 'Mayham tāva tayā ācikhitam, tuyham pana tattha gantvā sukhena jīvitum kim na vaṭṭatī ti.' 'Mayham gantum pādā natthi.' 'Mayham pi passitum cakkhūnī natthī ti. Yadi evam tava pādā hontu mama cakkhūnī ti ubho pi sādhū ti' sampaticchitvā jaccandho⁸ pīthasappim khandham āropesi. So tassa khandhe nisīditva vāmahatthen'assa sīsam parikkhipitvā⁹ dakkhinena hatthena imasmim thāne mūlam āvaritvā thitam imasmim 'pāsāṇo, vāmam muñca dakkhinam gaṇha, dakkhinam muñca vāmam gaṇhā ti' maggam niyāmetvā ācikhi. Evam jaccandhassa pādā pīthasappissa cakkhūnī ti ubho pi sampayogena icchitaṭṭhānam gantvā sukhena jīvimsu. Tattha jaccandho¹² viya rūpakāyo, piṭhasappī viya arūpakāyo. Pīṭhasappinā vinā ¹² jāccandhassa ¹³ disam gantum gamanābhisankhārassa nib-

santīraņaº M.
 mātaram M.
 paliyakena M.
 jaccanto pi sappi M.
 sālāya M.
 micchasi T.
 jaccanto M.
 parikkhipetvā M.
 jaccanto M.
 jaccanto M.
 jaccanto M.

battitakālo i viya rūpassa arūpena vinā ādānagahanacopanam pāpetum asamatthatāya, jaccandhena vinā pīthasappissa disam gantum gamanābhisankhārassa appavattanam viya pañca vokāre rūpam vinā arūpassa appavattanam², dvinnam pi sampayogena icchitatthānam gantvā sukhena jīvitakālo viya rūpārūpadhammānam aññamaññayogena³ sabbakiccesu pavattisambhavo ti ayam pañho pañcavokāravasena kathito⁴.

576. Visayagāho cā ti cakkhurūpavisayam gaņhāti sotādīni saddādivisaye. —

Upanissaya-m-atthaso ti upanissayato ca atthato ca tattha asambhinnattā cakkhussa āpāthagatattā rūpānam ālokasannissitam manasikārahetukam catūhi paccayehi uppajjati cakkhuviññānam saddhim sampayuttadhammehi. Tattha matassā pi cakkhu sambhinnam hoti, jīvato s niruddham pi pittena vā semhena vā rudhirena vā palibuddham pi. Cakkhuviññāṇassa paccayo bhavitum asakkontam sambhinnam nāma hoti, sakkontam asambhinnam nāma. Sotādisu pi es'eva nayo. Cakkhusmim pana asambhinne pi bahiddhā rūpārammaņe āpātham anāgacchante cakkhuviñnānam n'uppajiati. Tasmim pana āpātham āgate pi ālokasannissaye asati n'uppajjati. Tasmim laddhe pi kiriyamanodhātuyā bhavange anāvattite n'uppajjati āvattite yeva uppajjati. Evam uppajjamānam sampayuttadhammehi saddhim veva uppajjati. Iti ime cattāro paccaye labhitvā uppajjati cakkhuviññānam.

Asambhinnattā sotassa āpāthagatattā saddānam ākāsasannissitam manasikārahetukam catūhi paccayehi uppajjati sotaviññāṇam saddhim sampayuttadhammehi. Tattha ākāsasannissitan ti ākāsasannissayam laddhā va uppajjati, na vinā tena. Na hi pihitakaṇṇacchiddassa sotaviññāṇam pavattati. Sesam purimanayen 'eva veditabbam.

Yathā ettha evam ito paresu pi visesamattam pana vakkhāma.

Asambhinnattā ghānassa āpāthagatattā gandhānam vāyo sannissitam manasikārahetukam catūhi paccayehi uppajjati



¹ nippattitakālo viya M. ² appavatti T. M. ³ °sampayogena M. ⁴ vokāraha° M. ⁵ jīvito T. ⁶ ruhirena M.

ghāṇaviñnāṇānam saddhim sampayuttadhammehi. Tattha vāyosannissitan ti ghāṇabilam vāyumhi pavisante yeva uppajjati, tasmim asati n'uppajjatī ti attho.

Asambhinnatta jivhaya apathagatatta rasanam aposannissitam manasikarahetukam catuhi paccayehi uppajjati jivhaviññanam saddhim sampayuttadhammehi. Tattha aposannissitan ti jivhatemanam apam laddha va uppajjati na vina tena. Sukkhajivhanam hi sukkhakhadaniye jivhaya thapite pi jivhaviññanam n'uppajjat 'eva.

Asambhinnattā kāyassa āpāthagatattā photthabbānam² pathavīsannissitam manasikārahetukam catūhi paccayehi uppajjati kāyaviññāṇam saddhim sampayuttadhammehi. Tattha pathavīsannissitan ti kāyappasādapaccayam pathavīsannissayam laddhā va uppajjati, na tena vinā. Kāyadvārasmim hi bahiddhā mahābhūtārammaṇam ajjhattikam kāyapasādam ghattetvā pasādapaccayesu mahābhūtesu patihañnati.

Asambhinnattā manassa āpāthagatattā dhammānam vatthusannissitam manasikārahetukam catūhi paccayehi uppajjati manoviññāṇam saddhim sampayuttadhammehi. Tattha mano ti bhavangacittam, tam niruddham pi āvajjanacittassa paccayo bhavitum asamattham mandataragatam³ eva pavattamānam pi sambhinnam nāma hoti. Āvajjanassa pana paccayo bhavitum samattham asambhinnam nāma. Āpāthagatattā dhammānan ti dhammārammane āpāthagate vatthusannissitan ti hadayavatthusannissayam⁴ laddhā va uppajjati, na tena vinā. Ayam pi pañho pañcavokārabhavam sandhāya kathito.

Manasikārahetukan ti kiriyamanoviññāṇadhātuyā bhavange āvattite yeva uppajjatī ti attho.

Ayam tāva upanissaya-m-atthaso ti ettha upanissaya-vannanā.

577. Atthato pana cakkhu dassanattham, sotam savanattham, ghānam ghāyanattham, jivhā sāyanatthā, kāyo phu-

¹ °bile M. ² potthabbānam C. G. ³ mamdantamagalam C. G. mandan tamahatam T. mandattā maga (sic) tam eva M. ⁴ °sannissitam M.

sanattho, mano vijānanattho, tassa dassanam attho assā ti. Tam hi tena nipphādetabban ti dassanattham. Sesesu es'eva nayo ti.

Ettāvatā Tipiţaka-Cūlanāgattheravāde soļasakamaggo niţţhito. Saddhim dvādasakamaggena c'eva ahetukaţţhakena ca.

Idāni Moravāpivāsī-Mahādattattheravāde dvādasamaggakathā hoti. Tattha Sāketakapañhaussadakittanahetukittanāni pākatikān' eva.

Ayam pana thero asankhārikasasankhārikesu dosam disvā asankhārikam asankhārikam eva vipākam deti no sasankhārikam, sasankhārikam pi sasankhārikam eva no asankhārikam ti āha.

Javanena c'esa cittaniyāmam na katheti ārammaņena pana vedanāniyāmam katheti. Ten' assa vipākuddhāre dvādasakamaggo nāma jāto, dasakamaggo pi ahetukaṭṭhakam pi etth 'eva paviṭṭham.

578. Tatrāyam nayo. Somanassasahagatatihetukāsankhārikacittena hi kamme āyūhite tādisen 'eva vipākacittena gahitapatisandhikassa vuddhippattassa cakkhudvāre itṭṭhārammaņe āpāthagate heṭṭhā vuttanayen' eva tayo moghavārā honti. Tattha kusalato cattāri somanassasahagatāni, akusalato cattāri, kiriyato pañcā ti imesam terasannam cittānam aññatarena javitapariyosāne tadārammaṇam patiṭṭhahamānam somanassasahagatāsaṅkhārikatihetukacittam² pi duhetukacittam³ pi patiṭṭhāti.

Evam assa cakkhudvāre cakkhuviññāṇādīni tīni tadārammaṇāni dve ti pañca gaṇanūpagacittāni honti. Ārammaṇena pana vedanam parivattetvā kusalato catunnam, akusalato catunnam, kiriyato catunnan ti dvādasannam upekhāsahagatacittānam aññatarena jīvitāvasāne upekhāsahagatam tihetukāsaṅkhārikavipākam pi duhetukāsaṅkhārikavipākam pi tadārammaṇam hutvā uppajjati. Evam assa cakkhudvāre upekhāsahagatam santīraṇam imāni dve tadārammaṇānī ti tīni gaṇanūpagacittāni honti. Tāni purimehi pañcahi

² kathesi M. ² °sahagata-asankh° M. ³ duhetukacittam om. T.

saddhim atthasotadvārādīsu pi atthatthā ti ekāya cetanāya kamme āyūhite samacattālīsa cittāni uppajjanti, agahitagahanena pana cakkhudvāre attha sotaviññānādīni cattārī ti dvādasa honti, tattha mūlabhavanga-āgantukabhavangatā ambopamā niyāmakakathā ca vuttanayen 'eva veditabbā.

Somanassasahagatatihetukasasankhārikakusalacittena kamme āyūhite pi upekhāsahagatatihetuka-asankhārikasasankhārikehi kamme āyūhite pi es 'eva nayo.

Hatthayantopamā pi ettha pākatikā eva. Ettāvatā tihetukakammena tihetukapaţisandhi hotī ti vāro kathito. Tihetukakammena duhetukapaţisandhi hotī ti vāro pana paţicchanno hutvā gato. Idāni duhetukakammena duhetukapaţisandhi hotī ti vāro pana paţicchanno hutvā gato. Idāni duhetukakammena duhetukapaţisandhi hoti.

Somanassasahagataduhetukāsankhārikacittena hi kamme āyūhite tādisen 'eva vipākacittena gahitapatisandhikassa vuddhippattassa cakkhudvāre itthārammaņe āpāthagate hetthā vuttanayen 'eva tayo moghavārā honti cattāri gaṇanūpagā. Duhetukassa pana javanakiriyā natthi. Tasmā kusalato cattāri somanassasahagatāni, akusalato cattārī ti imesam atthannam añnatarena javitapariyosāne duhetukam eva somanassasahagatāsankhārikam tadārammaṇam hoti. Evam assa cakkhuviñnāṇādīni tīni idan ca tadārammaṇan ti cattāri gaṇanūpagacittāni honti.

579. Iţţhamajjhattārammane pana kusalato upekhāsahagatānam catunnam, akusalato catunnan ti aţţhannam aññatarena javitapariyosāne duhetukam eva upekhāsahagatam asaṅkhārikam tadārammanam hoti. Evam assa upekhāsahagatam santīranam idañ ca tadārammanan ti dve gananūpagacittāni² honti. Tāni purimehi catūhi saddhim cha sotadvārādīsu pi cha vā ti³ ekāya cetanāya kamme āyūhite samatimsa⁴ cittāni uppajjanti. Agahita gahanena pana cakkhudvāre cha sotaviññānādīni cattārī ti dasa honti, ambopamā niyāmakathā pākatikā eva. Yantopamam idha na labbhatī ti vuttam. Somanassasahagataduhetukasasan

^z °ūpaka° T. ² °ūpaka° T. ³ cha jāti T. cha chā ti M. ⁴ satimsa T.

khārikakusalacittena kamme āyūhite pi upekhāsahagataduhetuka-asankhārikasasankhārikehi kamme āyūhite pi es' eva nayo.

Ettāvatā duhetukakammena duhetukapaţisandhi hotī ti vāro kathito. Ahetukā hotī ti vāro pana evam veditabbo. Kusalato catūhi ñāṇavippayuttehi kamme āyūhite kusalavipākāhetukamanoviñāṇadhātuyā upekhāsahagatāya paţisandhiyā gahitāya kammasadisā paţisandhī ti na vattabbā. Ito paṭṭhāya heṭṭhā vuttanayen' eva kathetvā iṭṭhe pi iṭṭhamajjhatte pi cittuppatti veditabbā.

Imassa hi therassa vāde piņdajavanam eva javati. Sesajavanam kusalattāya² ko niyāmetī ti ādi kathā sabbā tattha vuttanayen' eva veditabbā ti.

580. Ettävatä Moravāpivasī-Mahādattattheravāde dvādasakamaggo niṭṭhito saḍḍhim dasakamaggena ceva ahetukatthakena ca.

Idāni Mahādhammarakkhitattheravāde dasakamaggakathā hoti. Tattha Sāketapañhaussadakittanāni pākatikān' eva.

Hetukittane pana ayam viseso. Tihetukakammam tihetukavipākam pi duhetukavipākam pi ahetukavipākam pi deti, duhetukakammam tihetukam eva na deti, itaram deti.

Tihetukakammena paţisandhi tihetukā va hoti, duhetukā ahetukā na hoti, duhetukakammena duhetukā ahetukā hoti, tihetukā na hoti. Asankhārikakammavipākam asankhārikam eva deti no sasankhārikam, sasankhārikam eva sasankhārikam vipākam deti no asankhārikam.

Ārammaņena vedanā parivattetabbā, javanam piņdajavanam eva javati, ādito patthāya cittāni kathetabbāni.

581. Tatrāyam kathā: Eko pathamakusalacittena kammam āyūhati pathamavipākacitten 'eva patisandhim ganhāti, ayam kammasadisā patisandhi, tassa vuddhippattassa cakkhudvāre iṭṭhārammane āpāthagate vuttanayen 'eva +, tayo moghavārā honti. Ath 'assa heṭṭhāvuttānam terasannam

¹ M. adds pațisandhi.

³ labbhati M.

² M. adds vā akusalattāya vā.

⁴ vuttā nayen 'eva M.

somanassasahagatajavanānam aññatarena javitapariyosāne pathamavipākacittam eva tadārammaṇam hoti, tam mūlabhavaṅgam¹ tadārammaṇan ti dve nāmāni labhati. Evam assa cakkhuviññāṇādīni tīni idañ ca tadārammaṇan ti cattāri gaṇanūpagacittāni honti. Itthamajjhattārammaṇe hetthā vuttānam yeva dvādasannam upekhāsahagatajavanānam aññatarena javitapariyosāne upekhāsahagatam tihetukāsaṅkhārikacittam tadārammaṇatāya patiṭṭhāti². Tam āgantukabhavaṅgam tadārammaṇan ti dve nāmāni labhati. Evam assa upekhāsahagatasantīraṇam idañ ca tadārammaṇan ti dve gaṇanūpagacittāni. Tāni purimehi catūhi saddhim cha honti. Evam ekāya cetanāya kamme āyūhite pañcasu dvāresu³ samatimsa cittāni uppajjanti. Agahitagahaṇena pana cakkhudvāre cha sotaviñnāṇādīni cattārī ti dasa honti.

Ambopamaniyāmakakathā pākatikā eva. Dutiyatatiyacatutthakusalacittehi kamme āyūhite pi ettakān 'eva vipākacittāni honti, catūhi upekhāsahagatehi!āyūhite pi es 'eva nayo.

Idha pan' assa pathamam itthamajjhattārammanam dassetabbam. Pacchā itthārammanena vedanā parivattetabbā, ambopamaniyāmakakathā pākatikā eva yantopamam na labhati. Kusalato pana catunnam nānavippayuttānam annātarena kamme āyūhite pi ito patthāya sabbam vitthāretvā ahetukatthakam kathetabbam.

582. Ettävatä Mahādhammarakkhitattheravāde dasakamaggo niţţhito hoti saddhim ahetukaţţhakenā ti6. Imesam pana tiṇṇam therānam katarassa vādo gahetabbo ti? Na kassaci, ekamsena sabbesam pana vādesu yuttam gahetabbam. Paṭhamavādasmim hi sasaṅkhārāsaṅkhāravidhānam paccayabhedato adhippetam. Ten 'ettha asaṅkhārikakusalassa dubbalapaccayehi uppannam sasaṅkhāravipākam, sasaṅkhārakusalassa dubbalapaccayehi uppannam asaṅkhārikavipākan ca gahetvā labbhamānāni pi kiriyajavanāni pahāya kusalajavanena tadārammaṇam ārammaṇena ca

¹ na mūlabh^o T. ² pavattati M. ³ caresu T. ⁴ ^oārammaņe M. . ⁵ ti M. ⁶ saddhim ahetukattham hoti M. ⁷ balavap^o T. M.

vedanam niyāmetvā sekhaputhujjanavasena soļasakamaggo kathito. Yam pan' ettha akusalajavanāvasāne ahetukavipākam eva tadārammaņam dassitam tam itaresu na dassitam eva. Tasmā tam tattha tesu vuttam sahetukavipākan ca etthā pi sabbam idam labbhat' eva. Tatrāyam nayo. Yadā hi kusalajavanānam antarantarā akusalam javati tadā kusalāvasāne āvajjanasadisam eva akusalāvasāne sahetukatadārammaņam yuttam. Yadā nirantaram akusalam eva tadā ahetukam. Evam tāva paṭhamavāde yuttam gahetabbam.

Dutivavāde pana kusalato sasankhārā sasankhāravidhānam adhippetam. Ten' ettha asankhārakusalassa asankhāram eva vipākam, sasankhārakusalassa sasankhārikam eva gahetvā javanena tadārammananivāmam katvā sabbesam pi sekhāsekhaputhujjanānam uppattis, raho pindajavanavasen' eva dvādasakamaggo kathito. Tihetukajavanāvasāne pan' ettha tihetukam tadārammaņam yuttam, duhetukajavanāvasāne duhetukam, ahetukajavanāvasāne ahetukam bhājetvā pana na yuttam6. Evam dutiyavade yuttam gahetabbam. Tatiyavāde pi kusalato va sasankhārikavidhānam adhippetam tihetukakammam tihetukavipākam pi duhetukavipākam pi ahetukavipākam pi detī ti pana vacanato asankhārikatihetukapatisandhikassa asankhārikaduhetukena pi tadārammanena bhavitabbam. Tam adassetvā hetusadisam eva tadārammaņam dassitam, tam purimāya hetukittanaladdhiyā na yujjati. Kevalam dasakamaggavibhāvanattham eva vuttam. Itaram pi pana labbhat' eva. Evam tatiyavāde pi yuttam gahetabbam ayam pi ca sabbā pi paţisandhijavanakass 'eva kammassa vipākam sandhāya tadārammaņakathā sahetukam bhavangam ahetukassa bhavangassa anantarapaccayena paccayo ti. Vacanato pana nanakammena ahetukapațisandhikassā pi sahetukavipākam tadārammaņam uppajjati. Tassa uppattividhānam mahāpakaraņe āvibhavissatī ti.

Kāmāvacarakusalavipākakathā niţţhitā.



¹ ahetukam eva M. ² anantarantarā T. ³ āciṇṇasadisam eva M. ⁴ akatvā M. ⁵ uppannā C.G. ⁶ vuttam T.

583. Idāni rūpāvacarādivipākam t dassetum puna katame dhammā avyākatā ti ādi āraddham. Tattha yasmā kāmāvacaravipākam attano kusalena sadisam pi hoti asadisam pi tasmā na tam kusalānugatikam katvā bhājitam. Rūpāvacarārūpāvacaravipākam panayathā hatthi-assapabbatādīnam chāyā hatthi-ādisadisā va hoti tathā attano kusalasadisam eva hotī ti kusalānugatikam katvā bhājitam. Kāmāvacarakammañ ca yadā kadāci vipākam deti rūpāvacarārūpāvacaram pana anantarāyena dutiyasmim yeva attabhāve vipākam detī ti pi kusalānugatikam eva katvā bhājitam.

Sesam kusale vuttanayen 'eva veditabbam. Ayam pana viseso patipadādibhedo ca hīnapanītamajjhimabhāvo etesu jhānagamanato³ veditabbo.

Chandādīnam pana añnataram dhuram katvā anuppādaniyattā niradhipatikān' eva etānī ti.

Rūpārūpāvacaravipākakathā nitthitā.

584. Lokuttaravipākam 5 pi kusalasadisattā kusalānugatikam eva katvā bhājitam.

Yasmā pana tebhūmakakusalam cutipaţisandhivasena vaṭṭam ācinati vaḍḍheti tasmā tattha katattā upacitattā ti vuttam. Łokuttaram pana tena ācitam pi apacitam pi sayam pi⁶ cutipaṭisandhivasena⁷ ācinati, ten' ettha katattā upacitattā ti avatvā katattā bhāvitattā ti vuttam.

585. Suññatan ti ādīsu maggo tāva āgamanato saguņato ārammaņato ti tīhi kāraņehi nāmam labhatī ti idam hetthā kusalādhikāre vitthāritam. Tattha Suttantikapariyāyena saguņato pi ārammaņato pi nāmam labhati. Pariyāyadesanā h'esā, Abhidhammakathā pana nippariyāyadesanā? Tasmā idha saguņato vā ārammaṇato vā nāmam na labhati, āgamanato vā labhati. Āgamanam eva hi dhuram, tam duvidham hoti vipassanāgamanam maggāgamanan ti. Tattha maggassa āgatatthāne vipassanāgamanam dhuram,

rūpāvacarārūpāvacarā° M.
 phs. § 499—504.
 jhānagamato M.
 niradhipatitān' T. M.
 Dhs. § 505.
 apacinati sayam pi M. sayan ti T.
 insert na.
 pariyāye T.
 odesanāya T.

phalassa āgatatthāne maggāgamanam dhuran ti idam pi hetthā vuttam eva. Tesu idam phalassa āgatatthānam, tasmā idha maggāgamanam dhuran ti veditabbam.

So pan' esa maggo āgamanato suññatan¹ ti nāmam labhitvā saguņato ca ārammaṇato ca animitto² appaṇihito³ ti pi vuccati. Tasmā sayam āgamanīyaṭṭhāne ṭhatvā attano phalassa tīni nāmāni deti. Katham? Ayam hi suddhaāgamanavasen 'eva laddhanāmo suññatamaggo, sayam āgamanīyaṭṭhāne ṭhatvā attano phalassa nāmam dadamāno suññatan ti nāmam akāsi.

Suññata-animittamaggo sayam āgamanīyatthāne thatvā attano phalassa nāmam dadamāno animittan ti nāmam akāsi.

Suññata-appaṇihitamaggo sayam āgamanīyatthāne thatvā attano phalassa nāmam dadamāno appaṇihitan ti nāmam akāsi.

586. Imāni pana tīni nāmāni maggānantare phalacittasmim yeva iminā nayena labhanti, na aparabhāge valanjanakaphalasamāpattiyā. Aparabhāge pana aniccatādīhi tīhi vipassanāhi vipassitum sakkoti. Atth' assa vuţţhitavuţţhitavipassanāvasena animitta-appanihitasunnatāsankhātāni tīni phalāni uppajjanti. Te sankhātān 'eva sankhātārammaṇāni aniccānupassanādīni nāṇāni gotrabhūnāṇāni nāma honti.

Yo cāyam suñnatamagge⁸ vutto appanihitamagge⁹ pi es 'eva nayo.

Ayam pi hi suddha-āgamanavasen' eva laddhanāmo o appaņihitamaggo sayam āgamanīyaṭṭhāne ṭhatvā attano phalassa nāmam dadamāno appaṇihitan ti nāmam akāsi. Appaṇihita-animittamaggo sayam āgamanīyaṭṭhāne ṭhatvā attano phalassa nāmam dadamāno animittan ti nāmam akāsi. Appaṇihitasuññatamaggo sayam āgamanīyaṭṭhāne ṭhatvā attano phalassa nāmam dadamāno suññatan ti nā-

¹ Dhs. § 505. ² Dhs. § 506. ³ Dhs. § 507. ⁴ galañjana° M. ⁵ aniccādīhi M. ⁶ vuṭṭhita once M. ⁷ tesaṃ tān 'eva saṅkho M. ⁸ omaggo C. G. ⁹ omaggo C. G. ¹⁰ omāno M.

mam akāsi. Imāni pi tīni nāmāni maggānantare phalacittasmim veva iminā nayena labhanti, na aparabhāge valanjanakaphalasamāpattiyā ti. Evam imasmim yeva vipākaniddese kusalacittehī ti guņāni vipākacittāni veditabbāni.

587. Yathā pana tebhūmakakusalāni attano vipākam adhipatim labhapetum na sakkonti na evam lokuttarani3. Kasmā? Tebhūmakakusalānam hi añno āyūhanakālo, añno vipaccanakālo, ten' etāni attano vipākam adhipatim labhāpetum 'na sakkonti. Lokuttarāni pana tāya saddhāya4, tasmim viriye, tāya satiyā, tasmim samādhismim⁵, tāya paññāya avūpasantāya apannakam aviruddham6 maggānantaram eva vipākam paţilabhanti. Tena attano vipākam adhipatim labhapetum sakkonti. Yatha hi parittakassa aggino katatthane aggismim nibbutamatte yeva unhakaro nibbāyitvā kiñci na hoti, mahantam pana ādittam aggikkhandham⁷ nibbāpetvā gomayaparibhande kate pi unhākāro avupasanto yeva hoti8, evam evam tebhūmakakusale añño, kammakkhane, añño, vipākakkhane parittaaggitthāne unhabhavanibbanakalo viya hoti, tasma tam attano vipakam adhipatim labhāpetum na sakkoti. Lokuttaro pana tāya saddhāya

Tenāhu porāņā: vipāke adhipati natthi thapetvā lokuttaran ti.

588. Catutthamaggaphalaniddese aññātāvindriyan¹¹ ti aññātāvino catūsu saccesu niṭṭhitañāṇakiccassa indriyam. Aññātāvīnam vā catūsu saccesu niṭṭhitakiccānam cattāri saccāni ñatvā paṭivijjhitvā ṭhitānam dhammānam¹² abbhan-

¹ °ānantaraphala° M. ² valanjanasamāpattiyā M.

³ na eva lokuttarakusalāni tebhūmaka^o M. ⁴ sabbāyam C.

⁵ samādhimhi M. 6 aviraddham M. 7 aticandam M.

^{8 °}santo va hoti M. 9 °khaṇo M. 10 °khaṇo M.

tare indatthasādhanena indriyam niddesavāre pi 'ssa aññātāvīnan ti ājānitvā thitānam dhammānan ti sampayuttadhammānam abbhantare aññā ti ājānanā paññā pajānanā ti ādīni vuttatthān' eva.

Maggangam maggapariyāpannan ti phalamaggassa angam phalamagge ca pariyāpannan ti attho. Api c'ettha idam pakinnakam ekam indriyam ekatthānam gacchati, ekam cha thānāni gacchati, ekam ekatthānam gacchati, ekam hi anañnātaññassāmītindriyam, ekam thānam gacchati sotāpattimaggam.

Ekam aññindriyam, hetthā tīni phalāni, upari tayo magge ti cha thānāni gacchati, ekam aññātāvindriyam ekam thānam gacchati arahattaphalam. Sabbesu pi maggaphalesu atthato atthattha indriyānī ti catusatthi lokuttaraindriyāni kathitāni, pālito pana nava nava katvā dvāsattati honti. Magge maggangan ti vuttam phale pi maggangam, magge bojjhango ti vutto phale pi bojjhango, maggakkhane arati viratī ti vuttā phalakkhane pi arati viratī ti. Tattha maggo maggabhāven 'eva maggo phalam 3 pana maggam upādāya magge phalam nāma phalamaggangam phalapariyāpannan ti vattum pi vattati. Magge bujjhanakassa ango ti sambojjhango, phale buddhassa ango ti sambojjhango.

Magge ārammaņaviramaņavasena arati virati, phale arativirativasenā ti.

Lokuttaravipākakathā niţţhitā.

589. Ito parāni akusalavipākāni pañca cakkhusotaghāṇajivhākāyaviññāṇāni ekā manodhātu ekā manoviññāṇadhātū ti imāni satta cittāni pālito ca atthato ca heṭṭhā vuttehi tādiseh 'eva kusalavipākacittehi sadısāni. Kevalam hi tāni kusalakammapaccayāni tāni ca iṭṭha-iṭṭha-majjhattesu ārammaṇesu vattanti. Imāni aniṭṭhāniṭṭhamajjhattesu tattha sukhasahagatam kāyaviññāṇam idha dukkhasahaga-

 ¹ ārati T. M.
 ² ārati T. M.
 ³ maggaphal^o M.
 ⁴ maggo nāma phalangam M.
 ⁵ M. inserts sambojjhango ti.
 ⁶ dhātūhi satta cittāni M.
 ⁷ M. inserts imāni akusalakammapaccayāni.
 ⁸ pavattanti M.

tam tattha ca upekhāsahagatā manoviñnāṇadhātu manussesu jaccandhādīnam patisandhim ādim katvā pañçasu thānesu vipaccati. Idha pana ekādasavidhenā pi akusalacittena kamme āyūhite kammakammanimittagatinimittesu v'añnātaram ārammaṇam katvā catūsu apāyesu patisandhi hutvā vipaccati. Dutiyavārato patthāya yāvatāyukam hhavangam hutvā anitthamajjhattārammaṇāya pañcaviñnāṇavīthiyā santīraṇam hutvā balavārammaṇe chasu dvāresu tadārammaṇam hutvā maraṇakāle cuti hutvā ti evam pañcasu eva thānesu vipaccatī ti.

Akusalavipākakathā nitthitā.

590. Idāni kiriyavyākatam⁵ bhājetvā dassetum puna katame dhammā avyākatā⁶ ti ādi āraddham. Tattha kiriyā ti karaņamattam. Sabbesu hi yeva kiriyacittesu yam pana⁷ javanabhāvam appattam tam vātapuppham viya, yam javanabhāvam pattam tam chinnamūlakarukkhapuppham⁸ viya aphalam hoti. Tam tam kiccasādhanavasena pavattattā pana karaņamattam eva hoti. Tasmā kiriyā ti vuttam neva⁹ kusalā ti ādīsu ¹⁰ kusalamūlasankhātassa kusalahetuno abhāvā neva kusalākusalamūlasankhātassa akusalahetuno abhāvā neva akusalā yoniso-manasikārasankhātānam pi kusalākusalapaccayānam abhāvā neva kusalā nākusalā, kusalasankhātassa kusalahetuno ¹¹ abhāvā neva kammavipākā.

591. Idhā pi cittekaggatāniddese 12 pavattatthitimattam eva 13 labbhati, dve pañca viññānāni, tisso manodhātuyo, tisso manoviññānadhātuyo vicikicchāsahagatan ti. Imesu sattarasasu cittesu dubbalattāya santhiti avatthitī ti ādīni na labbhanti. Sesam sabbam vipākamanodhātuniddese vut-

¹ jaccandhādīni M.
² nimitte savaññataram C.
³ anittha anittha majjh⁶ M.
⁴ om. M.
⁵ kiriyāv⁶ T.
⁶ Dhs. § 566.
⁷ om. M.
⁸ jinnam⁶ C. G.
⁹ teva T.
¹⁰ neva kusalanākusalā ti ādīsu M.
¹¹ kusalākusalasankhātassa janakahetuno M.
¹² Dhs. § 570.
¹³ pavattatthinimantam eva T. pavattitthitimattam eva M.

tanayen 'eva veditabbam. Aññatra uppattiţṭhānā tam hi cittam pañcaviññāṇānantaram uppajjati. Idam pana pañcadvāre valañjanappavattikāle sabbesam uppajjati. Katham? Cakkhudvāre tāva iṭṭha-iṭṭhamajjhatta-aniṭṭha-aniṭṭhamajjhattesu rūpārammaṇesu yena kenaci pasāde ghaṭṭite tam ārammaṇam gahetvā āvaṭṭanavasena purecārikam hutvā bhavaṅgam āvaṭṭayamānam uppajjati. Sotadvārādīsu pi es' eva nayo ti.

Kiriyamanodhātucittam niţţhitam.

592. Manoviñnāṇadhātu uppannā hoti3..... рė somanassasahagatā ti idam cittam añnesam asādhāraņam khīņāsavass' eva pāţipuggalikam chasu dvāresu labbhati. Cakkhudvāre hi pana sāruppam thānam disvā khīnāsavo iminā cittenas somanassito hoti, sotadvāre bhaņdabhājanīyam thānam patvā mahāsaddam katvā luddhaluddhesu6 gaņhantesu evarūpā nāma me loluppataņhā pahīnā ti. Iminā cittena somanassito hoti, ghāņadvāre gandhehi vā pupphehi vā cetivam pūjavitvā, iminā cittena somanassito hoti. Jivhādvāre rasasampannam piņdapātam laddhā bhājetvā paribhunjanto 'sārānīyadhammo vata me pūrito ti' iminā cittena somanassito hoti. Kāyadvāre abhisamācārikavattam karonto 'kāyadvāre me vattam paripūritan ti' iminā cittena somanassito hoti. Evam tāva pancadvāre labbhati, manodvāre pana atītānāgatam ārabbha uppajjati.

593. Jotipālamāṇava⁸-Makhādevarāja⁹-Kaṇhatāpasādikālasmim¹⁰ hi katakāraṇam āvajjitvā¹¹ Tathāgato sitam pātvākāsi. Tam pana pubbenivāsañāṇasabbaññūtañāṇānam kiccam tesam dvinnam¹² ñāṇānam ciṇṇapariyante idam cittam hāsayamānam uppajjati. Anāgate tantissaro mutingas-

uppatiţţhāna T.
 pañcaviññāṇantaraṃ T.
 Š 576.
 padhānasāruppaṃ T.
 dvārehi paṭṭhānasāruppaṃ M.
 manācittena T.
 laddhaladdhesu C. G.
 luddhaladdhesu T.
 pūjento T. M.
 Jāt. I. 43,
 Milindap. 221.
 Maggadevarājao M. comp. Jāt. I. 137 seq.
 Jāt. IV. 6 seq.
 i āvajjetvā M.
 i dinnaṃ M.

saro¹ paccekabuddho bhavissatī ti sitam pātvākāsi. Tam pi anāgatasaññāṇasabbaññūtañāṇānam kiccam. Tesam pana ñāṇānam ciṇṇapariyante idam cittam hāsayamānam uppajjati. Niddesavāre pan' assa sesa-ahetukacittehi balavataratāya cittekaggatā samādhibalam pāpetva thapitā. Uddesavāre pana samādhibalam hoti, viriyabalam hotī ti anāgatattā paripuṇṇena balatthen' etam dvayam balam nāma na hoti. Yasmā pana² neva kusalam nākusalam tasmā balan ti vatvā thapitam³. Yasmā ca na nippariyāyena balam tasmā saṅgahavāre pi dve balāni hontī ti na vuttam. Sesam sabbam somanassasahagatāhetukamanoviññāṇadhātuniddese vuttanayen' eva veditabbam.

594. Upekhāsahagatā⁴ ti idam cittam tīsu bhavesu sabbesam sacittakasasattānam⁵ sādhāraṇam. Tassa sacittakassa na uppajjati⁶ nāma. Uppajjamānam pana pañcadvāre voṭṭhapanam hoti, manodvāre āvajjanam, cha asādhāraṇaṇāṇāni pi iminā gahitārammaṇam eva gaṇhanti. Mahāgajan nām 'etam cittam, imassa anārammaṇam nāma natthi, asabbaṇnūtaṇāṇam sabbaṇnūtaṇāṇagahitam nāma kataman ti vutte⁸ idan ti vattabbam. Sesam ettha purimacitte vuttanayen' eva veditabbam. Kevalam hi tattha sappītikattā navaṅgiko saṅkhārakkhandho vibhatto, idha nippītikattā⁹ aṭṭhaṅgiko.

595. Idāni kusalato attha mahā cittān 'eva khināsavassa uppajjanatāya kiriyāni jātāni, tasmā tāni kusalaniddese vuttanayen' eva veditabbāni. Idha thatvā hasanakacittāni samodhānetabbāni. Kati pan' etāni hontī ti?¹⁰ Terasa puthujjanā hi kusalato catūhi somanassasahagatehi, akusalato catūhī ti atthahi cittehi hasanti, sekhā kusalato catūhi somanassasahagatehi, akusalato dvīhi ditthivippayuttasomanassasahagatehī ti chahi cittehi hasanti, khīnāsavā kiriyato pañcahi somanassasahagatehi hasantī ti.

 ¹ mudingassaro T.
 ² ca M.
 ³ vatvā na thapitam M.
 ⁴ Dhs. § 576.
 ⁵ sabbesam cittako T.
 ⁶ na kassaci sacittassa na uppo M.
 ⁷ oñānagatiyam nāma M.
 ⁸ om. M.
 ⁹ appītiko T. apītiko M.
 ¹⁰ M. adds vuccate.
 ¹¹ ovippayuttehi somo M.

596. Rūpāvacarārūpāvacarakiriyaniddesesu ditthadhammasukhavihāran ti ditthadhamme imasmim yeva attabhāve sukhavihāramattakam ditthadhamme imasmim yeva attabhāve sukhavihāramattasamāpattim yāva na samāpajjati tāva kusalā va, samāpannakāle kiriyā hoti. Khīṇāsavakāle pan assa nibbattitasamāpatti kiriyā va hoti. Sesam sabbam tam sadisattā kusalaniddese vuttanayen eva veditabban ti.

Atthasāliniyā Dhammasangaha-Atthakathāya Cittuppādakathā nitthitā.

Avyākatapadam pana neva tāva niţţhitan ti.

Cittuppādakaņdavaņņanā samattā.

597. Idāni rūpakaņdam bhājetvā dassetum puna katame dhammā avyākatā⁶ ti ādi āraddham.

Tattha kiñcā pi hetthā cittuppādakande vipākavyākatañ c'eva kiriyāvyākatañ ca nissesam katvā? bhājitam, rūpavyākatanibbānavyākatāni pana akathitāni. Tāni kathetum catubbidham pi avyākatam samodhānetvā dassento kusalākusalānam dhammānam vipākā ti ādim āha.

viñāānakkhandho pi tasmā puna sampayuttacatukkhandhavasena pariyādiyitvā dassitam. Evam vipākavyākatam kusalākusalavasena bhummantaravasena⁸ sampayuttakkhandhavasenā ti tīhi nayehi pariyādāya dassetvā puna kiriyāvyā-

Dhs. § 577—582. oniddese T. omattam M. onibbattitā samāpattiyā pana na samāpo M. okusalam T. nibbatti tasmā patti T. ophs. § 583 seq. onissetam katvā M. om. T.

katam dassento ye cardhamma kiriyarti adim aha. Tattha

kāmāvacarā rūpāvacarā arūpāvacarā vedanāk-
khandho
pe
viñ nanakkhandho ti pi vattabbam bhaveyya. Hettha pana
gahitam evā ti nayam dassetvā nissajitam. Idāni 3 avibhattam
dassento sabbañ ca rūpam asankhatā ca dhātū ti āha.
Tattha sabbañ ca rūpan ti padena pañcavīsati rūpāni
channavuti rūpakotthāsā nippadesato gahitā ti veditabbā
Asankhatā ca dhātū ti padena nibbānam nippadesato ga-
hitam4 ettāvatā avyākatadhammā ti padam nitthitam5 hoti.
598. Tattha katamam sabbam rūpan6 ti idam kasmā
gahitam? Hetthā rūpavyākatam sankhepen' eva kathitam?
Idāni ekakadukatikacatukka
pe
ekādasakavasena vitthārato bhājetvā dassetum idam gahi-
tam. Tass' attho: yam vuttam sabbañ ca rūpam asankhatā
ca dhātū ti tasmim padadvaye katamam sabbam rūpam
nāma. Idani tam bhājetvā dassento cattāro ca mahā-
bhūtā ti ādim āha. Tattha cattāro ti gaņanaparicchedo.
Tena tesam ūnādhikabhāvam nivāreti. Cakāro sampiņda-
natthoo, tena na kevalam cattāro mahābhūtā va. Rūpam
aññam pi atthī ti upādā rūpam sampiņdeti. Mahābhūtā
ti ettha mahantapātubāvādīhi kāraņehi mahābhūtattā ve-
ditabbā. Etāni hi mahantapātubhāvato mahābhūtasāmañ-
nato mahapariharato mahavikarato mahantabhutatta ca ti
imehi karanehi mahabutani ti vuccanti. Tattha mahanta-
pātubhāvato ti. Etāni hi anupādinnakasantāne pi upādin-
ņakasantāne pi mahantāni pātubhūtāni. Tesam anupādiņ-
ņakasantāne evam mahantapātubhāvatā veditabbā.

599. Ekam hi cakkavāļam āyāmato o ca vitthārato ca yojanānam dvādasasatasahassāni catuttimsa satāni paññāsañ ca yojanāni, parikkhepato:

yeva M. ² Dhs. § 583. ³ idam T. ⁴ gahitan ti M. ⁵ nittham M. ⁶ Dhs. § 584. ⁷ sankhepena kath^o M.

⁸ om. M. 9 Casaddo sampindo M. 10 āyamato M.
11 tīṇi sahassāni cattāri satāni M.

Sabbam satasahassāni chattimsa parimandalam [dasa c'eva sahassāni addhuddhāni satāni ca! Tattha Dve satasahassāni cattāri nahutāni ca | ettakam bahalattena sankhātāyam vasundharā. I Tassā yeva sandhārakam³ cattāri satasahassāni atth 'eva nahutāni ca | ettakam bahalattena jalam vāte patitthitam. Tassā pi sandhārako4 nava satasahassāni māluto nabham uggato | satthiñ c'eva sahassāni esā lokassa santhiti. Evam santhite c'ettha yojananam caturāsīti sahassāni ajjhogālho mahannave | accuggato tāvad eva Sinerupabbatuttamo. Tato upaddhūpaddhena pamāņena yathākkamam l ajjhogalhuggatā dibbā nānāratanacittitās. I Yugandharo Isadharo Karaviko Sudassano I Nemindharo Vinatako Assakanno⁶ giri brahā I Ete satta mahāselā Siņerussa samantato | mahārājānam āvāsā devayakkhanisevitā. || Yojanānam satān'ucco Himavā pañca pabbato vojanānam sahassāni tīni āvatavitthato! caturāsīti sahassehi kūtehi patimandito. I Tipanca yojanakkhandha parikkhepa nagavhaya | paññāsa yojanakkhandhasākhāyāmā samantato. Satayojanavitthinnā tāvad eva ca uggatā | jambu vassānubhāvena Jambudīpo pakāsito.

Yañ c'etam jambuyā pamāṇam etad eva asurānam cittapāṭaliyā, garuļānam simbalirukkhassa, Aparagoyāne kadambarukkhassa, Uttarakurūsu kapparukkhassa, Pubbavidehe sirīsassa, Tāvatimsesu pāricchattakassā ti⁸.

bahaļantena T.
 va sundarā M.
 sandhārana M.
 vājikanno C. G.
 comp. Jāt. VI, 125. Burnouf, Lotus 842 seq. Hardy Manual 12.
 Divyāvadāna p. 217. Dharmasangraha 125. Mahāvyutp.
 § 194.
 sabbavidese siri tassa T.
 comp. Jātaka I, 202.

Ten' āhu porāņā:

Pātali simbali jambu devānam pāricchattako | kadambo kapparukkho ca sirīsena bhavati sattaman ti. Dve asīti sahassāni ajjhogāļho mahanņave | accuggato tāvad eva cakkavālasiluccayo parikkhipitvā tam sabbam lokadhātu-m-ayam thito ti.

Upādiņņasantāne pi macchakacchapadevadānavādisarīravasena mahantān 'eva pātubhūtāni. Vuttam h'etam: santi bhikkhave mahāsamudde yojanasatikā pi attabhāvā ti ādi.

600. Mahābhūtasāmañnato ti. Etāni hi yathā māyākāro amanim yeva udakam manim katvā dasseti asuvannam² yeva leddum suvannam katvā dasseti, yathā ca sayam neva yakkho na pakkhī³ samāno yakkhabhāvam⁴ pi pakkhībhāvam pi dasseti evam evam sayam anīlān'eva hutvā nīlam upādārūpam dassenti apītāni alohitāni anodātān 'eva hutvā odātam upādārupam dassentī ti māyākāramahābhutasāmaññato mahābhūtāni5.

Yathā ca yakkhādīni mahābhūtāni yam ganhanti6 neva tesam tassa anto na bahitthanam upalabbhanti na ca tam nissāva na titthanti evam evam etāni pi neva añnamanñassa anto na bahi thitāni hutvā upalabbhanti nā ca aññamaññam nissāya tiţţhantī ti ācinteyyatthānatāya yakkhādimahābhūtasāmañnato pi mahābhūtāni.

Yathā ca yakkhinīsankhātāni mahābhūtāni manāpehi? vannasanthanavikkhepehi attano bhayanakabhavam paticchadetvā satte vancenti evam evam etāni pi itthipurisasarīrādīsu manāpena chavivaņņena manāpena angapaccangasaņthānena manāpena ca hatthapāda-anguli-bhamukavikkhepena attano kakkhalattādibhedam8 sarasalakkhanam paticchādetvā bālajanam vancenti attano sabhāvam datthum na dentī ti. Iti vancakattena 9 vakkhinīmahābhūtasāmanñato pi mahābhūtāni.

Digitized by Google

¹ osamudde soyājanasatikā M. ² suvannam M. kho samāno na pakkhīº M. 4 yakkhibhāvam M. 6 pariganhanti M.

⁵ Comp. Mahāvyutp. § 101. ⁷ M. adds nānāvirāga^o 8 kakkhalant^o T. 9 oatthena M.

601. Mahāparihārato ti mahantehi paccayehi pariharitabbato. Etāni hi divase divase upanetabbattā mahantehi ghāsacchādanādīhi bhūtāni pavattānī ti mahābhūtāni mahāparihārāni vā bhūtānī ti pi mahābhūtānī ti mahābhūtānī.

Mahāvipākato ti². Etāni hi upādiņņāni pi anupādiņņāni pi mahāvikārāni honti. Tattha anupādiņņānam kappavutthāne vikāramahattam³ pākatam hoti, upādiņņānam dhātukkhobhakāle Tathā hi

Bhūmito vutthitā yāva brahmalokā vidhāvati | Acci accimato loke dayhamānam pi tejasā | Kotisatasahass' ekam cakkavāļam vilīyati | Kupitena yadā loko salilena vinassati. | Kotisatasahass' ekam cakkavāļam vikirati | Vāyodhātuppakopena yadā loko vinassati. | Patthaddho bhavati kāyo dattho katthamukhena vā Pathavīdhātuppakopena hoti katthamukhe va so. | Pūtiyo bhavati kāyo dattho pūtimukhena vā | Apodhātuppakopena hoti pūtimukhe va so. | Santatto bhavati kāyo dattho aggimukhena vā Tejodhātuppakopena hoti aggimukhe va so. | Sanchinno bhavati kāyo dattho satthamukhena vā | Vāyodhātuppakopena hoti satthamukhe va so. |

Iti mahāvikārāni bhūtānī ti mahābhūtānī ti mahantam bhūtattā cā ti. Etāni hi mahantāni mahatā vāyāmena pariggahetabbattā bhūtāni vijjamānattā ti mahantabhūtattā ca mahābhūtāni evam mahantapātubhāvādīhi kāraņehi mahābhūtāni catunnañ ca mahābhūtānam upādārūpan ti upayogatthe sāmivacanam.

Cattāri mahābhūtāni upādāya nissāya amuñcitvā pavattarūpan ti attho.

Idam vuccati sabbam rūpan ti, idam cattāri mahābhūtāni padapatipātiyā nidditthāni tevīsati upādārūpānī ti sattavīsatipabhedam sabbam rūpam nāma 6.

sabbhūtāni M.
 Mahāvipākārato ti bhūtānam mahāvipākārato M.
 mahantam T.
 etam T.
 M. om.
 pada.
 Visuddhimagga p. 123.

602. Idāni tam vitthārato dassetum ekavidhādīhi ekādasahi sangahehi mātikam thapento sabbam rūpam na hetū ti ādim āha.

Tattha sabbam rūpam ti idam padam sabbam rūpam na hetu sabbam rūpam ahetukan ti evam sabbapadehi saddhim yojetabbam.

Sabbān' eva cetanāni na hetū ti ādīni tecattālīsa padāni udditthāni. Tesu padapatipātiyā cattālīsa padāni mātikato gahetvā thapitāni avasāne tīni mātikāmuttakānī ti.

Evam tāva² pathame sangahe pālivavatthānam eva veditabbam.

603. Tathā dutiyasangahādīsu tatrāyam nayo. Dutiyasangahe tāva satam cattāro ca dukā. Tattha atthi rūpam upādā i ādayo ādimhi cuddasa dukā añnamañnasambandhābhāvato pakinnakadukā nāma. Tato atthi rūpam cakkhusamphassassa vatthū ti ādayo pancavīsati dukā vatthu-avatthu-upaparikkhanavasena pavattattā vatthudukā nāma. Tato atthi rūpam cakkhusamphassassa ārammanan ti ādayo pancavīsati ārammanānārammana-upaparikkhanavasena pavattattā ārammanānārammana-upaparikkhanavasena pavattattā ārammanadukā nāma. Tato atthi rūpam cakkhūyatanan ti ādayo dasa āyatanānāyatana-uparikkhanavasena pavattattā āyatanadukā nāma. Tato atthi rūpam cakkhudhātū ti ādayo dasa dhātu-adhātu-upaparikkhanavasena pavattattā dhātudukā nāma.

Tato atthi rūpam cakkhundriyan⁵ ti ādayo attha indriyānindriya-upaparikkhanavasena pavattattā indriyadukā nāma.

Tato atthi rūpam kāyaviñnattī ti ādayo dvādasa sukhuma-rūpaupaparikkhanavasena pavattattā sukhumarūpadukā nāmā ti idam dutiyasangahe pāļivavatthānam.

604. Tatiyasangahe satam tīni ca tikāni. Tattha dutiyasangahe vuttesu cuddasasu pakinnakadukesu ekam ajjhattikadukam sesehi terasahi yojetvā yan tam rūpam ajjhattikam tam upādā, yan tam rūpam bāhiran tam atthi

cetāni T.
 Ettāvattā M.
 Visuddhimagga p. 123.
 Dhs. § 585.
 Dhs. § 586.

upādā, atthi no upādā ti ādinā nayena thapitā terasa pakiņņakatikā nāma. Tato tam eva dukam sesadukehi saddhim yojetvā yan tam rūpam bāhiran tam cakkhusamphassassa na vatthu, yan tam rūpām ajjhattikam tam atthi cakkhusamphassassa vatthu atthi cakkhusamphassassa na vatthū ti ādinā nayena sesā tikā thapitā. Sesam nāman ca gaṇanan ca² tesam yeva vatthudukādīnam vasena veditabbā ti idam tatiyasangahe pāļivavatthānam.

605. Catutthasangahe dvāvīsati catukkā. Tattha sabbapacchimo atthi rūpam upādā, atthi rūpam no upādā ti evam idha vuttam. Mātikam anāmasitvā thapitam, itare pana āmasitvā 5. Katham? Ye tāva duvidhasangahapakinnakesu ādito tavo dukā tesu ekekam gahetvā yan tam rūpam upādā tam atthi upādinnam, atthi anupādinnam ti ādinā nayena pancahi pancahi dukehi saddhim yojetva dukattava mulakā ādimhi pancadasa catukkā thapitā. Idāni yo 'yam catuttho sanidassanaduko so yasmā yan tam rūpam sanidassanam tam atthi sappatigham, atthi appatighan ti ādinā nayena parehi vā atthi upādā atthi no upādā ti ādinā nayena purimehi va dukehi saddhim atthabhavato kamabhāvato visesābhāvato6 ca yogam gacchati. Sanidassanam hi appațigham nama anupada va natthī ti atthabhavato yogam na gacchati, upādiņņam pana anupādiņņan ca atthi. Tam kamābhāvato 7 yogam na gacchati. Sabbadukā hi pacchimapacchimeh' eva saddhim vojitā. Ayam ettha kamo purimena8 pana saddhim kamabhavo ti sati atthi9 kamābhāvo akāraņam, tasmā upādiņņapadādīhi saddhim yojetabbo ti. Tena visesābhāvā upādinnapadādīni hi iminā saddhim yojitani. Tattha upadinnam va sanidassanam va upādinnam ti vutte viseso natthī ti. Visesābhāvā pi yogam 10 gacchati, tasmā tam catuttham dukam anāmasitvā tato parehi atthi rūpam sappatighan ti ādīhi tīhi dukehi saddhim

vatthūni M.
 ganānañ ca T.
 gaṇanā ca M.
 veditabbānī ti T.
 Dhs. § 587.
 M. inserts thapito
 visesanabhāvato M.
 kamābhāvā T. M.
 purimehi M.
 sati atthe M.
 M. adds na.

yan tam rūpam sappatigham tam atthi indriyam atthi na indriyam yan tam rūpam appatigham tam p'atthi indriyam atthi na indriyan ti ādinā nayena yujjamāne dve dve duke yojetvā cha catukkā thapitā.

606. Yathā cāyam catutthaduko yogam na gacchati tathā tena saddhim ādiduko pi. Kasmā? Anupādā rūpassa ekantena anidassanattā. So hi yan tam rūpam no upādā tam atthi sanidassanam atthi anidassanam² ti, evam catuthena dukena saddhim yojiyamāno yogam na gacchati. Tasmā tam atikkamitvā pañcamena saha yojito evam yogena saddhim yogam gacchati yo ca na gacchati so veditabbo ti idam catutthasangahe pāļivavatthānam.

Ito pare³ pana pañcavidhasangahādayo satta sangahā asammissā eva evam sakalāya pi mātikāya pāļivavatthānam veditabbam.

607. Idān 'assā attham bhājetvā dassetum sabbam rūpam na hetum evā ti ādi āraddham.

Kasmā pan' ettha kataman tam sabbam rūpam na hetū ti pucchā na katā ti? Bhedābhāvato. Yathā hi dukādīsu upādārūpam pi atthi no upādārūpam pi evam idha na hetu pi sahetu⁵ pī ti bhedo natthi. Tasmā pucchā akatvā va vibhattam. Tattha sabban ti sakalam niravasesam rūpan ti ayam assa rūpādīhi ruppanabhāvadīpano sāmañāalakkhaṇaniddeso. Na hetum evā ti sādhāraṇahetu paṭikkhepaniddeso. Tattha hetuhetu, paccayahetu, uttamahetu, sādhāraṇahetū ti catubbidho hetu. Tesu tayo kusalahetū tayo akusalahetū tayo avyākatahetū ti ayam hetū hetu⁶ nāma. Cattāro kho me bhikkhu mahābhūtā hetu cattāro mahābhūtā paccayā z rūpakkhandhassa paññāpanāyā ti ayam paccayahetu nāma.

608. Kusalākusalam attano vipākatthāne uttamam itthārammaņam, kusalavipākatthāne uttamam anitthārammaņam akusalavipākatthāne ti ayam uttamahetu nāma. Yathāha:

¹ yan om. M. ² om. M. ³ Tayo pare M. ⁴ Dhs. § 595. ⁵ ahetu M. ⁶ M. om. ⁷ paccayo C. ⁸ vipākadāne C. G.

Atītānāgatapaccuppannānam kammasamādānānam thānaso hetuso vipākam yathābhūtam pajānātī ti.

Es 'eva hetu esa paccayo sankhārāṇam yad idam avijjā ti avijjā sankhārānam sādhāraṇahetu hutvā paccayaṭṭham pharatī ti ayam sādhāraṇahetu nāma. Yathā hi paṭhavīraso āporaso ca madhurassa pi amadhurassa pi apaccayo evam avijjā kusalasankhārānam pi akusalasankhārānam pi sādhāraṇapaccayo hoti. Imasmim pan'atthe hetuhetu adhippeto iti. Hetū dhammā na hetū dhammā ti mātikāyam³āgatam hetubhāvam rūpassa niyamitvā⁴ paṭikkhipanto na hetum evā ti āha. Iminā nayena sabbapadesu pi paṭikkhepaniddeso ca apaṭikkhepaniddeso ca veditabbo.

- 609. Vacanattho pana sabbapadānam mātikāvaņņanāyam vutto yeva sappacayam evā ti ettha pana kammasamutthānam kammapaccayam eva hoti. Āhārasamutthānādīni āhārādi-paccayā nevā ti evam rūpass' eva vuttacatupaccayavasena attho veditabbo.
- 610. Rūpam evā ti rūpino dhammā arūpino dhammā ti mātikāya vuttāya arūpabhāvam patikkhipati uppannam chahi viññāņehī ti paccuppannarūpam eva cakkhuviññāṇādīni chahi veditabbam. Niyamo pana cakkhuviññāṇādīni sandhāya nihitāni atītānāgatam vijānanti manoviññāṇam pana atītam pi anāgatam pi vijānāti. Tam imasmim pañcaviññāṇasote patitattā sotapatitakam eva hutvā gatam hutvā abhāvaṭṭhena pana aniccam eva jarāya abhibhavitabbadhammakattā jarābhibhūtam eva. Yasmā vā rūpakāye jarā pākaṭā hoti tasmā jarābhibhūtam evā ti vuttam.
- 611. Evam ekavidhena rūpasangaho ti ettha vidhāsaddo mānasanthānakotthāsesu dissati. Seyyo 'ham asmī ti vidhā, sadiso 'ham asmī ti vidhā ti ādīsu hi māno ti vidhā nāma.".

Kathamvidham sīlavantam vadanti kathamvidham paññāvantam vadantī ti ādīsu saņţhānam.



r pāratī ti M. r om. T. 3 mātikāya M. 4 niyamettha M. 5 paccuppannam eva M. 6 sandhāya gahito na hi tāni M. 7 patitvā sotapatam eva M. 8 Dhs. § 595. 9 vidhasaddo M. r Dhs. § 1116.

Kathamvidhan ti hi padassa katham santhitan ti attho. Ekavidhena ñānavatthu duvidhena ñānavatthu ti ādīsu kotthāso vidhā nāma idhā pi kotthāso va adhippeto.

612. Sangahasaddo pi sanjātisanjātikiriyagananāvasena catubbidho. Tattha sabbe Khattiyā āgacchantu, sabbe Brāhmanā, sabbe Vessā, sabbe Suddā āgacchantu yā cāvuso Visākha sammāvācā yo ca sammākammanto yo ca sammāājīvo ime dhammā sīlakkhandhe sangahitā i ayam sanjātisangaho nāma.

Ekajātikā āgacchantū ti. Vuttatthāne viya hi³ sabbe jātiyā ekasangaham gatā. Sabbe Kosalakā āgacchantu, sabbe Māgadhakā āgacchantu, sabbe Bhārukacchakā⁴ āgacchantu yo cāvuso Visākha sammāvāyāmo yā ca sammāsati yo ca sammāsamādhi ime dhammā samādhikkhandhe sangahitā ti ayam sanjātisangaho nāma.

Ekatthāne jātasamvaddhā āgacchantū ti. Vuttatthāne viya hi idha sabbe sanjātatthāne na nivutthokāsena ekasangaham gatā.

Sabbe hatthārohā āgacchantu sabbe assārohā sabbe rathikā āgacchantu yā cāvuso Visākha sammāditthi yo ca sammāsankappo ime dhammā pañnākkhandhe sangahitā ti ayam kiriyasangaho nāma.

Sabbe va h' ete attano kiriyakaranena ekasangaham gatā. Cakkhāyatanam katamam khandhagananam gacchati. Cakkhāyatanam rūpakkhandhagananam gacchati hañci cakkhāyatanam rūpakkhandhagananam gacchati. Tena vata re vattabbe cakkhāyatanam rūpakkhandhena sangahitan ti ayam gananasangaho nāma. Ayam idha adhippeto ekakoṭṭhāsena rūpagaṇanā ti, ayam h'ettha attho, esa nayo sabbattha.

613. Idāni duvidhasangahādīsu atthi rūpam upādā⁵ atthi rūpam no upādā ti evam bhedasambhavato pucchā pubbangamam padabhājanam dassento kataman tam rūpam upādā⁶ ti ādim āha.

Tattha upādīyatī ti upādā. Mahābhūtāni gahetvā āmuñcitvā tāni nissāya pavattantī ti attho.

santhānan ti M.
 Majjhimanikāya I, 301.
 Arukacchakā M.
 om M.
 Dhs. § 596.

614. Idāni tam pabhedator dassento cakkhāyatanan ti ādim āha.

Evan tevīsatividham upādārūpam sankhepato uddisitvā puna tad eva vitthārato niddisanto kataman tam rūpam cakkhāyatanan² ti ādim āha. Tattha duvidham mamsacakkhum³ paññācakkhuñ ca. Tesu buddhacakkhu samantacakkhu ñānacakkhu dibbacakkhu dhammacakkhū ti pañcavidham paññācakkhu4.

Samantacakkhum vuccati sabbaññutañāṇan ti idam samantacakkhu nāma.

Cakkhum udapādi ñāṇam udapādī ti idam ñāṇacakkhu nāma.

Addasam kho aham bhikkhave dibbena cakkhunā visuddhenā ti idam dibbacakkhu nāma.

Tasmim yeva āsane virajam vītamalam dhammacakkhum 6 udapādī ti 7 idam heṭṭhimamaggattayasankhātam dhammacakkhu nāma 8.

615. Maṃsacakkhu pi sasambhāracakkhu pasādacakkhū ti duvidhaṃ hoti. Tattha yvāyaṃ akkhikūpake patiṭṭhito heṭṭhā akkhikūpakaṭṭhikena upari bhamukaṭṭhikena upato akkhikūṭehi anto matthaluṅgena bahiddhā akkhilomehi paricchinno maṃsapiṇḍo. Saṅkhepato catasso dhātuyo vaṇno gandho raso ojā sambhavo saṇṭhānaṃ jīvitaṃ bhāvo kāyappasādo cakkhuppasādo ti cuddasa sambhārā. Vitthārato catasso dhātuyo tannissitavaṇṇagandharasaojāsaṇṭhānasambhavā cha, iti imāni dasa catusamuṭṭhānikattā cattālīsa honti. Jīvitaṃ bhāvo kāyappasādo cakkhuppasādo ti cattāri ekanta kammasamuṭṭhānān' evā ti imesaṃ catu-

¹ pabhedam M. ² Dhs. § 597—600. ³ Tattha cakkhum mamsaca° M. ⁴ Dharmasangraha 66 different. ⁵ Majjhimanikāya I, 169. ⁶ M. omits dhamma. ⁷ udapādin ti M. ⁸ Sumangalavilāsinī I, 183. ⁹ °aṭṭhike M.

cattālīsāya rūpānam vasena catucattālīsa sambhārā. Yam loko setam cakkhu puthulam visatam vitthiņņam cakkhun ti sanjānanto na cakkhum sanjānāti vatthum cakkhuto sanjānāti so mamsapiņdo akkhikūte patitthito nahārusuttakena matthalunge ābaddho yattha setam p'atthi kanham pi lohitakam pi pathavī pi āpo pi tejo pi vāyo pi yam semhussadattā setam pittussadattā kanham ruhirussadattā lohitakam pathavussadattā patthīnam hoti āpussadattā paggharati tejussadattā paridayhati vāyussadattā sambhamati idam sasambhāracakkhu nāma.

616. Yo pana ettha sito ettha paţibaddho catuṇṇaṃ mahābhūtānam upādāya pasādo idaṃ pasādacakkhun nāma. Tad etaṃ tassa sasambhāracakkhuno setamaṇḍalaparikkhitassa kaṇhamaṇḍalassa majjhe abhimukhe thitānaṃ sarīrasaṇṭhānuppatti-desabhūte diṭṭhimaṇḍale sattasu picupaṭalesu āsittaṃ telam picupaṭalāni viya satta akkhipaṭalāni vyāpetvā⁵ sandhāraṇa-nahāpanamaṇḍana-vījanakiccāhi catūhi dhātīhi khattiyakumāro viya sandhāraṇa-bandhanaparipācana-samudīranakiccāhi catūhi dhātūhi katūpakāraṃ utucittāhārehi⁶ upatthambhiyamānaṃ āyunā anupāliyamānaṃ vaṇṇagandharasādīhi parivutaṃ pamāṇato ūkāsiramattaṃ cakkhuviñāṇādīnaṃ yathārahaṃ vatthudvārabhāvaṃ sādhayamānaṃ tiṭṭhati². Vuttam pi c'etaṃ Dhammasenāpatinā:

Yena cakkhuppasādena rūpāni samanupassati parittam sukhumam c'etam ūkāsirasamupaman ti.

617. Cakkhuñ ca tam āyatanañ cā ti cakkhāyatanam⁸. Yam cakkhu catunnam mahābhūtānam upādāya pasādo ti⁹ idhā pi upayogatthe yeva sāmivacanam.

Cattāri mahābhūtāni upādiyitvā pavattapasādo ti attho. Iminā pasādacakkhum eva gaņhāti sesacakkhum patikkhipati. Yam pana Indriyagocarasutte¹⁰ ekam mahābhūtam

 ¹ nāyusuttena bandhe M.
 ² nāma M.
 ³ Mahāvagga VIII.
 ⁴ sambhavati M.
 ⁵ vyañjetvā T.
 ⁶ utucittārehi M.
 ⁷ Hardy Manual 434.
 ⁸ Dhs. § 597.
 ⁹ pasāde pi T.
 ^M. om.
 ¹⁰ osuttesu pi M.

upādāya pasādo paṭhavīdhātuyā tīhi mahābhūtehi susangahito āpodhātuyā ca tejodhātuyā ca vāyodhātuyā ca. Catuparivaṭṭasutte dvinnam mahābhūtānam upādāya pasādo paṭhavīdhātuyā ca āpodhātuyā ca dvīhi mahābhūtehi susangahito tejodhātuyā ca vāyodhātuyā cā ti vuttam tam pariyāyena vuttam. Ayam hi suttantikakathā nāma pariyāyadesanā. Yo ca catunnam mahābhūtānam upādāya paṣādo so tesu ekekassā pi dvinnam dvinnam pi pasādo yevā ti. Iminā pariyāyena tattha desanā āgatā.

Abhidhammo pana nippariyāyadesanā nāma. Tasmā idha catunnam mahābhūtānam upādāya pasādo ti vuttam. Ayam me attā ti bālajanena pariggahitattā attabhāvo vuccati sarīram pi khandhapañcakam pi. Tasmim pariyāpanno tam nissito ti attabhāva pariyāpanno. Cakkhuviñānena passitum na sakkoti anidassano³. Patighatṭhanānighamso⁴ ettha jāyatī ti sappaṭigho yenā ti ādīsu ayam saṅkhepattho. Yena kāraṇabhūtena cakkhunā ayam satto idam vuttappakāram rūpam atīte passi vā vattamāne passati vā anāgate passissati vā, sac'assa aparibhinnam cakkhum bhaveyya athānena āpāthagatam rūpam passe vā atītam vā rūpam atītena cakkhunā passi paccuppannam paccuppannena⁵ passati anāgatam anāgatena passissati, sace tam rūpam cakkhussa āpātham āgaccheyya cakkhunā tam rūpam passeyyā ti idam ettha parikappavacanam.

Dassanaparināyakatthena cakkhum p'etam, sañjāti-samosaranatthena cakkhāyatanam p'etam, suññatasa-bhāvanissattatthena cakkhudhātu p'esā. Dassanalakkhane indattham kāretī ti cakkhundriyam p'etam, luj-janapalujjanatthena loko p'eso, valañjanatthena dvārā p'esā, apūranīyatthena samuddo p'eso, parisuddhatthena pandaram p'etam, phassādīnam abhijāyanatthena khettam p'etam. Tesam yeva patithatthena vatthum p'etam.

Samavisamam dassentam attabhāvam netī ti nettam p'etam, ten 'ev atthena nayanam p'etam, sakkāyapari-



¹ asangahito M. ² asangahito M. ³ sakkā ti ādi dassano T. ⁴ paṭighaṭanānigh^o M. ⁵ paccuppanne M. ⁶ onisatta^o M.

yāpannatthena oriman tīram p'etam bahusādhāraņatthena assāmikatthena ca suñño' gāmo p'eso ti.

Ettāvattā passi vā ti ādīhi catūhi padehi cakkhum p'etan ti ādīni cuddasa nāmāni yojetvā cakkhāyatanassa cattāro vavatthāpananayā vuttā ti veditabbā.

Katham etam hi yena cakkhunā anidassanena sappatighena rūpam sanidassanam sappatigham passi vā cakkhum petam........

Evam sesā pi veditabbā.

618. Idāniyasmā vijjuniccharaņādikālesu anoloketukāmassā pi rūpam cakkhuppasādam ghaţţeti tasmā tam ākāram pakāsetum² dutiyo niddesavāro āraddho. Tattha yamhi cakkhumhī³ ti yamhi adhikaraṇabhūte cakkhumhi rūpan ti paccattavacanam etam. Tattha paţihañni vā ti atītattho, paţihañnati vā ti paccuppannattho, paţihañnissati vā ti anāgatattho, paţihañne vā ti vikappanattho. Atītam⁴ rūpam atīte cakkhusmim paţihañni nāma, paccuppannam paccuppanne paţihañnati nāma, anāgatam anāgate paţihañnissati⁵ nāma. Sace tam rūpam cakkhussa āpātham āgaccheyya, cakkhumhi paţihañneyya tam⁶ rūpan ti ayam ettha parikappo. Atthato pana pasādam ghaţţiyamānam² eva rūpam patihañnati nāma.

Idhā pi purimanayen' eva cattāro vavatthāpananayā veditabbā.

619. Idāni yasmā attano icchāya oloketukāmassa rūpe⁸ cakkhum upasamharato cakkhu rūpamhi paṭihaññati tasmā tam ākāram pakāsetum⁹ tatiyo niddesavāro āraddho. So atthato pākato yeva.

Ettha pana cakkhum ārammanam sampaticchiyamānam o eva rūpamhi patihañnati nāma. Idhā pi purimanayen' eva cattāro vavatthāpananayā veditabbā.



suñña M. ² dassetum M. ³ Dhs. § 598. ⁴ M. adds
 hi. ⁵ paṭihaññati M. ⁶ om. M. ⁷ ghaṭṭaya^o M.
 ⁸ om. M. ⁹ dassetum M. ¹⁰ sampaṭicchamānam T.

Ito param phassapañcamakānam uppattidassanavasena pañca tesam yeva ārammaṇapaṭibaddhauppattidassanavasena¹ pañcā ti dasa vārā dassitā.

620. Tattha cakkhum nissāyā² ti cakkhum nissayapaccayam katvā. Rūpam ārabbhā ti rūpārammaṇam
āgamma sandhāya paṭicca. Iminā cakkhuppasādavatthukānam phassādīnam pure jātapaccayena cakkhudvārajavanavīthipariyāpannānam ārammaṇādhipati-ārammaṇūpanissayapaccayehi rūpassa paccayabhāvo dassito.

Itaresupañcasu vāresu rūpamārammaņamassā ti³rūpārammaņo ti. Evam ārammaņapaccayamatten'eva paccayabhāvo dassito. Yathā pana purimesu tīsu evam imesu pi dasasu vāresu cattāro cattāro vavatthāpananayā veditabbā.

621. Evam katamam tam rūpam cakkhāyatanan ti pucchāya uddhaţam cakkhum idam tan ti nānappakārato dassetum purimā tayo ime dasā ti terasa niddesavārā dassitā.

Ekekasmim c'ettha catunnam catunnam vavatthānanayānam āgatattādipaññāsa nayehi⁵ patimaņdetvā va dassitā ti veditabbā.

Ito paresu sotāyatanādiniddesesu pi es'eva nayo.

Visesamattham pan' ettha evam veditabbam.

622. Suṇātī⁶ ti sotam. Tam sasambhārasotabilassa⁷ anto tanutambalomācite⁸ aṅguliveṭhanakasaṇṭhāne⁹ padese ¹⁰ vuttappakārāhi dhātūhi katūpakāram utucittāhārehi upatthambhiyamānam āyunā anupāliyamānam vaṇṇādīhi parivutam sotaviññāṇādīnam yathāraham vatthudvārabhāvam sādhayamānam tiṭṭhati.

623. Ghāyatī¹¹ ti ghānam. Tam sasambhāraghānabilassa anto ajapadasaṇṭhāne padese¹² yathāvuttappakāram upakāra-upatthambhanānupālanaparivāram ghānaviññāṇā-

sampatibaddho M.
 Dhs. § 600.
 rūpam ārammaņassā ti M.
 Dhs. § 597.
 paññāsāyanehi T.
 attā dvepaññāsa nayo M.
 Dhs. § 601.
 sātabilassa T.
 anto tanutanutambalomācito T.
 antotanutambalomācite aṅgulivedhakao M.
 Hardy Manual 435.
 Thes. § 605.
 Hardy I. I.

dīnam yathāraham vatthudvārabhāvam sādhayamānam tiţţhati.

624. Sāyanatthena jivhā 1. Sā sasambhārajivhāmajjhassa upari uppaladalaggasanthane padese 2 yathavuttappakaram upakāra-upatthambhanānupālanaparivāram jivhāviñnāņādīnam yatharaham vatthudvarabhavam sadhayamana titthati.

625. Yāvatā pana imasmim kāye upādinnakarūpam nāma atthi sabbattha kāyāyatanam³ kappāsapaţale sneho viya yathā4 vuttappakāraupakāraupatthambhanānupālanaparivārañ c'eva5 hutvā kāyaviññāṇādīnam yathāraham vatthudvārabhāvam sādhayamānam titthati. Ayam ettha viseso 6 pālipabhedato ca attho cakkhuniddese vuttanayen' eva veditabbo.

Kevalam hi idha cakkhupadassa thane sotapadadini, rūpapadassa ţhāne saddapadādīni ti passī ti ādīnam ţhānesu tīni? ādipadāni ca āgatāni. Nettam p'etam nayanam p'etam ti imassa pana⁸ padadvayassa abhāvā dvādasa dvādasa nāmāni honti. Sesam sabbattha vuttasadisam eva.

626. Tattha siyā yadi yāvatā imasmim kāye upādinnakarūpam nāma atthi sabbattha kāyāyatanam kappāsapaţalasineho 9 viya. Evam sante lakkhanasammissatā āpajjatī ti 10. Kasmā? Añnassa annattha-abhāvato. Yadi evam na sabbattha kāyāyatanan ti neva paramatthato sabbattha vinibbhujitvā pan'assa nānākaraņam paññāpetum 11 na sakkā tasmā evam vuttam.

Yathā hi rūparasādayo vālukācuņņāni viya vivecetum asakkuņeyyatāya 12 añnamannam vyāpino ti vuccanti na ca paramatthato rūpe raso atthi. Yadi siyā rūpagahaņen' eva rasagahanam gaccheyya. Evam kāyāyatanam pi paramatthato na ca sabbattha atthi na ca sabbattha natthi. Vivecetum asakkuneyyatāyā 13 ti evam ettha na lakkhaņasammissatā 14 āpajjatī ti veditabbā.

kuneyyātāyā M. 14 lakkhaņam missatā M.

¹ Dhs. § 609. ² Hardy Manual 436. ³ Dhs. § 613. 4 kappāsapataselenaho viya yathā M. 5 °vāram eva M. 6 M. adds seso. 7 tīni M. 8 ca M. 9 kappāsapaţaselenaho M. 10 om. M. 11 Milindap. 63,

Majjhima I, 293. 12 asakkoneyyatāya M.

Api ca lakkhaṇādi-vavatthānato¹ pi etesam asammissattā veditabbā.

627. Etesu hi rūpābhighātārahabhūtappasādalakkhaṇaṃ daṭṭhukāmatā-nidānakammasamuṭṭhānabhūtappasādalakkhaṇaṃ vā cakkhu rūpesu āviūjanarasaṃ² cakkhuviññāṇassa ādhārabhāvapaccupaṭṭhānaṃ daṭṭhukāmatā-nidānakammajabhūtapadatthānam.

Saddābhighātārahabhūtappasādalakkhaṇam sotukāmatānidānakammasamuţṭhānabbūtappasādalakkhaṇam vā sotam saddesu āviñjanarasam sotaviññāṇassa ādhārabhāvapaccupaṭṭhānam sotukāmatānidānakammajabhūtapadaṭṭhānam.

Gandhābhighātārahabhūtappasādalakkhaṇam ghāyitukā-matā-nidānakammasamutthānabhūtappasādalakkhaṇam vā ghānam gandhesu āviñjanarasam ghānaviññāṇassa ādhāra-bhāvapaccupatthānam ghāyitukāmatā-nidānakammajabhūta-padatthānam.

Rasābhighātārahabhūtappasādalakkhaņā sāyitukāmatānidānakammasamutthānabhūtappasādalakkhaņā vā jivhā rasesu āviñjanarasā jivhāviññāṇassa ādhārabhāvapaccupatthānā sāyitukāmatānidānakammajabhūtapadatthānā.

Photthabbābhighātārahabhūtappasādalakkhaņo phusitukāmatā-nidānakammasamutthānabhūtappasādalakkhaņo vā kāyo photthabbesu āviñjanaraso⁷ kāyaviññāṇassa ādhārabhāvapaccupatthāno phusitukāmatā-nidānakammajabhūtapadatthāno.

628. Keci pan' ettha tejādhikānam bhūtānam pasādo cakkhu, vāyupaṭhavīāpādhikānam būtānam pasādā sotaghānajivhā, kāyo sabbesan ti vadanti.

Apare tejādhikānam pasādo cakkhu, vivaravāyu-āpapathavādhikānam⁸ sotaghānajivhākāyā ti vadanti. Te vattabbā: suttam āharathā ti. Addhā suttam eva na dakkhissanti⁹. Keci pan' ettha tejādīnam guņehi rūpādīhi anuggahabhāvato ti kāraṇam vadanti. Te ca vattabbā. Ko pan 'evam

vavatthāpanato M. ² āviñchana^o M. ³ olakkhaņā M.

⁴ āvinchanaº M. 5 om. M. 6 āvinchanaº M. 7 āvinchanaº M.

^{8 °}pathamādikānam T. ° na addhā suddhā me va do M.

āha: rūpādayo tejādīnam guņā tir. Avinibbhogesu hi bhūtesu² ayam imassa guņo ti na labbhā vattum athā pi vadeyyum. Yathā tesu tesu sambhāresu tassa tassa bhūtassa adhikatāya3 pathavī-ādīnam sandhāranādīni kiccāni kubbatha4 evam tejādhikesu sambhāresu rūpādīnam adhikabhāvadassanatos icchitabbam etam rūpādayo tesam gunā Te vattabbā: iccheyyāma yadi āpādhikassa6 āsavassa7 gandhato pathavī-ādhike kappāse gandho adhikataro siyā tejādhikassa ca unhodakassa vannato pi sītūdakassa vanno parihāyetha. Yasmā pan' etam ubhayam pi natthi tasmā parihāyetha me tesam nissayabhūtānam⁸ visesakappanam. Yathā avisese pi ekakalāpe bhūtānam rūparasādayo aññamaññam visadisā, honti evam cakkhuppasādādayo avijjamāne pi añnasmim visesakāraņe ti gahetabbam etam. Kim pana yam aññamaññassa asādhāranam kammam eva nesam visesakāranam. Tasmā kammavisesato etesam viseso, na bhūtavisesato. Bhūtavisese hi sati pasādo va na uppajjati. 'Samānānam bhūtānam hi pasādo na visamānānan ti' porāṇā.

629. Evam kammavisesato visesavantesu ca etesu cakkhusotāni appattavisayagāhakāni attano nissayam anallīnanissaye eva visaye viññāṇahetuttā. Ghānajivhākāyasampattavisayagāhakā nissayavasena c'eva sayañ ca attano nissayam allīne yeva visaye viññāṇahetuttā. Aṭṭhakathāyam pana āpāthagatattā ārammaṇam sampattam nāma. Candamaṇdalasuriyamaṇḍalānam hi dvācattālīsayojanasahassamatthake ṭhitānam vaṇṇo cakkhuppasādam ghaṭṭeti. So dūre ṭhatvā paññāyamāno pi sampatto yeva nāma. Taggocarattā cakkhusampattagocaram eva nāma.

Dūre rukkham chindantānam pi rajakānan ca vattham dhovantānam dūrato va kāyavikāro pannāgati. Saddo pana dhātuparamparāya sotam ghattetvā sanikam vavatthānam gacchatī ti vuttam.

¹ guṇa hi T. ² rūpesu M. ³ adhigatāya M. ⁴ kiccāni kiccatha T. kiccāni icchātha M. ⁵ °dassanabhāvato M. ⁶ yadi pādikāsu T. ⁷ ālavassa M. ⁸ pahāya tesam niss° M. ⁹ visavisā T. ¹⁰ ghaddhetvā T.

630. Tattha kiñcā pi āpāthagatattā ārammaņam sampattan ti vuttam. Candamandalādivanno pana cakkhum sampatto dure thito va paññāyati. Saddo pi sace sanikam āgaccheyya dūre uppanno cirena suyeyya paramparāghattanāya ca āgantvā sotam ghattento asukadisāya nāmā ti na paññāyeyya tasmā asampattagocarān' ev' etāni. Ahiādi-samānāni c'etāni. Yathā hi ahi nāma bahi sittasammattatthane 2 nabhiramati 3 sankaratthane tinapannagahanavammīkāni yeva pana pavisitvā nipannakāle abhiramati ekaggatam āpajjati evamevam cakkhum p'etam visamajjhāsayam mattesu4 suvannabhittiādīsu nābhiramati oloketum pi na icchati, rūpacittapupphalatāvicittesus yeva pana abhiramati. Tādisesu hi thānesu cakkhumhi appahonte6 mukham pi vivaritvā oloketukāmā honti. Sumsumāro pi bahi nikkhanto gahetabbam na passati akkhīni nimīletvā, carati. Yadā pana vyāmasatamattam⁸ udakam ogāhitvā bilam pavisitvā nipanno hoti tadāssa cittam ekaggamo hoti, sukham supati. Evam evam sotam p'etam bilajjhāsayam ākāsasannissitam kannacchiddakupake yeva ajjhāsayam karoti. Kannacchiddākāso yeva tassa saddasavane paccayo hoti ajatākāso pi vattati yeva. Anto lenasmim hi sajjhāye kaviramāne lenacchadanam bhinditvā saddo bahi nikkhamati. Dvāravātapānacchiddehi pana nikkhamitvā dhātuparamparā yeva ghattento gantvā sotappasādam ghatteti. Atha tasmim kāle asukam 10 nāma sajjhāyantī ti lenam piţţhe nisinnā jānanti 11, evam sante sampattagocaratā hoti 12. Kim pan' etam sampattagocaran ti? Ama sampattagocaram. Yadi evam dure bheri-ādīsu vajjamānesu dure saddo ti jānanam na bhaveyyā ti no na bhavati. Sotapasādasmim hi ghattite dure saddo asanne saddo paratire saddo orimatīre saddo ti tathā tathā jānanākāro hoti dhammatā esā ti. Kim etāya dhammatāya? Yato yato chiddam tato

i bhūre M.
 i siniddhasammo M. comp. Milindap. 15.
 nābhirati M.
 maṇḍesu G. maddhesu T.
 opuggalatāvio M.
 ampabhonto T.
 nimilitvā M.
 vyāmasanamattam T.
 ekaggatam M.
 jāyanti T.
 honti T.

tato savanam hoti candasuriyādīnam dassanam viyā ti asampattagocaram ev' etam.

- 631. Pakkhī pi rukkhe vā bhūmiyam vā na ramati. Yadā pana ekam vā dve vā leḍḍupāte atikkamma ajaṭākāsam pakkhanto² hoti tadā ekaggacittatam āpajjati. Evam evam ghānam pi ākāsajjhāsayam vātupanissayagandhagocaram. Tathā hi gāvo navavaṭṭe³ deve bhūmim ghāyitvā ghāyitvā ākāsābhimukhā hutvā vātam ākaḍḍhanti aṅgulīhi gandhapiṇḍam gahetvā pi ca upasiṅghanakāle vātam anākaḍḍhanto n'eva tassa gandham jānāti.
- 632. Kukkuro pi bahi vicaranto khematthānam na passati ledduppahārādīhi upadduto4 hoti, anto gāmam pavisitvā uddhanadvāre5 chārikam viyūhitvā nipannassa pan' assa phāsukam hoti. Evam evam jivhā gāmajjhāsayā āposannissitarasārammaņā. Tathā hi niyāmarattim samanadhammam katvā pi pāto va pattacīvaram ādāya gāmo pavisitabbo6 hoti sukkhakhādaniyassa ca na sakkā khelena atemitassa rasam jānitum.
- 633. Sigālo pi bahi caranto ratim na vindati, āmakasusāne manussamamsam khāditvā nipannass' eva pan' assa phāsukam hoti. Evam evam kāyo pi upādiņņakajjhāsayo paṭhavīnissitaphoṭṭhabbārammaṇo?. Tathā hi añnam upādiņņakam alabhamānā sattā attano hatthatale sīsam katvā nipajjanti ajjhattikabāhirā c'assa paṭhavī ārammaṇagahane paccayo hoti. Suatthatassā pi hi³ sayanassa hatthe ṭhitānam³ pi vā phalānam na sakkā anisīdantena vā anippīlentena vā thaddhamudubhāvo jānitun ti ajjhattikabāhirā paṭhavī etassa kāyapasādassa phoṭṭhabbajānane paccayo hoti. Evam lakkhaṇādivavatthānato p'etesam asammissatā veditabbā.
- 634. Aññe yeva hi cakkhuppasādassa lakkhaņarasapaccuppatthāna-padatthāna-gocarajjhāsayanissayā, aññe so-

r na ca ram° M.
 2 pakkhatto T.
 3 navaddhe T.
 4 upadadāno T.
 5 uddhanatthāne M.
 6 gāme pavisitabbo M.
 7 pathavīsannissita° M.
 8 susanthitassa pi hi M.
 9 thapitānam M.
 10 anuppīlentena T.

tappasādādīnan ti asammissān 'eva cakkhāyatanādīni api ca tesam asammissatāya ayam upamā ti veditabbā.

Yathā hi pancavannānam dhajānam ussāpitanam kincā pi chāyā ekābaddhā viya hoti añnamannam panar asammissā va yathā ca pañcavannena kappāsena vattim katvā dīpe jalite kincā pi jālā ekābaddhā viva hoti tassa tassa pana amsuno 3 patiekkam patiekkam jala annamannam asammissā va evam evam kincā pi imāni pancāyatanāni ekasmim attabhāve samosaţāni aññamaññam pana asammissān' eva. Na kevalañ ca imān 'eva pañca sesarūpāni pi asammissān' eva. Imasmim hi sarīre hetthimakāvo majjhimakāyo uparimakāyo ti tayo koţţhāsā. Tattha nābhito paţthāya hetthā hatthimakāyo nāma. Tasmim kāyadasakam bhāvadasakam āhārasamutthānāni attha utusamutthānāni ațțha cittasamuțțhānāni ațțhā ti catucattālīsa rūpāni. Nābhito uddham yāva gaļavātakā majjhimakāyo nāma. Tattha kayadasakam bhavadasakam vatthudasakam aharasamuţţhanadīni tīni aţţhakanī ti catupañnasa rūpani. Galavāţakato uddham uparimakāyo nāma. Tattha cakkhudasakam sotadasakam ghānadasakam jivhādasakam kāyadasakam bhavadasakam aharasamutthanadini tini atthakani ti caturāsīti rūpāni. Tattha cakkhuppasādassa paccayāni cattāri mahābhūtāni vaņņo gandho raso ojā jīvitindriyam cakkhuppasādo ti idam ekantato avinibbhuttānam dasannam 4 na nipphannarūpānam vasena cakkhudasakam nāma. Iminā nayena sesāni pi veditabbāni.

Tesu hetthimakāye rūpam 'majjhimakāya-uparimakāyarūpehi saddhim asammissam, sesakāyadvaye pi rūpam itarehi saddhim asammissam eva. Yathā hi sāyanhasamaye pabbatacchāyā ca rukkhacchāyā ca ekābaddhā viya hoti aññamañnam pana asammissā va evam imesu pi kāyesu catucattālīsa catupañnāsa caturāsīti ca rūpāni kincā pi ekābaddhāni viya añnamañnam pana asammissān' evā ti.

635. Rūpāyatananiddese vaņņo va vaņņanibhā. Nibhātī ti vā nibhā cakkhuviññāņassa pākaţā hotī ti attho.



M. adds tassa tassa pana.
 kammāsena M.
 asuno T.
 avinibbhūtanānam dassanam T.
 Dhs. § 617.

Vaņņo va nibhā vaņņanibhā. Saddhim nidassanena sanidassanam cakkhuviññāņena passitabban ti attho.

Saddhim patighena sappatigham patighattananighamsanajanakan ti attho. Nīlādisu ummāpupphasamānam¹ nīlam, kaņikārapupphasamānam pītakam, bandhujīvakapupphasamānam lohitakam, osadhītārakasamānam odātakam, jhāmangārasamānam kālakam, mandarattam sinduvārakaņavīramakuļasamānam manjetthakam, harittacahemavannam kāmam sumukhapakkamā ti. Ettha pana kincā pi harī ti suvannam vuttam. Parato pan' assa jātarūpagahaņena gahitattā idha sāmam hari nāma. Imāni satta vatthum anāmasitvā sabhāven' eva 2 dassitāni. Harivannan ti haritasaddalavannam. Ambankuravannan ti3 ambankurena samānavannam. Imāni dve vatthum āmasitvā dassitāni, dīghādīni dvādasavohārato dassitāni. So ca tesam vohāro upanidhāya siddho c'eva sannivesasiddho ca. Dīghādīni hi añnamannam upanidhāya siddhāni, vaţţādīni sannivesavisesena. Tattha rassam upanidhāya tato uccataram dīgham4, tam upanidhāya tato nīcataram rassam, thūlam upanidhāya tato khuddakataram anukam, tam upanidhāya tato mahantataram thūlam, cakkasanthānam vaţţam, kukkuţandasanţhānam parimandalam, catūhi amsehi yuttam caturam sam. Chalam sādisu pi es 'eva nayo.

Ninnan ti onatam, thalan ti unnatam. Tattha yasmā dīghādīni phusitvā pi sakkā jānitum, nīlādīni pan' eva na sakkā tasmā na nippariyāyena dīgham rūpāyatanam tathā rassādīni, tam tam nissāya pana tathā tathā thitam dīgham rassan ti tena tena vohārena rūpāyatanam ev' ettha bhāsitan ti veditabbam.

Chāyā ātapo ti idam añnamañnaparicchinnam. Tatha āloko andhakāro ca abbhā mahikā ti ādīni cattāri vatthūn' eva dassitāni. Tattha abbhā ti valāhako, mahikā ti himam. Imehi catūhi abbhādīnam vannā dassitā. Candamandalassa vannanibhā ti ādīhi tesam tesam pabhā-

¹ °ummārapuppha°M. ² abhāven' eva M. ³ ambam kumanti T. ambukuravaṇṇanti M. ⁴ dīghattam T.

vaṇṇā dassitā. Tattha candamaṇḍalādīnam vatthūnam ¹ evaṃ viseso veditabbo.

636. Sovannamayam rajatapaticchannam ekūnapannāsayojanāyāmavitthāram Candassa devaputtassa vimānam candamandalam nāma sovannamayam phalikapaticchannam samapañnāsayojanāyāmavitthāram. Suriyassa devaputtassa vimānam suriyamandalam nāma, sattaratanamayāni sattatthadvādasayojanāyāmavitthārāni tesam tesam devaputtānam vimānāni tārakarūpāni nāma.

Tattha cando heṭṭhā suriyo upari, ubhinnam antaram yojanam hoti. Candassa heṭṭhimantato suriyassa uparimantato yojanasatam hoti. Dvīsu vassesu nakkhattatārakā gacchanti. Etesu pana tīsu cando dandhagamano², suriyo sīghagamano, tārakā sīghagamanā. Kālena candimasuriyānam purato honti, kālena pacchā ādāsamaṇḍalam kaṃsamayam.

Manī ti thapetvā veļuriyam. Seso joti rasādianekappabhedo.

Sankho sāmuddiko, muttā sāmuddikā sesā pi. Veluriyo ti veļuvaņņamaņi. Jātarūpam vuccati Satthu vaņņo. Satthā hi suvaņņavaņņo suvaņņavaņņam pi Satthu vaņņam. Rajatam vuccati kahāpaņo. Lohamāsako dārumāsako jatumāsako ye ye vohāram gacchantī ti vuttam. Tam sabbam pi idha gahitam. Yam vā pan' aññam pī ti iminā pāļiāgatam thapetvā sesam tattikapilotikakaņņakavaņņādibhedam³ rūpam gahitam. Tam hi sabbam ye-vā-panakesu pavittham. Evam etam nīlā dinābhedena bhinnam pi rūpam sabbam lakkhanādihi abhinnam eva.

637. Sabbam h'etam cakkhupatihananalakkhanam rūpam cakkhuviñnānassa visayabhāvarasam tass 'eva gocarapaccupatthānam catumahābhūtapadatthānam. Yathā c'etam tathā sabbāni pi upādārūpāni. Yattha pana viseso atthi tattha vakkhāma. Sesam ettha cakkhāyatananiddese vuttanayen' eva veditabbam.

vatthum M. ² dandagamano M. ³ Comp. Jāt. I, 141, Samantapās. 325.

Kevalam hi tattha cakkhupubbangamo niddeso, idha rūpapubbangamo, tattha va cakkhum p'etan ti ādīni cuddasa nāmāni, idha rūpam p'etan ti ādīni tīni. Sesam tādisam eva. Yathā hi catūhi catūhi nayehi maṇḍetvā cakkhum vavatthāpetum terasa vārā vuttā idhā pi te tath' eva vuttā ti.

638. Saddāyatananiddese² bherisaddo ti mahābheripatahabherīņam³ saddo, mudingasankhapaņavasaddā pi mudingādippaccayā saddā, gītasankhāto saddo gītasaddo, vuttā va sesānam vīņādīnam tantibaddhānam⁴ saddo vāditasaddo, sammasaddo ti kamsatāļakaṭṭhatāļasaddo. Pānisaddo ti pāṇippahārasaddo.

Sattānam nigghosasaddo ti bahunnam sannipatitānam apaññāyamānapadavyañjananigghosasaddo. sannighātasaddo ti rukkhādīnam aññamaññanighamsanagaņdikākoţanādisaddo. Vātassa vāyato saddo vātasaddo, udakassa sandamānassa vā paţihatassa vā saddo udakasaddo, manussānam sallāpādisaddo manussasaddo, tam thapetvā seso sabbo pi amanussasaddo. Iminā padadvayena sabbo pi saddo pariyādiņņo. Evam sante pi vamsaphālanapilotikaphālanādīsu pavatto pāliyam anāgatasaddo ye-vā-panakaţţhānam paviţţhānam paviţţho ti veditabbo. Evam ayam bherisaddādinā bhedena bhinno pi saddo lakkhanādīhi abhinno yeva. Sabbo pi h'esa sotapaţihananalakkhano saddo sotaviññāņassa visayabhāvaraso tass'eva gocarapaccupatthano. Sesam cakkhayatananiddese vuttanayen' eva veditabbam.

Īdhā pi hi catūhi catūhi nayehi patimaņditā terasa vārā vuttā, tesam attho sakkā vuttanaye jānitun ti na vitthārito.

639. Gandhāyatananiddese 6 mūlagandho ti. Yam kiñci mūlam paticca nibbatto gandho sāragandhādīsu pi ca es' eva nayo.

Asiddhadussiddhānam ūkādīnam gandho āmagandho-macchasakalikapūtimamsasankiliţthasappiādīnam gandho vissagandho?.

¹ paṭimaṇḍetvā M. ² Dhs § 621—624. ³ °pahaṭa° M.

⁴ tantibandānam M. 5 Comp. Cullavagga VI. 17. 1.

⁶ Dhs. § 625—628. ⁷ missagandha C. G. visagandho M.

Sugandho ti itthagandho, duggandho ti anitthagandho. Iminā padadvayena sabbo pi gandho pariyādiņņo. Evam sante pi kaņņakagandhapilotikagandhādayo pāliyam anāgatā. Sabbe pi gandhā ye-vā-panakatthānam pavitthā ti veditabbā.

Evam ayam mülagandhādinā bhedena bhinno pi gandho lakkhanādīhi abhinno yeva. Sabbo pi h'esa ghānapaṭihananalakkhano gandho ghānaviññānassa visayabhāvaraso, tass' eva gocarapaccupaṭṭhāno, sesam cakkhāyatananiddese vuttanayen' eva veditabbam. Idhā pi hi tath' eva dvipaññāsa nayapaṭimaṇḍitā terasa vārā vuttā, te atthato pākaṭā eva.

640. Rasāyatananiddese mūlaraso ti yam kiñci mūlam paṭicca nibbattaraso. Kandharasādīsu pi es' eva nayo.

Ambilan ti takkambilādi, madhuran ti ekantato gosappiādi. Madhu pana kasāvayuttam ciranikkhittam³ kasāvam hoti phāṇitam khāriyuttakam ciranikkhittam⁴ khāriyam⁵ hoti. Sappi pana ciranikkhittam vaṇṇagandhe jahantam pi rasam na jahatī ti tad eva ekantamadhuram.

Tittakan ti nimbapannādi, kaţukan ti singiveramaricādi, lonikan ti sāmuddikalonādi, khārikan ti vātinganakalīrādi, lapilan ti badarasāļavakapiţţhasāļavādi, kasāvan ti harīṭakādi. Ime sabbe pi rasā vatthuvasena vuttā. Tam tam vatthuko pan ettha raso va ambilādīhi nāmehi vutto ti veditabbo.

Sādū⁸ ti iṭṭharaso, asādū⁹ ti aniṭṭharaso. Iminā padadvayena sabbo pi raso pariyādiṇṇo. Evam sante pi leḍdurasabhittirasapilotikarasādayo pāḷiyam anāgatā. Sabbe pi rasā ye-vā-panakaṭṭhānam paviṭṭhā ti veditabbā.

Evam ayam mülarasādinā bhedena bhinno pi raso lakkhanādīhi abhinno yeva, sabbo pi h'esa jivhāpatihananalakkhanaraso jivhāviññānassa visayabhāvaraso tass 'eva gocarapaccupatthāno.

Sesam cakkhāyatananiddese vuttanayen'eva veditabbam.



¹ °pilohitagandh° M. ² Dhs. § 629—632. ³ °nikkhattam M. ⁴ °nikkhattam M. ⁵ khārikam M. ⁶ lampilan M. ⁷ māritak° M. ⁸ sādhū M. ⁹ asādhū M.

Idhā pi hi tath 'eva dvipaññāsanayapatimanditā terasa vārā vuttā.

641. Itthindriyaniddese yan ti kāraņavacanam. Yena kāraņena itthiyā itthilingādīni hontī ti ayam ettha attho. Tattha lingan ti saṇthānam. Itthiyā hi hatthapādagīvāudarādīnam saṇthānam na purisassa viya hoti. Itthīnam hi hetthimakāyo visado hoti, uparimakāyo avisado hatthapādā khuddakā, mukham khuddakam. Nimittan ti sañjānanam. Itthīnam hi uramamsam visadam hoti, mukham nimmassudāthikam², kesabandhavatthagahaṇam pi na purisānam viya hoti. Kuttan ti kiriyā. Itthiyo hi daharakāle suppakamusalake hi kīļanti, dhītalikāya³ kīlanti, mattikavākena⁴ suttakam nāma kantanti.

Ākappo ti gamaņādiākāro. Itthiyo hi gacchamānā avisadam⁵ gacchanti, tiṭṭhamānā⁶ nipajjamānā nisīdamānā khādamānā bhuñjamānā avisadam⁷ bhuñjanti, purisam pi hi avisadam disvā 'mātugāmo viya gacchati tiṭṭhati nipajjati nisīdati khādati bhuñjatī ti' vadanti. Itthattam itthibhāvo ti ubhayam ekatthaitthisabhāvo ti attho. Ayam kammajo paṭisandhi samuṭṭhito, itthilingādi pana na itthindriyam, itthindriyam paṭicca pavatte samuṭṭhitam yathābīje sati bījam paṭicca rukkho vaḍḍhitvā sākhāviṭapasampanno ākāsam⁸ pūretvā tiṭṭhati.

Evam evam itthibhāvasankhāte itthindriye sati itthilingādīni honti. Bījam viya hi itthindriyam bījam paţicca vaddhitvā ākāsam pūretvā thitarukkho viya itthindriyam paţicca itthi lingādīni pavatte samuţthahanti. Tattha itthindriyam na cakkhuviñneyyam manoviñneyyam eva, itthilingādīni cakkhuviñneyyāni pi manoviñneyyāni pi vo. Idam tam rūpam yathā cakkhundriyādīni purisassa pi honti, na evam niyamato pana itthiyā eva itthindriyam purisindriye pi es'

Dhs. § 633.
 dādhikam K.
 citta ta likāya M.
 mattikavākkena M. matikatakkena C. G. T.
 avisadā M.
 ditthao M.
 abhisadā M.
 viţtapasampanno hutvā ākāsi M.
 dvijam T.
 M. adds Idantam rūpam itthindriyan ti. Ido

eva nayo. Purisalingādi pana itthilingādīnam paṭipakkhato veditabbāni.

Purisassa hi hattha-pāda-gīvā-udarādīnam¹ saṇṭhānam na itthiyā viya hoti. Purisānam hi uparimakāyo visado hoti, heṭṭimakāyo avisado, hattha pādā mahantā, mukham mahantam, uramaṃsam avisadam², massu dāṭhikā uppajjanti, kesabaṇdhavatthagahaṇam na itthīnam viya hoti, daharakāle rathanaṅgalakādīhi kīļanti vāļikā pāļim katvā vāpin nāma gaṇhanti, gamanādīni visadāni honti, itthim pi gamanādīni visadāni kurumānam (disvā) 'puriso viya gacchatī ti' ādīni vadanti. Sesam itthindriye vuttasadisam eva. Tattha itthibhāvalakkhaṇam itthindriyam, itthī ti pakāsanarasam itthiliṅganimittakuttākappānam kāraṇabhāvapaccupaṭṭhānam.

642. Purisabhāvalakkhaṇam purisindriyam³ puriso ti pakāsanarasam purisalinganimittakuttākappānam kāraṇabhāvapaccupaṭṭhānam. Ubhayam p'etam paṭhama kappikānam pavatte samuṭṭhāti, aparabhāgena paṭisandhiyam paṭisandhisamuṭṭhitam pi pavatte samuṭṭhitam pi pavatte calati parivattati. Yath' āha:

Tena kho pana samayena aññatarasse bhikkhuno itthī lingam pātubhūtam hoti. Tena kho pana samayena aññatarassā bhikkhuniyā purisalingam pātubhūtam hotī ti. Imesu pana dvīsu purisalingam uttamam, itthīlingam hīnam, tasmā purisalingam balava-akusalakammena antaradhāyati, itthīlingam dubbalakusalena patiṭṭhāti, itthīlingam pana antaradhāyantam dubbala-akusalena antaradhāyati, purisalingam balavakusalena patiṭṭhāti. Evam ubhayam pi akusalena antaradhāyati, kusalena paṭilabbhatī ti veditabbam.

643. Ubhatovyañjanakassa pana kim ekam indriyam udāhu dve ti? Ekam tañ cakho itthiubhato vyañjanakassa itth indriyam, puriso-ubhatovyañjanakassa purisindriyam. Evam sante dutiyavyañjanakassa abhāvo āpajjati. Itthindriyam hi vyañjanakāraṇam vuttam tañ ca tassa natthī ti na tassa itthindriyam vyañjanakāraṇam.

^z °urādīnam M.

² visadam M.

³ Dhs. § 634.

Tasmā sadā abhāvato itthī-ubhatovyañjanakassa hi. Yadā itthiyā rāgacittam uppajjati tadā purisavyañjanam pākaṭam hoti, itthi vyañjanam paṭicchannam gūļham hoti, tathā itarassa itaram, yadi ca tesam indriyam dutiyavyañjanakāranam bhaveyya sadā² pi vyañjanadvayam tiṭṭheyya na pana tiṭṭhati. Tasmā veditabbam ev' etam na tassa tam vyañjanakāraṇam kammasahāyam pana rāgacittam ev' etam³ kāranam.

Yasmā c'assa ekam eva indriyam hoti tasmā itthī-ubhatovyañjanako sayam pi gabbham ganhāti param pi ganhāpeti, purisa-nbhatovyañjanako param gabbham ganhāpeti sayam pana na ganhātī ti.

644. Jīvitindriyaniddese4 yam vattabbam tam heṭṭhā arūpajīvitindriye vnttam eva.

Kevalam hi tattha yo tesam arūpīnam dhammānan ti vuttam idha rūpajīvitindriyattā yo tesam rūpīnam dhammānan ti ayam eva viseso. Lakkhaṇādīni pan' assa evam veditabbāni sahajarūpānupālanalakkhaṇam jīvitindriyam tesam pavattanarasam tesam yeva thapanapaccupatthānam yāpayitabbabhūtapadatthānan ti⁵.

645. Kāyaviññatti niddese kāyaviññattī ti. Ettha tāva kāyena attano bhāvam viññāpento tam tiracchānehi pi purisānam purisehi vā tiracchānānam pi kāyagahaṇānusārena gahitāya etāya bhāvo viññāyatī ti viññatti, sayam kāyagahaṇānusārena viññāyatī ti pi viññatti, kāyena samvaro sādhū ti ādīsu āgato copanasankhāto kāyo ca viñnātti kāyaviñnātti. Kāyavipphandanena addhippāyaviñnāpanahetuttā sayañ ca tathā viññeyyattā kāyena viñnāttī ti pi kāyaviñnāti, kusalacittassa vā ādīsu atṭhahi kāmāvacarehi abhiñnācittena cā ti navahi cittehi kusalacittassa vā dvādasahi pi akusalacittehi akusalacittassa vā aṭṭhahi mahākiriyāhi dvīhi parittakiriyāhi abhiñnāappattāya ekāya rūpāvacarakiriyāyā ti ekādasahi kiriyācittehi avyākatacittassa vā. Ito añnāni hi cittāni viñnattim na janenti,

¹ Kasmā M. ² saddā M. ³ ettha M. ⁴ Dhs. § 635. ⁵ yāvasītabba° T. ⁶ Dhs. § 636. ⁷ saṃvaro om. T. ⁸ ahetukakiriyāhi M. ⁹ jānanti T.

sekhāsekhaputhujjanānam pana ettakeh' eva cittehi viññatti hotī ti. Etesam kusalādīnam vasena tīhi padehi hetuto dassitā.

Idāni chahi padehi phalato dassetum abhikkamantassa vā ti ādivuttam. Abhikkamādayo hi vinnattivasena pavattattā vinnattiphalam nāma tattha abhikkamantassa vā ti purato kāyam abhiharantassa.

Paţikkamantassā ti pacchato paccāharantassa.

Alokentassa ti ujukam pekkhantassa.

Vilokentassā ti iti c'iti ca pekkhantassa.

Samminjentassā tir sandhiyo sankocentassa.

Pasārentassā ti sandhiyo patippanāmentassa.

Idāni chahi padehi sabhāvato gassetum kāyassa thambhanā ti ādi vuttam. Tattha kāyassā ti sarīrassa. Kāyam thambhetvā thaddham karotī ti thambhanā. Tam eva upasaggena vaḍḍhetvā santhambhanā ti āha. Balavatarā vā thambhanā santhambhanā. Santhambhitattan ti santhambhitabhāvo.

Viññapanavasena viññatti. Viññapana ti viññapanakaro. Viññapitabhavo viññapitattam. Sesam ettha yam vattabbam tam heṭṭha dvarakathayam vuttam eva.

646. Tathā vacīviñnattiyam vacīviñnattī ti 2. Padassa pana niddesapadānan ca attho tattha na vutto. So evam veditabbo: Vācāyam attano bhāvam viñnapentānam tiracchānehi pi purisānam purisehi vā tiracchānānam pi vacīgahanānusārena gahitāya3 etāya bhāvo viñnāyatī ti viñnatti, sayam vacīgahanānusārena viñnāyatī ti pi viñnatti, sādhuvācāya samvaro ti ādīsu āgatā+ copanasankhātā vacī eva viñnattī ti, vacī ghosena adhippāyaviñnāpanahetuttā sayam ca tathā viñneyyattā vācāya viñnattī ti pi vacī viñnatti. Vācā girā ti ādīsu vuccatī ti vācā, giriyatī ti girā, vyappatho5 vākyabhedo. Vākyan ca tam patho ca attham nātukāmānam nāpetukāmānam cā ti pi vyappatho. Udīrayatī ti udīraņam. Ghussatī ti ghoso, karīyatī ti kammam, ghoso ca kammam ghosa kammam. Nānappakārehi

¹ samantassā ti M. ² Dhs. § 637. ³ gatāya T. ⁴ āhatā T. ⁵ vyappattho T.

kato ghoso ti attho. Vaciyā bhedo vacībhedo. So pana na bhango. Pabhedagatā vācā evā ti nāpanattham vācā vacī bhedo ti vuttam. Imehi sabbehi pi padehi sadda vācā va dassitā. Idāni tāya vācāya saddhim yojetvā heṭṭhā vuttaṭṭhānam¹ vinnatti ādīnam padānam vasena tīh'ākārehi sabhāvato vācā. Tam dassetum yā tāya vācāya rinnattī ti ādi vuttam. Tam heṭṭhāvuttanayattā uttānattham eva.

Idāni viññatti samuţţhāpakacittesu asammohattham dvattimsa-chabbīsa ekūnavīsa soļasa pacchimā ti idam pakinnakam veditabbam.

Dvattimsa cittāni hi rūpam samutthāpenti, iriyāpatham upatthambhenti, duvidham pi viñnattim janenti?.

Chabbīsa ti viññattim eva najanenti, itaram dvayam karonti, ekūnavīsati rūpam eva samutthāpenti, itaram dvayam na karonti. Soļasa imesu tīsu pi na karonti³, tattha dvattimsā ti heṭṭhā vuttān' eva⁴ kāmāvacarato aṭṭha kusalāni, dvādasa akusalāni, kiriyato dasa cittāni sekhaputhujjanānam abhiññācittam khīṇāsavānam abhiññā cittan ti.

Chabbīsati rūpāvacarato pañca kusalāni pañca kiriyāni, arūpāvacarato cattāri kusalāni cattāri kiriyāni cattāri magga cittāni cattāri phala cittānī ti.

Ekūnavīsati kāmāvacarakusalavipākato ekādasa akusalavipākato dve kiriyamanodhāturūpāvacarato pañca vipākacittānīti.

Soļasā ti dve panca vinnānāni sabbasattānam patisandhi cittam khīnāsavānam cuticittam āruppe cattāri vipākacittānī ti.

Imāni soļasa rūpa-iriyāpathaviñnatīsu ekam pi na karonti annāni pi bahūni āruppe uppannāni anokāsagatattā rūpam na samuţţhāpenti yāni pana kāyavinnattim samuţţhāpenti tān 'eva vacīvinnattī tis.

647. Ākāsadhātuniddese 6 na kasati na nikasati kasitum chinditum bhinditum va 7 na sakkā ti ākāso, ākāso va

yuttatthānam T.
 gahenti T.
 Solasa imesu ekā pi nakaronti M.
 vuttānayen'eva M.
 na tān'eva kāya vacī vinnattiyo pi M.
 Dhs. § 638.

⁷ kassati na nikassati kassitum vā chinditum vā M.

ākāsagatam¹, kheļagatādīni viya ākāso ti vā gatan ti ākāsagatam. Na haññatī ti agham, aghattanīyan ti attho. Agham eva aghagatam², chiddatthena vivaro, vivaro ca vivaragatam asamphuttham catūhi mahābhūtehī ti. Etehi asamphuttham nissatākāsam³ tam kathitam.

Lakkhanādito pana rūpaparicchedalakkhanā ākāsadhātu rūpaparisantappakāsanarasā rūpamariyādapaccupatthānā asamphutthabhāvachiddavivarabhāvapaccupatthānā vā parichinnarūpapadatthānā. Yāya paricchinnesu rūpesu idam ito uddham adho tiriyan ti ca hoti.

648. Ito paresu⁵ rūpassa lahutādīnam⁶ niddesā cittassa lahutādisu vuttanayen 'eva veditabbā. Lakkhanādito pan' ettha adandhatālakkhanā rūpassa lahutā⁷ rūpānam garubhāvavinodanarasā lahuparivattitapaccupaṭṭhānā lahurūpapadaṭṭhānā.

Athaddhatālakkhaṇā rūpassa mudutā⁸ rūpānam thaddhabhāvavinodanarasā sabbakiriyāsu avirodhita paccupaṭṭhānā mudurūpapadaṭṭhānā.

Darīra kiriyānukūlakammaññabhāvalakkhaṇā rūpassa kammaññatā⁹ vinodanarasā adubbalabhāvapaccupaṭṭhānā kammaññarūpapadaṭṭhānā. Etā pana tisso aññamaññam vijahanti.

- 649. Evam sante pi yo arogino viya rūpānam lahubhāvo adandhatā lahuvattippakāro rūpadandhattakaradhātukkhobha patipakkhapaccayasamutthāno so rūpavikāro rūpasssa lahutā.
- 650. Yo suparimadditacammass 'eva rūpānam mudubhāvo sabbakiriyāvisesesu vasavattanabhāvamaddavappakāro rūpatthaddhattakaradhātukkhobhapaṭipakkhapaccayasamutthāno so rūpavikāro rūpassa mudutā.
- 651. Yo pana suddhanta suvannass'11 eva rūpānamkammañnabhāvo sarīra ki riyānukūlabhāvappakāro sarīrakiriyā-

T. inserts ākāso va ākāso.
 appam eva appagatam T. ayam eva aghagatam M.
 nijjaṭakākāsam M.
 rū-paparintappako T.
 paro T.
 Dhs. § 639—646.
 Dhs. § 640.
 Dhs. § 641.
 paparintappakāro M.
 suddhantasuvo T. M.

nam ananukūlabhāvakaradhātukkhobhapatipakkhapaccayasamutthāno so rūpavikāro rūpassa kammañātāti. Evam etāsam viseso veditabbo. Etā pana tisso pi kammam kātum na sakkonti āhārādayo ca karonti. Tathā hi yogino 'ajja amhehi bhojanam sappāyam laddham kāyo no lahu mudu kammañño ti' vadanti, ajja utusappāyam laddhamajja amhākam cittam ekaggam, kāyo no lahu mudu kammañño ti vadantī ti.

652. Upacayasantati niddesesu zāyatanān an ti aḍḍhekādasannam rūpāyatanānam ācayo ti nibbattati So rūpassa upacayo ti. Yo āyatanānam ācayo punappuna nibbattamānānam so zūpassa upacayo nāma hoti. Vaḍḍhī ti attho.

653. Yo rūpassa upacayo sā sūpassa santatī⁴ ti. Yā evam upacitānam rūpānam vaddhitato uttaritaram pavattikāle sā rūpassa santati nāma hoti. Pavattī ti attho. Nadītīre katakūpasmim hi udakuggamanakālo viya ācayo nibbatti, paripuṇṇakālo viya upacayo vaddhi, ajjhottharitvā gamanakālo viya santati pavattī ti veditabbā.

Evam kim kathitam hotī ti? Āyatanena ācayo kathito, ācayena āyatanam kathitam, ācayo ca kathito, āyatanam eva kathitam. Evam pi kim kathitam hotī ti? Catusantatirūpānam ācayo upacayo nibbatti vaḍḍhi kathitā. Atthato hi ubhayam p'etam jātirūpass' evādhivacanam. Ākāranānattena pana veneyyavasena ca upacayo santatī ti uddesadesanam katvā yasmā ettha atthato nānattam natthi tasmā niddese yo āyatanānam ācayo so rūpassa upacayo, yo rūpassa upacayo sā rūpassa santatī ti vuttam. Yasmā ca ubhayam p'etam jātirūpass' ev' ādhivacanam tasmā ettha ācayalakkhaņo rūpassa upacayo pubban tato rūpānam ummujjāpanaraso niyyātanapaccupatthāno paripuṇṇabhāvapaccupatthāno vā upacitarūpapadatthāno. Pavattilakkhaṇarūpassa santati anuppabandhanarasā anupacchedapaccupatthānā ti veditabbā.

654. Jaratāniddese 5 jīraņakavasena jarā. Ayam ettha

² Dhs. § 642. ² nibbatti M. ³ va M. ⁴ Dhs. § 643 ⁵ Dhs. § 644 Ps 256.

sabhāvaniddeso, jīraņakāro, jīraņatā, khaṇḍiccan ti ādayo kālātikkame kiccaniddeso pacchimā dve pakatiniddesā. Ayam hi jarā ti iminā padena sahhāvato dīpitā. Ten' assāyam sabhāvaniddeso. Jīraṇatā ti iminā ākārato, ten' assāyam ākāraniddeso. Khaṇḍiccan ti iminā kālātikkame dantanakhānam khaṇḍitabhāvakaraṇakiccato. Pāliccan ti iminā kesalomānam palitabhāvakaraṇakiccato. Valittacatā ti iminā maṃsam milāpetvā tace valibhāvakaraṇakiccato dīpitā. Ten' assā ime khaṇḍiccan ti ādayo tayo kālātikkame kicca niddesā te hi imesam vikārānam dassanavasena pākaṭabhūtā pākaṭajarā dassitā.

Yath' eva hi udakassa vā aggino vā tinarukkhādīnam sambhaggapalibhaggatāya vā jhāmatāya vā gatamaggo pākato hoti na ca so gatamaggo tān' eva udakādīni evam eva jarāya dantādīsu khandiccādivasenagata maggo pākato. Cakkhum ummīletvā pi gayhati na ca khandiccādīn' eva jarā. Na hi jarācakkhuvinneyyā hoti.

Āyuno samhāni indriyānam paripāko ti. Imehi pana padehi kālātikkame yeva abhivyattāya āyukkhayacakkhādiindriyaparipākasañīitāya pakatiyā dīpitā. Ten'ass' ime pacchimā dve pakatiniddesā ti veditabbā.

Tattha yasmā jaram pattassa āyum hāyati tasmā jarā āyuno samhānī ti phalūpacārena vuttā. Yasmā ca dahara kāle suppasannāni sukhumam pi attano visayam sukhen 'eva ganhanasamatthāni cakkhādīni indriyāni jaram pattassa paripakkāni alulitāni avisadāni olārikam pi attano visayam gahetum asamatthāni honti tasmā indriyānam paripāko ti phalūpacāren' eva vutto.

Sā pan' āyam evam nidditthā sabbā pi jarā pākatā paticchannā4 ti duvidhā hoti. Tattha dantādīsu khandabhāvādidassanato rūpa dhammesu jarā pākatajarā nāma. Arūpadhammesu pana jarā tādisassa vikārassa adassanato paticchannajarā nāma. Puna avīci savīcī ti evam pi duvidhā hoti. Tattha manikanakarajata pavālacandasuriyādīnam mandadasakādīsu pāninam viya ca pupphaphala

¹ sabhaggapalibhaggatā vā M. ² tato va T. ³ ummilitvā M. ⁴ paricchannā T.

pallavādīsu ca apāṇinam viya antarantarā vaṇṇavisesānam duviññeyyattā jarā avīcijarā nāma nirantarajarā ti5 attho.

Tato aññesu pana yathā vuttesu antarantarā vaṇṇavisesādīnam suviñneyyattā jarā savīci jarā nāmā ti veditabbā.

Lakkhanādito pi rūpaparipāka lakkhanarūpassa jaratā upanajanarasā sabhāvānapagame¹ pi nava bhāvā pagamapaccupatthānā vīhi purānabhāvo viya paripaccamānarūpapadatthānā ti veditabbā.

655. Aniccatāniddese 2 khaya gamanavasena khayo vayagamana vasena vayo, bhijjana vasena bhedo. Atha ca³ yasmā tam patvā rūpam khiyyati veti bhijjati ca tasmā khiyyati etasmin ti khayo, veti etasmin ti vayo, bhijjati etasmin ti bhedo, upasaggavasena padam vaddhetvā bhedo va paribhedo va hutvā abhāvatthena niccan ti aniccam tassa bhavo aniccata, antaradhayati ettha ti antaradhanam. Maranam hi patva rupam antaradhayati adassanam gacchati na kevalañ ca rupam eva sabbe pi pañca khandhā tasmā pañcannam pi khandhānam aniccatāya idam eva lakkhanan ti veditabbam. Lakkhanādito pana paribhadalakkhanā rūpassa aniccatā samsīdanarasā khayavayapaccupatthānā paribhijjamānarūpapadatthānā ti veditabbā. Hetthā jāti gahitā, jarā gahitā, imasmim thāne maraņam gahitam, ime tayo dhamma imesam sattanam ukkhittasikapaccāmittasadisā. Yathā hi purisassa tayo paccāmittasadisā otāram gavesamānā vicareyyum, tesu eko evam vadeyya 'etam nīharitvā atavīpavesanam' mayham bhāro hotū ti', dutiyo 'atavīgatakāle pothetvā pathaviyam pātanam mayham bhāro ti', tatiyo 'pathavīgata kālato patthāya usinā va sīsacchedanam mayham bharo ti' evarupa ime jatiadayo niharitvā atavīpavesanapaccāmittasadisā hattha jāti? tasmim tasmim thane nibbattapanato atavigatam pothetva pathaviyam pātanapaccāmittasadisā jarā nibbattakkhandhānam dubbalaparādhīnamancaparāyanabhāvakaranato repathavī-

^{&#}x27;i upanayanarasā sabhāvānapagamane M. 2 Dhs. § 645.
3 vā M. 4 vayati M. 5 om. M. 6 oditā T.
7 aṭṭavio M. 8 mayham āroho M. 9 hetthajāti T.
10 aṭṭavīo M. 11 Both Mss. (macca)

gatassa asinā sīsaechedakapaccāmittasadisam maraņam jarāpattānam khandhānam jīvitakkhayapāpanato ti.

656. Kabaļimkārāhāraniddese kabaļimkarīyatī ti kabalimkāro. Āharīyatī ti āhāro. Kabaļimkatvā ajjhoharīyatī
ti attho. Rūpam āharatī ti pi āhāro, evam vatthuvasena
nāmam uddharitvā puna vatthuvasen' ev' etam pabhedato
dassetum odano kummāso ti ādi vuttam. Odanādīni hi
panīta pariyantāni dvādasa idhādhippetassa āhārassa vatthūni pāļiyam anāgatāni mūlaphalādīni ye-vā-panakam
paviṭṭhāni. Idāni tāni mūlaphalādīni kattabbato dassetum yamhi yamhi janapade ti ādim āha. Tattha
mukhena asitabbam bhuñjitabban ti mukhā siyam, dantehi
vikhāditabban ti³ dantavikhādanam, galena ajjhoharitabban ti galajjhoharaniyam. Idāni tam kiccavasena
dassetum kucchivitthambhanan ti āha. Tam hi mūlaphalādi odanakummāsādi vā ajjhohatam kucchim vitthambheti. Idam assa kiccam.

Yāya ojāya sattayāpentī ti hetthā sabbapadehi savatthukam āhāram dassetvā idāni vinivattita-ojam eva dassetum idam vuttam. Kim pan' ettha vatthussa kiccam, kim ojāya parissayahāraņapālanāni? Vatthum hi parissayam hāreti4, pāletum na sakkoti, ojā pāleti, parissayam haritum na sakkoti, dve pi ekato hutvā pāletum pi sakkonti parissayam pi haritum. Ko pan'esa parissayo nāma? Kammajatejo ante5 kucchiyam hi odātādivatthusmim asati kammajatejo utthahitvā udarapatalam gaṇhāti 'chāto'smi āhāram me dethā ti' vacāpeti7 bhuttakāle udarapatalam muñcitvā vatthum gaṇhāti. Atha satto ekaggo hoti. Yathā hi chāyārakkhaso chāyāpaviṭṭham⁸ gahetvā devasaṅkhalikāya bandhitvā attano bhavane modanto chātakāle āgantvā sīse dasati, so daṭṭhattā viravati, tam viravam sutvā 'dukkhappatto ettha atthī ti' tato tato manussā āgacchanti, so



patigatassa M.
 Dhs. § 646. Dhamasangraha LXX, Hardy Manual 518.
 vikhāyitabban ti M.
 harati M.
 anto T.
 odanādivattho M.
 va dāpeti M.
 chāyapavo T.
 chāyāyam pavo M.

āgatāgate gahetvā khāditvā bhavane modati. Evamsampadam idam veditabbam.

657. Chāyārakkhaso viya hi kammajatejo, devasankhalikāya bandhitvā thapitasatto viya udarapatalam, puna āgatamanussā viya odanādivatthu, attano bhavane modantena chātakāle otaritvā sīse dasanam viya kammajatejassa vatthuno muttassa udarapatalagahanam, datthassa viravanakālo viya 'āhāram dethā ti' vacanakālo, tāya sañnāya āgatāgate gahetvā khāditvā bhavane modanakālo viya kammajatejena udarapatalam muncitvā vatthusmim gahite ekagga cittatā. Tattha olārike vatthusmim ojā mandā hoti, sakhume balava tī. Kudrūsakabhattādīni hi bhunjitvā muhutten eva chāto hoti, sappiādīni pivitvā thitassa divasam pi bhattam na ruccati. Ettha ca upādāyūpādāya olārikasukhumatā veditabbā 3.

658. Kumbhīlānam hi āhāram upādāya morānam āhāro sukhumo. Kumbhīlā kira pāsāņe gilanti te ca tesam kucchippattā viliyanti, morā sappavicchikādi pāņe khādanti, morānam pana āhāram upādāya taracchānam a āhāro sakhumo, te kira tivassachaditāni visānāni 5 c'eva atthīni ca khādanti tāni ca tesam khelena temitamattān' eva kandamūlam viya mudukāni honti. Taracchānam6 pi āhāram upādāva hatthīnam āhāro sukhumo. Te hi nānā rukkhasākhādayo khādanti. Hatthīnam āhārato gavayagokannanigādīnam āhāro sukhumo. Te hira nissārāņi nānārukkhapannādīni khādanti. Tesam pi āhārato guņņam āhāro sukhumo. Te allasukkhatiņāni khādanti. Tesam pi āharato sasānam āhāro sukhumo. Sasānam āhārato sakuņānam sukhumo, sakuņānam āhārato paccantavāsīnam sukhumo, paccantavāsīnam āhārato gāmabhojakānam sukhumo, gāmabhojakānam āhārato rājarājamahāmattānam āhāro sukhumo, tesam pi āhārato cakkavattīnam sukhumo7, cakkavattino āhārato bhumma devānam āhāro sukhumo, bhumma devānam āhārato catummahārājikānam8 evam yāmaparanimmitavasa-

cakkhavattino aharo sukhumo M. s catumaha M.

racchānam M. 5 visāṇi M. 6 tiracchānam M. 7 cakkhavattino āhāro sukhumo M. 8 cātumahā° M.

vattīnam² āhāro vitthāretabbo. Tesam panāhāro sukhumo tveva niṭṭham patto. Lakkaṇādito pi ojālakkhaṇo kabaļimkāro āhāro rūpaharaṇaraso upatthambhapaccupaṭṭhāno² kabalimkatvā āharitabbavatthupadaṭṭhāno³ ti veditabbo.

659. No upādāna niddese vathā upādārūpam upādiyat eva va na aññena upādiyati evam etam na upādiyat' evā ti no upādāyitabban ti photthabbam phusitvā jānitabban ti attho. Photthabbañ ca tam āyatanam cā ti photthabbāyatanam. Āpo ca tam nissattasuññatasabhāvatthenas dhātu cā ti āpodhātu.

660. Idāni yasmā tīni rūpāni phusitvā jānitabbāni tasmā tāni bhājetvā dassetum kataman tam rūpam photthabbāyatanam pathavīdhātū⁶ ti ādim āha.

Tattha kakkhaļattalakkhaņā paṭhavīdhātu patiṭṭhānarasā sampaṭicchanapaccupaṭṭhānā, tejodhātu uṇhattalakkhaṇā paripācanarasā maddavānuppādanapaccupaṭṭhānā, vāyodhātuvitthambhanalakkhaṇā samudīraṇarasā abhinihārapaccupaṭṭhānā.

Purimā pana āpodhātu paggharaṇalakkhaṇābrūhanarasā saṅgahapaccupaṭṭhānā ekekā c'ettha sesattayapadaṭṭhānā ti veditabbā.

Kakhalan ti thaddham, mudukan ti athaodham, sanhanti mattam, pharusan ti kharam, sukhasamphassan ti sukhavedanāpaccayam itthaphotthabbam, dukkhasamphassan ti dukkhavedanāpaccayam anitthaphotthabbam, garukan ti bhāriyam, lahukan ti abhāriyam sallahukan ti attho⁸. Ettha ca kakkhalam mudukam sanham pharusam garukam lahukan ti padehi pathavīdhātu eva bhājitā.

Yadāyam kāyo āyusahagato ca hoti usmāsahagato ca viñnānasahagato ca tadā lahutaro ca hoti mudutaro ca

Burnouf Indroduction p. 606. Dharmasangraha CXXVII. Hardy Manual 25 seq. Mahāuyutp. 151. Kern I, 291, Mahāvagga I, 6, 30. Childers s. v. sattaloka.
 ² °paccaṭṭhāno M.
 āhāritabba.
 Dhs. § 647.
 taṃ sdttasuññ° M.
 Dhs. § 648—651.
 Dharmasangraha XXXIX.
 salahukan it ābhāriyam sallahukam M.

kammañnataro cā ti suttam pi lahu mudubhūtam pathavīdhātum eva sandhāya vuttam. Sukhasamphassam dukkhasamphassan ti padadvayena pana tīni pi mahābhūtāni bhājitāni. Pathavīdhātu hi sukhasamphassā pi atthi dukkhasamphassā pi, tathā tejodhātu vāyodhātu. Yā tattha sukhasamphassā pathavīdhātu mudutaluņahatthe dahare pāde² sambāhante assādetvā assādetvā 'sambāha tāta, sambāha tātā ti' vadāpanākāram karoti. Sukhasamphassā tejodhātu sītasamaye angārakapallam āharitvā gattam sedente assādetvā assādetvā 'sedehi tātā ti' vadāpanākāram karoti. Sukhasamphassā vāyodhātu unhasamaye vattasampanne dahare vījanena vījante assādetvā assādetvā 'vīja tātā ti' vadāpanākāram karoti. Thaddhahatthe pana dahare pāde sambāhante aṭṭhīnam³ bhijjanakālo viya hoti so pi 'apehī ti' vattabbatam āpajjati. Unhasamaye angārakapalle āhate 'apanehi nan ti' vattabbam hoti. Sītasamaye vījanena vījantam 'apehi mā vījā ti' vattabbam hoti. Evam etāsam sukhasamphassatā dukkhasamphassatā ca veditabbā.

661. Yam photthabbam anidassanam sappatighan ti ādinā nayena vuttā pana catūhi catūhi nayehi patimaņditā terasa vārā hetthā rūpāyatanādisu vuttanayen 'eva veditabbā. Kim pan' etāni tīni mahābhūtāni ekappahāren 'eva āpātham āgacchanti udāhu no ti? Āgacchanti. Evam āgatāni kāyappasādam ghattentī ti? Ghattenti. Ekappahāren' eva tāni ārammaņam katvā kāyaviññāņam uppajjati n' uppajjatī ti? N' uppajjati. Kasmā? 4 Ābhuñjitavasena vā hi ussada vasena vā ārammaņakaraņam hoti tattha ābhuñjitavasena⁵ tāva pattasmim hi odanena pūretvā āhate ekam sittham⁶ gahetvā thaddham vā mudukam vā ti vīmamsanto kiñcāpi tattha tejo pi atthi vāyo pi atthi, pathavīdhātum eva pana ābhunjati unhodake hattham otāretvā vīmamsanto kincā pi tattha pathavī pi atthi vāyo pi atthi tejo dhātum eva pana ābhunjati unhasamaye vātapānam vivaritvā vātam sarīre pahārāpento, thito mandamande vāte

² Burnouf Lotus 573. ² pādam M. ³ aniţţham M. ⁴ om. M. ⁵ abhuñj^o M. ⁶ siţţham M. ⁷ tena sarīram panarāpento M.

paharante kincā pi tattha pathavī pi atthi tejo pi atthi. Vāyodhātum eva pana ābhunjati evam ābhunjanavasena ārammaṇam karoti nāma. Yo pana pakkhalati^{*} vā sīsena vā rukkham paharati bhunjanto vā sakkharam dasati so kinca pi tattha tejo pi atthi vayo pi atthi ussadavasena pathavīdhātum eva ārammanam karoti. Aggim akkamanto pi kiñcā pi tattha pathavī pi atthi vāyo pi atthi ussadavasena tejo dhātum eva ārammanam karoti balavavāte kannasakkhalikam paharitvā badhirabhāvam karonte viya kiñcā pi tattha pathavī pi atthi tejo pi atthi ussadavasena pana vāyodhātum eva ārammaņam karoti. Yam kiñci dhātum ārammanam karontassa kāyaviññānam pi ekappahāreņa n' uppajjati sucikalāpena viddhassa ekappahārena kāyo dhattīyati yasmim yasmim pana thāne kāyappasādo ussanno hoti tattha tattha kāyaviññāņam uppajjati, yattha yattha pi patighattanapighamso balava hoti tattha tattha pathamam uppajjati kukkutapattena vane² dhoviyamāne pi amsus amsukāyappasādam ghatteti.

662. Yattha yattha pana pasādo ussanno hoti tattha tattha kāyaviññāṇam uppajjati⁴. Yattha yatthāpi patighatṭananighamso balavā hoti evam ussadavasena ārammaṇam karoti, ussadavasen' eva ca kāyaviñāṇam uppajjati nāma. Katham pana cittassa ārammaṇato saṅkaman ti hotī ti? Dvīh'ākārehi hoti, ajjhāsayato vā visadādhimattato vā, vihārapūjādīsu hi tāni tāni cetiyāni ceva paṭimāyo ca vandissāmi potthakammacittakammāni ca olokessāmī ti ajjhāsayena gato ekam vanditvā vā passitvā vā itarassa vandanatthāya vā dassanatthāya vā manam katvā vanditum pi passitum pi gacchati yeva evam ajjhāsayato saňkamatināma.

Kelāsakūţapaţibhāgam pana mahācetiyam olokento thito pi aparabhāge sabbaturiyesu paggahitesu rūpārammaṇam vissajjetvā saddārammaṇam saṅkamati, manuñāagandhesu vā pupphesu vā gandhesu vā āharitesu saddārammaṇam vissajjetvā gandhārammaṇam saṅkamati. Evam visayādhimattato saṅkamati nāma.

¹ upakkthala M. ² vaņe M. ³ asu G. ⁴ Dhs. § 651. ⁵ visasādhidhattato M. ⁶ āhatesu M.

663. Āpodhātuniddese i āpo ti sabhāvaniddeso, āpo va apogatam. Sinehanavasena sineho, sineho va sinehagatam. Bandhanattam rūpassā ti pathavīdhātuādikassa bhūtarūpassa bandhanabhāvo. Ayapiņdi-ādīni hi āpodhātu ābandhitvā thaddhāni3 karoti, tāya ābaddhattā4 tāni thaddhānis nāma honti. Pāsānapabbatatālatthihatthidantagosingādīsu pi es' eva nayo. Sabbāni h'etāni āpodhātu eva ābandhitvā thaddhāni6 karoti, āpodhātuyā ābaddhattā 7 va thaddhāni honti8, kim pana paṭhavīdhātu8, sesadhātūnam patitthā hontis phusitvā hoti udāhu aphusitvā āpodhātu vā avasesā bandhamānā 10 phusitvā bandhati udāhu aphusitvā ti pathavīdhātu, tāva āpodhātuyā aphusitvā ti pathavīdhātu, tāva āpodhātuyā aphusitvā va patittha hoti, tejodhatuya ca vayodhatuya ca phusitva apodhātu pana pathavīdhātum pi tejovāyodhātuyo pi aphusitvā va 11 ābandhati. Yadā 12 phusitvā ābandheyya photthabbāyatanam nāma bhaveyya. Tejodhātu vāyodhātūnam pi sesadhātusu sakasakakiccakarane es'eva nayo. dhātu hi pathavīdhātum phusitvā jhāpeti. Yā pana unhā 13 hutvā jhāyati yadi unhā hutvā jhāyeyya unhattalakkhanā nāma bhaveyya. Āpodhātum pana aphusitvā va tāpeti sā pi tappamānā 14 na unhā hutvā tappati 15. Yadi unhā hutvā tappeyya unhattalakkhanā nāma bhaveyya vāyodhātum pathavīdhātum phusitvā 16 vitthambheti tathā tejodhātum

² ayampindio M. ¹ Dhs. § 652. 3 baddhāni M. 4 ābandhattā M. 5 baddhāni M. 6 baddhāni M. ⁷ ābandhattā ti honti M. 8 om T. 9 sesam dhātu yonam patitthā hoti na hotī ti M. 10 sesā ābandha-TI va om M. 12 Yadi T. M. 13 sāpamānā M. tana unhā T. 14 tāpitapamānā M. 15 tapati M. 16 va tāpeti sā tappamānā na unhā hutvā tappati. Yadi uņhā hutvā tappeyya uņhatṭalakkhanā nāma bhaveyya vāyodhātum pathavīdhātum phusitvā T. vāyodhātum pana phusitvā va tāpesi sā pi tāpamānā na unhā hutvā tapati. Yadi unhā hutvā tappeyya unhattalakkhanā nāma bhaveyya vāyodhātum pathavīdhātum phusitvā M.

āpodhātum pana aphusitvā va vitţhambheti ucchurasam pivitvā i phānitapiņde kayiramāne āpodhātu thaddhā hoti na hotī ti? Na hoti. Sā² hi paggharaņalakkhaņā pathavīdhātu kakkhalalakkhaṇā. Omattam pana āpo adhimatte pathavīgatikam jātam. Sā hi rasākārena thitabhāvam vijahati lakkhanam na vijahati, phanitapinde viliyamane pi pathavīdhātum na vilīvati. Kakkhalalakkhanā hi pathavīdhātu paggharanalakkhanā āpodhātu. Omattā pana pathavī adhimatta-āpagatikā hoti. Sā piņdākārena thitabhāvam vijahati, lakkhanam na vijahati. Catunnam hi mahābhūtānam bhāvaññathattam eva hoti, lakkhanaññathattam 3 nāma natthi. Tassa abhāvo Atthāna-parikappa-suttena dīpito. Vuttam h'etam: Siyā kho pan' Ānanda catunnam mahābhūtānam aññathattam paṭhavīdhātuyā pe vāyodhātuyā na tveva Buddhe aveccapasādena samannāgatassa ariyasāvakassa siyā añnathattam. Ayam h'ettha Ānanda kakkhaļattalakkhaņā pathavīdhātu parivattitvā6 paggharaņa-lakkhaņā āpodhātu nāma bhaveyva, ariyasāvakassa pana annathattam nāma natthī ti evam ettha Atthanaparikappe agato. Ito paresu upadinnarupadiniddesesu⁷ upādinnādīnam attho mātikākathāya⁸ vuttanaven' eva veditabbo.

664. Cakkhāyatanādīni heṭṭhā vitthāritān' eva. Tattha tattha pana visesamattam eva vakkhāma. Upādiṇṇaniddese⁹ tāva cakkhāyatanādīni ekantam upādiṇṇattā vuttāni ¹⁰. Yasmā pana rūpāyatanādīni pi upādiṇṇāni atthi ¹² tasmā tāni yaṃvā-panā ¹² ti saṅkhepato dassetvā puna kammassa katattā rūpāyatanan ti ādinā nayena vitthāritāni. Iminā upāyena sabba-ye-vā-panakesu attho veditabbo. Kasmā pana kammassa katattā ti ca na kammassa katattā ti ca ubhinnam pi niddese jaratā ca aniccatā ca gahitā? Anupādiṇṇādīnam yeva niddesesu gahitāni. Na

pacitvā T. M.
 Yā T.
 lakkhaņaññaṇattham M.
 parikathao M.
 atthan ti M.
 parivattetvā M.
 Dhs. § 653 seq.
 okathāyaṃ M.
 Dhs. § 653.
 vuttā ti T.
 pi aṭṭhi anupādiṇṇāni pi M.
 yaṃyaṃvā M.

kammassa katattā ti ettha tāva kammato aññapaccayasamuṭṭhānam saṅgahitam. Kammassa katattā ti ettha kammasamuṭṭhānam eva imāni ca dve rūpāni neva kammato na aññasmā rūpajanakapaccayā uppajjanti, tasmā na gahitāni². Sā va nesam³ anuppatti parato āvibhavissati. Anupādiṇṇan ti ādīsu pana kevalam anupādiṇṇādigahaṇena kammādisamuṭṭhānatā paṭikkhittā, na aññapaccayasamuṭṭhānatā anuññātā, tasmā tattha gahitāni ti veditabbāni.

- 665. Cittasamuţţhānaniddese kāyaviññatti vacīviññattī ti idam dvayam yasmā ekantacittasamuţţhānāni
 bhūtāni upādāya paññāyati tasmā vuttam. Paramatthato
 pana tassa nissayabhūtāni bhūtān'eva cittasamuţţhānāni
 tam nissitattā yathā aniccassa rūpassa jarāmaraṇam aniccam nāma hoti evam idam pi cittasamuţţhānam nāma jātam.
- 666. Cittasahabhuniddese⁷ pi es'eva nayo. Yāva cittam tāva paññāyatanato⁸, idam eva dvayam vuttam. Na pan' etam cittena sahabhūtāni viya vedanādayo⁹ viya ca uppajjati.
- 667. Cittānuparivattitāya 10 pi es'eva nayo. Yāva cittam tāva pañnāyatanato 11, evam h'etam dvayam cittānuparivattī ti vuttam.
- 668. Oļārikan ¹² ti vatthārammaņabhūtattā pasādaghaţţanavasena ¹³ gahetabbato thūlam. Vuttavipallāsato sukhumam veditabbam.
- 669. Düre ¹⁴ ti ghaţţanāvasena agahetabbattā duppariññeyyabhāvena samīpe ţhitam pi düre. Itaram pana ghaţţanāvasena ¹⁵ gahetabbattā supariññeyyabhāvena düre ţhitam pi santike.
- 670. Cakkhāyatanādiniddesā 16 heţṭhāvuttanayen'eva vitthārato veditabbā.

22

¹ rūpapaccayā M. ² gahitā ti M. 3 ta ca tesam T. 4 Dhs. § 667, 668. 5 bhūtān'eva bhūtāni cittaº M. 6 san-7 Dhs. § 669, 670. 8 paññāya tato T. nissitattā T. 9 cetanādayo M. ¹⁰ Dhs. § 671, 672. 11 paññāyanato T. 13 °bhūtattā ¹² Dhs. § 675, 676. Visuddhimagga p. 124. samghattanaº M. 14 Dhs. § 677, 678 15 ghattenaº M. 16 Dhs. § 653—980.

- 671. Idam tāva duvidhena rūpasangahe visesamattam: Tividhasangaho uttānattho yeva.
- 672. Catubbidhasangahāvasāne ditthādīnam pacchimapadassa bhedābhāvena ādito patthāya puccham akatvā rūpāyatanam dittham saddāyatanam sutan³ ti ādi vuttam.

Tattha⁴ rūpāyatanam cakkhunā oloketvā dakkhitum sakkā ti dittham nāma jātam⁵. Saddāyatanam sotena saddam sutvā jānitum sakkā ti sutam nāma jātam. Gandhāyatanattayam ghāṇajivhākāyehi patvā gahetabbato munitvā jānitabbatthena mutam⁶ nāma jātam.

Phusitvā pi nāņuppattikāraņato mutam nāmā ti pi vuttam.

Sabbam eva rūpam manoviñnāņenā jānitabban ti manasā viñnātam nāma jātam.

- 673. Pañcavidhasangahaniddese kakkhalan ti thaddham, kharam eva kharagatam pharusan ti attho. Itare dve pi bhāvaniddesā eva ajjhattan ti niyakajjhattam, bahiddhā ti bāhiram, upā dinnan ti na kammasamuṭṭhānam eva. Avisesena pana sarīraṭṭhakass' etam gahanam. Sarīraṭṭhakam hi upādinnam vā hotu anupādinnam vā adinnagahitaparāmaṭṭhavasena sabbam upādinnam eva nāma.
- 674. Tejogatan 10 ti sabbatejesu gatam unhattalakkhaṇam. Tejo eva vā tejobhāvam gatan ti tejogatam. Usmā ti usmākāro, usmāgatan ti usmābhāvam gatam. Usmākārass' ev' etam nāmam. Usuman ti balavausmā 11. Usumam eva usumabhāvam gatan ti usumagatam.
- 675. Vāyanakavasena ¹² vāyo, vāyo va vāyobhāvagatattā vāyogatam. Thambhitattan ti uppalanaļatacādīnam ¹³ vīya vātapuņņānam thambhitabhāvo rūpassa.

<sup>Dhs. § 653—741.
Dhs. § 742—876.
Dhs. § 961,
Visuddhimagga p. 125.
Tathā M.
jāti M.
muti M.
Dhs. § 962—966.
Itayo dve pi sabhāvao M.
oparamatthao M.
Dhs. § 964.
ussuman ti balam usmā M.
Dhs. § 965.
uppalanāļatao M.</sup>

manoviññāṇena jānitum sakkā ti manoviññeyyam, tividhāya manodhātuyā vijānitum² sakkā ti manodhātuviññeyyam³ sabbam rūpan ti. Ettha yasmā ekarūpam pi manoviññāṇadhātuyā avijānitabbam⁴ nāma natthi tasmā sabbam rūpam ti vuttam. Sammāsambuddhena hi Abhidhammam patvā nayam kātum yuttaṭṭhāne nayo akato nāma natthi idañ ca ekarūpassā pi manoviññāṇadhātuyā avijānitabbassa⁵ abhāvena nayam kātum yuttaṭṭhānam nāma, tasmā nayam karonto sabbam rūpan ti āha.

677. Sukhasamphasso⁶ ti sukhavedanāpaṭilābhappaccayo, dukkhasamphasso ti dukkhavedanā paṭilābhappaccayo. Idhā pi phoṭṭhabbārammaṇassa sukhadukkhassa sabbhāvato ayam nayo⁷ diṇṇo.

678. Navake⁸ pana indriyarūpassa nāma atthitāya nayo diņņo. Tass'eva appaṭighātāya dasakena⁹ nayo diņņo.

679. Ekādasake 10 addhekādasa āyatanāni vibhattāni, tesam niddesavārā heṭṭhāvuttanayen' eva vitthārato veditabbā. Sesam sabbattha uttānattham eva.

Imesu pana rūpesu asammohattham:

'Samodhānam samutthānam parinipphannañ ca sankhatan ti'

Dhs. § 967.
 jānitum M.
 Dhs. § 969
 ajānitabbassa M.
 Dhs. § 970.
 nayam nayo M.
 Dhs. § 971—973.
 sappaṭigha-appaṭighatādasake M.
 Dhs. § 978—980.

680. Ito aññam rūpam nāma natthi. Keci pana mid-dharūpam nāma atthī ti vadanti. Te

'addhā munī si sambuddho natthi nīvaraṇā tavā' ti² ādīni vatvā middharūpaṃ nāma natthī ti paṭisedhetabbā?

Apare balarūpena saddhim sattavīsati, sambhavarūpena saddhim atthavīsati, jātirūpena saddhim ekūnatimsa, rogarūpena saddhim samattimsa rūpānī ti vadanti. Te pi tesam visum abhāvam dassetvā patikkhipitabbā.

Vāyodhātuyā gahitāya balarūpam gahitam eva. Aññam balarūpam nāma natthi. Āpodhātuyā sambhavarūpam, upacayasantatīhi jātirūpam, jaratāniccatāhi gahitāhi rogarūpam gahitam eva. Aññam rogarūpam nāma natthi.

Yo pi kaṇṇarogādiābādho so visamapaccayasamuṭṭhita-dhātumattam eva. Na añño tattha rogo nāma atthī ti samodhānato chabbīsati-m-eva rūpāni.

681. Samuţţhānan ti. Kati rūpā, kati samuţṭhānā? Dasa ekasamuṭṭhānā, ekam disamuṭṭhānam, tīni tisamuṭṭhānāni, nava catusamuṭṭhānāni, dve na kenaci samuṭṭha-hanti.

Tattha cakkhuppasādo . . . pe . . . jīvitindriyan ti imāni aṭṭha ekantaṃ kammato va samuṭṭhahanti.

Kāyaviññatti-vacīviññatti-dvayam ekantena cittato samuṭṭhātī ti dasa ekasamuṭṭhānāni nāma.

Saddo ututo ca cittato ca samuțțhātī ti eko dvisamuțthāno nāma.

Tattha aviññāṇakasaddo ututo samuṭṭhāti, saviññāṇakasaddo cittato.

Lahutādittayam pana utucittāhārehi samutthātī ti tīni tisamutthānāni nāma. Avasesāni nava rūpāni tehi kammena cā ti catūhi samutthahantī ti nava catusamutthānāni
nāma. Jaratāniccatā pana etesam⁵ ekato pi na samutthahantī ti, dve na kenaci samutthahanti nāma. Kasmā?
Ajāyanato. Na hi etāni jāyanti. Kasmā? Jātassa pākabhedattā, uppannam hi rūpam vā arūpam vā bhijjatī ti

Dhs. § 1157, Visuddhimagga p. 94.
 Suttanipāta verse
 541.
 Odhātumattamo M.
 etesu M.

avassam tam sampaticchitabbam. Na hi uppannam rūpam vā arūpam vā akkhayam nāma dissati. Yāva pana na bhijjati tāv assa paripāko ti siddham etam jātassa pākabhedattā ti. Yadi ca tāni jāyeyyum tesam pi pākabhedā bhaveyyum na ca pāko paccati bhedo va bhijjatī ti jātassa pākabhedattā n'etam dvayam jāyati.

682. Tattha siyā yathā kammassa katattā ti ādi niddesesu rūpassa upacayo² rūpassa santatī³ ti vacanena jāti jāyatī⁴ ti sampaṭicchitaṃ hoti. Evaṃ pāko pi paccatu bhedo pi bhijjatū ti, na tattha jāti jāyatī⁵ ti sampaṭicchitaṃ. Ye pana dhammā kammādīhi nibbattanti⁶ tesaṃ abhinibbattibhāvato jātiyā tappaccayabhāvavohāro anumato. Na pana paramatthato jāti jāyati, jāyamānassa hi abhinibbattimattaṃ jāyatī ti.

683. Tattha siyā yath 'eva hi jāti. Yesam dhammānam abhinibbattitappaccayabhāvavohāram abhinibbattivohārañ ca labhati tathā pākabhedā pi. Yesam dhammānam pākabhedātappaccayabhāvavohāram abhinibbattivohārañ ca labhati evam idam pi dvayam kammādisamuṭṭhānam evā ti vattabbam bhavissatī ti. Na pākabhedā vohāram labhanti. Kasmā? Janakappaccayānubhavakkhaṇe abhāvato. Janakappaccayānam hi uppādetabbadhammassa uppādakkhaṇe yeva ānubhāvo, na tato uttarim. Tehi abhinibbattitadhammakkhaṇasmim ca jāti paññāyamānā tappaccayabhāvavohāram abhinibbattivohārañ ca labhati tasmim khaṇe sabbhāvato. Na itaradvayam tasmim khaṇe abhāvato ti neva tam jāyatī ti vattabbam.

Jarāmaraṇam bhikkhave aniccam sankhatam paṭiccasamuppannan ti āgatattā. Idam pi dvayam jāyatī ti ce? Na pariyāyadesitattā. Tattha hi paṭiccasamuppannānam dhammānam jarāmaraṇattā pariyāyena tam paṭicca samuppannan ti vuttam. Yadi evam tayam p'etam ajātattā sasa-

adhayam M.
 Dhs. § 642.
 Dhs. § 643.
 jarātī M.
 jārātī M.
 labhanti M.
 labhatu T.
 pākaṭabhedā M.
 ti vetam T.

visāṇam i viya natthi nibbānam viya vā niccam iti ce na nissayapatibaddhavuttito? Pathavī-ādīnam hi nissayānam bhāve jāti-ādittayam paññāyati, tasmā na natthi, tesañ ca abhāvena paññāyati, tasmā na niccam, etam pi i ca abhinivesam patisedhetum eva idam vuttam. Jarāmaranam bhikkhave aniccam sankhatam paticca samuppannan ti evam ādīhi nayehi tāni dve rūpāni na kehici samutthahantī ti veditabbāni.

684. Api ca samuţthānan ti. Ettha ayam añño pi attho. Tassāyam mātikā: kammajam kammapaccayam kammapaccaya-utusamuţthānam āhārasamuţthānam āhārapaccayam āhārapaccaya-utusamuţthānam utusamuţthānam utupaccayam utupaccaya-utusamuţthānam cittasamuţthānam cittapaccayam cittapaccaya-utusamuţthānan ti.

Tattha cakkhuppasādādi-aṭṭhavidham rūpam saddhim hadayavatthunā kammajam nāma.

Kesamassu hatthidantās assavālā camaravālā6 ti evam ādikammappaccayam nāma.

Cakkaratanam devatānam uyyānavimānānī ti⁷ evamādi ⁸ kammappaccaya-utusamutthānam nāma.

Ähārato samuţţhitam suddhaţţhakam āhārasamuţţhānam nāma.

Kabalinkāro āhāro dvinnam pi rūpasantatīnam paccayo hoti āhārasamutthānassa ca upādiņņassa ca. Āhārasamutthānassa janako hutvā paccayo hoti kammajassa anupālako pi. Idam āhārānupālitakammajarūpam āhārapaccayam nāma.

Visabhāgāhāram sevitvā ātape gacchantassa kāļakutthādīni uppajjanti, idam āhārapaccayam utusamutthānam nāma.

Ututo samutthitam suddhatthakam utusamutthānam nāma. Tasmim utu aññam atthakam samutthāpeti. Idam

sasavītānam T.
 vattito M.
 tasmim ca M.
 M. adds.
 dandhā M.
 cāmaparivālā M.
 vimānādīnī ti M.
 oāti M.
 hutvā ti M.
 tilākātṭhakutṭho M.

utupaccayam nāma. Tasmim pi utu aññam atthakam samutthāpeti. Idam utupaccaya-utusamutthānam nāma.

Evam tisso yeva santatiyo ghattetum sakkoti na tato param. Imam attham anupādinnakenā pi dīpetum vattati. Utusamutthāno nāma valāhako, utupaccayā nāma vutthidhārā, deve pana vatte i bījāmi virūhanti, pathavī gandham muncati, pabbatānilā khāyanti, samuddo vaḍḍhati. Evam utupaccaya-utusamutthānam nāma.

Cittato samutthitam suddhatthakam cittasamutthānam nāma. Pacchā jātā cittacetasikā dhammā pure jātassa imassa kāyassa pacchājātapaccayena paccayo ti idam cittapaccayam nāma. Ākāse antalikkhe hatthim pi dasseti assam pi dasseti ratham pi dasseti vividham pi senābyūham dassetī ti idam cittapaccaya-utusamutthānam nāma.

685. Parinipphannan³ ti. Pannarasa rūpā parinipphannā nāma, dasa aparinipphannā⁴ nāma. Yadi aparinipphannā⁵ asankhatā nāma bhaveyyum tesam yeva pana rūpānam kāyavikāro kāyaviññatti nāma, vacīvikāro vacīviñāatti nāma, chiddavivaram ākāsadhātu nāma, lahubhāvo lahutā nāma, mudubhāvo mudutā nāma, kammaññabhāvo kammaññatā nāma, nibbatti upacayo nāma, pavatti santati nāma, jīraṇakāro⁶ jaratā nāma hutvā abhāvākāro aniccatā nāmā ti sabbam parinipphannam sankhatam eva hotī ti.

Atthasāliniyā Dhammasangahatthakathāya rūpakaņḍavannanā nitthitā.

686. Ettävatä kusalattiko sabbesam kusaladidhammänam padabhäjananayena vitthärito hoti. Yasmä pana yväyam kusalattikassa vibhäjananayo vutto sesatikadukänam pi es'eva vibhajananayo hoti. Yathä hi ettha evam³ katame dhammä sukhäya vedanäya sampayuttä yasmim samaye kämävacaram kusalam cittam uppannam hoti somanassasahagatam ñänasampayuttam rüpärammanam vä...

vaddhe T. ^a paccayā hontī ti M. ³ paranipphannāni M. ⁴ aparinipphannāni M. ⁵ paripphannā T.
 ⁶ jivāraṇakāyo M. ⁷ vijanananayo M. ⁸ Dhs. § 984.

. pe ye vā pana tasmim samaye aññe pi atthi paţicca samuppannā arūpino dhammā thapetvā vedanam¹ ime dhammā sukhāya vedanāya sampayuttā ti ādinā anukkamena sabbatikadukesu sakkā paṇḍitehi vibhajananayam sallakhetum tasmā tam vitthāradesanam nikhipitvā aññeṇa nātisankhepavitthāranayena sabbatikadukadhammavibhāgam dassetum katame dhammā kusalā² ti nikhepakaṇḍam āraddham. Cittuppādakaṇḍam āharitvā dassitā³ aṭṭhakathākaṇḍam sankhepadesanā, idam pana nikhepakaṇḍam cittuppādakaṇḍam upādāya sankhepo aṭṭhakathākaṇḍam upādāya vitthāro ti sankhittavitthāradhātukam hoti. Tayidam⁴ vitthāradesanam nikhipitvā desitattā pi heṭṭhāvuttakāraṇavasenā pi nikhepakaṇḍam nāmā ti veditabbam. Vuttam h'etam:

Mūlato khandhato cā pi dvārato cā pi bhūmito | atthato dhammato cā pi nāmato cā pi lingato | nikkhipitvā desitattā nikkhepo ti pavuccatī ti ||

687. Idam hi tīni kusalamūlānīs ti ādinā nayena mūlato nikkhipitvā desitam. Tam sampayutto vedanākkhandho ti khandhato, tam samutthānam kāyakamman ti dvārato. Kāyadvārapavattam hi kammam kāyakamman ti vuccati. Sukhabhūmiyam kāmāvacare ti ādinā bhūmito nikkhipitvā desitam.

Tattha tattha pana atthadhammā linganāmānam vasena desitattā atthādīni nikkhipitvā desitā nāmā ti veditabbā6.

Tattha kusalapadaniddese tāva tīnī ti gaṇanaparicchedo kusalāni ca tāni mūlāni ca kusalānam vā dhammānam vā hetupaccayapabhavajanakasamutthāpakanibbattakatthena mūlānī ti kusalamūlāni?. Evam atthavasena dassetvā idāni nāmavasena dassetum alobho adoso amoho ti āha. Ettāvatā yasmā mūlena muttam kusalam nāma natthi tasmā catubhūmakakusalam tīhi mūlehi pariyādiyitvā dassesi Dhammarājā.

vedanākkhaņam M.
 Dhs. § 981.
 dam M.
 dam M.
 bhs. § 981.
 veditabbam M.
 mūlānī ti M.

Tam sampayutto ti tehi alobhadihi sampayutto. Tattha alobhena sampayutte sankhārakkhandhe adosāmohā pi alobhena sampayuttasankhārakkhandhagananam yeva gacchanti. Sesadvayavasena sampayoge¹ pi es'eva nayo.

Iti catubhumakam kusalam puna² sampayuttakacatukkhandhakavasena pariyādiyitvā dassesi Dhammarājā.

Tam samutthānan ti tehi alobhādīhi samutthitam iminā pi nayena tad eva catubhūmakakusalam 3 tiņņam kammadvārānam vasena parivādivitvā dassesi Dhammarājā.

Evam tāva kusalam tīsu thānesu pariyādiyitvā dassitum4 akusale pi es'eva nayo. Dvādasannam hi akusalacittānam ekam pi mūlena muttam nāma natthī ti mūlena pariyādivitvā dassesi Dhammarājā.

688. Sampavuttacatukkhandhato 5 uddham akusalam nāma natthī ti tān' eva dvādasa akusalacittāni catukkhandhavasena pariyādiyitvā dassesi Dhammarājā.

Kāyakammādivasena pana tesam pavattisabbhāvato kammadvāravasena parivādivitvā dassesi Dhammarājā.

Yam pan' ettha tadekatthā ca kilesā6 ti ādi vuttam tattha ekasmim citte puggale vā thitan ti ekattham. Tattha ekasmim citte thitam sahajekattham nāma hoti, ekasmim puggale thitam pahānekattham nāma. Tena lobhādinā aññena va tattha tattha nidditthena saha ekasmim thitan ti tadekattham.

- 689. Tattha katame dhammā sankiliţthasankilesikā?? Tīni akusalamūlāni lobho doso moho tadekatthā ca kilesā ti sankilitthattike.
- 690. Katame dhammā hīnā 8? Tīni akusalamūlāni lobho doso moho tadekatthā ca kilesā ti hīnattike.
- 691. Katame dhammā akusalā? Tīni akusalamūlāni lobho doso moho tadekatthā ca kilesā ti imasmim kusalattike.

¹ sesapadadvayavasena sesasampa^o M. ³ °bhūmika° M.

² M. adds tam. 5 M. adds ca.

⁶ Dhs. § 982.

⁴ dassitam M.

⁸ Dhs. § 1025.

⁹ Dhs. § 982.

⁷ Dhs. § 993.

- 692. Katame dhammā sankiliţţhā¹? Tīni akusalamūlāni lobho doso moho tadekaţţhā ca kilesā ti kilesagocchake.
- 693. Katame dhammā saraņā²? Tīni akusalamūlāni lobho doso moho tadekatthā ca kilesā ti saraṇaduke.

Imesu ettakesu thānesu sahajekattham³ āgatam.

694. Dassanena pahātabbattike pana imāni tīni samyojanāni tadekatthā ca kilesās.

Puna tatth 'eva tīni samyojanāni sakkāyaditthi vicikicchā sīlabbataparāmāso ime dhammā dassanena pahātabbā.

- 695. Tadekattho lobho doso moho ime dhammā dassanena pahātabbahetū tadekatthā ca kilesā tam sampayutto vedanākkhandho saññākkhandho viññāṇakkhandho ti samutthānam kāyakammam vacīkammam manokammam ime dhammā dassanena pahātabbahetukā ti.
- 696. Sammappadhānavibhange tattha katame pāpakā akusalā dhammā tīni akusalamūlāni lobho doso moho tadekatthā ca kilesā ti imesu pana ettakesu thānesu pahānekattham āgatan ti veditabbam.
- 697. Avyākatapadaniddeso uttānattho yevā ti. Imasmim tike tīni lakkhaņāni tisso paññattiyo kasiņugghātimākāsam ajatākāsam⁷ ākiñcaññāyatanassa ārammaņam nirodhasamāpatti ca na labbhatī ti vuttam.
- 698. Vedanātikaniddese 8 sukhabhūmi yan ti. Ettha yathā tambabhūmi kanhabhūmī ti tambakanhabhūmi yeva wuocanti? evam sukham pi sukhabhūmi nāma. Yathā ucchubhūmi sālībhūmī ti ucchusālīnam uppajjanatthānāmi wuccanti evam sukhassa uppajjanatthānam cittam 10 pi sukhabhūmi nāma tam idha adhippetam.
- Yasmā pana sā kāmāvacarā hoti rūpāvacarādīsu vā

Dhs. § 1243.
 Dhs. § 1294.
 ³ 'jekatthā M.
 Dhs. § 1002.
 Dassanena pahātabbahetukattike pi imāni tīni samyojanāni tadekatthā ca kilesā M.
 Dhs. § 1010.
 ajhaṭako T.
 Dhs. § 984—986.
 tambakanhabhūmiyo ca vucco T.
 vittam T.
 pan'esa kāmāvacaro vā hoti M.

tasmā'ssa tam pabhedam dassetum kāmāvacare ti ādi vuttam.

Sukhavedanam thapetvā ti. Yā sā sukhabhūmiyam sukhā vedanā tam thapetvā tam sampayutto ti tāy'eva thapitāya sukhavedanāya sampayutto. Sesapadadvaye pi iminā va nayena attho veditabbo ti. Imasmim tike tisso vedanā sabbam rūpam nibbānan ti. Idam pi na labbhati, ayam hi tiko kusalattike ca alabhhamānehi imehi catūhi kotthāsehi muttako nāma.

Ito paresu pana tikadukesu pāļito ca atthato ca yam vattabbam siyā tam sabbam padānukkamena mātikākathā-yam c'eva kusalādīnam niddese ca vuttam eva. Yam pana yattha visesamattam tad eva vakkhāma.

699. Tattha vipākattike tāva kincā pi arūpadhammā viya rūpadhammā pi kammasamutthānā atthi, anārammanattā pana te kammasarikkhakā na hontī ti sārammanā, arūpadhammā ca kammasarikkhakattā vipākā ti vuttā bījasarikkhakam phalam viya. Sālibījasmim hi vāpite ankurapattādisu nikkhantesu pi sāliphalan ti vuccati. Yadā pana sālisīsam pakkam hoti parinatam tadā bījasarikkhako sāli eva sāliphalan ti vuccati. Ankurapattādīni pana bījajātāni bījato nibbattānī ti vuccanti. Evam evam rūpam pi kammajan ti vā upādiņņan ti vā vattum vattati.

700. Upādiņņattike ikincā pi khīnāsavassa khandhā amhākam Mātulathero amhākam Cullapituthero ti vadantānam paresam upādānassa paccayā honti, maggaphalanibbānāni pana agahitāni aparāmatthani anupādiņņāni eva. Tāmi hi yathā divasasantatto ayoguļo makkhikānam abhinisīdanassa paccayo na hoti evam evam tejussadattā taņhāmānaditthivasena gahaņassa paccayā na hontī ti. Tena vuttam: ime dhammā anupādiņņa-anupādānīyā3 ti. Asankilittha-asankilesesu4 pi es' eva nayo.

701. Vitakkattike⁵ vitakkasahajātena vicārena saddhim 'kusalattike alabbhamānā va na labbhanti.

² Dhs. § 987—989. ² Dhs. § 990—992. ³ Dhs. § 992. 4 Dhs. § 993—995. ⁵ Dhs. § 996—998.

702. Pītisahagatattike pīti-ādayo attanā attanā sahajātadhammānam pītisahagatādibhāvam datvā sayam pitthivatṭakā jātā. Imasmim tike dve domanassasahagatā cittuppādā dukkhasahagatam kāyaviñīāṇam upekhā vedanā rūpam nibbānan ti idam pi na labbhati.

Ayam hi tiko kusalattike ca alabbhamānehi imehi ca pañcahi kotthāsehi muttako nāma.

703. Dassanena pahātabbattike² saṃyojanānī ti bandhanāni. Sakkāyadiţţhī ti vijjamānaţţhena sati khandhapañcakasankhāte³ kāye sayam vā sati tasmim kāye diţţhī ti sakkāyadiţţhi. Sīlena sujjhitum sakkā vatena sujjhitum sakkā sīlabbatehi⁴ sujjhitum sakkā ti gahitasamādānam pana sīlabbataparāmāso nāma.

704. Idhā⁵ ti desāpadese nipāto. Svāyam katthaci lokam upādāya vuccati. Yathāha: Idha Tathāgato loke uppajjatī ti.

Katthaci sāsanam. Yathāha: Idh' eva bhikkhave samano idha dutiyo samano ti. Katthaci okāsam. Yath'āha:

Idh' eva titthamānassa devabhūtassa me sato | Punar āyu ca me laddho evam jānāhi mārisā ti ||

Katthaci padapūraņamattam eva. Yath'āha: Idhāhaṃ bhikkhave bhuttāvī asampavārito ti. Idha pana lokaṃ upādāya vutto ti veditabbo.

705. Assutavā puthujjano6 ti. Ettha pana:

āgamādhigamābhāvā ñeyyo: Assutavā iti.

Yassa hi khandhadhātuāyatanapaccayākārasatipatthānādīsu uggahaparipucchāvinicchayarahitattā ditthipatisedhako n'eva āgamo patipattiyā adhigantabbassa anadhigatattā neva adhigamo atthi so āgamādhigamābhāvā ñeyyo assutavā iti. Svāyam:

Puthūnam jananādīhi kāraņehi puthujjano | puthujjanantogadhattā, puthu cāyam jano iti,

¹ Dhs. § 999. ² Dhs. § 1002. ³ °paṇḍaka° G. ⁴ silavatehi M. ⁵ Dhs. § 1003. ⁶ Comp. Majjhimanikāya I. 7 and Papañcasūdanī in Trenckner's Transcript p. 22.

⁷ °gavattā M. ⁸ Sumangalavil. p. 59.

So hi puthūnam nānappakārakānam kilesādīnam jananādīhi pi kāraņehi puthujjano. Yath'āha: puthu-nānākilese janentī ti puthujjanā, puthu-avihatasakkāyaditthikā ti puthujjanā, puthu-nānāsatthārānam mukhullokakā ti puthujjanā, puthu-sabbagatīhi avuţţhitā ti puthujjanā, puthunānābhisankhāre abhisankharontī ti puthujjanā, puthunānā-oghehi vuyhanti pe puthu-nānā-santāpehi santappantī ti puthujjanā, puthunānāpariļāhehi paridayhantī ti puthujjanā, puthu-pañcasu kāmaguņesu rattā giddhā gathitā 2 mucchitā ajjhopannā 3 laggā lagitā4 palibuddhā ti puthujjanā, puthu-pancahi nīvaranehi āvaţā 5 nivutā ovutā 6 pihitā paţicchannā paţikujjitā ti puthujjanā, puthūnam vā gaņanapatham atītānam ariyadhammaparammukhānam⁷ nīcadhammasamācārānam janānam antogadhattā ti pi puthujjanā, puthu vā ayam visum yeva sankham gato visamsattho sīlasutādigunavuttehi ariyehi janehī ti pi puthujjano. Evam etehi assutavā puthujjano ti dvīhi padehi. Ye te

Duve puthujjanā vuttā Buddhen' ādiccabandhunā | Andho puthujjano eko kalyāņ' eko puthujjano ti || dve va puthujjanā vuttā, tesu andhaputhujjano vutto hotī ti veditabbo.

706. Ariyānam adassāvī ti ādīsu. Ariyā ti ārakattā kilesehi anayena īriyanato aye īriyanato sadevakena o ca lokena aranīyato Buddhā ca paccekabuddhā ca buddhasāvakā ca vuccanti. Buddhā eva vā idha ariyā. Yath'āha: Sadevake bhikkhave loke

Tathāgato ariyo ti vuccatī ti.

707. Sappurisā ti. Ettha pana paccekabuddhā Tathāgatasāvakā ca sappurisā ti veditabbā.

Te hi lokuttaraguņayogena sobhanā purisā ti sappurisā.

Comp. Burnouf Lotus 848 foll. ² gadhikā M. ³ ajjhosannā M. ⁴ labhitā T. ⁵ āvutā M. ⁶ ovuţā M.
 Comp. Milindap. p. 161. ⁷ ariyadhammukhānam T. ⁸ Dve me T. ⁹ anto M. ¹⁰ sadena T.

Sabbe vā ete dvedhā vuttā. Buddhā pi hi ariyā ca sappurisā ca paccekabuddhā buddhasāvakā pi. Yath'āha:

Yo ce kataññū katavedī dhīro kalyāṇamitto daļhabhattī ca hoti

Dukkhitassa sakkacca karoti kiccam tathāvidham sappurisam vadantī ti.

Kalyāṇamitto daļhabhattī ca hotī ti. Ettāvatā hi buddhasāvako vutto, kataññūtādīhi paccekabuddhā Buddhā ti. Idāni yo tesam ariyānam adassanasīlo na ca dassane sādhukārī so ariyānam adassāvī ti² veditabbo.

So ca cakkhunā adassāvī ñāņena adassāvī ti duvidho. Tesu ñāņena adassāvī idha adhippeto. Maṃsacakkhunā hi dibbacakkhunā vā ariyā diṭṭhā pi adiṭṭhā va honti tesaṃ cakkhūnaṃ vaṇṇamattagahaṇato, na ariyabhāvagocarato³. Soṇasigālādayo⁴ pi ca cakkhunā ariye passanti na ca te ariyānaṃ dassāvino.

708. Tatr'idam vatthum. Cittalapabbatavāsike kira khīnāsavattherassa upatthāko buddhapabbajito ekadivasam therena saddhim pindāya caritvā therassa pattacīvaram gahetvā pitthito āgacchanto theram pucchi: 'Bhante ariyā nāma kīdisā ti?' Thero āha: 'Idh' ekacco mahallako ariyānam pattacīvaram gahetvā vattapativattam katvā saha caranto pi neva ariye jānāti evam dujjānā āvuso ariyā ti'. Evam vutto pi? so neva ariyā ti aññāsi, tasmā na cakkhunā dassanam, ñāṇadassanam eva dassanam.

Yath'āha: 'kin te, Vakkali, iminā pūtikāyena ⁸ ditthena. Yo kho, Vakkali, dhammam passati so mam passatī ti ⁹. Tasmā cakkhunā passanto pi ñāņena ariyehi dittham aniccādilakkhaṇam apassanto ariyādhigatañ ca dhammam ¹⁰ anadhigacchanto ¹¹ ariyakaraṇadhammānam ¹² ariyabhāvassa ca aditthattā ¹³ ariyānam adassāvī ti veditabbo.

dulavatti M.
 adassanāvī ti M.
 ariyābhāva° M.
 sonasigābhedayo pi M.
 dhināsavatherassa sa ca therassa up° M.
 ariyā nāma bhante M.
 vutte Pap.
 mūti° M.
 Samyutta XXII, 87, 13.
 ariyadhammāram M.
 adhitthattā C. G.

709. Ariyadhammassa akovido^z ti satipatthānādibhede² ariyadhamme akusalo.

710. Ariyadhamme avinīto ti. Ettha pana duvidho vinayo nāma, ekamek'ettha pancadhā abhāvato, tassa ayam avinīto ti vuccati.

Ayam³ hi samvaravinayo pahānavinayo ti duvidho vinayo. Ettha ca duvidhe pi vinaye⁴ ekameko vinayo pañcadhā bhijjati. Samvaravinayo pi hi sīlasamvaro satisamvaro⁵ ñāṇasamvaro khantisamvaro viriyasamvaro ti pañcavidho. Pahānavinayo pi tadaṅgappahānam vikkhambhanappahānam samucchedappahānam paṭipassaddhippahānam nissaraṇappahānan ti pañcavidho⁶.

Tattha iminā pātimokkhasamvarena upeto hoti samupeto ti ayam sīlasamvaro, rakkhati cakkhundriyam cakkhundriye samvaram āpajjatī ti ayam satisamvaro.

Yāni sotāni lokasmim (Ajitā ti Bhagavā) sati tesam nivāraņam sotānam samvaram brūmi paññāy' ete pithīyare ti'.

Ayam ñānasamvaro.

Khamo hoti sītassa uņhassā ti ayam khantisamvaro.

Uppannam kāmavitakkam nādhivāsetī ti ayam viriyasamvaro.

Sabbo⁸ pi cāyam samvaro yathā sakam samvaritabbānam vinetabbānañ ca kāyaduccaritādīnam samvaraṇato⁹ samvaro vinayanato vinayo ti vuccati evam tāva samvaravinayo pañcadhā bhijjatī ti veditabbo.

711. Yathāyam ¹⁰ nāmarūpaparicchedādīsu vipassanāñāņesu patipakkhabhāvato, dīpāloken'eva tam assa tena tena vipassanāñāņena tassa tassa atthassa ¹¹ pahānam seyyathīdam nāmarūpavavatthānena sakkāyaditthiyā, paccaya-

¹ akovidho M. ² obhedo M. ³ Spiegel, Rasavāhinī p. 85. ⁴ naye T. ⁵ atisaṃvaro T. ⁶ Pahāna is the same as vimutti, comp. Visuddhimagga p. 117. ⁷ pidhiyyare ti M. Suttanipāta verse 1035. ⁸ sabbe T. ⁹ saṃvarato M. ¹⁰ Tath'āyaṃ M. Pap. ¹¹ anatthassa T. aṅgassa C. G. Pap.

pariggahena ahetuvisamahetuditthīnam tass'eva aparabhāgena kahkhāvitaraņena kathamkathībhāvassa, kalāpasammasanena aham mamā ti gāhassa, maggāmaggavavatthānena amagge maggasaññāya, udayadassanena ucchedaditthiyā, vayadassanena sassataditthiyā, bhayadassanena sabhaya-abhayasaññāya, ādīnavadassanena assādasaññāya, nibbidānupassanāya abhiratisaññāya, muñcitukammatāñāņena amuñcitukāmatāya, upekhāñāņena anupekkhāya, anulomena dhammatthitiyā² nibbāne ca patilomabhāvassa gotrabhunā saṅkhāranimittagāhassa pahānam etam tadaṅgappahānan nāma.

Yam pana ³ upacārappahānabhedena samādhinā pavattibhāvanivāraņato ghaţappahāren 'eva udakapitthe sevālassa tesam tesam nīvaraṇādidhammānam pahānam etam vikkhambhanappahānam nāma.

Yam catunnam ariyamaggānam⁴ bhāvitattā tam tam maggavato⁵ attano santāne diṭṭhigatānam pahānāya ti ādinā nayena vuttassa samudayapakkhikassa kilesagahanassa⁶ accantam appavattibhāvena pahānam idam samucchedappahānam nāma.

Yam pana phalakkhane patippassaddhattam kilesānam etam patippassaddhippahānam nāma.

Yam sabbasankhatanissatattā pahīnasabbasankhatam nibbānam etam nissaranappahānam nāma.

712. Sabbam pi c'etam pahānam yasmā cāgatṭhena pahānam vinayaṭthena vinayo tasmā pahānavinayo ti vuccati. Tam tam pahānato vā tassa tassa vinayassa sambhavato p'etam pahānavinayo ti vuccati. Evam pahānavinayo pi pañcadhā bhijjatī ti veditabbo. Evam ayam sankhepato duvidho bhedato ca dasavidho vinayo bhinnasamvarattā pahātabbassa ca appahīnattā yasmā etassa assutavato puthujjanassa natthi tasmā abhāvato tassa ayam avinīto ti vuccatī ti.



Sayadassanena sabhaye atamāsaññāya M.
 otthitiyam T.
 sampana M.
 ariyamattānam Atthayoj.
 mattavato Atthayoj.
 ogaņassa Pap.
 khagatthena M.

Esa nayo sappurisānam adassāvī sappurisadhammassa akovido sappurisadhamme avinīto ti. Etthā pi ninnānākāranam hi etam atthato. Yathāha: ye va te ariyā te va te sappurisā, ye va te sappurisā te va te ariyā. Yo eva so ariyānam dhammo so eva so sappurisānam dhammo, yo eva so sappurisānam dhammo so eva so ariyānam dhammo. Ye va te ariyavinayā te va te sappurisavinayā, ye va te sappurisavinayā te va te ariyavinayā, ariye ti vā sappurise ti vā ariyadhamme ti vā sappurisadhamme ti vā ariyavinaye ti vā sappurisavinaye ti vā, ese se eke ekatthe same samabhāge tajjāte taññe vā ti.

713. Rūpam attato samanupassatī ti4. Idh'ekacco rūpam attato samanupassati. Yam rūpam so aham, yo aham tam rūpan ti rūpañ ca attañ5 ca advayam samanupassati. Seyyathā pi nāma telappadīpassa6 jhāyato yā acci7 so vaṇṇo yo vaṇṇo sā accī ti acciñ ca vaṇṇañ ca advayam samanupassati evam evam idh'ekacco rūpam attato..... pe samanupassatī ti evam rūpam attā ti diṭṭhipassanāya passati.

Rūpavantam⁸ vā attānan ti arūpā attā ti gahetvā chāyāvantam rukkham viya tam rūpavantam⁹ samanupassati. Attani vā rūpan ti arūpam eva attā ti gahetvā pupphasmim ¹⁰ gandham viya attani rūpam samanupassati. Rūpasmim vā attānan ti arūpam eva attā ti gahetvā karaṇḍake maṇim viya attānam rūpasmim samanupassati. Vedanādisu pi es' eva nayo.

Tattha rūpam attato samanupassatī ti suddharūpam eva. Attā ti kathitam rūpavantam vā attānam attani vā rūpam rūpasmim vā attānam vedanam attato samanupassati sañnam sankhāre viñnāṇam attato samanupassatī ti imesu sattasu thānesu arūpam attā ti kathitam.

¹ kinnānā° Pap. ² ninnānākaraṇah'etaṃ M. ³ sace T.

^{4 °}passātī ti M. 5 attānañ corr. T. 6 teladīp° M.

⁷ anicci M. ⁸ Rūpavattānam T. ⁹ rūpavantā T. rūpavan ti M. ¹⁰ pupphamhi M.

714. Vedanāvantam vā attānam attani vā vedanam vedanāya vā attānan ti. Evam catūsu khandhesu tinnam tinnam vasena dvādasasu thānesu rūpārūpamissako attā kathito. Tattha rūpam attato samanupassati vedanam pe² saññam saṅkhāre viñnāṇam attato samanupassatī ti imesu pañcasu thānesu ucchedadiṭṭhi kathitā. Avasesesu sassatadiṭṭhi. Evam ettha paṇṇarasa bhavadiṭṭhiyo⁴ honti tā sabbā pi maggāvaraṇā na saggāvaraṇā paṭhamamaggavajjhā ti veditabbā.

715. Satthari kankhatīs ti satthu sarīre vā tassa6 guņe vā ubhayattha vā kankhatī. Sarīre kankhamāno 'dvattimsavaralakkhaṇapaṭimaṇḍitam nāma sarīram atthi nu kho natthī ti' kankhatī. Guņe kankhamāno 'atītānāgatapaccuppannajānanasamattham sabbañnūtanāṇam atthi nu kho natthī ti' kankhatī. Ubhayattha kankhamāno 'asītianuvyanjanavyāmappabhānuranjitāya sarīranippattiyā' samannāgato sabbam neyyajānanasamattham sabbannūtanāṇam paṭivijjhitvā thito lokatārako Buddho nāma atthi nu kho natthī ti' kankhatī. Ayam hi 'ssa attabhāve guņe' kankhanato' ubhayattha kankhatī nāma.

Vicikicch atī ti ārammaņam nicchetum asakkonto kicchati kilamati...

716. Dhamme kankhatī ti ādīsu pana kilesapajahanā ¹¹ cattāro ariyamaggā paṭipassaddhakilesāni cattāri sāmañna-phalāni. 'Maggaphalānam ārammaṇapaccayabhūtam amatamahānibbānam ¹² nāma atthi nu kho natthī ti' kankhanto pi 'ayam dhammo niyyāniko nu kho aniyyāniko ti' kankhanto pi dhamme kankhati nāma.

¹ vasena vā dasasu T. ² M. om. pe. ³ om. M. ⁴ M. adds pañcavibhavadiṭṭhiyo. ⁵ Dhs. § 1004. ⁶ om. M. ⁷ onipphattiyā T. ⁸ guṇo C. ⁹ kaṅkhanāto T. ¹⁰ M. inserts Nādhimuccatī ti tatth' eva adhimokkham na labhati na saṃvasīpatī (!) ti cittam anāvilikatvā pasīditum na sakkoti guṇesu na dasīdati (!) ¹¹ opajahantā M. ¹² amatam nibbānam M.

Cattāro maggaṭṭhakā cattāro phalaṭṭhakā ti idaṃ saṃ-gharatanaṃ. 'Atthi nu kho natthī ti' kaṅkhanto pi 'ayaṃ saṃgho suppaṭipanno nu kho duppaṭipanno ti' kaṅkhanto pi 'etasmiṃ saṃgharatane dinnassa vipākaphalaṃ atthi nu kho natthī ti' kaṅkhanto pi saṃghe kaṅkhati nāma. 'Tisso pana sikkhā atthi nu kho natthī ti' kaṅkhanto pi 'tisso sikkhā sikkhitapaccayena ānisaṃso atthi nu kho natthī ti' kaṅkhanto pi sikkhāya kaṅkhati nāma.

717. Pubbanto ti vuccati atītāni khandhadhātāyatanāni, aparanto anāgatāni. Tattha atītesu khandhādīsu 'atītāni nu kho na nu kho ti' kaṅkhanto pubbante kaṅkhati nāma, anāgatesu 'anāgatāni nu kho na nu kho ti' kaṅkhanto aparante kaṅkhati nāma, ubhayattha kaṅkhanto pubbantāparante kaṅkhati nāma.

'Dvādasapadīkam paccayavaţṭam atthi nu kho natthī ti' kankhanto idappaccayatā paṭiccasamuppannesu dhammesu kankhati nāma. Tatrāyam vacanattho: Imesam jarāmaraṇādīnam paccayā idappaccayā, idappaccayānam bhavo idappaccayatā, idappaccayā eva vā idappaccayatā jātiādīnam etam adhivacanam. Jātiādīsu tam tam paṭicca āgamma samuppannā ti paccayasamuppannā idam vuttam hoti. Idappaccayatāya vā paṭiccasamuppannesu ca dhammesu kankhatī ti.

718. Sīlenā¹ ti gosīlādinā vatenā ti govatādinā vā? Sīlabbatenā ti tadubhayena suddhī ti kilesasuddhi paramatthasaddhibhūtam vā nibbānam eva.

719. Tadekatthā² ti idha pahānekattham dhuram³ imissā ca pāliyā ditthikileso⁴ vicikicchākileso ti dve yeva āgatā. Lobho doso moho māno thīnam uddhaccam ahirikam anottappan ti ime pana attha anāgatā āharitvā dīpetabbā.

Ettha hi ditthivicikicchāsu pahīyamānāsu apāyagāminiyo lobho doso moho māno thīnam uddhaccam ahirikam anottappan ti sabbe p'ime pahānekatthā hutvā pahīyanti. Sahajekattham pana āharitvā dīpetabbam. Sotāpattimaggena

¹ Dhs. § 1005. ² Dhs. § 1006. ³ dūraṃ M. ⁴ diṭṭhakileso G.

hi cattāri ditthisahagatāni vicikicchāsahagatañ cā ti pañca cittāni pahīyanti. Tattha dvīsu asankhārikaditthicittesu pahīyantesu tehi saha jāto lobho moho uddhaccam ahirikam anottappan ti ime kilesā sahajekatthavasena pahīyanti, sesaditthikileso ca vicikicchākileso ca pahānekatthavasena pahīyanti. Ditthisampayuttasasankhārikacittesu pi pahīyantesu tehi sahajāto lobho moho thīnam uddhaccam ahirikam anottappan ti ime kilesā sahajekatthavasena pahīyanti, sesaditthikileso ca vicikicchākileso ca pahānekatthavasena pahīyanti. Evam pahānekatthasmim yeva sahajekattham labbhatī ti. Idam sahajetthakam āharitvā dīpayimsu.

720. Tam sampayutto ti tehi tadekatthehi atthahi kilesehi sampayutto. Vinibbhogam vā katvā tena lobhena tena dosenā ti evam ekekena sampayuttatā dīpetabbā. Tattha lobhe gahite moho māno thīnam uddhaccam ahirikam anottappan ti ayam sankhārakkhandhe kilesagano lobhasamyutto nāma hoti.

Dose gahite moho thīnam uddhaccam ahirikam anotappan ti ayam kilesagaņo 3 dosasampayutto nāma.

Mohe gahite lobho doso māno thīnam uddhaccam ahirikam anottappan ti ayam kilesagaņo mohasampāyutto nāma, māne gahite tena sah'uppanno lobho moho thīnam uddhaccam ahirikam anottappan ti ayam kilesagaņo mānasampayutto nāma. Iminā upāyena tena thīnena tena uddhaccena tena ahirikena tena anottappena sampayutto tam sampayutto ti yojanā kātabbā.

721. Tam samutthānan ti tena mohena⁶.... tena anottappena samutthitan ti attho.

Ime dhammā dassanena pahātabbā ti ettha dassanam nāma sotāpattimaggo tena pahātabbā ti attho. Tasmā pana sotāpattimaggo dassanam nāma jāto ti paṭhamam nibbānam dassanato na nu gotrabhū paṭhamataram

¹ Dhs. § 1006. ² sampayuttena T. ³ kilesagane T. ⁴ kilesagane T. ⁵ pahuppanno M. ⁶ lobhena M.

passatī ti no na passati disvā kattabbakiccam pana na karoti samyojanānam appahānato tasmā passatī ti na vattabbo.

Yattha katthaci rājānam disvā pi paṇṇākāram datvā r kiccanippattiyā 2 adiṭṭhattā 'ajjā pi rājānam na passāmī ti' vadanto c'ettha jānapadapuriso nidassanam³.

Avaseso lobho nidassanena pahīnāvaseso. Dosamohesu pi es' eva nayo.

Dassanena hi apāyagāmaniyā va pahīnā. Tehi pana añne dassetum idam vuttam. Tadekaţţhā ti tehi pāļiyam āgatehi tīhi kilesehi sampayogato pi pahānato pi ekaţţhā panca kilesā.

722. N'evadassanena na bhāvanāyā4 ti idam samyojanādīnam viya tehi tehi maggehi appahātabbatam⁵ sandhāya vuttam.

Yam pana sotāpattimaggañāneņa abhisankhāraviñnānassa nirodhena satta bhave thapetvā anamatagge samsāravatte ye uppajjeyyum nāmañ ca rūpañ ca etth'ete nirujjhantī ti ādinā nayena kusalādīnam pi pahānam anuñnātam. Tam tesam maggānam abhāvitattā ye uppajjeyyum te upanissayapaccayānam kilesānam pahīnattā pahīnāni mam pariyāyam sandhāya vuttan ti veditabbam.

723. Dassanena pahātabbahetukattike, ime dhammā dassanenapahātabbahetukā ti niṭṭhapetvā puna tīni saṃyojanānī ti ādi pahātabbe dassetvā tadekaṭṭhabhāvena hetu c'eva hetuke o ca dassetum vuttam.

Tattha kiñcā pi dassanena pahātabbesu hetūsu lobhasahagato moho lobhena sahetuko hoti, dosasahagato dosena, lobhadosā ca mohenā ti pahātabbahetukapade p'ete sangaham gacchanti. Vicikicchāsahagato pana moho aññassa sampayuttahetuno abhāvena hetu yeva na hetuko ti. Tassa pahānam dassetum ime dhammā dassanena pahātabbahetū ti vuttam.

 ¹ katvā M.
 ² onipphattiyā T.
 ³ nidassanā M.
 ⁴ Dhs.
 ⁸ 1008.
 ⁵ āyātabbatam M.
 ⁶ nirodhe M.
 ⁷ vagge M.
 ⁸ hīnāni T.
 ⁹ Dhs.
 [§] 1009.
 ¹⁰ sahetuke M.

724. Dutiyapade uddhaccasahagatassa mohassa pahānam dassetum ime dhammā bhāvanāya pahātabbahetū¹ ti vuttam.

So hi attanā sampayuttadhamme sahetuke katvā piṭṭhivaṭṭako² jāto vicikicchāsahagato moho viya aññassa sampayuttahetuno abhāvā pahātabbahetukapadam na bhajati.

Tatiyapade avasesā kusalākusalā ti puna akusalagahaņam vicikicchuddhaccasahagatānam mohānam saṅgahattam³ katam. Tehi sampayuttahetuno abhāvā pahātabbahetukā nāma na honti.

725. Parittārammaņattike tārabbhā ti ārammaņam katvā. Sayam hi parittā vā hontu mahaggatā vā paritte dhamme ārammaṇam katvā uppannā, parittārammaṇamahaggate ārammaṇam katvā uppannā, mahaggatārammaṇa-appamāne ārammaṇam katvā uppannā, appamānārammaṇā te pana parittā pi honti mahaggatā pi appamānā pi.

726. Micchattattike 7 anantarakānī ti anantarāyena phaladāyakāni. Mātughātakammādīnam etam adhivacanam Etesu hi ekasmim pi kamme kate tam paţibāhitvā aññam kammam attano vipākassa okāsam kātum na sakkoti. Sineruppamāņe pi suvaṇṇathūpe katvā cakkavāļamattam vā ratanamayapākāram vihāram kāretvā tam pūretvā nisinnassa Buddhapamukhassa bhikkhusaṅghassa yāvajīvam cattāro paccaye dadato pi kammam etesam kammānam vipākam paṭibāhitum 8 na sakkoti. Evam yāva micchādiṭṭhi niyatā ti ahetukavāda-akiriyavāda-natthikavādesu. Aññatarā 9 tam hi gahetvā thitam puggalam buddhasatam pi buddhasahassam pi bodhetum na sakkoti.

727. Maggārammaņattike 10 ariyamaggam ārabbhā ti lokuttaramaggam ārammaņam katvā te pana parittā pi honti mahaggatā pi.

Dhs. § 1011.
 piṭṭhivaddhako T.
 sahattham T.
 Dhs. § 1022.
 appamānārammaṇa T. M.
 amahaggatā G.
 Dhs. § 1028.
 bāhetum M.
 aññataram corr. T.
 Dhs. § 1031.

728. Maggahetukaniddese ¹ paṭhamanayena paccayaṭṭhena hetunā maggasampayuttakānaṃ ² khandhānaṃ sahetukabhāvo dassito.

Dutiyanayena maggabhūtena sammādithisankhātena hetunā sesamaggangānam sahetukabhāvo dassito.

Tatiyanayena magge uppannahetūhi sammādiţţhiyā sahetukabhāvo dassito ti veditabbo.

729. Adhipatim karitvā³ ti ārammaņādhipatim katvā. Te ca kho parittadhammā va honti. Ariyasāvakānam hi attano maggam garum katvā paccavekkhaņakāle ārammaņādhipati labbhati. Cetopariyañāņena pana ariyasāvako parassa maggam paccavekkhamāno garum karonto pi attanā⁴ paṭividdhamaggam viya garum na karoti.

Yamakapātihāriyam karontam Tathāgatam disvā tassa maggam garum karotī ti na karotī ti? Karoti, na pana attano maggam viya.

Arahā na kiñci dhammam garum karoti thapetvā maggam phalam nibbānan ti etthā pi ayam ev' attho.

Vīmaṃsādhipateyyenā ti idaṃ sahajātādhipatiṃ dassetuṃ vuttaṃ. Chandaṃ hi jetthakaṃ katvā maggaṃ bhāventassa chando adhipati nāma hoti na maggo. Sesadhammā pi chandādhipatino nāma honti na maggādhipatino. Cittes pi es' eva nayo. Vīmaṃsaṃ pana jetthakaṃ katvā maggaṃ bhāventassa vīmaṃsādhipati c'eva hoti maggo cā ti sesadhammā maggādhipatino nāma honti. Viriye pi es' eva nayo.

730. Uppannattikaniddese jātā ti nibbattā. Patiladdhattabhāvā bhūtā ti ādīni tesam yeva vevacanāni. Jātā eva hi bhāvuppattiyā bhūtā paccayasamyoge jātattā sañjātā. Nibbattilakkhaṇam pattattā nibbattā. Upasaggena pana padam vaddhetvā abhinibbattā ti vuttā. Pākatabhūtā ti pātubhūtā.

Dhs. § 1032. 2 maggayuttānam M. 3 Dhs. § 1034.

⁴ attano M. 5 citto T. 6 Dhs. § 1035. 7 °laddhabhāyā M.

Pubbantato uddham pannā ti uppannā. Upasaggena padam vaddhetvā samuppannā ti vuttā.

Nibbattatthen 'eva uddham thitā ti utthitā, paccaya-samyogena utthitā ti samutthitā'.

Puna uppannā ti vacane kāraņam heṭṭhā vuttanayen eva veditabbam: Uppannamsena saṅgahitā ti uppannakoṭṭhāsena gaṇanamgatā rūpā vedanā saññā saṅkhārā viññāṇan ti idam tesam sabhāvadassanam dutiyapadaniddeso vuttapaṭisedhanayena veditabbo. Tatiyapadaniddeso uttānattho va.

731. Ayam pana tiko dvinnam addhānavasena pūretvā dassito. Laddhokāsassa hi kammassa vipāko duvidho khanappatto ca appatto ca. Tattha khanappatto uppanno nāma, appatto cittānantare vā uppajjatu kappasatasahassātikkame vā dhuvapaccayatthena natthi nāma na hoti uppādino dhammā nāma jāto. Yath' āha:

'Titthat'evāyam Potthapāda arūpī attā saññāmayo, atha imassa purisassa aññā³ va saññā uppajjanti aññā va saññā nirujjhantī ti⁴'.

Ettha āruppe kāmāvacarasaññāpavattikāle kiñcā pi mūlabhavaṅgasaññā⁵ pi niruddhā. Kāmāvacarasāññāya pana niruddhakāle avassam sā uppajjissatī ti arūpasaṅkhāto⁶ attā natthī ti saṅkham agantvā tiṭṭhat'eva nāmā ti jāto. Evam eva laddhokāsassa kammassa vipāko duvidho . . .

dhuvapaccayatthena natthi nāma na hoti uppādino dhammā nāma jāto.

732. Yadi pana āyūhitam kusalākusalam kammam sabbam vipākam dadeyya aññassa okāso ca na bhaveyya tam pana duvidham hoti dhuvavipākam addhuvavipākañ ca. Tattha pañca ānantariyakammāni aṭṭha samāpattiyo cattāro ariyamaggā ti etam dhuvavipākam nāma.

samyoge T. M. ² addhānam vasena T. ³ Poṭṭhapada arūpasaṅkhāro attā saññāmayo issa purissa aññā M.
 Comp. Dīghanikāya IX, 23. ⁵ °bhavaṅganiruddhakāma° M.
 °saṅkharo M.
 ⁷ jātā M.

Tam pana khaṇam pattam pi atthi appattam pi. Tattha khaṇappattam uppannam nāma appattam anuppannam nāma. Tassa vipāko cittānantare vā uppajjatu kappasahassātikkame vā. Dhuvapaccayatthena anupannam nāma na hoti uppādino dhammā nāma jātam . Metteyyabodhisattassa maggo anuppanno nāma phalam uppādino dhammā yeva nāma jātam³.

733. Atītattikaniddese 4 atītā ti khaṇattayaṃ 5 atikkantā. Niruddhā ti nirodham pattā. Vigatā ti vibhavaṃ gatā vigacchitā va. Vipariṇatā ti pakativijahanena viparināmaṃ 6 gatā. Nirodhasaṅkhātaṃ atthaṃ gatā ti atthagatā. Abbhatthaṃ gatā 7 ti upasaggena padaṃ vaḍḍhitaṃ. Uppajjitvā vigatā ti nibbattitvā vigacchitā 8. Puna atītavacane kāraṇaṃ heṭṭhā vuttam eva. Parato anāgatādīsu pi es' eva nayo.

Atītamsena saṅgahitā ti atītakoṭṭhāsena gaṇanam gatā. Katame te ti? Rūpā vedanā saññā saṅkhārā viññāṇam. Parato anāgatādīsu pi es' eva nayo.

734. Atītārammaņattikaniddese⁹ atīte dhamme ārabbhā ti ādīsu parittamahaggatā va dhammā veditabbā. Te hi atītādīni ārabbha uppajjanti.

735. Ajjhattattikaniddese 10 tesam tesam ti padadvayena sabbasatte pariyādiyati. Ajjhattam paccattam ti ubhayam niyakajjhattādhivacanam 11. Niyakā ti attano jātā. Pāṭipuggalikā ti pāṭiekakassa 12 puggalassa santakā. Upādiṇṇā ti sarīraṭṭhakā. Te hi kammanibbattā vā hontu mā vā. Adiṇṇagahitaparāmaṭṭhavasena pana idha upādiṇṇā ti vuttā. Parasattānan ti attānam ṭhapetvā avasesasattānam. Parapuggalānan ti tass' eva vevacanam. Sesam heṭṭhāvuttasadisam eva.

736. Tadubhayan 13 ti tam ubhayam. Ajjhattārammanattikassa pathamapade parittamahaggatā dhammā veditabbā.

<sup>khaņapattim pi M. ² jātā M. ³ jāti M. ⁴ atīnattika^o M. Dhs. § 1038. ⁵ atītā atikhaņatayam M. ⁶ vipariņāņam M. ⁷ abbhattīgatā T. ⁸ pigacchitā T.
Dhs. § 1041. ¹⁰ Dhs. 1044. ¹¹ niyaka ajjhādhivac^o M.
¹² ekkassa M. ¹³ Dhs. § 1046.</sup>

Dutiye appamāṇā pi, tatiye parittamahaggatā va. Appamānā pana kālena bahiddhā¹, kālena ajjhattaṃ ārammaṇaṃ na karonti.

Sanidassanattikaniddeso 2 uttāno yeva 3.

737. Dukesu adosaniddese mettāyanavasena mettī, mettākāro mettāyanā, mettāya asitassa mettāsamangino cittassa bhāvo mettāyitattam. Anudayatī ti anuddās Rakkhatī ti attho. Anuddākāro anuddāyanā anuddāyitassa bhāvo. Anuddāyitattam hi tassa esanavasena hitesitā, anukampanavasena anukampā, sabbehi pi imehi padehi upacārappaṇappattā mettā ca vuttā. Sesapadehi lokiyalokuttaro adoso kathito.

738. Amohaniddese¹¹ dukkhe ñāṇan ti dukkhasacce paññā. Dukkhasamudaye ti ādīsu pi es' eva nayo.

Etth' eva dukkhe ñāṇam savanasammasanapaṭivedhapaccavekkhaṇāsu vaṭṭati. Tathā dukkhasamudaye.

Nirodhe pana savanapaţivedhapaccavekkhanāsu. Eva tathā paţipadāya.

Pubbante ti atītakotthāse 12, aparante ti anāgatakotthāse, pubbantāparante ti tadubhaye.

Idappaccayatā paţiccasamuppannesu dhammesu ñāṇan ti ayam paccayo¹³. Imam paţicca¹⁴ idam nibbattan ti evam paccayesu ca paccayuppannadhammesu ca ñāṇam.

739. Lobhaniddese 15 pi hetthä anägatänam padänam ayam attho.

Rañjanavasena 16 rāgo, balavarañjanatthena sārāgo. Visayesu sattānam anunayanato anunayo. Anurujjhatī ti anurodho. Kāmetī ti attho. Yattha katthaci bhave

¹ bahiddham M. ² Dhs. § 1050. ³ yevā ti M. ⁴ Dhs. § 1056. ⁵ anuddhā· M. ⁶ anuddhāyanā M. ⁷ anuddhātayitassa M. ⁸ anuddhāyidattam M. ⁹ es⁷ eva nayo M. ¹⁰ upacārappanā T. ¹¹ Dhs. § 1057.

to that the control of the control o

¹⁴ Idam mam paticca T. ¹⁵ Dhs. § 1059. ¹⁶ Rajanavasena T.

sattā etāya nandanti sayam vā nandatī ti nandī. Nandī ca sā ranjanatthena rāgo cā ti nandīrāgo.

Tattha ekasmim ārammaņe sakim uppannā tanhā nandī, punappuna uppajjamānā nandīrāgo ti vuccati. Cittassa sārāgo ti. Yo heṭṭhā balavaranjanaṭṭhena sārāgo ti vutto so na sattassa, cittass' eva so rāgo ti attho².

740. Icchanti etāya ārammaṇānī ti icchā, bahalakilesābhāvena³ mucchanti⁴ etāya pāṇino ti mucchā, gilitvā pariniṭṭhapetvā gahaṇavasena ajjhosānam, iminā sattā gijjhanti, gedham āpajjantī ti gedho, bahalaṭṭhena vā gedho, gedham vā pana vanasaṇḍan ti hi⁵ bahalaṭṭhen² eva vuttam. Anantarapadam upasaggena⁶ vaḍḍhitam sabbato bhāgena vā gedho ti paligedho, sajjanti² etenā ti saṅgo, lagganaṭṭhena vā saṅgo, osīdanaṭṭhena paṅko, ākaḍḍhanavasena ejāஃ. 'Ejā imam purisam parikaḍḍhati' tassa tass'eva bhavassa abhinibbattiyā ti hi vuttam.

Vañcanatthena mā yā. Vaṭṭasmiṃ sattānam jananaṭṭhena janikā. Taṇhā janeti purisam cittam assa vidhāvatī ti vuttam. Vaṭṭasmiṃ satte dukkhena saṃyojayamānā janetī ti sañjananī, ghaṭanaṭṭhena 10 sibbanī 11. Ayam hi vaṭṭasmiṃ satte cutipaṭisandhivasena sibbati ghaṭeti 12 tunnakāro 13 viya pilotikāya pilotikam, tasmā ghaṭanaṭṭhena sibbanī 14 ti vuttā. Anekappakārakam visayajālam taṇhāvinipphanditanivesasaṅkhātam 15 vā jālam assā atthī ti jālinī, ākaḍḍhanaṭṭhena sīghasotā saritā viyā ti saritā 16. Allaṭṭhena 17 vā saritā. Vuttam h'etam:

Saritāni sinehitāni ca somanassāni bhavanti jantuno ti ¹⁸. Allāni c'eva siniddhāni cā ti ayam h'ettha attho.

² cittacittass'eva sesarāgo ti attho T. ¹ rajanatthena T. 5 vanasaddhan tī hi T. 3 balayaº M. 4 muñcanti M. 6 upasaggavasena M. ⁷ sañjanti M. ⁸ jajā M. 9 janitā M. 10 ghattano M. 11 sibbīni M. 12 ghat-14 sibbīni M. Comp. teti M. ¹³ kunnakāro C. G. Suttanipāta 1040. ¹⁵ tanhāvippho T. ¹⁶ Comp. Anguttara IV, 199, 1. ¹⁷ sallatthena C. G. 18 Dhammap. verse 341.

741. Visatā ti visattikā, visavā ti visattikā, visālā ti visattikā, visakkatī ti visattikā, visamvādikā ti visattikā, visam haratī ti visattikā, visamūlā ti visattikā, visaparībhogā ti visattikā, visappatī ti visattikā, visattikā, visattikā, visatā vā pana sā tanhā, rūpe sadde gandhe rase photthabbe dhamme kule gaņe visatā vitthatā ti visattikā. Anayavyasanāpādanatthena kumbhānubandhanasuttakam viyā ti suttam vuttam h'etam. Suttakan ti kho bhikkhave nandīrāgass' etam adhivacanan ti.

Rūpādisu vitthanatthena visaṭā⁴, tassa tassa paṭilābhattāya satte āyūhāpetī ti āyūhanī, ukkaṇṭhitum appadānato⁵ sahāyaṭṭhena dutiyā. Ayam hi sattānam vaṭṭasmim ukkaṇṭhitum na deti, gatagataṭṭhena⁴ piyasahāyo viya abhiramāpeti. Ten' eva vuttam:

Taṇhādutiyo puriso dīgham addhānam saṃsaram⁷ Itthabhāvañnathābhāvam saṃsāram nātivattatī ti⁸.

742. Panidhānakavasena panidhi. Bhavanettī ti bhavarajju. Etāya hi sattā rajjuyā gīvāya baddhā goṇā viya icchicchitam thānam nīyanti. Tam tam ārammaṇam vanati bhajati allīyatī ti vanam, yācati vā ti vanam. Vanatho ti vyanjanena padam vaḍḍhitam. Anattharukkhānam vā samuṭṭhāpanaṭṭhena gahanaṭṭhena ca vanam viyā ti vanam balavataṇhāy'etam nāma. Gahaṇataraṭṭhena pana tato balavataro vanatho ta nāma. Tena vuttam:

Vanam chindatha mā rukkham, vanato jāyate bhayam. Chetvā vanañ ca vanathañ ca nibbanā hotha bhikkhave ti ¹⁵.

743. Santhavanavasena santhavo samsaggo ti attho.

vissappatī T. ² Aniyabyāsana vā panaṭṭhena M. ³ kumbhānubaddhas^o T. kumbhānubandhasuttakā M. ⁴ Rūpādisu ettha tatthena vis^o T. ⁵ āpādānato M. ⁶ ^ogataṭṭhāne M. ⁷ saṃsāraṃ T. ⁸ Suttanipāta verse 740.
 ⁹ bandhā M. ¹⁰ vanti C. ¹¹ yātī ti M. vāyati corr. T.
 ¹² vanato M. ¹³ Anatthadukhānam M. ¹⁴ balavatarā vanato M. ¹⁵ Dhp. verse 283.

So duvidho taṇhāsanthavo mettisanthavo adhippeto.

Sinehavasena sineho, ālayakaraņavasena apekkhatī ti apekkhā. Vuttam pi c'etam: Imāni te deva caturāsīti nagarasahassāni Kusāvatīrājadhānipamukhāni², ettha devachandam janehi, jīvite³ apekkham karohī ti ālayam karohī ti ayam h'ettha attho.

Pāţiekke pāţiekke ārammaņe bandhatī ti paţibandhu. Ñātakaţţhena vā pāţiekko bandhū ti pi paţibandhu. Niccasannissitaţţhena hi sattānam taṇhāsamo bandhu nāma natthī ti. Ārammaṇānam asanato āsā. Ajjhottharaṇato c'eva tittim anupagantvā va paribhuñjanato cā ti attho. Āsimsanavasena āsimsanā, āsimsitabhāvo āsimsitattam. Idāni tassā pavattiţṭhānam dassetum rūpāsā ti ādi vuttam. Tattha āsimsanavasena āsāya attham gahetvā rūpe āsā rūpāsā ti evam nava padāni veditabbāni.

744. Ettha ca purimāni pañca pañca kāmaguṇavasena vuttāni, parikhāralobhavasena chaṭṭhaṃ, taṃ visesato pabbajitānaṃ tato parāni tīṇi atittiyavatthuvasena gahaṭṭhānaṃ. Na hi tesaṃ dhanaputtajīvitehi aññam piyataraṃ atthi. 'Idaṃ mayhaṃ etaṃ mayhan ti vā, asukena me idaṃ dinnaṃ idaṃ dinnan ti vā' evaṃ sante jappāpetī ti jappā. Parato dve padāni upasaggena vaḍḍhitāni, tato paraṃ aññen' ākārena vibhajitum āraddhattā puna jappā ti vuttaṃ. Jappanākāro jappanā, jappitassa bhāvo jappitattaṃ. Punappuna visaye lumpati ākaḍḍhatī ti loluppo. Loluppassa bhāvo loluppaṃ, loluppākāro loluppāyanā. Loluppasamangino bhāvo loluppāyitattaṃ.

745. Puñcikatā ti⁸. Yāya tanhāya lābhatthānesu puccham cālayamānāsu nakhā viya kampamānā vicaranti tassā kampamānāya tanhāya nāmam. Sādhu manāpe visaye kāmetī ti sādhukamyo⁹, tassa bhāvo sādhukamyatā.

r pattasanthavo M.
 2 °rājathāni M.
 3 vijite M.
 4 parikkhāya M.
 5 pabbajitā nātato T.
 6 aññākārena T.
 7 jappitabhāvo T.
 8 puncam vikatā ti T.
 pucancikaka G.
 puchakatā ti M.
 9 °kāmo M.

Mātā mātucchā ti ādike ayuttaṭṭhāne rāgo ti adhammarāgo, yuttaṭṭhāne pi balavā hutvā uppannalobho visamalobho, rāgo visaman ti ādi vacanato vā yuttaṭṭhāne vā ayuttaṭṭhāne vā uppanno chandarāgo adhammaṭṭhāne adhammarāgo, visamaṭṭhena visamalobho ti veditabbo. Ārammaṇānaṃ nikāmanā nikanti, nikāmanākāro nikāmanā, patthanakavasena patthanā, pihāyanavasena pihanā¹, suṭṭhu patthanā sampatthanā, pañcasu kāmaguṇesu taṇhā kāmataṇhā, rūpārūpabhave taṇhā bhavataṇhā, ucchedasaṅkhāte vibhave taṇhā vibhavataṇhā, suddhe rūpabhavasmiṃ yeva taṇhā rūpataṇhā, arūpabhave taṇhā arūpataṇhā, ucchedadiṭṭhisahagato rāgo diṭṭhirāgo, nirodhe taṇhā nirodhataṇhā, sadde taṇhā saddataṇhā. Gandhataṇhādīsu pi es' eva nayo.

746. Oghādayo vuttatthā va kusaladhamme āvaratī ti āvaraņam, chadanavasena chadanam, satte vaṭṭasmim bandhatī ti bandhanam, cittam upagantvā kilissati kiliṭṭham² karotī ti upakkileso, thāmagataṭṭhena anusetī ti anusayo, uppajjamānā cittam pariyuṭṭhātī ti pariyuṭṭhānam, uppajjitum appadānena kusalavāram gaṇhātī ti attho.

Corā magge pariyuţţhiṃsu, dhuttā magge pariyuţţhiṃsū ti ādīsu hi maggaṃ gaṇhimsū ti attho. Evam idhā pi gahaṇaţţhe³ pariyuţṭhānam veditabbaṃ.

747. Palivețhanațțhena latā viyā ti latā.

Latā ubbhijja tiṭṭhatī ti5

āgataṭṭhāne pi ayam tanhā latā va vuttā.

Vividhāni vatthūni icchatī ti veviccham, vaṭṭadukkhassa mūlan ti dukkhamūlam, tass' eva dukkhassa nidānan ti dukkhanidānam, tam dukkham ito pabhavatī ti dukkhappabhavo, bandhanaṭṭhena pāso viyā ti pāso, mārassa pāso mārapāso, duruggilanaṭṭhena baḷisam viyā ti baḷisam, mārassa baḷisam mārabaḷisam. Taṇhābhibhūtā mārassa visayam nātikkamanti, tesam upari māro vasam vattetī ti iminā pariyāyena mārassa visayo ti māra-



¹ pi bhanā T. ² saṃkiliṭṭhaṃ M. ³ gahanaṭṭhena T. M. ⁴ °vedhanaṭṭh° M. ⁵ Dhammap. verse 340.

visayo, nandanatthena tanhā va nandītanhā, nadīajjhottharanatthena tanhā va jālamtanhā². Yathā sunakhā gaddulabaddhā yadicchakam niyyanti evam tanhābaddhā³ sattā ti daļhabandhanatthena gaddulam viyā ti gaddulamtanhā. Duppūranatthena tanhā va samuddo ti tanhāsamuddo.

748. Dosaniddese anattham me acarī ti avaddhim me akāsi. Iminā upāyena sabbapadesu pi attho veditabbo.

Atthane va pana aghato ti akarane kopo. Ekacco hi devo ativassatī ti kuppati, na vassatī ti kuppati, suriyo tappatī ti kuppati, na tappatī ti kuppati, vāte vāyante pi kuppati avayante pi kuppati, sammajjitum asakkonto bodhipannānam kuppati, cīvaram pārupitum asakkonto vātassa kuppati, upakkhalitvā khānukassa kuppati, idam sandhāya vuttam. Atthāne vā pana āghāto jāyatī ti tattha hettha navasu thanesu satte arabbha uppannatta kammapathabhedo hoti. Atthanaghato pana sankharesu uppanno kammapathabhedam na karoti, cittam āghātento uppanno ti cittassa āghāto, tato balavataro paţighāto, paţihaññanavasena paţigham, paţivirujjhatī ti paţivirodho. Kuppanavasena kopo. Pakopo sampakopo ti upasaggavasena padam vaddhitam. Dussanavasena doso. sampadoso ti upasaggavasena padam vaddhitam. Cittassa pana vyāpattī ti cittassa vipannattā viparivattanākāro. Manam padussayamāno uppajjatī ti manopadoso. Kujihanavasena kodho, kujihanākāro kujihanā, kujjhanabhavo kujjhitattam. Idani akusalaniddese vuttanayam dassetum doso dussanā ti ādi vuttam, tasmā yo evarūpo cittassa āghāto

kujjhitattan ti ca idha vutto doso dussanā ti ādinā va nayena heṭṭhā vutto ayam vuccati doso ti. Evam ettha yojanā kātabbā, evam hi sati punaruttadoso 6 paṭisedhito hoti.

^z sandanatthena C. G. T. chandanatthena M. ² taṇhājālaṃ M. ³ °bandhā M. ⁴ Dhs. § 1060. ⁵ avuddhi me M. ⁶ punarutti° M.

749. Mohaniddeso i amohaniddese vuttapaṭipakkhanayena veditabbo. Sabbākārena pan'esa Vibhaṅgaṭṭhakathāyam² āvibhavissati.

750. Tehi dhammehi ye dhammā sahetukā³ ti tehi hetudhammehi ye aññe hetudhammā vā na hetudhammā vā te sahetukā. Ahetukapade⁴ pi es' eva nayo.

Ettha ca hetu hetu yeva ca hoti tinnam vā ekato uppattiyam sahetuko ca, vicikicchuddhaccasahagato pana moho hetu ahetuko.

Hetusampayuttadukaniddese⁵ pi es' eva nayo.

751. Sankhatadukaniddese purimaduke vuttam. Asankhatadhātum sandhāya yo eva so dhammo ti ekavacananiddeso kato. Purimaduke pana bahuvacanavasena pucchāya uddhaṭattā ime dhammā appaccayā ti pucchānusandhinayena bahuvacanam katam.

Ime dhammā sanidassanā9 ti ādīsu es' eva nayo.

752. Kenaci viññeyyadukaniddese 10 cakkhuviññeyyā ti cakkhuviññānena vijānitabbā. Sesapadesu pi es' eva nayo.

Ettha ca kenaci viññeyyā ti cakkhuviññāṇādīsu kenaci cakkhuviññāṇena vā sotaviññāṇena vā vijānitabbā. Kenaci na viññeyyā ti ten 'eva cakkhuviññāṇena vā sotaviññāṇena vā na vijānitabbā. Evam sante dvinnam pi padānam atthanānattato duko hotī ti. Heṭṭhā vuttattā ye te dhammā cakkhuviññeyyā na te dhammā sotaviññeyyā ti ayam duko na hoti. Rūpam pana cakkhuviñneyyam, saddo na cakkhuviññeyyo ti imam attham gahetvā ye te dhammā cakkhuviññeyyā na te dhammā sotaviññeyyā. Ye vā pana te dhammā sotaviññeyyā na te dhammā cakkhuviññeyyā ti ayam eko duko ti veditabbo. Evam ekekaindriyamūlake cattāro cattāro katvā vīsati dukā vibhattā ti veditabbā.

Dhs. § 1061.
 ² okathāya T.
 ³ Dhs. § 1073.
 ⁴ Dhs. § 1074.
 ⁵ Dhs. § 1095 and foll.
 ⁶ Dhs. § 1085, 1086.
 ⁷ vattam M.
 ⁸ apaccayā M.
 Dhs. § 1084.
 ⁹ Dhs. § 1095.

753. Kim pana manoviññānena kenaci viññeyyā kenaci na viññeyyā natthi ten'ettha dukā na vuttā ti? Na¹ natthi. Vavatthānābhāvato pana na vuttā. Na hi tathā cakkhuviññānena aviññeyyā evā ti vavatthānam atthi. Evam ca manoviññānenā pī ti vavatthānābhāvato ettha dukā na vuttā. Manoviññānena pana kenaci viññeyyā c'eva aviññeyyā cā ti ayam attho atthi. Tasmā so avutto pi yathā lābhavasena veditabbo.

Manoviññaṇan ti hi sankham gatehi kāmāvacaradhammehi kāmāvacaradhammā eva tāva kehici viññeyyā kehici aviññeyyā. Tehi yeva rūpāvacarādi dhammā pi kehici viññeyyā kehici aviññeyyā. Rūpāvacarehi pi kāmāvacarā kehici viññeyyā kehici aviññeyyā. Teh'eva rūpāvacarādayo pi kehici viññeyyā kehici aviññeyyā. Arūpāvacarehi pana kāmāvacarā rūpāvacarā apariyāpannā ca neva viññeyyā. Arūpāvacarā pana kehici viññeyyā kehici aviññeyyā te pi kecid eva viññeyyā keci aviññeyyā. Apariyāpannehi kāmāvacarādayo neva viññeyyā, apariyāpannā pana nibbānena aviññeyyattā kehici viñneyyā keci aviñneyyā te pi ca maggaphalānam aviñneyyattā kecid eva viñneyyā keci aviñneyyā ti.

754. Āsavaniddese ² pañcakāmaguņiko rāgo kāmās avo nāma. Rūpārūpabhavesu chandarāgo jhānanikan ti sassataditthisahajāto rāgo bhavavasena patthanā bhavās avo nāma. Dvāsatthi ditthiyo ditthās avo nāma. Atthasu thānesu aññāṇam avijjās avo nāma. Tattha tattha āgatesu pana āsavesu asammohatthā ³ ekavidhādibhedo veditabbo.

Atthato h'ete cira parivāsiyatthena āsavā ti evam ekavidhā va honti. Vinaye pana ditthadhammikānam āsavānam samvarāya samparāyikānam āsavānam patighātāyā ti duvidhena āgatā. Suttante saļāyatane tāva tayo me āvuso āsavā kāmāsavo bhavāsavo avijjāsavo ti tividhena āgatā.

Nibbedhikapariyāye6: atthi bhikkhave āsavā nirayagāmi-

no M. ² Dhs. § 1096. ³ asammohattham T. ⁴ Comp. Papañcasūdanī l. l. ⁵ Dhs. § 1097, 1098, 1100. ⁶ Comp. Anguttara IV, 186.

niyā, atthi āsavā tiracchānayonigāminiyā, atthi āsavā pettivisayagāminiyā, atthi āsavā manussalokagāminiyā, atthi āsavā devalokagāminiyā ti pañcavidhena āgatā. Chakkanipāte Āhuneyyasutte: Atthi bhikkhave āsavā samvarā pahātabbā, atthi āsavā paṭisevanā pahātabbā, atthi āsavā adhivāsanā pahātabbā, atthi āsavā parīvajjanā pahātabbā, atthi āsavā vinodanā pahātabbā, atthi āsavā bhāvanā pahātabbā ti chabbidhena āgatā.

Sabbāsavapariyaye dassanā pahātabbehi saddhim sattavidhena āgatā. Idha pan' ete kāmāsavādibhedato catubbidhena āgatā, tatrāyam vacanattho pañcakāmaguņasankhāte kāme āsavo kāmāsavo.

Rūpārūpasankhāte kammato ca uppattito ca duvidhe pi bhave āsavo bhavāsavo, diţţhi eva āsavo diţţhāsavo, avijjā va āsavo avijjāsavo.

755. Kāmesū² ti pañcasu kāmaguņesu kāmacchando ti kāmasankhāto chando na kattukamyatāchando na dhammachando. Kāmanavasena rajjanavasena ca kāmo yeva rāgo kāmarāgo, kāmanavasena nandanavasena ca kāmo va nandī ti kāmanandī, evam sabbattha kāmatṭham viditvā taṇhāyanaṭṭhena kāmataṇhā, sinehanaṭṭhena kāmasineho, paridahanaṭṭhena kāmapariļāho, mucchanaṭṭhena kāmamucchā, gilitvā pariniṭṭhāpanaṭṭhena kāmajjhosānam veditabbam. Ayam vuccatī ti aṭṭhahi padehi vibhatto kāmāsavo nāma vuccatī.

756. Bhavesu bhavacchando³ ti rūpārūpabhavesu bhavapatthanāvasena pavatto chando bhavacchando. Sesapadāni pi iminā va nayena veditabbāni.

757. Sassato loko ti vā+ ti ādīhi dasah'ākārehi5 ditthippabhedo va vutto. Tattha sassato loko ti ettha khandhapañcakam loko ti gahetvā ayam loko nicco dhuvo sabbakāliko ti gahetvā ayam loko nicco dhuvo sabbakāliko ti gaḥanakārapavattā ditthi.

¹ Comp. Majjhimanikāya I, p. 7—11. ² Dhs. § 1097.

³ Dhs. § 1098. ⁴ Dhs. § 1099. ⁵ das' ārahārehi M.

Asassato ti tam eva lokam ucchijjati vinassatī ti ganhantassa ucchedaganhanakārapavattā diţţhi.

Antavā ti parittakasiņalābhino suppamatte vā sarāvamatte vā kasiņe samāpannassa anto samāpattiyam pavattitarūpārūpadhamme loko ti ca kasiņaparicchedantena antavā ti ca² gaņhantassa antavā loko ti gahaņākārapavattā diţṭhi.

Sā sassatadiţţhi pi hoti ucchedadiţţhi pi. Vipulakasiņalābhino pana tasmim kasiņe samāpannassa anto samāpattiyam pavattitarūpārūpadhamme loko ti ca kasiņaparicchedantena³ ca ananto ti gaṇhantassa anantavā loko ti ca gahaṇākārapavattā diţţhi. Sā sassatadiţţhi pi hoti ucchedadiţţhi pi.

Tam jīvam tam sarīran ti bhedanadhammassa sarīrass' eva jīvan ti gahitattā sarīre ucchijjamāne jīvam pi ucchijjatī ti ucchedagahanākārapavattā diṭṭhi. Dutiyapadesasarīrato aññassa jīvassa gahitattā sarīre ucchijjamāne pi jīvam na ucchijjatī ti sassatagahanākārappavattā diṭṭhi. Hoti Tathāgato ādīsu pana satto Tathāgato nāma so param maraṇā hotī ti gaṇhato paṭhamā sassatadiṭṭhi, na hotī ti gaṇhato dutiyā ucchedadiṭṭhi, hoti ca na ca hotī ti gaṇhato tatiyā ekaccasassatadiṭṭhi, neva hotī na na hotī ti gaṇhato catutthā amarāvikkhepadiṭṭhi. Iṃe dhammā āsavā ti ime kāmāsavā ca bhavāsavā ca rāgavasena ekato katvā saṅkhepato tayo vitthārato cattāro dhammā āsavā nāma.

758. Yo pana brahmāṇam vimānakapparukkhaābharanesu chandarāgo uppajjati so kāmāsavo nāma hoti na hotī
ti? Na hoti. Kasmā? Pañca kāmaguṇikassa rāgassa idh'
eva pahīnattā hetu gocchakam pana patvā lobho hetu nāma
hoti, gandhagocchakam patvā abhijjhākāyagandho
nāma, kilesagocchakam patvā lobho kileso nāma hoti.
Diṭṭhisahajāto pana rāgo kāmāsavo hoti na hotī ti?
Diṭṭhirāgo nāma hoti. Vuttam h'etam: Diṭṭhirāgaratte
purisapuggale dinnam dānam na mahapphalam hoti na

¹ uppajjati T. ² om M. ³ oparicchedam tena ca T. ⁴ kāmāsavañ ca bhavāsavañ ca M.

mahānisamsam. Ime pana āsave kilesapatipātiyā pi āharitum vattati maggapatipātiyā pi. Kilesapatipātiyā kāmāsavo anāgāmimaggena pahīyati, bhavāsavo arahattamaggena, ditthāsavo sotāpattimaggena, avijjāsavo arahattamaggena, maggapatipātiyā sotāpattimaggena ditthāsavo pahīyati, anāgāmimaggena kāmāsavo, arahattamaggena bhavāsavo avijjāsavo cā ti.

Samyojanesu mānaniddese seyyo 'ham asmī ti māno ti uttamatthena aham seyyo ti evam uppannamāno. Sadiso 'ham asmī ti samasamatthena aham sadiso ti evam uppannamāno. Hīno 'ham asmī ti lāmakatthena aham hīno ti evam uppannamāno evam seyyamāno sadisamāno hīnamāno ti ime tayo mānā tiṇṇam janānam uppajjanti. Seyyassā pi hi aham seyyo sadiso hīno ti tayo mānā uppajjanti sadisassā pi hīnassā pi.

Tattha seyyassa seyyo māno va yathāvamāno, itare dve ayathāvamānā, sadisassa sadisamāno va, hīnassa hīnamāno va yathāvamāno, itare dve ayathāvamānā.

Iminā kim kathitam? Ekassa tayo mānā uppajjantī ti kathitam. Khuddakavatthuke pana pathamakamānabhājanīye eko māno tinnam janānam uppajjatī ti kathito.

Mānakaraņavasena va² māno maññanā maññitattan ti ākārabhāvaniddesā.

Ussitatthena un nati yass' uppajjati tam puggalam. Un nāmeti ukkhipitvā thapetī ti un namo, samussitatthena dhajo, ukkhipanatthena cittam sampagganhātī ti sampaggāho.

Ketu vuccati bahūsu dhajesu accuggatadhajo māno pi punappuna uppajjamāno aparāpare upādāya accuggatathena ketum viyāti ketuketum icchatī ti ketukamyatassa bhāvo ketukamyatā, sā pana cittassa na attano. Tena vuttam: Ketukamyatā cittassā ti. Mānasampayuttam hi cittam ketum icchati, tassa ca bhāvo ketusankhato māno ti.



¹ Dhs. § 1116. ² om. M. ³ Maggatitthena T. ⁴ parāpare M.

759. Issāniddese¹ yā paralābhasakkāragarukāramānanavandanapūjanāsu issā ti yā etesu paresu lābhādīsu kim iminā imesan ti parasampattikhiyyanalakkhanā issā. Tattha lābho ti cīvarādīnam catunnam paccayānam patilābho. Issukī hi puggalo parassa tam lābham khiyyati. 'Kim imassa iminā ti icchati' sakkāro² ti. Tesam yeva paccayānam sukatānam sundarānam patilābho garukāro ti garukiriyākaraņam. Mānanan ti manena piyakaraņam, vandanan ti pañcapatitthitena vandanam, pūjanā ti gandhamālādīhi pūjanā. Issākāraņāvasena issā, issākāro issāyanā, issāyitabhāvo issāyitattam, usuyyanādīni issādivevacanāni. Imissā pana issāyanakhiyyanalakkhanam āgārikena pi anāgārikena pi dīpetabbam. Agāriyo hi ekacco kasivanijjādīsu3 añnatarena ājīvena attano purisakāram nissāva bhaddakam yānam vā vāhanam vā labhati, aparo tassa alabhattiko tena labhena na tussati. 'Kada nu kho esa imissā sampattiyā parihāyitvā kapaņo hutvā carissatī' ti cintetvā yadā tam ekena kāranena tasmim tāya sampattiyā parihīno attamano hoti anāgāriyo pi eko issāmanako añnam attano sutapariyattiādīni nissāya uppannalābhādisampattim disvā 'kadā nu kho eso5 imehi lābhādīhi parihāyissatī' ti cintetvā yadā nam ekena kāraņena parihīnam passati tadā attamano hoti evam parasampattikhiyyanalakkhaṇā6 issā ti veditabbā.

760. Macchariyaniddese⁷ vatthuto macchariyadassanattham pañca macchariyāni āvāsamacchariyan ti ādi vuttam. Tattha āvāse macchariyam āvāsamacchariyam. Sesapadesu pi es' eva nayo.

Āvāsos nāma sakalārāmo pi pariveņam pi ekovarako pi rattitthānalenādīnis pi. Tesu vasantā sukham vasanti, paccaye labhanti, eko bhikkhu vattasampannass' eva pesalassa o bhikkhuno tattha āgamanam na icchati, āgato pi

¹ Dhs. § 1121. ² sakkārā M. ³ kathiṇavan° M. ⁴ alābhatthiko C. T. ⁵ eko T. ⁶ sampattikkhiyo M. ⁷ Dhs. § 1122. Comp. Puggalapaññatti II, 3. ⁸ āvāse M. ⁹ rattiṭṭhānadivāṭhānādīni M. rattilenādīni T. ¹⁰ pesakalassa M.

khippam gacchatū ti cinteti, idam āvāsamacchariyan nāma. Bhaṇḍanakārakādīnam pana tattha vāsam anicchato āvāsamacchariyam na hoti.

- 761. Kulan ti upatthākakulam pi ñātikulam pi. Tattha aññassa upasaṅkamanam anicchato kulamacchariyam hoti. Pāpapuggalassa pana upasaṅkamanam anicchato pi macchariyam nāma na hoti. So hi tesam pasādabhedāya paṭipajjati. Pasādam rakkhitum samatthass'eva pana bhikkhuno tattha upasaṅkamanam anicchato macchariyam nāma hoti.
- 762. Lābho4 ti catupaccayalābho va. Tam aññasmim sīlavante labhante yeva mā labhatū ti5 cintentassa lābhamacchariyam hoti. Yo ca pana saddhādeyyam6 vinipāteti aparibhogadupparibhogādivasena vināseti pūtibhāvam gacchantam pi aññassa na deti tam disvā sace imam esa na labheyya añño sīlavā labheyya paribhogam gaccheyyā ti cintentassa macchariyam nāma natthi.
- 763. Vanno nāma sarīravaņņo pi guņavaņņo pi. **Tattha** sarīravaņņamaccharī puggalo⁷ paro pāsādiko rūpavā ti vutte⁸ na kathetukāmo hoti guņavaņņamaccharī sīlena dhutangena paṭipadāya ācārena vaṇṇam na kathetukāmo hoti.
- 764. Dhammo ti pariyattidhammo ca pativedhadhammo ca. Tattha ariyasāvakā pativedhadhammam na maccharāyanti attanā patividdhadhamme sadevakassa lokassa pativedam icchanti, tam pana pativedham pare jānantū ti icchanti.

Tantidhamme yeva pana dhammamacchariyam nāma hoti, tena samannāgato puggalo yam gūļham gantham vā kathāmaggam vā jānāti tam aññam na jānāpetukāmo hoti. Yo pana puggalam upaparikkhitvā dhammānuggahena dhammam vā upaparikkhitvā puggalānuggahena na deti ayam dhammamaccharī nāma na hoti. Tattha ekacco puggalo lolo9 hoti, kālena samano hoti, kālena brāhmaņo,

upatthānak° T.
 aniccato M.
 pasādābhed° M.
 lobho M.
 labhantū ti M.
 saddāseyyam M.
 Comp. Dhammap. p. 395.
 kiriyavanne macchapuggalo M.
 vuttam M.
 lobho M.

kālena nigaņtho. Yo hi bhikkhu ayam puggalo paveņiāgatam tantim saņham sukhumam dhammantaram bhinditvā ālulissatī ti na deti ayam puggalam upaparikkhitvā dhammānuggahena na deti nāma. Yo pana ayam dhammo saņhasukhumo sacāyam puggalo gaņhissati aññam vyākaritvā attānam āvikatvā nassissatī ti na deti ayam dhammam upaparikkhitvā puggalānuggahena na deti nāma.

Yo pana sac'āyam imam dhammam ganhissati amhākam samayam bhinditum samattho bhavissatī ti na deti ayam dhammamaccharī yeva nāma.

765. Imesu pañcasu macchariyesu āvāsamacchariyena tāva yakkho vā peto vā hutvā tass' eva āvāsassa sankāram sīsena ukkhipitvā vicarati: Kulamacchariyena tasmim kule añnesam dānamānādīni karonte disvā 'bhinnam vat'idam kulam mamā' ti cintayato lohitam pi mukhato uggacchati kucchivirecanam pi hoti antāni pi khandākhandāni hutvā nikkhamanti. Labhamacchariyena samghassa va ganassa vā santake lābhe maccharāyitvā puggalikaparibhogam viya paribhunjitva yakkho va peto va maha ajagaro va hutvā nibbattati. Sarīravanņaguņavanņamaccharena pana pariyattidhammamacchariyena ca attano vannam vanno ti¹ paresam vanno kim vanno eso ti tam tam dosam vadanto pariyattim ca² kassaci kiñci adento3 dubbanno c'eva elamūgo ca hoti. Api ca āvāsamacchariyena lohagehe paccati, kulamacchariyena appalabho hoti, labhamacchariyena guthaniraye nibbattati, vannamacchariyena bhave nibbattassa vanno nāma na hoti, dhammamacchariyena kukkuļaniraye nibbattati. Maccharāyanakavasena4 maccheram. maccharāvanākāro maccharāvanās, maccharāvitassa6 maccherasamangino bhavo maccharayitattam.

766. 'Mayh'eva hontu⁷ mā aññassā ti' sabbā pi attano sampattiyo vyāpetum icchatī ti viviccho. Vivicchassa bhāvo veviccham. Mudumacchariyass'etam nāmam.

vanne ti T.
 pariyattidhammañ ca.
 adanto M.
 maccharanakaro maccharana M.
 maccherayitassa T.
 maccherena āhitassa M.
 hotu M.

767. Kadariyo vuccati anariyo, tassa bhāvo kadariyam, thaddhamacchariyass' etam nāmam. Tena hi samannāgato puggalo param pi paresam dadamānam nivāreti. Vuttam pi c'etam:

Kadariyo pāpasankappo micchāditthi anādaro Dadamānam nivāreti yācamānāna bhojanan ti.

768. Yācake disvā katukabhāvena cittam añcati sankocatī ti katukañcuko, tassa bhāvo katukañcukatā. Aparo nayo: katukañcukatā vuccati katacchugāho. Samatittikapunnāya hi ukkhaliyā bhattam ganhanto sabbato bhangena sankutitena aggakatacchunā ganhāti, pūretvā gahetum na sakkoti, evam macchariyapuggalassa cittam sankucati, tasmim sankucite kāyo pi tath' eva sankucati patikuṭati paṭivaṭṭati³ na sampasārīyatī ti maccheram kaṭukañcukatā⁴ ti vuttam.

769. Aggahitattam cittassā ti paresam upakārakaraņe dānādinā ākārena yathā na sampasārīyatī ti evam ācaritvā⁵ gahitabhāvo cittassa. Yasmā pana macchariyapuggalo attano santakam aparesam adātukāmo⁶ hoti parasantakam gaņhitukāmo⁷ tasmā idam macchariyam. 'Mayh' eva hotu mā aññassā ti' pavattivasen'assa sampattīnam⁸ niguhaņalakkhaņatā attasampattīgahaņalakkhaņatā vā⁹ veditabbā. Sesam imasmim gocchake uttānattham eva.

770. Imāni pana samyojanāni kilesapatipātiyā āharitum vattanti o maggapatipātiyā pi. Kilesapatipātiyā kāmarāgapatighasamyojanāni anāgāmimaggena pahīyanti, mānasamyojanam arahattamaggena, ditthivicikicchā-sīlabbataparāmāsā o sotāpattimaggena, bhavarāgasamyojanam arahattamaggena, issāmacchariyāni sotāpattimaggena, avijjā arahattamaggena. Maggapatipātiyā ditthivicikicchā-sīlabbataparāmāsa-issā-macchariyāni sotāpattimaggena pahīyanti,

Comp. Morris J. P. T. S. 1887 p. 159 foll.
 bhāvena M. ³ paṭinivattati M. ⁴ kucchukatā M. ⁵ āvaritvā M. ⁶ paresam addhātukāmo M. ⁷ parasantarāgaņitukāmo M. ⁸ assa attasamp^o T. ⁹ parasampattilakkhaņatā vā M. ¹⁰ vaṭṭati M. ¹¹ omāso M.

kāmarāgapatighā anāgāmimaggena, mānabhavarāga-avijjā arahattamaggenā ti.

771. Ganthagocchake¹ nāma kāyam gantheti, cutipaţisandhivasena vaṭṭasmim ghaṭetī ti kāyagantho. Sabbaññūbhāsitam pi paṭikkhipitvā sassato loko idam eva saccam mogham aññan ti iminā ākārena abhinivisatī ti idam saccābhiniveso². Yasmā pana abhijjhā kāmarāgānam viseso atthi tasmā abhijjhākāyaganthassa padabhājane yo kāmesu kāmacchando ti kāmarāgo ti avatvā yo rāgo sārāgo ti ādi vuttam. Iminā yam heṭṭhā vuttam brahmānam³ vimānādīsu chandarāgo kāmāsavo nāma na hoti ganthagocchakam patvā abhijjhākāyagantho hotī ti tam suvuttan ti veditabbam. Parato kilesagocchake pi es' eva nayo.

Thapetvā sīlabbataparāmāsan ti idam yasmā sīlabbataparāmāso idam eva saccan ti ādinā ākārena nābhinivisati sīlena suddhī ti ādinā eva pana abhinivisati tasmā micchāditthibhūtam pi paṭikkhipanto thapetvā ti āha.

772. Nīvaraņagocchakassa thīnamiddhaniddese cittassa akalyatā ti cittassa gilānabhāvo. Gilāno hi akallako ti vuccati. Vinaye pi vuttam: Nāham bhante akallako ti .

Akammaññatā ti cittagelaññasankhāto akammaññatākāro. Olīyanā ti olīyanākāro. Iriyāpathikacittam hi iriyāpatham sandhāretum asakkontam rukkhe vaggulī viya khīle lagitaphānitavārako⁷ viya olīyati. Tassa tam ākāram sandhāya olīyanā ti vuttam. Dutiyapadam upasaggena vaddhitam. Līnan ti avipphārikatāya patikuṭitam, itare dve ākārabhāvaniddesā.

Thīnan ti sappipindo viya avipphārikatāya⁸ ghanabhāvena thitam. Thīyanā ti ākāraniddeso thīyanabhāvo⁹. Thīyitattam avipphāravasen' eva thaddhatā ti attho.

² Dhs. § 1135 and foll. ² Dhs. § 1139. ³ brahmūnam T. ⁴ Dhs. § 1156. ⁵ nāyam M. ⁶ Suttavibhaṅga I, p. 62. ⁷ laggita° M. ⁸ °vippari° M. ⁹ thīyitabhāvo T. M.

773. Kāyassā tiz khandhattayasankhātassa nāma kāyassa. Akalyatāz akammaññatā ti hetthāvuttanayam eva. Megho viya ākāsam kāyam onayhatī ti onāho, sabbatobhāgena onāho pariyonāho, abbhantare samorundhatī ti antosamorodho. Yathā hi nagare rundhitvā gahite manussā bahi nikkhamitum na labhanti evam pi middhena samoruddhā dhammā vipphāravasena nikkhamitum na labhanti tasmā antosamorodho ti vuttam.

Medhatī ti⁴ middham, akammaññābhāvena vihimsatī ti attho. Supanti tenā ti soppam, akkhidalādīnam pacalabhāvam karotī ti pacalāyikā. Supanā supitattan ti ākārabhāvaniddesā ⁵. Yam pana tesam purato soppam padam tassa puna vacanena kāraṇam vuttam eva.

Idam vuccati thīnamiddhanīvaraṇan ti. Idam thīnamid ca middhanī ca ekato katvā āvaraṇaṭṭhena thīnamiddhanīvaraṇan ti vuccati. Yam yebhuyyena sekhaputhujjanānam niddāya pubbabhāgaaparabhāgesu uppajjati arahattamaggena samucchijjati. Khīṇāsavānam pana karajakāyassa dubbalabhāvena bhavangotaraṇam hoti, tasmim asammisse vattamāne tesu pattiyā tesam niddā nāma hoti.

774. Ten' āha Bhagavā: 'Abhijānāmi kho panāham Aggivessana gimhānam pacchime māse catugguņam samghātim paññāpetvā dakkhiņena passena sato sampajāno niddam okkamitā ti'. Evarūpo panāyam karajakāyassa dubbalabhāvo na maggavajjho upādiņņake pi anupādiņņake pi labbhati, upādiņņake labbhamāno yadā khīņāsavo dīghamaggam gato hoti aññataram vā pana kammam katvā kilanto evarūpe kāle labbhati, anupādiņņake labbhamāno paṇṇapupphesu labbhatī ti. Ekaccānam hi rukkhānam paṇṇāni suriyātapena pasāriyanti rattim patikuṭanti, padumapupphādīni suriyātapena pupphanti rattim puna pati-

Dhs. § 1157.
 akallatā T. M.
 honti M.
 Metī ti M.
 oniddeso M.
 sakkhaputho M.
 vattamāno M.
 tesu panti sā nesam M.
 okkamantā (?) T.
 Comp. Majjhimanikāya I, 249.

kuṭanti, idam pana middham akusalattā khīṇāsavānam na hotī ti.

Tattha siyā na middham akusalam, kasmā rūpattā? Rūpam hi avyākatam idan ca rūpam. Ten' en ettha kā-yassa akalyatā akammannatā ti kāyagahanam katan ti. Yadi kāyassā ti vuttamatten' etam rūpam kāyapassaddhādayo pi dhammā rūpam eva bhaveyyum.

775. Sukhañ ca kāyena paṭisaṃvedeti kāyena ca paramatthasaccaṃ⁴ sacchikarotī ti. Sukhapaṭisaṃvedanaparamatthasaccasacchikaraṇāni⁵ pi rūpakāyena siyuṃ, tasmā na vattabbaṃ: etaṃ rūpaṃ middhan ti. Nāmakāyo hi ettha kāyo nāma. Yadi nāmakāyo atha 'kasmā soppaṃ pacalāyikā ti' vuttaṃ. Na hi nāmakāyo supati na pacalāyatī ti. Liṅgādīni viya indriyassa tassa phalattā. Yathā hi itthiliṅgaṃ itthinimittaṃ itthikuttaṃ itthākappo ti imāni liṅgādīni itthindriyassa phalattā vuttāni. Evam imassā pi nāmakāyagelaññasaṅkhātassa middhassa phalattā soppādīni vuttāni. Middhe hi sati tāni hontī ti phalūpacārena middhaṃ arūpam pi samānaṃ soppaṃ pacalāyikā supanā supitattan ti vuttaṃ. Akkhidalādīnaṃ pacalabhāvaṃ karotī ti pacalāyikā ti vacanatthenā pi cāyaṃ attho sādhito yeva ti na rūpaṃ middhaṃ.

776. Onāhādīhi pi c'assa arūpabhāvo dīpito yeva. Na hi rūpam nāmakāyassa onāho pariyonāho antosamorodho hotī ti. Nanu ca iminā va kāraņen' etam rūpam. Na hi arūpam kassaci onāho na pariyonāho na antasamorodho hotī ti. Yadi evam āvaraņam pi na bhaveyya tasmā yathā kāmacchandādayo arūpadhammā āvaraṇaṭṭhena nīvaraṇā evam imassā pi onāhanādi-atthena onāhanāditā veditabbā6.

777. Api ca pañca nīvaraņe pahāya cetaso upakkilese⁷ paññāya dubbalīkaraņe⁸ ti vacanato p'etam arūpam⁹. Na

¹ akallatā M. ² gatan M. ³ vuttametten' M. ⁵ paramattasaccam T. ⁵ °paramattasacc° T. ⁶ onahanā ti di atthena onādi na ved° T. ⁷ upakkileso T. ⁸ dubbalīkarati T. ⁹ Comp. Mahāparinibbānas. p. 11.

hi rūpam cittūpakkileso na paññāya dubbalīkaraṇam hotī ti. Kasmā na hoti? Nanu vuttam: santi bhikkhave eke samaṇabrāhmaṇā suram pivanti merayam pivanti surāmerayapāṇā appaṭiviratā. Ayam bhikkhave paṭhamo samaṇabrāhmaṇānam upakkileso ti. Aparam pi vuttam: cha kho me gahapatiputta ādīnavā surāmerayamajjapamādaṭṭhānānuyoge sandiṭṭhikā dhanañjāni², kalahappavaḍḍhani, rogānam āyatanam, akittisañjananī³, kopīnam nidamsanī, paññāya dubbalīkaraṇī tveva chaṭṭham padam bhavatī ti. Paccakkhato pi c'etam siddham eva. Yathā majje udaragate cittam saṅkilissati paññā dubbalā hoti tasmā majjam viya middham pi cittasaṅkileso ca paññādubbalīkaraṇañ ca siyā tinapaccayaniddesato⁴. Yadi hi majjam saṅkileso bhaveyya so ime pañca nīvaraṇe pahāya cetaso upakkileso ti vā.

778. Evam eva kho bhikkhave pañc'ime cittassa upakkilesā yehi upakkiliṭṭham cittam na c'eva mudum bhoti na ca kammaniyam na ca pabhassaram pabhangu ca na sammāsamādhīyati āsavānam khayāya. Katame pañca? Kāmacchando bhikkhave cittassa upakkileso ti vā. Katame ca bhikkhave cittassa upakkilesā? Abhijjhā visamalobho cittassa upakkileso ti vā evam ādisu upakkilesaniddesesu niddesam āgaccheyya.

779. Yasmā pana tasmim pi te kilesā⁸ uppajjanti ye cittasankilesā c'eva pañnāya ca dubbalīkaraṇā honti tasmā⁹ tesam paccayattā paccayaniddesato evam vuttam. Middham pana sayam eva cittasankileso c'eva pañnādubbalīkaraṇañ ¹⁰ cā ti arūpam eva middham. Kiñ ca bhiyyo sampayogavacanato thīnamiddhanīvaraṇam? Avijjānīvaraṇena nīvaraṇañ c'eva nīvaraṇasampayuttañ cā ti vuttam. Tasmā sampayogavacanato na-y-idam rūpam. Na hi rūpam ¹¹ sampayuttasankham labhatī ti. Athā pi siyā yathā-

¹ Anguttara IV, 50. ² dhanajānī T. ³ akkhitti^o M. ⁴ tinapaccayaniddesadesato T. ⁵ mudu M. ⁶ om. M. ⁷ upakkilesaniddesesam M. ⁸ upakkilesā M. ⁹ M. inserts c'etam. ¹⁰ paññāyadub^o M. ¹¹ nābhirūpam T.

lābhavasen'etam vuttam yathā pi sippikasambukam pi sakkharakathalam pi macchagumbam² pi carantam pi titthantam pī ti³ yathālābhavasena vuttam. Sakkharakathalam hi titthati yeva, na carati, itaradvayam titthati pi carati pi. Evam idhā pi middham nīvaraṇam eva na sampayuttam, thīnam nīvaraṇam pi sampayuttam pī ti sabbam ekato katvā yathālābhavasena nīvaraṇañ c'eva nīvaraṇasampayuttañ cā ti vuttam.

Middham pana yathā sakkharakathalam titthat' eva na carati. Evam nīvaraṇam eva na sampayuttam. Tasmā rūpam eva middhan ti na rūpabhāvasiddhito. Sakkharakathalam hi na caratī ti vinā pi suttena siddham tattha yathālābhavasen'attho hotu. Middham pana rūpan ti asiddham etam. Na sakkā tassa iminā suttena rūpabhāvo sādhetun ti. Middhassa rūpabhāvā siddhito na-yidam yathālābhavasena vuttan ti arūpam eva middham.

780. Kiñ ca bhiyyo cattattā ti ādi vacanato? Vibhangasmim hi vigatathīnamiddho ti. Tassa thīnamiddhassa cattattā vantattā muttattā pahīnattā patinissatthattā tena vuccati vigatathīnamiddho ti. Idam cittam imamhā pi thīnamiddhā sodheti visodheti parisodheti moceti vimoceti parimoceti tena vuccati vigatathīnamiddho ti. Cīttam parisodheti cā ti evam vantattā ti ādi vuttam b. Na ca rūpam evam vuccati, tasmā pi arūpam eva middhan ti. Na cittajass' asambhavavacanato. Tividham hi middham cittajam utujam āhārajam ca. Tasmā yam tattha cittajam tassa vibhange jhānacittehi asambhavo vutto. Na arūpabhāvo sādhito ti rūpam eva middhan ti. Na rūpabhāvā siddhito va. Middhassa hi rūpabhāve siddhe sakkā etam laddhum. Tattha cittajass' asambhavo vutto. So eva na sijjhatī ti arūpam eva middham ki. Kiñ ca bhiyyo pahānavacanato. Bhagavatā hi: cha bhikkhave dhamme pahāya bhabbo saksa sa ti pabhāva sa bhabbo sa bhabbo sa ti cha bhikkhave dhamme pahāya bhabbo sa ti sa ti sa ti cha bhikkhave dhamme pahāya bhabbo sa ti ca ti va ti sa ti

r hi M. ² Comp. Majjhimanikāya I, 279. ³ M. inserts evam ekato katvā. ⁴ siddhā M. ⁵ parihīnattā T.
 ⁶ vigatathinamiddho ti cā ti evam cattattā ti ādi vuttam M.

Comp. Visuddhimagga in J. P. T. S. p. 148.
 dham T. 9 sabbo M.

pathamajjhānam upasampajja viharitum. Katame cha? Kā-macchandam vyāpādam thīnamiddham uddhaccakukkuccam vicikiccham.

781. Kāmesu kho pan' assa ādīnavo sammappaññāya sudițțho hotî ti ime panca nivarane pahāya balavatiyā panñāya attattham vā ñassatī ti ādīsu ca. Middhassā pi pahānam vuttam na ca rūpam pahātabbam. Yath'āha: rūpakkhandho abhinneyyo parinneyyo na pahātabbo na bhāvetabbo ti2. Imassa pahānavacanato pi arūpam eva middham na rūpassā pi. Pahānavacanato rūpam bhikkhave na tumhākam, tam pajahathā ti. Ettha hi rūpassā pi pahānam vuttam eva, tasmā akāranam etan ti na añnathā vuttattā. Tasmim hi sutte: vo bhikkhave rūpe chandarāgavinayo3 tam tattha pahānan ti evam chandarāgapahānavasena rūpappahānam vuttam. Tam yathā cha dhamme appahāya pañca nīvaraņe pahāyā ti evam pahātabbam eva vuttan ti añnathavuttatta na rupam middham. Tasma yān'etāni: 'so ime pañca nīvaraņe pahāya cetaso upakkilese ti' ādīni suttāni vuttāni etehi c'eva annehi ca suttehi arūpam eva middhan ti veditabbam.

782. Tathā hi pañc' ime bhikkhave āvaraņā nīvaraņā

ñāṇakaraṇaṃ paññānirodhikaṃ vighātapakkhikaṃ anibbānasamvattanikan ti ca.

рe

¹ Comp. Visuddhimagga ed. by Lakmini Pahana p. 516.

² M. adds na sacchikātabbo M. ³ chandarāgam vino T.

⁴ ajjhāruļhā M. 5 ajjhoruļham M. 6 ajjhakaraņam T.

anuppannañ c'eva thīnamiddham uppajjatī ti ca. Kevalo h'ayam bhikkhave akusalarāsi yad idam pañca nīvaraṇāni ca evamādīni anekān'etassa arūpabhāvajotakān'eva suttāni vuttāni. Yasmā c'etam arūpam tasmā āruppe¹ pi uppajjati. Vuttam h'etam Mahāpakaraṇapaṭṭhāne: Nīvaraṇam dhammam paṭicca nīvaraṇo dhammo uppajjati na purejātapaccayā ti. Etassa Vibhaṅge āruppe² kāmacchandanīvaraṇam paṭicca thīnamiddha-uddhacca-avijjānīvaraṇan ti sabbam vitthāretabbam. Tasmā sanniṭṭhānam ettha gantabbam arūpam eva middhan ti.

784. Kukkuccaniddese³ akappiye kappiyasaññitā ti ādīni mūlato kukkuccadassanattham vuttāni. Evam sañnitāya hi kate vītikkame nitthite vatthujjhācāre puna sañjātasatino sutthu⁴ mayā katan ti evam anutappamānassa pacchānutāpavasena tam uppajjati. Tena tam mūlato dassetum akappiye kappiyasaññitā ti ādi vuttam. Tattha akappiyabhojanam kappiyasaññī hutvā paribhuñjati, akappiyamamsam kappiyasaññī hutvā acchamamsam sūkaramamsan dīpimamsam migamamsan ti khādati, kāle vītivatte kālasaññāya pavāretvā appavāritasaññāya pattasmim raje patite paṭiggahītakasaññāya paribhuñjati evam akappiye kappiyasaññāya vītikkamam karoti nāma. Sūkaramamsam pana acchamamsam saññāya khādamāno kāle ca vikāle saññāya⁵ paribhuñjamāno kappiye akappiyasañnitāya vītikkamam karoti nāma.

785. Anavajjam pana kiñcid eva vajjasaññitāya vajjañ ca anavajjasaññitāya karonto anavajje vajjasaññāya vajje ca anavajjasaññāya vītikkamam karoti nāma. Yasmā pan' etam 'akatam vata me kalyāṇam, akatam kusalam, akatam bhīruttāṇam, katam pāpam, katam luddam, katam kibbisan ti' evam anavajje anavajjasaññitāya pi kate vītikkame uppajjati, tasmā'ssa6 aññam pi vatthum anujānanto yam evarūpan ti ādim āha.

r aruppe T. 2 aruppe T. 3 Dhs. § 1160. 4 °satino pi duṭṭhu M. 5 vikālasaññāya T. 6 tasmā tassa M. 7 yam rūpan M.

786. Tattha kukkuccapadam vuttattham eva. Kukkuccāyanākāro kukkuccāyanā, kukkuccena asitassa bhāvo kukkuccāyitattam. Cetaso vippaţisāro ti ettha katākatassa sāvajjānavajjassa vā abhimukhagamanam² vippaţisāro nāma. Yasmā pana so katam vā pāpam akatam na karoti akatam va kalyāṇam katam na karoti tasmā³ virūpo kucchito vā paţisāro ti vippaţisāro. So pana cetaso na sattassā ti ñāpanattham cetaso vippaţisāro ti vuttam. Ayam assa sabhāvaniddeso.

787. Uppajjamānam pana kukkuccam āraggam iva kamsapattam manam vilikhamānam eva uppajjati. Tasmā manovilekho ti vuttam, ayam assa kiccaniddeso. Yam pana Vinaye 'atha kho āyasmā Sāriputto Bhagavatā patikkhittam anuvasitvā āvasathapiņdam paribhuñjitum ti kukkuccāyanto na patiggahesī ti' kukkuccam āgatam, na tam nīvaraņam. Na hi arahato 'dutthu mayā idam katan ti' evam anutāpo atthi. Nīvaraṇapatirūpakam pan' etam 'kappati na kappatī ti' vīmamsanasankhātam Vinayakukkuccam nāma.

788. Katame dhammā nīvaraņā c'eva nīvaraṇasam-payuttā cā ti padassa niddese 4 yasmā thīnamiddham aññamaññam na vijahati tasmā thīnamiddhanīvaraṇam avijjānivaraṇena nīvaraṇam eva nīvaraṇasampayuttam cā ti abhinditvā vuttam. Yasmā pana uddhacce sati pi kukkuccassa abhāvā 5 kukkuccena vinā pi uddhaccam uppajjati tasmā tam bhinditvā vuttam. Yañ ca yena sampayogam na gacchati tam na yojitan ti veditabbam, Ime pana nīvaraṇe kilesapaṭipāṭiyā pi āharitum vaṭṭati maggapaṭipāṭiyā pi. Kilesapaṭipāṭiyā kāmacchandavyāpādā anāgāmimaggena pahīyanti, thīnamiddhuddhaccāni arahattamaggena, kukkuccavicikicchā sotāpattimaggena, avijjā arahattamaggena, maggapaṭipāṭiyā sotāpattimaggena kukkuccavicikicchā pahīyanti, anāgāmimaggena kāmacchandavyāpādā, arahattamaggena thīnamiddhuddhaccāvijjā ti.

² ayitassa T. ² sāvajjanavajjassa abh⁰ M. ³ yasmā M. ⁴ Dhs. § 1152. ⁵ ābhāvā C.

Parāmāsagocchake te dhamme thapetvā ti pucchābhāgena bahuvacanam katam.

789. Upādānaniddese² ca vatthusankhātam kāmam upādīyatī ti kāmūpādānam. Kāmo ca so upādānan cā ti pi kāmūpādānam. Upādānan ti daļhagahanam, daļhattho hi ettha upasaddo upāyāsa-upakkutthādīsu viya.

Tathā ditthi ca sā upādānañ cā ti ditthūpādānam? Ditthim upādīyatī ti ditthūpādānam. 'Sassato attā ca loko cā ti' ādīsu! hi purimaditthi uttaraditthi upādīyati.

Tathā sīlabbatam upādīyatī ti sīlabbatūpādānam. Sīlabbatan ca tam upādānan cā ti sīlabbatūpādānam. Gosīla-govatādīni is hi evam suddhī ti abhinivesato sayam eva upādānāni.

Tathā vadanti etenā ti vādo, upādīyanti etenā ti upādānam. Kim vadanti upādīyanti vā attānam? Attano vādūpādānam attavādūpādānam. Attavādamattam eva vā attā ti upādīyanti etenā ti attavādūpādānam.

Yo kāmesu kāmacchando ti etthā pi vatthukāmā va anavasesato kāmā ti adhippetā. Tasmā vatthukāmesu kāmacchando idha kāmūpādānan ti anāgāmino pi tam siddham hoti. Pancakāmagunavatthuko pan'assa kāmarāgo va natthī ti.

790. Diţţhūpādānaniddese natthi diņņan ti diņņam nāma natthi, kassaci kiñci dātum sakkā ti jānāti. Diņņassa pana phalavipāko natthī ti gaņhāti.

Natthi yitthan ti yittham vuccati mahāyāgo. Tam yajitum sakkā ti jānāti. Yitthassa pana phalavipāko natthī ti gaṇhāti.

Hutan ti āhunapāhunamangalakiriyā. Tam kātum sakkā ti jānāti, tassa pana phalavipāko natthī ti ganhāti.

Sukatadukkatanan ti ettha dasa kusalakammapatha sukatakammani nama, dasa akusalakammapatha dukkata-

pucchāya bhāgena T. ² Dhs. § 1213—1217. ³ Dhs. § 1215. ⁴ Dhs. § 1099, 1117, 1175. ⁵ Dhs. § 1005.
 Dhs. § 1214. ⁷ saddham M. ⁸ pan'atthī ti M.
 • Dhs. § 1215.

kammāni nāma, tesam atthibhāvam jānāti, phalavipākam pana natthī ti gaņhāti.

Natthi ayam loko ti paraloke thito imam lokam natthī ti ganhāti, natthi paraloko ti idha loke thito paralokam natthī ti ganhāti, natthi mātā natthi pitā ti mātāpitunnam atthibhāvam jānāti. Tesu katapaccayena koci phalavipāko natthī ti ganhāti.

Natthi sattā opapātikā ti cavanaka-uppajjanakā sattā natthī ti gaņhāti, sammaggatā sammāpatipannā ti anulomapatipadam patipannā dhammikasamanabrāhmanā lokasmim natthī ti gaņhāti.

pavedentī ti imañ ca lokam parañ ca lokam attanā vā abhivisiṭṭhena ñāṇena ñatvā pavedanasamattho sabbaññū Buddho nāma natthī ti gaṇhāti. Imāni pana upādānāni kilesapaṭipāṭiyā pi āharitum vaṭṭati maggapaṭipāṭiyā pi. Kilesapaṭipāṭiyā kāmūpādānam catūhi maggehi pahīyati sesāni tīni sotāpatttimaggena. Maggapaṭipāṭiyā sotāpattimaggena diṭṭhūpādānādīni pahīyanti catūhi maggehi kāmūpādānan ti.

791. Kilesagocchake kilesā eva kilesavatthūni. Vasanti vā ettha akhīņāsavā sattā lobhādīsu patiţthitattā ti kilesā ca te tappatiţthitānam sattānam vatthūni cā ti kilesavatthūni. Yasmā c'ettha anantarapaccayādibhāvena uppajjamānā kilesā pi vasanti eva nāma tasmā kilesānam vatthūni pī ti kilesavatthūni.

Tattha katamo lobho? Yo rāgo sārāgo ti ayam pana lobho ti hetugocchake² ganthagocchake³ imasmim kilesagocchake⁴ ti tīsu thānesu atirekapadasatena niddittho⁵. Āsavasamyojanaoghayoganīvaraṇa-upādānagocchakesu atthahi atthahi padehi niddittho svāyam atirekapadasatena nidditthatthāne pi atthahi atthahi padehi nidditthatthāne pi nippadesato va gahito ti veditabbo.

F Dhs. § 1229.

² Dhs. § 1059.

³ Dhs. § 1136.

⁴ Dhs. § 1230.

⁵ nittho M.

Tesu hetu ganthanīvaraṇaupādānakilesagocchakesu catumaggavajjhā taṇhā eken' eva koṭṭhāsena ṭhitā. Āsavasaṃyojanaoghayogesu¹ catumaggavajjhā pi dve koṭṭhāsā hutvā ṭhitā. Kathaṃ? Āsavesu² kāmāsavo bhavāsavo hoti. Saṃyojanesu³ kāmarāgasaṃyojanaṃ bhavarāgasaṃyojanan ti. Oghesu⁴ kāmogho bhavogho ti, yogesu kāmayogo bhavayogo ti. Imāni pana kilesavatthūni kilesapaṭipaṭiyā pi āharituṃ vaṭṭati⁵ maggapaṭipāṭiyā pi. Kilesapaṭipāṭiyā lobho catūhi maggehi pahīyati, doso anāgāmimaggena, mohamānā arahattamaggena, diṭṭhivicikicchā sotāpattimaggena, thīnādīni arahattamaggena. Maggapaṭipāṭiyā sotāpattimaggena diṭṭhivicikicchā pahīyanti, anāgāmimaggena doso, arahattamaggena sesā sattā ti.

792. Kāmāvacaraniddese 6 hetthato ti hetthābhāgena. Avīcinirayan ti aggijālānam vā sattānam vā dukkhavedanāva vā vīci-antaram chiddam ettha natthī ti avīci. Sukhasankhāto ayo ettha natthī ti nirayo. Nirati-atthena pi niravo. Pariyantam karitvā ti tam avīcisankhātam nirayam antam katvā. Uparito ti uparibhāgena. Paranimmitavasavattideve ti paranimmitesu kāmesu vasam vattanato evam laddhavohāre deve. Anto karitya ti anto pakkhipitvā. Yam etasmim antare ti ye etasmim Etthāvacarā ti iminā yasmā etasmim antare aññe pi caranti kadāci katthaci ca sambhavato tasmā tesam asanganhanattham etth' avacara ti vuttam. Tena ye etasmim antare ogālhā hutvā caranti sabbattha sadā va sambhavato⁷ adhobhāge caranti Avīcinirayassa hetthābhūtūpādāya pavattibhāvena tesam sangaho kato hoti. Te hi avagālhā 'vacaranti adhobhāge 'vacarantī ti avacarā. Ettha pariyāpaņņā8 ti. Iminā pana yasmā ete etthāvacarā añnatthā pi avacaranti na pana tattha pariyāpannā honti tasmā tesam añnatthā pi avacarantānam pariggaho kato hoti. Idāni te ettha pariyāpannā dhamme

attha saddāsambho M. 8 paripaņņā M.

 ¹ āsavam yajana° M.
 ² Dhs. § 1096.
 ³ Dhs. § 1113.
 ⁴ Dhs. § 1151.
 ⁵ vatṭanti M.
 ⁶ Dhs. § 1280.
 ⁷ sabba

rāsīsuñnatāpaccayabhāvato ra dassento khandhā ti ādim āha.

793. Rūpāvacaraniddese ² Brahmalokan ti pathamajjhānabhūmisankhātam brahmatthānam. Sesam ettha kāmāvacaraniddese vuttanayen'eva natvā samāpannassā ti ādīsu pathamapadena kusalajjhānam vuttam, dutiyena vipākajjhānam, tatiyena kiriyajjhānam vuttan ti veditabbam.

794. Arūpāvacaraniddese 3 ākā sānañ cāyatan ūpage ti ākāsānañ cāyatanasankhātam bhavam upagate. Dutiyapade pi es' eva nayo. Sesam heṭṭhā vuttanayen'eva veditabbam.

795. Saranadukaniddese yvāyam tīsu akusalamūlesu moho so lobhasampayutto ca lobhena sarano dosasampayutto ca dosena sarano. Vicikicchuddhaccasampayutto pana moho diṭṭhisampayuttena c'eva rūparāga-arūparāgasankhātena ca rāgaranena pahānekaṭṭhabhāvato sarano sarajo ti veditabbo.

796. Suttantikadukamātikākathāyam atthato vivecitattā yāni ca tesam niddesapadāni tesam pi hetthā vuttanayen' eva suviñneyyattā yebhuyyena uttānatthā eva.

797. Idam pan' ettha sesamattam. Vijjūpamadukes tāva cakkhumā ti kira purisos meghandhakāre maggam paţipajji, tassa andhakāratāya maggo na paññāyi, vijju niccharitvā andhakāram viddhamsesi, ath' assa andhakāravigamā maggo pākato ahosi, so dutiyam pi gamanam abhinīhari, dutiyam pi andhakāro otthari, vijju niccharitvā tam viddhamsesi, vigate andhakāre maggo pākato ahosī ti, tatiyam pi gamanam abhinīhari, andhakāro otthari, maggo na paññāyi, vijju niccharitvā andhakāram viddhamsesi, tattha cakkhumato purisassa andhakāram viddhamsesi, tattha cakkhumato purisassa andhakāre maggapatipajjanam viya ariyasāvakassa sotāpattimaggatthāya vipassanārambho, andhakāre maggassa apaññāyanakālo viya saccacchādakatamam, vijjuyā niccharitvā andhakārassa viddhamsitakālo viya sotāpattimaggobhāsena uppajjitvā saccacchādakatamassa vinoditakālo, vigate andhakāre maggassa pākaṭakālo



suññātā° T.
 Dhs. § 1282.
 Dhs. § 1284.
 Dhs. § 1294.
 vijjāpama° M.
 cakkhumāyirikapuriso M.

viya sotāpattimaggassa catunnam saccānam pākatakālo, maggassa pākatam pana maggasamangipuggalassa pākatam eva. Dutiyagamanābhinīhāro viya sakadāgāmimaggatthāya vipassanārambho, andhakāre maggassa apaññāyanakālo viya saccacchādakatamam, dutiyam vijjuyā niccharitvā andhakāram viddhamsitakālo viva sakadāgāmimaggobhāsena uppajjitvā saccacchādakatamassa vinoditakālo, vigate andhakāre maggassa pākatakālo viya sakadāgāmimaggassa catunnam saccānam pākatakālo, maggassa pākatam pana maggasamangipuggalassa pākatam eva. Tatiyagamanābhinīhāro viya anāgāmimaggatthāya vipassanārambho, andhakāramaggassa apañnāyanakālo viya saccacchādakatamam, tatiyam vijjuyā niccharitvā andhakārassa viddhamsitakālo viya anāgāmimaggobhāsena uppajjitvā saccacchādakatamassa vinoditakālo, vigate andhakāre maggassa pākatakālo viya anāgāmimaggassa catunnam saccānam pākaṭakālo, maggassa pākaṭam pana maggasamaṅgipuggalassa pākatam eva.

798, Vajirassa pana pāsāņo vā maņi va abhejjo nāma natth. Yattha patati tam vinividdham eva hoti. Vajiram khepentam asesetvā khepeti, vajirena gatamaggo nāma puna pākaṭiko² na hoti. Evam eva arahattamaggassa avajjhakileso³ nāma natthi, sabbakilese vinivijjhati vajiram viya. Arahattamaggo pi kilese khepento asesetvā khepeti. Vajirena gatamaggassa pana pākatikattābhāvo viya. Arahattamaggena pahīnakilesānam puna paccudāvattanam nāma natthī ti.

799. Bāladukaniddese bālesu ahirikānottappāni pākatāni mūlāni ca sesānam bāladhammānam.

Ahiriko ca anottāpī ca na kiñci akusalam na karoti nāmā ti. Etāni dve paṭhamam yeva visum vuttāni.

Sukkapakkhe pi ayam eva nayo.

800. Tathā kanhadukes tapanīyadukaniddese6 katattā ca akatattā ca tapanam veditabbam.

maggasamangino p° M.
 pākatikā M.
 avijjha° M.
 Dhs. § 1300.
 Dhs. § 1302.
 Dhs. § 1304—5.

Kāyaduccaritādīni hi katattā tapanti, kāyasucaritādīni akatattā. Tathā hi puggalo 'katam me kāyaduccaritan ti' tappati 'akatam me kāyasucaritan ti' tappati, 'katam me vacīduccaritan ti' tappati
Kalyāṇakarī hi puggalo 'katam me kāyasucaritan ti' na tappati, 'akatam me kāyaduccaritan ti' na tappati, 'katam me vacīsucaritan ti na tappati

tapati T. 2 attappaniye M. 3 D bhāvo ti M. 5 Tatto ti M. 6 p ti M. 7 ākārohi M. 8 0

⁸ okappikesu M.

³ Dhs. § 1306. • bhāvo ⁶ pitham bhisippohanan

Dhammakathiko pamsukuliko Vinayadharo tipitako saddho satthor ti evarupam gunato agatanamam gunanamam nama. Bhagava araham sammasambuddho ti adini pi Tathagatassa anekani namasatani gunanaman' eva. Tena vuttam:

Asankheyyāni nāmāni sa guņena mahesino | Guņena nāmam uddheyyam api nāma sahassato ti ||

Yam pana jātassa kumārakassa nāmagahanādivasena dakkhineyyānam sakkāram katvā samīpe thitā nātakā kappetvā 'ayam asuko nāmā ti' nāmam karonti idam kittimanāmam nāma. Yā pana purimapannātti aparapannāttiyam² patati purimavohāro pacchimavohāre³ patati⁴ seyyathīdam purimakappe pi cando etarahi pi cando yeva, atīte suriyo samuddo pathavī pabbato etarahi pi pabbato yevā ti idam opapātikanāmam nāma.

Idam catubbidham pi nāmam ekanāmam eva hoti. Nāmakamman ti nāmakaraṇam, nāmadheyyan tis nāmathapanam, niruttī ti nāmanirutti, vyañjanan ti nāmavyañjanam. Yasmā pan' etam attham vyañjati tasmā evam vuttam. Abhilāpo ti nāmābhilāpo eva⁶.

803. Sabbe va dhammā adhivacanapathā ti. Adhivacanassa no pathadhammo nāma natthi. Ekadhammo sabbadhammesu nipatati, sabbadhammā ekadhammasmim nipatanti. Katham? Ayam hi nāma pañnātti ekadhammo. So sabbesu catubhūmakadhammesu nipatati. Satto pi sankhāro pi nāmato vuttako nāma natthi. Atavipabbatādīsurukkhā pi jānapadānam bhāro. Te hi 'ayam rukkho kim nāmā ti' putthā 'khadiro palāso ti' attanā jānanakanāmam kathenti. Yassa nāmam na jānanti tam pi 'anāmako nāmā ti' vadanti. Tam pi tassa nāmadheyyam eva hutvā tiṭthati. Samudde macchakacchapādīsu pi es' eva nayo.

Itare dve dukā iminā samānatthā eva.



r pasanno M. 2 pacchimapaññattiyam M. 3 pacchimavohāre twice M. 4 patī ti T. 5 nāmaheyyan ti M. 6 va M. 7 aṭṭavio M. 8 jānakanāmam M.

804. Nāmarūpaduke i nāmakaraņatthena namanatthena i nāmanatthena ca nāmam. Tattha cattāro tāva khandhā nāmakaranatthena nāmam. Yathā hi mahājanasammatattā Mahāsammatassa Mahāsammato ti nāmam ahosi. yathā mātāpitaro 'ayam Tisso nāma hotu, Phusso nāma hotū ti' evam puttassa kittimanāmam karonti, yathā vā dhammakathiko vinayadharo ti gunato namam agacchati na evam vedanādīnam. Vedanādayo hi mahāpathavīādayo viya attano nāmam karontā va uppajjanti, tesu uppannesu tesam nāmam uppannam eva hoti. 'Na hi vedanam uppannam, tvam vedanā nāma hohī ti' koci bhanati na ca tassa nāmagahanakiccam atthi. Yathā pathaviyā uppannāya 'tvam pathavī nāma hohī ti' nāmagahaņakiccam natthi Cakkavāla-Sinerumhi candimasuriyanakkhattesu uppannesu 'tvam cakkavāļam nāma tvam nakkhattam nāma hohī ti' nāmagahaṇakiccam natthi. Nāmam uppannam eva hoti, opapātikapañnatti3 nipatati. Evam vedanāya uppannāya tvam vedanā nāma hohī ti' nāmagahanakiccam natthi. Tāya uppannāya vedanā ti nāmam uppannam eva hoti.

805. Sannādīsu pi es' eva nayo. Atīte pi hi vedanā yeva sanā sankhārā vinnāņam. Vinnāņam eva anāgate pi paccuppanne pi . Nibbānam pana sadā pi nibbānam evā ti nāmakaraṇaṭṭhena nāmam nāmanaṭṭhenā pi c'ettha cattāro khandhā nāmam. Te hi ārammaṇābhimukhā namanti, nāmaṭṭhena sabbam pi nāmam. Cattāro hi khandhā ārammaṇe annamannāmam nāmenti, nibbānam ārammaṇādhipatipaccayatāya attani anavajjadhamme nāmeti.

806. Avijjā bhavatanhā6 vaṭṭamūlasamudācāradas-sanattham gahitā.

807. Bhavissati attā ca loko cā ti khandhapañcakam attā ca loko cā ti gahetvā tam bhavissatī ti gahanākārena niviţṭhā sassatadiţṭhi⁸.

808. Dutiyā na bhavissatī ti ākāreņa niviţţhā ucchedadiţţhi.

Dhs. § 1309, 1310.
 namatthena M.
 paññattiyam M.
 paccuppanno M.
 nămatthenă M.
 Dhs. § 1311, 1312.
 Dhs. § 1313.
 Dhs. § 1315.
 Dhs. § 1316.

- 809. Pubbantam ārabbhā ti atītakotthāsam ārammaņam karitvā. Iminā Brahmajāle āgatā atthārasa pubbantānuditthiyo gahitā.
- · 810. Aparantam ārabbhā³ ti anāgatakoṭṭhāsam ārammaṇam karitvā. Iminā tatth' eva āgatā catucattālīsa aparantānudiṭṭhiyo⁴ gahitā.
- 811. Dovacassatāniddese sahadhammike vuccamāne pi sahadhammikam nāma yam Bhagavatā pañnāttam sikkhāpadam. Tasmim vatthum dassetvā āpattim āropetvā 'idam nāma tvam āpanno, ingha desehi vutthaha patikarohī ti' vuccamāne. Dovacassāyan ti ādīsu evam codiyamānassa pana paticodanāyo vā appadakkhiņagāhitāya vā dubbacassa kammam dovacassāyam. Tad eva dovacassan ti pi vuccati. Tassa bhāvo dovacassiyam. Itaram tass' eva vevacanam.
- 812. Vippaţikkūlagāhitā ti vilomagāhitā. Vilomagahaṇasankhātena vipaccanīkena sātam assā ti vipaccanīkasāto. Paṭānigahaṇam⁸ gahetvā ekapaden' eva tam nissaddam⁹ akāsin ti sukham paṭilabhantass' etam adhivacanam. Tassa bhāvo vipaccanīkasātatā.

Ovādam anādiyanavasena 10 anādarassa bhāvo anādariyam. Itaram tass' eva vevacanam. Anādāniyanākāro va anādaratā 11.

Garuvāsam avasanavasena uppanno agāravabhāvo agāravatā. Sajetthakavāsam ¹² avasanavasena uppanno appatissavabhāvo appatissavatā ¹³. Ayam vuccatī ti ayam evarūpā ¹⁴ dovacassatā nāma vuccati. Atthato pan' esā ten' ākāreņa pavattā cattāro khandhā sankhārakkhandho yevā ti.

813. Pāpamittatādīsu 15 pi es' eva nayo. Dovacassatāpāpamittatādayo hi visum cetasikadhammā nāma natthi.

Dhs. § 1319.
 Dīghanikāya I, 2, 35.
 Dīghanikāya I, 2, 37.
 Dhs. § 1325.
 vuccamāno M.
 vutthāya M.
 Comp. Sumangalavil. I, 77; Suttavibhanga II, 46.
 nissadam G. nisaddam M.
 Kern, Bijdr. 76.
 anādariyatā M.
 sacetthakavasam M.
 appattissavabhāvo appattissavatā Mss.
 Dhs. § 1326.

Natthi etāsam saddhā ti assaddhā. Buddhādīni vatthūni na saddahantī ti attho. Dussīlā ti sīlassa dunnāmam nāma natthi. Nissīlā ti attho. Appassutā ti sutarahitā. Pañca macchariyāni etesam atthī ti maccharino. Duppaññā ti nippaññā.

Sevanakavasena sevanā, balavasevanā² nisevanā, sabbatobhāgena sevanā saṃsevanā. Upasaggavasena vā padaṃ vaḍḍhitaṃ. Tīhi pi sevanā va kathitā. Bhajanā ti upasaṃkamanā, sambhajanā³ ti sabbatobhāgena bhajanā. Upasaggavasena vā padaṃ vaḍḍhitaṃ. Bhattī ti daļhabhatti, sambhattī ti sabbatobhāgena bhattī. Upasaggavasena vā padaṃ vaḍḍhitaṃ. Dvīhi pi daļhabhatti eva kathitā.

Taṃsampavaṃkatā tesu puggalesu kāyena c'eva cittena ca sampavaṃkabhāvo. Tanniṇṇatā tappoṇatā tappabbhāratā ti attho.

- 814. Sovacassatā 5 ca dukaniddeso pi vuttapatipakkhanayena veditabbo.
- 815. Pañca pi āpattikkhandhā6 ti mātikāniddesena pārājikam samghādisesam pācittiyam pātidesanīyam dukkatan ti imā pañca āpattiyo. Satta pi āpattikkhandhā ti Vinayaniddese pārājikam samghādisesam thullaccayam pācittiyam pātidesanīyam dukkatam dubbhāsitan ti imā satta āpattiyo. Tattha saha vatthunā tāsam āpattīnam paricchedajānanapaññā āpattikusalatā nāma.
- 816. Saha kammavācāya āpattivutthānaparicchedajānanapaññā pana āpattivutthānakusalatā? nāma.
- 817. Samāpajjitabbato samāpatti. Saha parikammena appanāparicchedajānanakapaññā pana samāpattikusalatā⁸ nāma.
- 818. Cande vā suriye vā nakkhatte vā ettakam thānam gate vutthahissāmī ti avirajjhitvā, tasmim yeva samaye vutthānakapaññāya atthitā samāpattivutthānakusalatā, nāma.

dutthum nāma M.
 pālasevanā M.
 samyojanā M.
 tanninnatā M.
 Dhs. § 1327.
 Dhs. § 1328.
 Dhs. § 1330.
 Dhs. § 1331.
 arujjhitvā T.
 Dhs. § 1332.

- 819. Atthārasannam dhātūnam uggahamanasikārasavanadhāranaparicchedajānanapaññā dhātukus alatā nāma.
- 820. Tāsam yeva uggahamanasikārajānanapaññāmanasikārakusalatā nāma dvādasannam āyatanānam uggahamanasikārasavanadhāranaparicchedajānanapaññā-āyatanakusalatā nāma. Tīsu pi etāsu kusalatāsu uggaho manasikāro savanam sammasanam pativedho paccavekkhanā ti sabbam vattati. Tattha savanauggahapaccavekkhanā lokiyapativedho lokuttaro sammasanamanasikāro lokiyalokuttaramissakā avijjāpaccayā sankhārā ti ādīni paticcasamuppādavibhange āvibhavissanti. Iminā pana paccayena idam hotī ti jānanapaññā paticcasamuppādakusalatā² nāma.
- 821. Thānatthānakusalatā dukaniddese 3 hetupaccayā ti ubhayam p'etam aññamaññavevacanam. Cakkhuppasādo hi rūpam ārammaṇam katvā uppajjanakassa cakkhuviññāṇassa hetu ceva paccayo ca. Tathā sotappasādādayo sotaviññāṇādīnam ambabījādīni ca ambaphalādīnam ambādayo ca tālādīnam uppattiyā ti evam attho veditabbo4.
- 822. Dutiye naye ye dhammā ti visabhāgapaccayadhammānam nidassanam. Yesam yesan ti visabhāgapaccayasamuppannadhammanidassanam. Na hetu na paccayā ti cakkhuppasādo saddam ārammaṇam katvā uppajjanakassa sotaviññāṇassa na hetu na paccayos tathā sotappasādādayo avasesaviññāṇānam⁶.
- 823. Ajjavamaddavaniddese⁷ nīcacittatā ti padamattam eva viseso. Tass'attho mānābhāvena nīcam cittam assā ti nīcacitto. Nīcacittassa bhāvo nīcacittatā. Sesam cittujjukatā-cittamudutānam padabhājaniye āgatam eva.
- 824. Khantiniddese khamanakavasena khanti, khamanakaro khamanatā. Adhivāsenti etāya attano upari āropeṭvā vāsenti paṭibāhanti na paccanīkatāya tiṭṭhantī ti

¹ Dhs. § 1333. ² Dhs. § 1336. ³ Dhs. § 1337, 1338. ⁴ om. M. T. ⁵ na hetu paccayo M. ⁶ °viññānādīnam M. M. T. add Ambādayo ca tālādīnam uppattiyā ti evam attho veditabbo. ⁷ Dhs. § 1339, 1340. ⁸ Dhs. § 1341.

adhivāsanatā. Acaņdabhāvo⁹ acaņdikkam. Anasuropo ti. Asuropo² vuccati na sammāropitattā duruttavacanam³. Tappatipakkhato anasuropo suruttavācā ti attho. Evam ettha phalūpacārena kāraņam niddiţtham.

Attamanatā cittassā ti somanassavasena cittassa sakamanatā. Attano cittassa bhāvo4 yeva na vyāpannacittatā ti attho.

825. Soraccaniddese⁵ kāyiko avītikkamo ti tividham kāyasucaritam. Vācasiko avītikkamo ti catubbidham vacīsucaritam. Kāyikavācasiko ti iminā kāyavacīdvāre samutthitam ājīvatthamakasīlam pariyādiyati⁶. Idam vuccati soraccan ti. Idam pāpato sutthu oratattā⁷ soraccan nāma vuccati.

Sabbo pi sīlasamvaro ti. Idam yasmā na kevalam kāyavācāh'eva anācāram ācarati manasā pi ācarati yeva tasmā mānasikasīlam pariyādāya dassetum vuttam⁸.

826. Sākhalyaniddese an ḍakā ti yathā sadose rukkhe aṇḍakāni uṭṭhahanti evam sadosatāya khuṃsanavamhanādivacanehi ro aṇḍakā jātā.

Kakkasā ti pūtikā. Sā yathā nāma pūtirukkho kakkaso hoti paggharitacuņņo evam kakkasā hoti, sotam ghamsamānā viya pavisati, tena vuttam kakkasā ti.

Parakaţukā ti paresam kaţukā amanāpā dosajananī. Parābhisajjanī ti kuṭilakaṇṭakasākhā viya mammesu vijjhitvā paresam abhisajjanī 2 gantukāmānam pi gantum adatvā lagganakārī. Kodhasāmantā ti kodhassa āsannā. Asamādhisamvattanikā ti appanāsamādhissa vā upacārasamādhissa vā asamvattanikā. Iti sabbān 'ev'etāni sadosavācāya vevacanāni.

Tathārūpim vācam 14 pahāyā ti idam pharusavācam

r acandikabhāvo M.
 2 Comp. above § 536.
 3 duruttavacanā M.
 4 cittasabhāvo M.
 5 oniddeso M. Dhs. § 1342.
 6 pariyātiyati M.
 7 orattā M.
 8 vatthum M.
 9 Dhs. § 1343.
 10 ovambho T.
 11 cammesu M.
 12 Comp.
 Anguttara IV, 197, 2.
 13 ugganakārī C. G. lagganakari T. comp. Milindap. p. 105.
 14 vācā M.

jahitvā thitassa antare pavattā pi saņhavācā eva nāmā ti dīpanattham vuttam.

827. Neļā ti. Etam³ vuccati doso. Nāssā elan ti nelā. Niddosā ti attho. Nelango setapacchādo⁴ ti ettha vuttasīlam viya. Kaṇṇasukhā ti vyañjanamadhuratāya kaṇṇānam sukhā. Sūcivijjhanam viya kaṇṇasūlam na janeti atthamadhuratāya sarīre kopam ajanetvā pemam janetī ti pemaniyā, hadayam gacchati appatihaññamānā sukhena cittam pavisatī ti hadayamgamā. Guṇaparipuṇṇatāya⁵ pure bhavā ti porī. Pure saṃvaṭṭakārī⁶ viya sukumārā ti pi porī. Purassa esā ti pi porī. Nagaravāsīnam kathā ti attho. Nagaravāsīno hi yuttakathā honti pitumattam pitā pi bhātumattam bhātā ti² vadanti.

Evarūpī kathā bahuno janassa kantā hotī ti bahujanakantā. Kantabhāvan 'eva bahuno janassa manāpā cittavuddhikarā ti⁸ bahujanamanāpā⁹. Yā tatthā ti yā tasmim puggale sanhavācatā ti mattavācatā ¹⁰, sakhilavācatā ti muduvācatā apharusavācatā ti¹¹ akakkhaļavācatā.

828. Patisanthāraniddese ¹² āmis apatisanthāro ti āmisassa alābhena attanā saha paresam chiddam yathā pihitam hoti paticchannam evam āmisena patisantharanam. Dhamma patisanthāro ti. Dhammassa appatilābhena attanā saha paresam chiddam yathā pihitam hoti paticchannam evam dhammena patisantharanam patisanthārako ¹³ hotī ti. Dve yeva hi lokasannivāsassa chiddāni, tesam patisanthārako hoti. Āmisapatisanthārena vā dhammapatisanthārena vā ti iminā duvidhena patisanthārena patisanthārako hoti. Patisantharatī ti nirantaram karoti. Tatrāyam ādito ¹⁴ paṭṭhāya kathā. Paṭisanthārakena hi bhikkhunā āgantukam āgacchantam disvā va paccuggantvā

r appajahitvā T. apajihitvā M.
 r sanhavācā asanhavācā eva M.
 r elā C. G.
 r opachado T.
 r oparipunnakāya T.
 r samvatṭanāri M.
 r pitimattam bhātā ti M.
 r ovuḍḍhikāro ti M.
 r ovacā ti M.
 r ovācā ti M.

pattacīvaram gahetabbam āsanam dātabbam tālavaņţena vījitabbam¹ pādā dhovitvā makkhetabbā. Sappiphanite sati bhesajjam dātabbam, pānīyena pucchitabbo, āvāso paţijaggitabbo, evam ekadesena āmisapatisanthāro kato nāma hoti. Sāyam pana² navakatarehi attano upatthānam anāgatehi yeva tassa santikam gantvā nisīditvā avisaye apucchitvā tassa visaye pañho pucchitabbo. 'Tumhe katarabhānakā ti' apucchitvā 'tumhākam ācariyūpajjhāyā kataram gantham valanjentī ti' pucchitvā pahonakatthāne pañho pucchitabbo. Sace kathetum sakkoti icc'etam kusalam, no ce sakkoti sayam kathetvā dātabbam. Evam ekadesena dhammapatisantharo kato nama hoti. Sace attano santike vasati3 tam ādāya nibaddham4 piņdāya carita-Sace gantukāmo hoti punadivase gamanasabhāgena tam ādāva ekasmim gāme pindāva caritvā uyvojetabbo.

Sace aññasmim disābhāge bhikkhū nimantitā honti tam bhikkhum icchamānam ādāya gantabbam. 'Na mayham esā disā sabhāgā ti' gantum anicchante sesabhikkhū pesetvā tam ādāya piṇḍāya caritabbam, attanā laddhāmisam tassa dātabbam. Evam āmisapatisanthāro kato nāma hoti. Āmisapatisanthārakena pana attanā laddham kassa dātabban ti? Āgantukassa tāva dātabbam. Sace gilāno vā avassiko vā atthi tesam pi dātabbam. Ācariyūpajjhāyānam dātabbam, bhaṇḍagāhakassa dātabbam. Sārāṇīyadhammapurakena pana satavāram pi sahassavāram pi ābhatābhatena therāsanato paṭṭhāya dātabbam. Paṭisanthārakena pana yena laddham tassa tassa dātabbam. Bahi gāmam nikkhamitvā jiṇṇakam anātham vā bhikkhunim vā disvā tesam pi dātabbam.

829. Tatr' idam vatthu: Corehi kira Guttasālagāme pahaţe tam khaṇam yeva ekā nirodhato vuṭṭhitā khīṇāsavattherī daharabhikkhuniyā bhaṇḍakam gāhāpetvā mahājanena saddhim maggam paṭipajjitvā thitamajjhantike Nakulana-

vijo T. 2 sayam pana C. 3 vasi M. 4 nibandham M. 5 icchamānā M. 6 āgatāgatānam M.

garagāmadvāram patvā rukkhamūle nisīdi. Tasmim samaye Kāļavallimaņdapavāsī Mahānāgatthero Nakulanagaragāme piņdāya caritvā nikkhamanto therim disvā bhattena āpucchi. Sā 'patto me atthī ti' āha. Thero 'iminā va bhunjatha ti' saha pattena adasi. Theri bhattakiccam katvā pattam dhovitvā therassa datvā āha: 'Ajja tāva bhikkhācārena kilamissatha, ito patthāya pana vo bhikkācāraparitāso nāma na bhavissati tātā ti'. Tato patthāya therassa ūnakahāpaņagghanako piņdapāto nāma navuppannapubbo. Ayam āmisapaţisanthāro nāma. Imam paţisanthāram katvā bhikkhunā sangahapakkhe thatvā tassa bhikkhuno kammatthanam kathetabbam, dhammo vacetabbo, kukkuccam vinodetabbam, uppannam kiccakaranīyam kātabbam, abbhānavutthāna-mānattaparivāsā dātabbā, pabbajjāraho pabbājetabbo, upasampadāraho upasampādetabbo, bhikkhuniyā pi attano santike upasampadam ākankhamānāya kammavācam kātum vattati. Ayam dhammapatisantharo nama, imehi dvīhi paţisantharehi paţisantharako bhikkhu anuppannam lābham uppādeti, uppannam thāvaram karoti, sabhayatthane attano jivitam rakkhati Coranāgarañno pattagahanahatthen' eva aggam gahetvā patten' eva bhattam ākiranto² thero viva.

Aladdhalābhuppādane pana ito palāyitvā paratīram gatena Mahānāgarañño³ ekassa therassa santike saṅgaham labhitvā puna āgantvā rajje patitthitena Penambaṅgaṇe⁴ yāvajīvam pavattitam mahābhesajjadānavatthum kathetabbam.

Uppannalābhathāvarakaraņe Dīghabhāṇakā Abhayattherassa⁵ hatthato paṭisanthāraṃ labhitvā Cetiyapabbate⁶ corehi bhaṇḍakassa aviluttabhāve vatthuṃ kathetabbam.

830. Indriyesu aguttadvāratāniddese⁷ cakkhunā rūpam disvā ti kāraņavasena cakkhū ti laddhavohārena rūpadas-

¹ sāsankatthāne M. ² akiranto M. ³ °raññā M.

⁴ Pennambamgane G. Setambagane M. Pennambamgate T.

⁵ asatherassa° M. 6 Cetiyapabbato T. 7 Dhs. § 1345.

sanasamatthena cakkhuviññāņena rūpam disvā. Porāņā pan' āhu: cakkhu rūpam na passati, acittakattā cittam na passati, acakkhukattā dvārārammaņe samghaṭṭanena pasādavatthukena icittena passati. Īdisi pan' esā dhanunā vijjhatī ti ādikesu viya sasambhārakathā nāma hoti. Tasmā cakkhuviññāņena rūpam disvā ti ayam ev' ettha attho.

Nimittaggāhī ti itthipurisanimittam vā subhanimittādikam vā kilesavatthubhūtam nimittam chandarāgavasena gaņhāti diṭṭhamatte yeva na saṇṭhāti.

Anuvyanjanaggāhī ti4 kilesānam anuvyanjanato pākaṭabhāvakaraṇato anuvyanjanan ti laddhavohāram hatthapādasitahasitakathitavilokitādibhedam⁵ ākāram gaṇhāti.

Yathv'ādhikaraņam enan ti ādimhi yam kāraņam 6 yassa cakkhundriyam asamvarassa? hetu etam puggalam satikavāţena cakkhundriyam asamvutam pihitacakkhudvāram 8 hutvā viharantam 9 ete abhijjhādayo dhammā anvāssaveyyum 10 anuppabandheyyum 11 ajjhotthareyyum.

Tassa samvarāya na patipajjatī ti tassa cakkhundriyassa satikavātena pidahanatthāya na patipajjati.

Evam bhūte 12 yeva ca na rakkhati cakkhundriyam cakkhundriye na samvaram āpajjatī ti vuccati. Tattha kiñcā pi cakkhundriye samvaro vā asamvaro vā natthi. Na hi cakkhuppasādam nissāya sāti vā muṭṭhasaccam vā uppajjati. Api ca yadā rupārammaṇam cakkhussa āpātham āgacchati tadā bhavaṅge dvikkhattum uppajjitvā niruddhe kiriyamanodhātu-āvajjanakiccam sādhayamānā uppajjitvā nirujjhati, tato cakkhuviññāṇam dassanakiccam, tato vipākamanodhātu sampaṭicchanakiccam, tato vipākahetukamanoviññāṇadhātu santīraṇakiccam, tato

¹ ācittatattā M. ² saṃghaṭṭananena M. ³ pana pathā avatthukena M. ⁴ °ñjanakehī ti M. ⁵ hatthapādamukhasitahasitakathitaālokitaviloko M. ⁶ kāranā T. ⁷ cakkhundriyāsaṃvarassa M. ⁸ apihitao T. ⁹ vihāranti M. ¹⁰ anvassao M. ¹¹ anubandheyyum M. ¹² bhūto M.

kiriyāhetukamanoviññāṇadhātu votthapanakiccam sādhayamānā uppajjitvā nirujjhati2, tad anantaram javanam javati tatrā pi neva bhāvangasamaye na āvajjanādīnam añnatarasamaye samvaro va asamvaro va atthi, javanakkhape pana dussīlyam vā muţţhasaccam vā aññāṇam vā akkhanti vā kosajjam vā uppajjati, asamvaro hoti. Evam honto³ pana so cakkhundriye asamvaro ti vuccati. Kasmā? Yasmā tasmim satidvāram pi aguttam hoti bhavangam pi avajjanadīni vīthicittani pi. Yatha kim? Yatha nagare catūsu dvāresu asamvutesu kiñcā pi antogharadvārakotthakagabbhādayo susamvutā yathā pi anto nagare sabbam bhandam arakkhitam agopitam eva hoti. Nagaradvārena hi pavisitvā corā yad icchanti tam kareyyum. Evam eva javane dussīlyādisu uppannesu tasmim asamvare sati dvāram pi aguttam hoti bhavangam pi āvajjanādīni pi vīthicittānī ti.

Sotena saddam sutvā ti ādīsu pi es' eva nayo.

Yā imesan ti⁵ etam samvaram anāpajjantassa imesam channam indriyānam yā agutti yā agopanā yo anārakkho yo asamvaro athakanam⁶ apidahanan ti attho.

831. Bhojane amattañutāniddese⁷ idh' ekacco ti imasmim sattaloke ekacco⁸. Appaţisankhā ti paţisankhānapaññāya⁹ ajānitvā anupadhāretvā. Ayoniso ti anupāyena. Āhāran ti asitapītādi-ajjhoharanīyam ¹⁰. Āhāretī ti paribhuñjati¹¹ ajjhoharati. Davāyā ti¹² ādi anupāyadassanattham vuttam. Anupāyena hi āhārento ¹³ davatthāya madatthāya manḍanatthāya vibhūsanatthāya ca¹⁴ āhāreti, no idam atthitam paṭicca. Yā tatha asantuṭṭhitā ti yā tasmim ayoniso āhāraparibhoge

14 vā M.

votthappana^o M.
 nirujjhanti T.
 bhonto G.
 nagacalūsu C. G.
 yānemesan ti T. C. G.
 athakkanam M.
 Dhs. § 1346.
 ekacce T.
 apaţisankhātam patisankhān^o M.
 To āsita^o M.
 paţibhuñj^o M.
 Comp. Samyutta XII, 63.
 āhāronto.

asantussanā asantutthitabhāvo amattaññutā ti amattañnutabhāvo r pamānasankhātāya mattāya 2 ajānanam.

Ayam vuccatī ti ayam apaccavekkhitaparibhogavasena pavattā bhojane amattaññutā nāma vuccati.

832. Indriyesu guttadvāratāniddese3 cakkhunā ti ādīsu 4 vattanayen' eva veditabbam. Na nimittaggāhī hotī ti chandarāgavasena vuttappakāram nimittam na ganhati.5 Fvam sesapadāni pi vuttapaţipakkhanayen' eva veditabbāni. Yathā ca hetthā javane6 dussīlyādīsu uppannesu tasmim asamvare sati dvāram pi aguttam hoti bhavangam pi āvajjanādīni pi vīthicittānī ti vuttam evam idha tasmim sīlādīsu? uppannesu dvāram pi guttam hoti bhavangam pi āvajjanādīni pi vīthicittāni pi. Yathā kim? Yathā nagaradvāresu samvutesu kincā pi antogharādavo susamvutā⁸ honti tathā pi anto nagare sabbam bhandam surakkhitam sugopitam eva hoti nagaradvāresu pihitesu corānam paveso natthi evam evam javane sīlādīsu uppannesu dvāram pi guttam hoti bhavangam pi āvajjanādīni vīthicittāni pi. Tasmā javanakkhaņe uppajjamāne pi cakkhundrive samvaro ti vutto.

Sotena saddam sutvā ti ādīsu pi es' eva nayo.

833. Bhojane mattaññutāniddese patisankhā yoniso āhāram āhāretī ti patisankhānapaññāya jānitvā upāyena āhāram paribhuñjati. Idāni tam o upāyam dassetum neva davāyā ti ādi vuttam. Tattha neva davāyā ti davatthāya na āhāreti. Tattha naṭalanghādayo davatthāya āhāreti nāma. Yam hi bhojanam bhuttassa naccagītakaranḍasilokasankhāto davo atirekatarena patiyesitvā te āhārenti ayam pana bhikkhu evam na hāreti.

¹ amattaññubhāvo M. ² om. M. ³ Dhs. § 1347. ⁴ ādi T. ⁵ gayhati C. G. ⁶ javano C. G. ⁷ dīlādīsu pi M. ⁸ asaṃvuṭā M. ⁹ Dhs. § 1348. ¹⁰ yaṃ M. ¹¹ naṭā-laṅghādayo M. ¹² āhārenti M. ¹³ gītagabbasiloka^o T. gīlakabyāsīlo kabyāsīlokasaṅkhāto M. ¹⁴ atikatarena M. ¹⁵ patibhātitaṃ C. G. T.

Na madāyā ti mānamadapurisamadānam vaddhanatthāya na āhāreti. Tattha rājarājamahāmattā madatthāya āhārenti nāma. Te hi attano mānamadapurisamadānam vaddhanatthāya piņdarasabhojanādīni panītabhojanāni bhuñjanti. Ayam pana bhikkhu evam na hāreti.

Na maṇḍanāyā ti sarīramaṇḍanatthāya na āhāreti. Tattha rūpūpajīviniyo mātugāmā antepurikādayo va sappiphāṇitam nāma pivanti. Te hi siniddham mudumaddavam² bhojanam āhārenti 'evam no aṅguliṭṭhi ³ susaṇṭhitā bhavissati sarīre chavivaṇṇo ⁴ pasanno bhavissatī ti'. Ayam pana bhikkhu evam na āhāreti.

Na vibhūsanāyā ti sarīre maṃsavibhūsanatthāya na āhāreti. Tattha nibbuddhamallakamutthikamallaceṭakādayo susiniddhehi macchamaṃsādīhi sarīraṃ pīnenti 'evaṃ no maṃsaṃ ussadaṃ bhavissati pahārasahanatthāyā ti'. Ayam pana bhikkhu evaṃ sarīramaṃsavibhūsanatthāya na āhāreti.

Yāvad evā ti āhārāharaņe payojanassa paricchedaniyamadassanam.

Imassa kāyassa thitiyā ti imassa catumahābhūtikakarajakāyassa thapanatthāya āhāreti. Idam assa āharaņe payojanan ti attho.

Yāpanāyā ti jīvitindriyayāpanatthāya āhāreti.

Vihimsūparatiyā ti. Vihimsā nāma abhuttapaccayās uppajjanakakhudā tassā vūparatiyā vūpasamatthāya āhāreti.

Brahmacariyānuggahāyā ti. Brahmacariyam nāma tisso sikkhā sakalam sāsanam. Tassa anuganhanatthāya āhāreti. Itī ti upāyanidassanam iminā upāyenā ti attho.

834. Purāņan ca vedanam patihankhāmī ti. Purāņavedanā nāma abhuttapaccayā uppajjanakavedanā, tam patihanissāmī ti āhāreti.

Navañ ca vedanam na uppādessāmī ti. Navā vedanā nāma atibhuttapaccayena uppajjanakavedanā. Tam na uppādessāmī ti āhāreti. Athavā navavedanā nāma

Digitized by Google

r pipanti C. G. T. 2 mudum maddam T. mudumandam M. 3 angulatthi M. 4 chavivanne T. 5 suttapaccayā M.

bhuttapaccayena uppajjanakavedanā. Tassā anuppannāya anuppajjanattham eva āhāreti.

835. Yātrā ca¹ me bhavissatī ti yāpanā ca me bhavissati. Anavajjatā cā ti. Etthā pi atthi sāvajjam, atthi anavajjam, tattha adhammikapariyesanā adhammikapatiggahanam adhammena paribhogo ti idam sāvajjam nāma. Dhammena pana pariyesitvā dhammena patiggahetvā paccavekkhitvā paribhunjanam anavajjam nāma. Ekacco anavajjam yeva sāvajjam karoti, laddham me ti katvā pamāņātikkantam bhunjati, tam jīrāpetum asakkonto uddhavirecana-adhovirecanādīhi kilamati, sakalavihāre bhikkhū tassa sarīrapatijagganabhesajjapariyesanādīsu ussukkam āpajjanti. 'Kim idan ti' vutte 'asukassa nāma udaram uddhumātan ti' ādīni vadanti, 'esa niccakālam pi evam pakatiko yeva attano kucchippamānam nāma na jānātī ti' nindanti, garahanti 'ayam anavajje yeva sāvajjam karoti nāma'. Evam akatvā anavajjatā ca bhavissatī ti āhāreti.

836. Phās uvihāro cā ti. Etthā pi atthi phāsuvihāro, atthi na phāsuvihāro. Tattha āhārahatthako alamsāṭako tatravaṭṭako kākamāsako² bhuttavamitako ti imesam pañcannam brāhmaṇānam bhojanam³ na phāsuvihāro nāma. Etesu hi āhārahatthako nāma bahum bhuñjitvā attano dhammatāya uṭṭhātum asakkonto āhārahatthan ti vadati⁴. Alamsāṭako nāma accuddhumātakucchitāya uṭṭhito pi sāṭakam nivāsetum na sakkoti. Tatthavaṭṭako nāma uṭṭhātum asakkonto tatth'eva vaṭṭati. Kākamāsako nāma yathā kākehi āmasitum sakkā hoti evam yāva mukhadvārā āhāreti. Bhuttavamitako mukhena sandhāretum asakkonto tatth' eva vamati. Evam akatvā phāsuvihāro ca bhavissatī ti āhāreti.

Phāsuvihāro nāma catūhi pañcahi ālopehi ūnūdaratās. Ettakam hi bhuñjitvā pānīyam pivitvā cattāro iriyāpathā sukhena pavattanti. Tasmā Dhammasenāpati evam āha:

yatrā ca M.
 kānamasako M.
 bhojanānam M.
 Comp. Suttanipāta 707.
 pivato M.
 irivāpathe M.

Cattaro panca alope abhutva udakam pive | alam phasuviharaya pahitattassa bhikkhuno ti ||

837. Imasmim pana thāne angāni samodhāretabbāni. Neva davāyā ti hi ekam angam, na madāyā ti ekam, na maṇḍanāyā ti ekam, na vibhūsanāyā ti ekam, yāvad eva imassa kāyassa thitiyā yāpanāyā ti ekam, vihimsūparatiyā brahmacariyānuggahāyā ti ekam, ti purāṇañ ca vedanam patihankhāmi navañ² ca vedanam na uppādessāmī ti ekam, yātrā ca me bhavissatī ti ekam, anavajjatā ca phāsuvihāro cā ti ayam ettha bhojanānisamso.

Mahāsīvatthero pan' āha:

Hetthā cattāri angāni patikkhepo nāma, upari pana attha angāni samodhānetabbānī ti. Tattha yāvad eva imassa kāyassa thitiyā ti ekam angam, yāpanāyā ti ekam, vihimsūparatiyā ti ekam, brahmacariyānuggahāyā ti ekam, iti purāṇañ ca vedanam patihankhāmī ti ekam, navañ ca vedanam³ na uppādessāmī ti ekam, yātrā ca me bhavissatī ti ekam, anavajjatā cā ti ekam.

Phāsuvihāro pana bhojanānisamso4 ti.

Evam atthangasamannāgatam āhāram āhārento bhojane mattañnutā nāma hotī ti. Ayam pariyesanapatiggahanaparibhogesu yuttam pamānajānanavasena pavatto paccavekkhitaparibhogo bhojane mattañnutā nāma.

838. Muţţhasaccaniddese⁵ asatī ti sativirahitā cattāro khandhā. Ananussati appaţissatī ti upasaggavasena padam vaḍḍhitam. Asaraṇatā ti asaraṇākāro, adhāraṇatā ti dhāretum asamatthatā⁶. Tāya hi samannāgato puggalo ādhāraṇappatto nidhānakkhamo na hoti. Udake alābukaṭāham viya ārammaṇe pilavatī⁷ ti pilāpanatā. Sammussanatā ti naṭṭhamuṭṭhasatitā. Tāya hi samannāgato puggalo nikkhitto bhatto viya kāko nikkhittamamso viya ca singālo hoti.

839. Bhāvanābalaniddese⁸ kusalānam dhammānan

samādhānetabbāni M.
 namañ C. G.
 vedanā M.
 bhājanisamso M.
 Dhs. § 1349.
 yātrā hi samo T.
 pilapatī T.
 Dhs. § 1354.

ti bodhipakkhiyadhammānam. Āsevanā ti ādisevanā, Bhāvanā ti vaḍḍhanā. Bahulīkamman ti punappunakaraṇam.

840. Sīlavipattiniddeso i soraccaniddesapatipakkhato i veditabbo, ditthivipattiniddeso i ca ditthisampadāniddesapatipakkhato, ditthisampadāniddeso i ca ditthūpādānaniddesapatipakkhato.

Sīlavisuddhiniddeso⁵ kiñcā pi sīlasampadāniddesena samāno. Tattha pana visuddhisampāpakam⁶ pātimokkhasamvarasīlam⁷ kathitam, idha visuddhipattam sīlam.

841. Sati⁸ ca sampajaññañ ca, paţisankhānabalañ ca bhāvanābalañ ca, samatho ca vipassanā ca, sampathanimittañ ca paggāhanimittañ ca, paggāho ca avikkhepo ca, sīlasampadā ca diţţhisampadā cā ti imehi pana chahi dukehi catu bhūmakā pi lokiyalokuttaradhammā va kathitā.

842. Diţţhivisuddhiniddese kammassa katam ¹⁰ ñānan ti idam kammam sakam idam kammam no sakan ti
jānanapaññā. Tattha attanā vā katam hotu ¹¹ parena vā
sabbam pi akusalakammam no sakam. Kasmā? Atthabhañjanato anatthajananato ca. Kusalakammam pana
anatthabhañjanato ¹² atthajananato ca sakam nāma. Tattha
yathā nāma sadhano sabhogo puriso addhānam ¹³ paṭipajjitvā antarāmagge gāmanigamādīsu nakkhatte ghuṭṭhe ¹⁴
aham āgantuko kin nu kho nissāya nakkhattam kīleyyan ti
acintetvā yathā yathā icchati tena tena nīhārena nakkhattam kīlanto sukhena kantāram atikkamati evam eva imasmim kammassa katañāne ṭhatvā ime sattā bahum vaṭṭagāmikammam ¹⁵ āyūhitvā sukhena sukham anubhavantā arahattam pattā gaṇanapatham vītivattā.

<sup>Dhs. § 1361.
sīlasampadāniddesapaţikkhato M.
Dhs. § 1362.
Dhs. § 1364.
Dhs. § 1365.
samvarāsīlam M.
Dhs. §§. 1351—
1360, 1363, 1364.
Dhs. § 1366.
katā C. G.
hetu M.
bhunjanato M.
bahuvaddhagāmikammam T.
bahuddhagāmiko C. G.</sup>

Saccānulomikam nāņan ti catunnam saccānam anulomam vipassanānāņam. Maggasamangissa nāņam phalasamangissa nāņan ti magganāņaphalanāņani yeva.

Diţţhivisuddhi kho panā ti padassa niddese yā paññā pajānanā ti ādīhi padehi heţṭhā vuttāni kammassa katañāṇādīn' eva cattāri ñāṇāni vibhattāni.

Yathā diṭṭhissa¹ ca padhānan² ti padassa niddese yo cetasiko viriyārambho ti ādīhi padehi niddiṭṭhaṃ viriyaṃ paññāgatikam eva paññāya lokiyaṭṭhāne lokiyaṃ lokuttaraṭṭhāne lokuttaran ti veditabbam.

Samvegadukaniddese jātibhayan ti jātim bhayato disvā thitañāṇam. Jarābhayādīsu pi es' eva nayo.

Apannānam pāpakānan ti ādīhi jātiādīni bhayato disvā³ jātijarāvyādhimaraņehi muñcitukāmassa upāyapadhānam kathitam.

Padabhājaniyassa pana attho Vibhangaṭṭhakathāya āvibhavissati.

843. Asantuţţhitā ca kusalesu dhammesū4 ti padaniddese bhiyyokamyatā ti visesakāmatā. Idh' ekacco ādito va pakkhiyabhattam vā salākabhattam vā deti, so tena asantuţtho hutvā puna dhurabhattam samghabhattam vassāvāsikam deti āvāsam karoti cattāro paccaye deti tatrā pi asantuţtho hutvā saraṇāni gaṇhāti, pañca sīlāni samādiyati tatrā pi asantuţtho hutvā pabbajati pabbajitvā ekam nikāyam dve nikāye ti tepiţakam Buddhavacanam gaṇhāti aţtha samāpattiyo bhāveti vipassanam vaḍḍhetvā arahattam gaṇhāti arahattapattito patthāya mahāsantuţtho nāma hoti.

844. Evam yāva arahattā visesakāmatā bhiyyokamyatā nāma appaţivānitā ca padhānasmin⁹ ti padaniddese yasmā pantasenāsanesu adhikusalānam dhammānam bhāvanāya ¹⁰ ukkanthamāno padhānam paṭivāpeti

ditthassa C. G. ² patthānan M. ³ āsvā M. ⁴ Dhs. § 1367.
 M. adds uposathika vā pātipadikam vā M.
 M. adds salākabhattam. ⁷ vattavāsikam M. ⁸ vadhitvā M. ⁹ patthānasmin M. ¹⁰ bhāvanā M.

nāma anukkanthamāno no pativāpeti nāma tasmā tam nayam dassetum yā kusalānam dhammānan ti ādi vuttam.

Tattha sakkaccakiriyatā ti kusalānam karaņe sakkaccakāritā. Sātaccakiriyatā ti sattam eva³ karaņam. Atthitakiriyatā ti atthapetvā karaņam. Anikhittachandatā⁵ ti kusalacchandassa anikhipanam. Anikhittadhuratā⁶ ti kusalakaraņe viriyadhurassa anikhipanam.

845. Pubbenivā sānussatinā ņam vijjā ti ettha pubbenivāso ti⁷ pubbenivutthakhandhapatibaddhan ca pubbenivāsassa anussati pubbenivāsānussati, tāya sampayuttam nāņam pubbenivāsānussatinā ņam. Tayidam pubbevutthakhandhapaticchā dakam tamam vijjhatī ti pi vijjā tam tamam vijjhitvā te khandhe vidite pākate karotī ti viditakara natthenā pi vijjā.

846. Cutūpapāte ñāṇan ti cutiyā? ca upapāte ¹⁰ ca ñāṇam. Idam pi sattānam cutipaṭisandhicchādakam tamam vijjatī ¹¹ ti pi vijjā. Tam tamam vijjitvā ¹² sattānam cutipaṭisandhiyo viditā ¹³ pākaṭā karotī ti viditakaraṇaṭṭhenā ¹⁴ pi vijjā.

847. Āsavānam khaye ñāṇan ti sabbakilesānam khayavayañāṇam ¹⁵. Tayidam catusaccacchādakam tamam vijjatī ti pi vijjā ¹⁶ tam tamam vijjitvā cattāri saccāni viditāni pākaṭāni karotī ti viditakaraṇaṭṭhenā ¹⁷ pi vijjā.

ukkanthāmāno C. G.
 nayā T.
 satam eva M.
 atthapetvā karaņam om. T. M. adds kandam akatvā.
 M. adds anolinavuttatā tinalinajivitā alinapavattita vā.
 candatā C. G.
 dhūratā M.
 M. adds nalinajivitā alinapavattitā vā anikkhittachandatā ti kusalachandassa anikkhipanam anikkhittadhūratā ti kusalakaraņe viriyadhūrassa anikkhipanam pubbenivasānussatinānam vijjati ettha pubbenivaso ti pubbenivuttho
 vijjhā M.
 cutiyañ ca M.
 uppāte C. G. T.
 vijjhati C. G.
 vijjhatī ti pi vijjhā C. G.
 vijitāko T.

848. Cittassa ca adhimuttinibbānañ cā ti ettha ārammane adhimuccanatthena paccanīkadhammehi sutthu muttatthena attha samāpattiyo cittassa adhimutti nāma. Itaram pana natthi. Ettha tanhāsankhātam vānam niggatam vā tasmā vānā ti nibbānam. Tattha attha samāpattiyo sayam vikkhambhitakilesehi vimuttattā vimuttī ti vuttā. Nibbānam pana sabbakilesehi accantavimuttattā vimuttī ti.

849. Maggasamangissa ñāṇan ti cattāri maggañāṇāni. Phalasangissa ñāṇan ti cattāri phalañāṇāni.

Tattha pathamamaggañāṇam pañca kilese khepentam nisedhentam vūpasamentam patippassambhentam uppajjatī ti khaye ñāṇam nāma jātam.

Dutiyamaggañāṇam cattāro kilese tathā tatiyamaggañāṇam catutthamaggañāṇam aṭṭha kilese khepentam² paṭippassambhentam uppajjatī ti khaye ñāṇam nāma jāṭam. Tam tam maggaphalañāṇam pana. Tesam tesam pana kilesānam khīyante nirujjhante³ vūpasamente paṭippassambhente anuppāde⁴ appavatte⁵ uppannattā⁶ anuppāde appavatte uppannañāṇam nāma jāṭan tī ti.

Atthasāliniyā Dhammasangahatthakathāya nikkhepakhandavannanā nitthitā.

850. Idāni nikkhepakaņdānantaram thapitassa atthakathākaņdassa vaņņanākamo anuppatto. Kasmā pan' etam atthakathākaņdam nāma jātan ti? Tipitakassa Buddhavacanassa attham uddharitvā thapitattā. Tīsu pi hi pitakesu dhammantaram āgatam atthakathākaņden'eva paricchijja vinicchitam suvinicchitam nāma hoti, sakale Abhidhamma-pitake nayamaggam Mahāpakaraņe pañhuddhāram gaņanavāram sasallakkhentenā pi atthakathākaņdato yeva samānetum vattati.

i nirodhentam M.
 i M. adds nirodhentam vūpasamentam.
 j khinante niruddhante M. T.
 i appavattane M.
 i uppānan ti M.
 j ekannavannanā M.
 j gananāvāram M.

Kutopabhavam pana etan ti? Sāriputtattherapabhavam. Sāriputtatthero hi ekassa attano saddhivihārikassa nikkhepakande atthuddhāram sallakkhetum asakkontassa atthakathākandam kathetvā adāsi. Idam pana Mahāatthakathāya paṭikkhipitvā idam vuttam. Abhidhammo nāma na sāvakavisayo na sāvakagocaro, Buddhavisayo esa Buddhagocaro. Dhammasenāpati pana saddhivihārikena pucchite tam ādāya Satthu santikam gantvā Sammāsambuddhassa kathesi. Sammāsambuddho tassa bhikkhuno atṭhakandam kathetvā adāsi. Katham?

Bhagavā hi katame dhammā kusalā ti pucchi, kusalā dhammā nāma katame ti sallakkhesī ti attho. Ath' assa tuņhībhūtassa nanu yam mayā katame dhammā kusalā yasmim samaye kāmāvacaram kusalam cittam uppannam hotī ti ādinā nayena bhūmibhedato kusalam dassitam sabbam pi catūsu bhūmīsu kusalam ime dhammā kusalā ti iminā nayena kaņņikam kaņņikam ghaṭam ghaṭam gocchakam gocchakam katvā atthuddhāravasena kusalādi-dhamme dassento kathetvā adāsi.

Tattha catūsū ti kāmāvacararūpāvacarārūpāvacaraapariyāpannāsu kusalan ti phassādibhedam kusalam ime dhammā kusalā ti ime sabbe pi tāsu bhūmīsu vuttā phassādayo dhammā kusalā nāma.

851. Akusalānam² pana bhūmivasena bhedābhāvato dvādasa akusalacittuppādā³ ti āha. Tattha uppajjatī ti uppādo, cittam eva uppādo cittuppādo. Desanāsīsam eva c'etam. Yathā pana rājā āgato ti vutte amaccādīnam pi āgamanam vuttam eva hoti evam cittuppādā⁴ ti vutte tehi sampayuttā dhammā pi vuttā va hontī ti sabbattha cittuppādagahaņena sampayuttadhammam cittam gahitan ti veditabbam.

852. Ito param catūsu bhūmīsu vipākos ti ādīnam sabbesam pi tikadukabhājanīyapadānam attho vedanādisus ca sukhādīnam na vattabbatā hetthāvuttanayen'eva pāļi-

setvā M.
 akusalam M.
 Dhs. § 1369.
 cittuppādo M.
 Dhs. § 1370.
 vedanattikādīsu M. T.

yattham vīmamsitvā veditabbā. Visesamattam eva pana vakkhāma.

853. Tattha parittārammaņattike tāva sabbo kāmāvacarassa vipāko ti ettha dve pañca viññānāni cakkhāyatanādayo inissāya niyamen'eva itthānitthā dibhede rūpasaddagandharasaphotthabbe dhamme ārabbha pavattantī ti parittārammaṇāni. Kusalākusalavipākā pana dve manodhātuyo hadayavatthum nissāya cakkhuviññāṇādīnam anantarā niyamato rūpādīn'eva ārabbha pavattantī ti parittārammaṇā. Kusalavipākā hetukamanoviñūānadhātu somanassasahagatā pañcadvāre santīraṇavasena chasu dvāresu tadārammaṇavasenā ti niyamato rūpādīni cha parittārammaṇān'eva ārabbha pavattatī ti parittārammaṇān.

Upekhāsahagatā kusalākusalavipākā hetukamanoviñnāņadhātu dvayam pancadvāre santīraņavasena chasu dvāresu tadārammaņavasena niyamato rūpādīni cha parittārammaņān'eva ārabbha pavattati paţisandhivasena pavattamānam pi parittam kammam kammanimittam,7 gatinimittam vā ārammaņam karoti pavattiyam bhavangavasena pariyosāne cutivasena pavattamānam pi tad eva ārammaņam karotī ti parittārammaņam8. Attha pana sahetukavipākacittuppādā ettha vuttanayen'eva tadārammaņavasena patisandhibhavangacutivasena parittadhamme yeva ārabbha pavattanti. Kiriyamanodhātu pañcadvāre rūpādīni ārabbha pavattati. Somanassasahagatā ahetukakiriyamanoviññāṇadhātu chasu dvāresu paccuppanne manodvāre atītānāgate pi paritte rūpādidhamme yeva ārabbha khīņāsavānam pahatthākāram kurumānā pavattatī ti9 parittārammaņā. Evam ime pancavīsati cittuppādā 10 ekanten' eva parittārammaņā ti veditabbā.

854. Viññāṇañcāyatana-nevasaññā-nāsaññāya-tanadhammā¹¹ attano heṭṭhimasamāpattim ārabbha pa-

¹ Dhs. § 1406. ² cakkhupasādādayo M. ³ °photthabbā M. ⁴ pavantī ti C. G. ⁵ paccuddhāre C. G. ⁶ pavattī ti M. pavattā ti T. ⁷ parittam kammam nimittam M. ⁸ °cittuppādo M. ⁹ pavattī tī ti C. G. ¹⁰ cittuppādo M. ¹¹ Dhs. § 1407.

Maggaphaladhamma vattanato mahaggatārammaņā. nibbānārammaņattā appamāņārammaņakusalato cattāro, kiriyato cattāro ti aţţha ñāṇavippayuttacittuppādā sekhaputhujjanakhīnāsavānam asakkaccadānam paccavekkhanadhammasavanādīsu kāmāvacaradhamme ārabbha pavattikāle parittārammaņā, ten' ev' ākāreņa sattavīsati mahaggatadhamme ārabbha pavattikāle mahaggatārammaņā2. Atipagunānam pathamajjhānādīnam paccavekkhanakāle mahaggatārammaņā kasiņanimittādi-pañnatti-paccavekkhaņakāle na vattabbārammanā 3. Akusalā cattāro ditthisampayuttacittuppādā pañca paņņāsāya kāmāvacaradhammānam satto satto ti parāmasana-assādanābhinandanakāle parittārammaņā ten' ev' ākāreņa sattavīsati mahaggatadhamme ārabbha pavattikāle mahaggatārammaņā, paññattidhamme ārabbha pavattanakāle siyā na vattabbārammaņā. Ditthivippayuttānam te yeva dhamme ārabbha kevalam assādanābhinandanavasena 5 pavattiyam patighasampayuttanam domanassavasena vicikicchāsampayuttacittuppādassa anitthānam gatavasena6 uddhaccasahagatassa vikkhepanavasena ca tatiyam parittamahaggata-na-vattabbārammaņatā 7 veditabbā 8.

Etesu pana ekadhammo pi appamāņe ārabbha pavattitum na sakkoti, tasmā na appamāņārammaņakusalato cattāro, kiriyato cattāro ti aṭṭha ñāṇasampayuttacittuppādā sekhaputhujjanakhīṇāsavānam sakkaccadānapaccavekkhaṇadhammasavanādīsu yathā vuttappakāre dhamme ārabbha pavattikāle paritta-mahaggata-na-vattabbārammaṇā honti. Gotrabhūkāle pana lokuttaradhammaṃ paccavekkhaṇakāle ca nesaṃ appamāṇārammaṇa tā veditabbā.

855. Yam pan' etam rūpāvacaracatutthajjhānam sabbatthapādakacatuttham ākāsakasinacatuttham ālokakasinacatuttham brahmavihāracatuttham ānāpānacatut-

cekhaputhujjo M.
 om. M.
 paññattivakkhaṇa-kāle vattabbāramo M.
 akusalato catto M.
 öābhindanao M.
 aniţthānavasena M.
 adhūva samavasena ca pavattiyapparitto M.
 avūpasamavasena caranti yam parittao T.
 Comp. Visuddhimagga p. 119.
 Dhs.
 § 1415.

tham iddhividhacatuttham dibbasotacatuttham cetopariyañāṇacatuttham yathākammūpagañāṇacatuttham dibbacakkhuñāṇacatuttham pubbenivāsañāṇacatuttham anāgatañāṇacatutthan ti kusalato pi kiriyato pi dvādasavidham hoti?

Tattha sabbatthapādakacatuttham nāma atthasu kasinesu catutthajjhānam. Tam hi vipassanāya pi pādakam hoti abhiññāṇam pi nirodhassā pi vattassā pi pādakam pi hoti yevā ti sabbatthapādakan ti vuttam. Ākāsakasiṇaālokakasiṇacatutthāni pana vipassanāya pi abhiññāṇam pi vattassā pi pādakāni honti, nirodhapādakān' eva honti. Brahmavihāra-ānāpānacatutthāni vipassanāya c'eva vattassa ca pādakāni honti, abhiññāṇam pana nirodhassa ca pādakāni na honti. Tattha dasavidham pi kasiṇajjhānam kasiṇapaññattim ārabbha pavattattā brahmavihāracatuttham sattapaññattim ārabbha pavattattā ānāpānacatuttham nimittam ārabbha pavattattā parittādivasena na vattabbadhammārammaṇato na vattabbārammaṇan nāma hoti.

856. Iddhividhacatuttham parittamahaggatārammaṇam hoti 5. Katham? Tam hi yadā kāyam cittasannissitam katvā adissamānena kāyena gantukāmo cittavasena kāyam, pariṇāmeti mahaggatacittam 6 samodahati samāropeti tadā upayogaladdham ārammaṇam hotī ti katvā rūpakāyārammaṇato parittārammaṇam hoti. Yadā cittam kāyasannissitam katvā dissamānena kāyena gantukāmo kāyavasena cittam pariṇāmeti pādakajjhānacittam rūpakāye samodahati samāropeti tadā upayogaladdham ārammaṇam hotī ti katvā mahaggatacittārammaṇato mahaggatārammaṇam hotī ti 7. Dibbasotacatuttham saddam ārabbha pavattattā ekantaparittārammaṇam eva. Cetopariyañāṇacatuttham parittamahaggata-appamāṇārammaṇam hoti. Katham?

¹ iddhividhacatuttham T. om. ² Visuddhimagga p. 110, Burnouf Lotus 820 ff. Mahāvyutpatti 14. ³ vaṭṭassā ca pādakāni honti M. ⁴ aparittādivasena T. ⁵ Visuddhimagga p. 119. ⁶ mahaggatacitte T. ⁷ om. M. ⁸ Visuddhimagga p. 120.

Tam hi paresam kāmāvacaracittajānanakāle parīttārammaņam hoti, tathā rūpāvacarārūpāvacaracittajānanakāle mahaggatārammaṇam hoti, maggaphalajānanakāle appamāṇārammaṇam hoti.

Ettha ca puthujjano sotāpannassa cittam na jānāti, sotāpanno vā sakadāgāmissā ti¹ evam yāva arahato netabbam. Arahā pana sabbesam cittam jānāti añño² pi ca uparimo heţţhimassā ti ayam viseso veditabbo.

857. Yathākammūpagañānacatuttham³ kāmāvacarakammajānanakāle parittārammaņam hoti rūpāvacarārūpāvacarakammajānanakāle mahaggatārammaņam.

Dibbacakkhuñāṇacatuttham † rūpārammaṇattā ekantaparittārammaṇam eva. Pubbenivāsañāṇacatuttham parittamahaggata-appamāṇanavattabbārammaṇam hoti 5. Katham? Tam hi kāmāvacarakkhandhānussaraṇakāle parittārammaṇam hoti, rūpāvacarārūpāvacarakkhandhānussaraṇakāle mahaggatārammaṇam, atīte attanā vā parehi vā
bhāvitamaggam 6 sacchikataphalañ ca anussaraṇakāle appamāṇārammaṇam.

Dibbacakkhuñāṇacatutthaṃ 7 rūpārammaṇattā ekantaparittārammaṇam eva. Pubbenivāsañāṇacatuttham parittā-mahaggata-appamāṇa-navattabbārammaṇam hoti. Katham? Taṃ hi kāmāvacarakammajānanakāle parittārammaṇaṃ hoti, rūpāvacarārūpāvacarakhandhānussaraṇakāle
mahaggatārammaṇaṃ, atīte attanā vā parehi vā bhāvitamaggaṃ sacchikataphalañ ca anussaraṇakāle appamāṇārammaṇaṃ.

Atīte Buddhā maggam bhāvayimsu, phalam sacchim akamsu⁸, nibbānadhātuyā parinibbāyimsū ti chinnavatumakānussaraṇavasena⁹ maggaphalanibbānapaccavekkhaṇato pi appamāṇārammaṇam. Atīte Vipassī¹⁰ nāma Bhagavā

 ¹ °gāmissa ti M.
 ² aññe T.
 ³ Visuddhimagga p. 121.
 ⁴ Visuddhimagga p. 120.
 ⁵ Visuddhimagga p. 120 s. v. pubbenivāsañāṇa Nos. 1, 2, 3, 8.
 ⁶ bhāvitamagganibbānam M.
 ⁷ adibbacakkhu° T.
 ⁸ saccākaṃsu M.
 ⁹ om. T.
 ¹⁰ Comp. Mahāvastu II, 271.

ahosi, tassa Bandhumatī nagaram ahosi, Bandhumā nāma rājā pitā, Bandhumatī nāma mātā ti ādinā nayena nāmagottam pathavīnimittādi anussaranakāle navattabbārammaņam hoti.

858. Anāgatasañācatutthe pi es' eva nayo. Tam pi hi ayam anāgate kāmāvacare nibbattissatī ti jānanakāle parittārammaṇam hoti. Rūpāvacare vā arūpāvacare va nibbattissatī ti jānanakāle mahaggatārammaṇam. Maggam bhāvessatī ti jānanakāle mahaggatārammaṇam. Maggam bhāvessatī ti jānanakāle appamāṇārammaṇam. Anāgate Metteyyo nāma Bhagavā uppajjissatī Subrahmā nām'assa brāhmaṇo pitā bhavissatī, Brahmavatī nāma brāhmaṇī mātā ti ādinā nayena nāmagottajānanakāle navattabbārammaṇam hoti. Arūpāvacaracatuttham pana āsavānam khayacatuttham ca pāliyā āgatagataṭṭhāne yeva kathīyati 3.

Kiriyāhetukamanoviññāṇadhātu upekhāsahagatā sabbesam pi etesam kusalākusalakiriyacittānam purecārikā. Tassā tesu vuttanayen' eva ārammaṇabhedo veditabbo.

Pañcadvāre pana voţţhapanavasena pavattiyam ekantaparittārammaṇā va hoti. Rūpāvacaratikacatukkajjhānādīni parittādibhāvena navattabbadhammam ārabbha pavattito navattabbārammaṇāni⁴. Ettha hi rūpāvacarāni paṭhavīkasiṇādīsu pavattanti, ākāsānañcāyatanam ugghāṭimākāse, ākiñcaññāyātanam viñnāṇāpagame⁵ ti.

859. Maggārammanattike ādimhi vuttā attha ñāṇasampayuttacittuppādā sekhāsekhānam attanā paṭividdhamaggam paccavekkhaṇakāle. Maggārammaṇamaggena pana asahajātattā na maggahetukā attanā paṭividdhamaggam garum katvā paccavekkhaṇakāle ārammaṇādhipativasena maggādhipatino aññadhammārammaṇakaraṇakāle navattabbā maggārammaṇā ti pi maggādhipatino ti pi. Cattāro ariyamaggasaṅkhātassa maggasampayuttassa vā hetuno atthitāya ekantato maggahetukā viriyam pana vīmaṃsam

¹ °catuttho T. Comp. Visuddhimayya p. 120. ² °tī ti M. ³ kathissāmi M. ⁴ °ārammanā ti M. ⁵ ākāsānañcāyatanaviññ° M. ⁶ Dhs. § 1415. ⁷ atthato paṭimaggam M. ⁸ °magge M. ⁹ hetu M. ¹⁰ M. inserts va.

vā jetthakam katvā maggabhāvanākāle sahajātādhipatinā siyā maggādhipatino chandacittānam añnatarajetthakakāle siyā na vattabbā maggādhipatino ti¹ dvādasavidhe rūpāvacaracatutthajjhāne sabbatthapādakacatutthādīni nava jhānāni neva maggārammaṇāni na maggahetukāni na maggādhipatī ti².

Cetopariyañāṇapubbenivāsañāṇa - anāgatasaññāṇacatutthāni³ pana ariyānam maggacittajānanakāle maggārammaṇāni honti, maggena pana asahajātattā na maggahetukāni, maggam garum katvā appavattito na maggādhipatī⁴ ti. Kasmā pan' etāni na maggam garum karontī⁵
ti? Attano mahaggatatāya. Yathā hi rājānam sabbaloko
garum karoti, mātāpitaro pana na karonti, na hi te rājānam disvā āsanā vuṭṭhahanti na añjalikammādīni karonti,
daharakāle voharitanayen' eva voharanti evam etāni pi
attano mahaggatatāya na maggam garum karonti.

Kiriyāhetukamanoviññāṇadhātu pi⁶ ariyānam maggapaccavekkhaṇakāle paccavekkhaṇapurecārikattā maggārammaṇā⁷ hoti, maggena asahajātattā pana na maggahetukā, na garum⁸ katvā appavattito⁹ na maggādhipati. Kasmā garum na karotī ti¹⁰? Attano ahetukatāya hīnatāya jaļatāya. Yathā hi rājānam sabbaloko garum karoti anto¹¹ parijanā pana khujjavāmanakaceṭakādayo attano aññāṇatāya¹² paṇḍitamanussā viya na garum karonti¹³ evam evam idam pi cittam attano ahetukatāya hīnatāya jaļatāya maggam garum na karoti. Ñāṇavippayuttakusalādīni ñāṇabhāvena¹⁴ c'eva lokiyadhammārammaṇatāya¹⁵ ca maggārammaṇādibhāvam na labbhanti, navattabbārammaṇān'eva hontī ti veditabbānī ti.

dhi C. G. ² °ādhipatino M. ³ Visuddhimagga p. 120 under the respective headings No. 4. ⁴ maggādhipatino M. ⁵ garum karum karontī C. ⁶ kiriyahetu pi M. ⁷ maggārammanam M. ⁸ maggahetukānam garum T. ⁹ maggam garum katvā apattito M. ¹⁰ na karontī ti M. T. ¹¹ attano M. ¹² aññātāya M. ¹³ nātigarum karonti M. T. ¹⁴ ñāṇābhāvena M. ¹⁵ cetalok° M.

860. Atītārammaņattike viññāņañcāyatana-neva-saññānāsaññāyatanadhammā hetthā atītasamāpattimārabbha pavattito ekantena atītārammaņā va. Niyogā anāgatārammaņā natthī ti niyamena pātiekkam cittam anāgatārammaṇam nāma natthi. Nanu ca anāgatasaññāṇam ekantena anāgatārammaṇam³ cetopariyañāṇam pi anāgatam ārabbha pavattatī ti no na pavattati. Pāţiekkam pana etam ekam cittam nāma natthi. Rūpāvacaracatutthajjhānena saṅgahitattā aññehi mahaggatacittehi missakam hoti. Tena vuttam niyogā anāgatārammaṇā natthī ti. Dve pañca viññāṇāni tisso ca manodhātuyo paccuppannesu rūpādīsu pavattito paccuppannārammaṇā nāma.

861. Dasa cittuppādā ti ettha attha tāva sahetukadevamanussānam patisandhigahaņakāle kammam vā kammanimittam vā ārabbha pavattiyam atītārammaņā. Bhavangacutikālesu es' eva nayo.

Gatinimittam pana ārabbha patisandhigahanakāle tato param bhavangakāle ca paccuppannārammanā.

Tathā pañcadvāre tadārammaņavasena pavattiyam, manodvāre pana atītānāgatapaccuppannārammaņānam javanānam ārammaņam gahetvā pavattito atītānāgatapaccuppannārammanā.

Kusalavipākāhetuka-upekhāsahagatamano-viññāṇadhātu-yam pi es' eva nayo.

Kevalam hi sahas manussesu jaccandhādīnam patisandhi hoti pañcadvāre pi santīranavasenā pi paccuppannārammanā hotī ti ayam ettha viseso.

862. Somanassasahagatā pana pañcadvāre santīraṇavasena tadārammaṇavasena ca paccuppannārammaṇā hoti. Manodvāre tadārammaṇavasena sahetukavipākā viya atītānāgatapaccuppannārammaṇā ti veditabbā. Akusalavipākamanoviñāṇadhātu pana kusalavipākāya upekkhāsahagatāhetukāya samānagatikā eva.

Dhs. § 1417.
 ² pavattino T.
 ³ oārammanā M.
 ⁴ Dhs. § 1418.
 ⁵ sā T.

Kevalam hi sā apāyikānam paţisandhibhavangacutivasena pavattatī ti. Ayam ettha viseso.

Kiriyāhetukamanoviññāṇadhātu somanassasahagatā khīṇāsavānam pañcadvāre pahatthākāram kurumānā paccuppannārammaṇā hoti. Manodvāre atītādibhedadhamme ārabbha hasituppādanavasena pavattiyam atītānāgatapaccuppannārammaṇā hoti.

863. Kāmā vacarakusalan ti ādīsu kusalato tāva cattāro ñā nasam payuttacittup pādā ² sekhaputhujjanānam atītādibhedāni khandhadhātu-āyatanāni sammasantānam paccavekkhantānam atītānāgatapaccuppannārammaņā honti. Paņņatti nibbānapaccavekkhaņena vattabbārammaņā.

Ñāṇavippayuttesu pi es' eva nayo. Kevalam hi tesam maggaphalanibbānapaccavekkhaṇā † natthi. Ayam ev' ettha viseso.

864. Akusalato cattāro diṭṭhigatasampayuttacittuppā dās atītādibhedam khandhadhātuāyatanānam assādanābhinandanaparāmāsakāle6 atītādi-ārammaṇā honti.

Pannattim ārabbha assādentassa abhinandantassa? satto ti parāmasitvā8 ganhantassa navattabbārammanā honti.

Ditthivippayuttesu pi es' eva nayo. Kevalam hi tehi parāmāsogahaņam natthi. Dve patighasampayuttacittuppādā atītādibhede dhamme ārabbha domanassitānam atitādiārammaṇapaṇṇattim ārabbha domanassitānam navattabbārammaṇā?.

865. Vicikicchuddhaccasampayuttā 10 tesu eva dhammesu anitthāgatabhāvena c'eva uddhatabhāvena ca pavattiyam atītānāgatapaccuppannanavattabbārammaṇā kiriyato attha sahetukacittuppādā kusalacittuppādagatikā eva kiriyā hetukamanoviñnāṇadhātu upekhāsahagatā pañca dvāre voṭṭhapanavasena pavattiyam paccuppannārammaṇā

sa M.
 Dhs. § 1415.
 paccavekkhaṇānam M.
 sehidhamma° M.
 Dhs. § 1412.
 assadanābhindanapar° M.
 assāssādanābhinand° T.
 abhinantassa M.
 parāmāsetvā M.
 na om. T.
 Dhs. § 1390, 1391.

va manodvāre atītānāgatapaccuppannārammaṇañ c'eva paṇṇatti-ārammaṇānañ ca¹. Javanānam purecārikakāle atītānāgatapaccuppannanavattabbārammaṇā, tathā² vuttappabhede³ rūpāvacarajjhāne sabbatthapādakacatuttham ākāsakasiṇacatuttham ālokakasiṇacatuttham brahmavihāracatuttham ānāpānacatutthan ti imāni pañca navattabbārammaṇān' eva. Iddhividhacatuttham kāyavasena cittam pariṇāmentassa atītam pādakajjhānacittam⁴ ārabbha pavattanato atītārammaṇam.

866. Mahādhātunidhāne Mahākassapattherādīnam viya anāgatam adhiţthahantānam anāgatārammaṇam hoti5. Mahākassapatthero kira Mahādhātunidhānam karonto 'anāgate atthārasavassadhikāni dve vassasatāni ime gandhā mā sussimsu pupphāni mā milāyimsu dīpāni mā nibbāyimsū ti adhiţthahi. Sabbam tath 'eva ahosi. Assaguttatthero Vattaniyasenāsane bhikkhusamgham sukkhabhattam bhuñjamānam disvā udakasondim divase divase purebhattam dadhisaram hotū ti adhiţthahi. Purebhattam dadhisaram to hotū ti adhiţthahi. Purebhattam dadhisaram to katvā adissamānena kāyena gamanakāle kāyam ārabbha pavattattā paccuppannārammaṇam hoti.

Dibbasotacatuttham vijjamānasaddam eva ārabbha pavattitapaccuppannārammaņam cetopariyañānacatuttham atītasattadivasabbhantare anāgatasattadivasabbhantare ca paresam cittam jānantassa atītārammaṇam anāgatārammaṇañ ca hoti. Sattadivasātikkame pana tam jānitum na sakkoti. Atītānāgatasaññāṇānam hi esa viseso. Na etassa paccuppannajānanakāle pana paccuppannārammanam hoti.

 ¹ °ārammaṇānañ c'eva paṇṇattinibbānārammaṇañ ca M.
 ² yathā T.
 ³ °bhedena M.
 ⁴ apādakajjh° T.
 ⁵ Dhs.
 § 1417.
 ⁶ anāgato M.
 ⁷ ime vasegandhā M.
 ⁸ dipā nibbāhimsū ti M.
 ⁹ Comp. Rhys Davids transl. of the Milindapañha II, XVIII.
 ¹⁰ dadhirassa M.
 ¹² cittasantissitam M. cittasannitam T.
 ¹³ ārammanā M.

867. Paccuppannam nām' etam tividham khaṇapaccuppannam santatipaccuppannam addhāpaccuppannam ca tattha uppādaṭṭhitibhaṅgappattam khaṇapaccuppannam.

Eka-dvi-santativārapariyāpannam santatipaccuppannam. Tattha andhakāre nisīditvā ālokatṭhānam³ gatassa na tāva ārammaṇam pākaṭam hoti. Yāva⁴ pana tam pākaṭam hoti etthantare ekadvisantativārā veditabbā. Ālokaṭṭhāne pi ācaritvā⁵ ovarakam paviṭṭhassā pi na tāva sahasā rūpam pākaṭam hoti. Yāva tam pākaṭam hoti etthantare ekadvi-santativarā veditabbā.

Dūre thatvā pana rajakānam hatthavikāram gaņdi-bheriādi-ākotana-vikāram pi disvā pi na tāva saddam suņāti. Yāva pana tam suņāti etasmim pi antare eka-dvi-santativārā veditabbā. Evan tāva Majjhimabhāṇakā.

Samyuttabhāṇakā pana rūpasantati vā arūpasantatī ti dve santatiyo ti vatvā udakam atikkamitvā gatassa yāva tīre akkanta-udakalekhā na vippasīdati addhānato āgatassa yāva kāye usumabhāvo na vūpasammati ātapā āgantvā gabbham pavitthassa yāva andhakārabhāvo na vigachati anto gabbhe kammatthānam manasikaritvā divā vātapānam vivaritvā olokentassa yāva akkhīṇam phandanabhāvo na vūpasammati ayam rūpasantati nāma.

Dve tayo javanavārā arūpasantati nāmā ti vatvā tad ubhayam pi santatipaccuppannam nāmā ti vadanti.

868. Ekabhavaparicchinnam pana addhāpaccuppannam nāma⁸ sandhāya Bhaddekarattasutte⁹:

Yo c'āvuso mano ye ca dhammā sampayuttā ubhayam etam paccuppannam, tasmim paccuppanne chandarāgapaţibaddham hoti viñnāṇam, chandarāgapaţibaddhattā viñnāṇassa tad abhinandati, tad abhinandanto paccuppannesu dhammesu samhīratī o ti vuttam.

Visuddhimagga p. 120 s. v. cetopariyañāṇa No. 7.
 ² oṭṭhitavibhangampattam M.
 ³ ākālokaṭṭhānam M.
 ⁴ yā M.
 ⁵ varitvā T. cāritvā C. G.
 ⁶ tiro T.
 ⁷ agatassa M.
 ⁸ T. inserts yam.
 ⁹ the 131 d sutta of the Majjhima.
 ¹⁰ sambhīratī T.

Santatipaccuppannam c'ettha atthakathāsu āgatam, addhāpaccuppanam sutte. Tattha keci khaṇapaccuppannam cittam cetopariyañāṇassa ārammaṇam hotī ti vadanti. Kim kāraṇā? Yasmā iddhimassa parassa ca ekakkhaṇe cittam uppajjissatī ti idañ ca tesam opammam.

869. Yathā ākāsakkhitte pupphamutthimhi avassam ekam puppham ekassa vaņtena vaņtam pativijjhati² evam parassa cittam jānissāmī ti rāsivasena mahājanassa citte āvajjite avassam ekassa³ cittam ekena cittena uppādakkhaņe vā thitikkhaņe vā bhangakkhaņe vā pativijjhatī ti. Tam pana vassasahassam pi āvajjante yena cittena āvajjati yena ca jānāti tesam dvinnam sahatthānābhāvato āvajjanañ ca javanānañ ca anitthe thāne nānārammaṇabhāvappattidosato⁴ ayuttan ti atthakathāsu patikkhittam. Santatipaccuppannam pana addhāpaccuppannañ ca⁵ ārammaṇam hotī ti veditabbam. Tattha yam vattamānajavanavīthito⁶ atītānāgatavasena ca tatiyajavanavīthiparimāņe⁶ kāle parassa cittam tam sabbam pi santatipaccuppannam nāma. Addhāpaccuppannam pana javanavāreṇa dīpetabban³ ti yam atthakathāyam vuttam tam suṭthu vuttam?.

870. Tatrāyam dīpanā: Iddhimā parassa cittam jānitukāmo āvajjati. Āvajjanam khaņapaccuppannam ārammaņam katvā ten' eva saha nirujjhati. Tato cattāri pañca javanāni. Yesam pacchimam iddhicittam sesāni kāmāvacarāni tesam sabbesam pi tad eva niruddham cittam ārammaņam hoti na ca tāni nānārammaņāni honti. Addhāpaccuppannavasena paccuppannārammaņattā ekārammaņāni ekārammaņatte pi ca iddhicittam eva parassa cittam jānāti na itarāni. Yathā cakkhudvāre cakkhuviñnāņam eva rūpam passati na itarānī ti idam santatipaccuppannassa c'eva addhāpaccuppannassa ca vasena paccuppannā-

uppajjatī ti M.
 ekassa vaņţam paţivijjhati vaņţena vaṇţam paţivijjhati M.
 etassa C. G.
 dotato M.
 ajjhāpaccuppannañ ca M.
 ojavanapitito M.
 dvi ti javana vithi parimāṇakale M.
 dvattiyajavana T.
 dvīpetabban M.
 suvuttam M.
 cattāro M.
 tesani M.

rammaṇam¹ hoti. Yasmā vā santatipaccuppannam pi addhāpaccuppanne yeva patati tasmā addhāpaccuppannavasen'etam paccuppannārammaṇan ti veditabbam.

871. Pubbenivāsanāņacatuttham nāma gottānussaraņe 2 nibbānanimittapaccavekkhaņe ca navattabbārammaņassa kāle atītārammaņam eva. Yathā kammūpaganāņacatutham 3 pi atītārammaņam eva.

Tattha4 kiñcā pi pubbenivāsacetopariyañāṇāni pi atītāram-maṇāni 5 honti, atha kho tesam pubbenivāsañāṇassa atītā khandhā khandapaṭibaddhañ ca kiñci anārammaṇam nāma natthi. Tam hi atītakkhandhakhandhūpanibaddhesu 6 dhammesu sabbañnutañāṇasamagatikam hoti.

Kiñcā pi⁷ cetopariyañāṇassa ca³ sattadivasabbhantarātītam cittam eva ārammaṇam tam aññam khandham vā khandhapaṭibaddham vā na jānāti. Maggasampayuttacittācittārammaṇattā pariyāyato maggārammaṇan ti vuttam.

Yathākammūpagañāṇassa atītam cetanāmattam eva ārammanan ti ayam viseso veditabbo.

872. Ayam ettha atthakathānayo. Yasmā pana kusalakkhandhā iddhividhañāṇassa cetopariyañāṇassa pubbenivāsānussati-ñāṇassa yathākammūpagañāṇassa anāgatasaññāṇassa ārammaṇapaccayena paccayo ti Patthāne vuttam. Tasmā cattāro pi khandhā cetopariyañāṇa-yathākammūpagañāṇānam ārammaṇā honti. Tatrā pi yathākammūpagañāṇassa kusalākusalā evā ti dibbacakkhuñāṇacatuttham vijjamānavaṇṇanārammaṇattā paccuppannārammaṇam eva anāgatasaññāṇacatuttham anāgatārammaṇam eva. Taṃ hi anāgatadhakhankhandhūpanibaddhesu dhammesu pubbenivāsañāṇam viya zabbaññutañāṇasamagatikam hoti. Tattha kiñcā pi cetopariyañāṇam pi anāgatārammaṇam hoti. Taṃ pana sattadivasabbhantare uppajjanacittam eva



¹ ārammaņā C. G. T. ² °ānussaraņo C. T. ³ Visuddhimagga p. 121. ⁴ Yattha M. ⁵ °ārammaņā M. ⁶ °khandhapaţi° M. ⁷ om. M. ⁸ va M. ⁹ anāgatam saññ° T. ¹⁰ °ūpanibandhesu C. G. ¹¹ °khandhapaţibaddhesu dhammesu pubbenivāsañāṇaṃ viññāṇaṃ viya M.

ārammaņam karoti. Idam anāgate kappasatasahasse uppajjanakacittam pi khandham pi khandhūpanibaddham pi.

873. Rūpāvacaratikacatukkajjhānādīni atītānāgatapaccupannesu ekadhammam pi ārabbha pavattito ekantanavattabbārammaṇān evā ti veditabbāni.

874. Ajjhattattike anindriyabaddharūpañ ca nibbānañ ca bahiddhā ti idam yathā indriyabaddhaparapuggalasantāne bahiddhā ti vuccamānam pi tassa attano santānapariyāpannattā niyakajjhattam pi hoti evam 3 na kenaci pariyāyena ajjhattam hotī ti niyakajjhattapariyāyassa abhāvena bahiddhā ti vuttam, na niyakajjhatthamattassa asambhavato. Niyakajihattamattassa pana asambhavamattam sandhāya ajjhattārammaņattike bahiddhārammaņatā vuttā. Ajjhattadhammāpagamamatto va4 ākiñcaññāyatanārammaņassa ajjhattabhāvam pi bahiddhābhāvams pi ajjhattabahiddhabhavam6 pi ananujanitva akincannayatanam na vattabbam, ajjhattārammaņan ti pīti-ādi vuttam. na kevalam tad eva na vattabbārammaņam, tassa pana āvajjanam pi upacāracittāni pi tass' ārammaņassa paccavekkhanacittāni pi tass' eva assādanādivasena pavattāni akusalacittāni pi na vattabbārammaņān' eva. Tāni pi tasmim vutte vuttān' eva hontī ti visum na vuttāni.

Katham? Vuttān' eva hontī ti. Etam hi ākiñcaññāyatanam yañ ca tassa purecārikam āvajjana-upacārādivasena pavattam tena saha ekārammanam bhaveyya tam sabbam atītārammanattike kāmavacarakusalam akusalam kiriyato nava cittuppādā rūpāvacaracatutthajjhānan ti evam vuttānam etesam cittuppādānam siyā navattabbā atītārammanā pītiādinā nayena navattabbārammanābhāvassa anuññātattā ākiñcaññāyatanassa ca ākiñcaññāyatanam cattāro maggā apariyāpannā cattāri ca sāmaññaphalāni ime dhammā navattabbā atītārammanā pīti evam ekantena navattabbārammaṇattañ ca navattabbārammaṇan ti vuttam.

bhāvam M. 6 oddhabhāvam M. 7 te saha M.

khandhapatibaddh^o M.
 Dhs. § 1420. ^ojhānāni M.
 M. adds nayena.
 ⁴ ^ogamamattato ca M.
 ⁵ bahiddha-

875. Idāni tam ajjhattārammaņattike ekam pi vuccamānam yasmā hetthā tena saha ekārammaņābhāvam pi sandhāya kāmāvacarakusalādīnam navattabbārammaņattā vuttā tasmā idhā pi tesam navattabbārammaņabhāvam dīpeti. Ko hi tena saha ekārammaṇānam navattabbārammaṇābhāve antarāyo ti evam etasmim vutte vuttān eva hontī ti veditabbāni. Sesam ettha ajjhattārammaṇattike pāļito uttānam eva. Ārammaṇavibhāge pana viñnāṇancāyatanam nevasañnanāsañnāyatanam ti ime sattā ca kusalavipākakiriyavasena channam cittuppādānam attano santānabaddham hetthimasamāpattim ārabbha pavattito ajjhattārammaṇatā veditabbā.

876. Ettha ca kiriyam ākāsānancāyatanam kiriyavinnānancāyatanass' eva ārammanam hoti na itarassa. Kasmā? Ākāsānancāyatanakiriyasamangino kusalassa vā vipākassa vā vinnānancāyatanassa abhāvato. Kusalam pana kusalavipākakiriyānan tinnam pi ārammanam hoti. Kasmā? Ākāsānancāyatanakusalam nibbattetvā thitassa tato uddham tividhassā pi vinnānancāyatanassa uppattisambhavato. Vipākam pana na kassaci ārammanam hoti. Kasmā? Vipākato vutthahitvā cittassa abhinnārasambhavato. Nevasannānāsannāsannāyatanassa ārammanakarane pi ca es' eva nayo.

Rūpāvacaratikacatukkajjhānādīnam⁵ sabbesam pi niyakajjhattato bahibhāvena ⁶ bahiddhābhūtāni paṭhavīkasiṇādīni ārabbha pavattito bahiddhārammaṇatā veditabbā.

Sabbe va kāmāvacarakusalākusalavyākatadhammā rūpāvacaracatutthajjhānan ti ettha kusalato tāva cattāro ñāṇasampayuttacittuppādā attano khandhādīni paccavekkhantassa ajjhattārammaṇā, paresam khandhādi-paccavekkhaṇe pana paṇṇatti-nibbānapaccavekkhaṇe ca bahiddhārammaṇā, tadubhayavasena ajjhattabahiddhārammaṇā. Ñāṇavippayuttesu pi es' eva nayo. Kevalam tesam nibbāna-

Dhs. § 1419.
 ekāramaṇam M.
 santhānasambandham M.
 Rūpāvacaratikkacatukko M. T.
 bahiddhābhāvena M.
 paccavekkanta ajjhatto C.

paccavekkhaṇam natthi. Akusalato cattāro diṭṭhisampa-yuttacittuppādā attano khandhādīnam assādanābhinandana-parāmāsagahaṇakāle ajjhattārammaṇā parassa khandhādīsu c 'eva anindriyabaddharūpakasiṇādīsu ca tath' eva pavattikāle bahiddhārammaṇā, tadubhayavasena pavattiyam ajjhattabahiddhārammaṇā. Diṭṭhivippayuttesu pi es' eva nayo. Kevalam hi tesam parāmāsagahaṇam natthi. Dve paṭighasampayuttā attano khandhādīsu domanassitassa ajjhattārammaṇā parassa khandhādīsu ceva anindriyabaddharūpapaṇṇattīsu ca bahiddhārammaṇā, tadā ubhayavasena ajjhattabahiddhārammaṇā. Vicikicchuddhaccasampayuttānam pi vuttappakāresu dhammesu vicikicchanacittabhāvavasena pavattiyam ajjhattādi-ārammaṇatā veditabbā.

877. Dve pañca viññāṇāni tisso manodhātuyo' ime terasa cittuppādā attano rūpādīni ārabbha pavattiyam ajjhattārammaṇā, parassa rūpādīsu pavattā bahiddhārammaṇā, tadubhayavasena ajjhattabahiddhārammaṇā. Somanassasahagatā ahetukavipākamanoviññāṇadhātu pañcadvārasantīraṇatadārammaṇavasena attano pañca rūpādidhamme manodvāre tadārammaṇavasen' eva aññe pi ajjhattike kāmāvacaradhamme ārabbha pavattiyam ajjhattārammaṇā, paresam dhammesu pavattamānā bahiddhārammaṇā, ubhayavasena ajjhattabahiddhārammaṇā. Upekhāsahagatavipākāpetukamanoviññāṇadhātudvaye pi es' eva nayo.

Kevalam pan' etā sugatiyam duggatiyan ca paţisandhibhavangacutivasenā pi ajjhattādibhedesu ca kammādīsu vattanti. Aṭṭha mahāvipākacittāni pi tāsam yeva dvinnam samagatikāni. Kevalam pan'etāni santīranavasena pavattanti. Paṭisandhibhavangacutivasena tesam sugatiyam yeva pavatti.

878. Somanassasahagatā hetukakiriyā pañcadvāre attano rūpādīni ārabbha pahatthākārakaraņavasena pavattiyam ajjhattārammanā.

¹ om. M. T. ² domanassa ajjh⁰ M. ³ om. M. ⁴ om. M. T. ⁵ vicikicchanaphandatāvasena M. ⁶ ti T. M. add. ⁷ om. M.

⁸ Dhs. § 1420. 9 ti M. 10 T. inserts na. 11 etāni M.

Parassa rūpādīsu pavattā bahiddhārammaṇā manodvāre Tathāgatassa Jotipālamāṇava-Makhādevarāja-Kaṇhatāpa-sādikālesu attanā katakiriyam paccavekkhantassa hasit-uppādavasena pavattā ajjhattārammaṇā, Mallikāya deviyā Santati-mahāmattassa Sumanamālākārassā ti evam ādīnam kiriyākaraṇam ārabbha pavattakāle bahiddhārammaṇā, ubhayavasena ajjhattabahiddhārammaṇā.

879. Upekhāsahagatakiriyāhetukamanoviñnāṇadhātu pancadvāre voṭṭhapana-vasena manodvāre ca āvajjanavasena pavattiyam ajjhattādi-ārammaṇā aṭṭhamahākiriyākusalacittagatikā veva. Kevalam hi tā khīṇāsavānam uppajjanti kusalāni sekha-puthujjanānan ti etthakam ev'ettha nānākaraṇam.

Vuttappakāre⁶ rūpāvacaracatutthajjhāne sabbattha pādakacatutthādīni pañca jhānāni imasmim tike okāsam labhanti. Etāni hi kasiņapaņņatti-nimitta-ārammaņattā bahiddhārammanāni.

880. Iddhividhacatuttham 7 kāyavasena cittam cittavasena vā kāyam parinamanakāle bahiddhārammaņam attano kumāravannādi-nimmānakāle ca sakkāyacittānam 8 ārammaņakaranato? ajjhattārammanam, bahiddhā hatthi-assādidassanakāle 10 bahiddhārammanam, kālena 11 ajjhattam kālena bahiddhā pavattiyam ajjhattabahiddhārammanam.

Dibbasotucatuttham attano kucchi-saddasavanakāle ajjhattārammaṇam, paresam saddasavanakāle bahiddhārammaṇam, ubhayavasena ajjhattabahiddhārammaṇam.

Ceto-pariyañāṇacatuttham paresam cittārammaṇato bahiddhārammaṇam eva. Attano cittajānane pana tena payojanam natthi.

Pubbenivāsacatuttham attano khandhānussaraṇakāle ajjhattārammaṇam, parassa khandhe anindriyabaddham rūpam tisso ca paṇṇattiyo anussaraṇato bahiddhārammaṇam, ubhayavasena ajjhattabahiddhārammaṇam.

¹ Jāt. I, 137 seq. ² Milindap. p. 115. ³ Dhp. 307—311.

⁴ kiriyā om. T. 5 °puthujjanan M. 6 °pakārena M.

⁷ Visuddhimagga p. 119. 8 sakakāya citto M. 9 ārammanato M. 10 assādinimānakāle M. 11 kāle T.

Dibbacakkhucatuttham attano kucchigatādi-rūpadassanakāle ajjhattārammaṇam, avasesa-rūpa-dassanakāle bahiddhārammaṇam, ubhayavasena ajjhattabahiddhārammaṇam.

Anāgatasaññāṇacatuttham attano anāgatakhandhānussaraṇakāle ajjhattārammaṇam, parassa anāgatakhhandhānam vā anindriya-baddhassa ca rūpassa anussaraṇakāle bahiddhārammaṇam, ubhayavasena ajjhattabahiddhārammaṇam.

Ākincannāyatanassa navattabbārammaņatāya kāraņam hetthā vuttam veva. Hetugocchakaniddese tayo kusalā hetū ti ādinā nayena hetum dassetvā puna te yeva uppattithānato dassetum catūsu bhūmīsu kusalesu uppajjatī ti ādi vuttam.

Iminā upāyena sesagocchakesu pi desanānayo veditabbo. 881. Yattha dve tayo āsavā ekato uppajjantī ti ettha tividhena āsavānam ekato uppatti veditabbā.

Tattha catūsu ditthivippayuttesu avijjāsavena ditthisampayuttesu ditthāsavā avijjāsavehi saddhin ti kāmāsavo duvidhena ekato uppajjati. Bhavāsavo catūsu ditthivippayuttesu⁷ avijjāsavena saddhin ti ekadhā va ekato uppajjati.

Yathā c'ettha evam yattha dve tīni samyojanāni ekato uppajjantī ti etthā pi samyojanānam uppatti ekato dasadhā bhave.

882. Ettha⁸ kāmarāgo⁹ catudhā ekato uppajjati, patigho¹⁰ tidhā, māno ekadhā, tathā vicikicchā c'eva bhavarāgo ca. Katham? Kāmarāgo tāva mānasamyojana-avijjāsamyojanehi c'eva ditthisamyojanāvijjāsamyojanehi c'eva sīlabbataparāmāsa-avijjāsamyojanehi ca avijjāsamyojanamatten' eva saddhin ti evam catudhā ekato uppajjati. Patigho pana issāsamyojana-avijjāsamyojanehi c'eva macchariyasamyojana-avijjāsamyojanehi ca avijjāsamyojanamatten' eva saddhim ¹¹ evam tidhā ekato uppajjati. Māno bhavarāgaavijjāsamyojanehi saddhim ekadhā ekato

Digitized by Google

vuṭṭhā M. ² Dhs. § 1424. ³ kusalahetu M. ⁴ sutvā M.
 kusale T. ⁶ Dhs. § 1448. ⁷ ca sudiṭṭhi ^o T. ⁸ Tattha M. T.
 Dhs. § 1460. ¹⁰ T. inserts so. ¹¹ T. inserts ti.

uppajjati. Tathā vicikicchā. Sā hi avijjāsamyojanena saddhim ekadhā uppajjati. Bhavarāge pi es' eva nayo ti. Evam ettha dve tīņi samyojanāni ekato ekato uppajjanti.

883. Yam p'etam nīvaranagocchake zyattha dve tīni nīvaranāni ekato uppajjantī ti vuttam tatthā pi atthadhā nīvaranānam ekato uppatti veditabbā.

Etesu hi kāmacchando duvidhā ekato uppajjati², vyāpādo catudhā, uddhaccam ekadhā, tathā vicikicchā. Katham? Kāmacchando tāva asankhārikacittesu uddhaccanīvaraṇa-avijjānīvaraṇehi³ sasankhārikesu⁴thīnamiddha-uddhacca-avijjānīvaraṇehi saddhim dvidhā ekato uppajjati.

884. Yam pan' etam dve tīnī ti vuttam tam heṭṭhima-paricchedavasena vuttam. Kasmā? Catunnam pi ekato uppatti yujjati 5. Evam 6 vyāpādo pana asaṅkhārikacitte uddhacca-nīvaraṇa-avijjānīvaraṇehi asaṅkhārike thīnamiddha-uddhacca-avijjānīvaraṇehi sasaṅkhārike yeva uddhaccakukkucca-avijjānīvaraṇehi sasaṅkhārike yeva thīnamiddha-uddhacca-kukkucca-avijjānīvaraṇehi saddhin ti catudhā ekato uppajjati. Uddhaccam pana avijjānīvaraṇamattena saddhim ekadhā va ekato uppajjati, vicikicchā-uddhacca-avijjānīvaraṇehi saddhim ekadhā va ekato uppajjati.

885. Yam p'idam kilesagocchake⁷ yattha dve tayo kilesā ekato uppajjantī ti vuttam tattha dve kilesā aññehi tayo vā kilesā aññehi kilesehi saddhim uppajjantī ti evam attho veditabbo. Tasmā dvinnam tinnam yeva vā ekato uppattiyā asambhavato tattha dasadhā kilesānam ekato uppatti hoti.

Ettha hi lobho chadhā ekato uppajjati patigho dvedhā tathā moho ti veditabbo. Katham? Lobho tāva asankhāriko⁸ ditthi-vippayutto⁹ moha-uddhacca-ahirika-anottappehi sasankhāriko yeva mohathīna-uddhacca-ahirika-anottappehi sasankhāriko¹⁰ yeva moha-māna-uddhacca-ahirika-

yutte M. 10 sasankhārike M.

Dhs. § 1486.
 uppajjatī ti M.
 onivaraņao M.
 sañkhārikesu M.
 uppajjatī ti vacanam yujjati eva M.
 om. M.
 Dhs. § 1548.
 asankhārike M.
 ovippa-

rika-anottappehi sasankhāriko yeva ca. Mohamānathīnauddhacca-ahirika-anottappehi diṭṭhivippayutto pana asankhāriko moha-uddhacca-diṭṭhi-ahirika-anottappehi sasankhāriko moha-diṭṭhi-thīna-uddhacca-ahirika-anottappehi saddhin ti chadhā ekato uppajjati.

Patigho pana asankhāriko moha-uddhacca-ahirika-anottappehi sasankhāriko moha-thīna-uddhacca-ahirika-anottappehi saddhin ti dvidhā ekato uppajjati. Moho pana vicikicchāsampayutto vicikicchuddhacca-ahirika-anottappehi uddhaccasampayutto uddhacca-ahirika-anottappehi saddhin ti evam dvidhā ekato uppajjati. Sesam sabbattha uttānattham evā ti.

Atthasāliniyā Dhammasanganiyatthakathāya atthakathā-kandavannanā nitthitā.

Ettāvatā ca

Cittam rūpañ ca nikkhepam atthuddhāram manoramam Yam Lokanātho bhājento desesi Dhammasanganim.

Abhidhammassa sangayha dhamme anavasesato Thitāya tassā āraddhā yā mayā atthavannanā?

Anākulānam⁸ atthānam sambhavā Atthasālinī Iti nāmena sā dāni sannitthānam upāgatā⁹. Ekūnacattālīsāya pāļiyā bhānavārato Ciratthitattham dhammassa nitthāpentena tam mayā

sasankhārike M.
 diţţhisampayutte M.
 sasankhārike M.
 chaddā C.
 chaţţhā T.
 sasankhārike M.
 sasankhārike M.
 sasankhārike M.
 atthavannanā M.
 Anākusalānam M.
 Iti nāmena bhāsanti sanniţţho C. G. Iti nāmen'assa esa sanniţţho M. Itināmena sa sanniţţhānam upāgatā ţhānā Westergaard Catal.

Yam pattam¹ kusalam tassa ānubhāvena² pāṇino Sabbe saddhammarājassa ñatvā dhammam sukhāvaham³ Pāpuṇantu visuddhāya sukhāya paṭipattiyā Asokam anupāyāsam nibbānasukham uttamam. Ciram tiṭṭhatu saddhammo dhamme hontu sagāravā⁴ Sabbe pi sattā kālena sammā devo pavassatu. Yathā rakkhimsu porāṇā surājāno tath' ev' imam Rājā rakkhatu dhammena attano va pajam pajan ti.

Paramavisuddha-saddhā-buddhi-viriyapatimaņditena sīlācārajjavamaddavādiguņa-samudayasamuditena yantaragahanajjhogahanasamatthena paññaveyyattiyasamannāgatena tipiţakapariyattippabhede sātthakathe Satthu sāsane appaţihata-ñāṇappabhāveṇa mahāveyyākaraṇena karanasampattijanitasukhaviniggatamadhurodāravacanalāvannavuttena vuttamuttavādinā vādivarena mahākavinā pabhinnapaţisambhidāparivārachaļabhiññādippabhedaguņapatimandite uttarimanussadhamme suppatiţţhitabuddhīnam theravamsappadīpānam therānam Mahāvihāravāsīnam Vamsālankārabhūtena vipulavisuddhabuddhinā Buddhaghoso ti garūhi gahitanāmadheyyena therena katā ayam Atthasālinī nāma Dhammasangahatthakathā.

Tāva tiṭṭhatu lokasmim lokanittharanesinam Dassentī kulaputtānam nayam paññāvisuddhiyā Yāva Buddho ti nāmam pi suddhacittassa tādino Lokamhi lokajeṭṭhassa pavattati mahesino.

sampannam West.
 vaham M.
 sakāravā M.

Imam likhitapuññena Metteyyam upasamkami Patitthahitvā saranesu patitthāmi sāsane. Mama mātāpitācariyā hitā ca ahitā ca me Puññan tam anumoditvā ciram rakkhantu te mama.

> Siddhir astu Subham astu.

INDEX OF PROPER NAMES.

A

Aggivessana 378 Aciravatī 142 Ajapālanigrodha 35 Ajita 351 Aññākoṇḍañña 35 Anotattadaha 16 Anomānadī 34 Aparagoyāna 298 Abhayatthera 399 Ambariyavihāra 103 Assakaṇa 298 Assagutta 419

Ā

Ānanda 5, 88 Ālāra Kālāma 34

I

Iddhiya 32 Isipatana 35

Ī

Īsadhara 298

U

Uttarakuru 16, 298 Uttaravaddhamānapabbata 103 Uttiya 32 Udāyi 163 Uddaka 34 Upaka 35

K

Kanhatāpasa 294, 426 Kanthaka 34 Karavīka 298 Kassapa 17 Kākavaliya 162 Kāla 34 Kāļavallimandapa 399 Kāsipura 35 Kelāsakūta 334 Kosalakā 305 Kosiyaputta 32

G

Gangā 140, 142 Gandambarukkha 13 Girikandaka 116 Guttasālagāma 398 Godhāvarī 140 Gosingasālavana 29

C

Cakkana 103 Cittalapabbata 351, 399 Cūlābhayatthera 230 Cetiyapabbata 200

Index of proper names. \mathbf{Ch} \mathbf{P} Channa 34 Pandarapabbata 34 Paņdukambalasilāsana 1 J Pāţikaputta 13 Jambudīpa 298 Pātaliputta 88 Jetavana 273 Pingalabuddharakkhita 103 Jotipālamāņava 294, 426 Piyajāli 32 Piyadassi 32 T Piyapāla 32 Tambapanni 2 Punnakasetthi 162 Tipiṭaka-Cūlanāgatthera 229, Punnavalliya 116 230, 266, 267, 284 Pubbavideha 298 Tipiṭaka - Mahādhammarak-Penambangana 399 khitatthera 267, 278, 286, Potthapāda 360 287 Tissa 390 Tissadattamitta 87 Bandhumatī 415 Tissabhūti 30 Bandhumā 415 Tusitapura 35 Buddhaghosa 1, 430 Brahmavatī 415 $\mathbf{T}\mathbf{h}$ Therambatthalena 187 Bh Bhaddaji 32 \mathbf{D} Bhaddanāma 32 Datta 390 Bhārukacchakā 305 Dattābhayatthera 268 Dāsaka 32 M Dīpankara 31 Makhādevarājā 294, 426 Duţţhagāminī Abhaya 81 Magadharājā 34

Dh

Dhammarājā passim Dhammasenāpati passim Dhammiya 32

N

Nakulanagaragāma 398 Nāgasena 114, 119, 120, 142 Nemindhara 298 Neranjara 34

Mangalapokkharani 33 Mandalārāma 30 Mallikā 426 Mahākassapa 1, 4, 27, 419 Mahāgatimbayatissadatta 11 Mahātissa 116 Mahādattatthera 230, 284, 286 Mahānāgatthera 399 Mahānāgarājā 399 28

Mahābodhipallanka 13, 31 Mahābodhimanda 30 Mahārohanagutta 187 Mahāvanasanda 34 Mahāsangharakkhitatthera 268 Mahāsammata 390, 392 Mahāsīvatthera 405 Mahinda 1 Mahī 142 Māgadhakā 305 Māra 17, 34 Mucalinda 35 Metteyya 361, 415, 430 Moggaliputtatissa 4, 6, 32 Moggallāna 29, 236, 277 Moravāpi 230, 267, 284, 286

 \mathbf{Y}

Yamaka 8, 13 Yugandhara 298

R

Rājagaha 29, 34 Revata 32

 \mathbf{v}

Vakkali 351 Vattakālakagāma 116 Vattaniyasenāsana 419 Vāsettha 390 Vinataka 298 Vipassī 414 Visākha 305 Visudatta 32 Vissakamma 33 Vedehamuni 1

S

Sangharakkhitatthera 200 Santatimahāmatta 426 Sandeha 32 Samiddhi 88 Sambala 32 Sarabhū 142 Sāketa 267, 284 Sāriputta 9, 16, 29, 32, 208, 236, 384, 410 Sāvatthi 16, 272 Siggava 32 Sineru 298 Sīhaladīpa 103 Sujātā 34 Sudassana 298 Sumanamālākāra 426 Sumanā 162 Subrahmā 415 Senāninigama 34 Sonaka 32 Sobhita 32

 \mathbf{H}

Himavā 298

This volume is printed at the expense of EDWARD T. STURDY.

Printed by W. Drugulin, Leipzig (Germany).